







Cim 8090 -





1773



CHRISTOPHORI VARSEVICII Turcicę Quatuordecim.

HIS ACCESSERVNT OPVSCVLA DVO.

L. Friderici Cériole, de Concilio & Consiliariis Prin-
cipis, ex Hispanico in Latinum versum vnum,
& de Legato Legationeque eiusdem
Varseuicii alterum.

Omnia his rebus & temporibus accommodata.



Ex Cathalago Librorum. Stanislaus Wic:
czerkowsky A. A. 1628. Engraving

Ex libris Martini
Bibliotheca Collegii Majoris
Universitatis Cracoviae
Ex libris Martini
Guronis

Ex libris Martini
Guronis

CRACOVIAE,

In Officina Lazari, Anno Domini,

M. D. XCV.

SERENISS. PRINCIPI,
 & Domino, Domino
 SIGISMUNDO III.
 REGI POLONIAE ET SVECIAE.
 S. P.



Cum una ex Suecia tecum, Sigismunde Rex, Dan-
 tiscum appulsem, & de maiori quotidie Europæ
 à Turcis incendio accepissem nuncium, ut minori
 omnia, quæ summa hic requiruntur, habeam, pro
 antiquioris parentis patriæ charitate, facere non
 potui, ac nec debui quidem, quominus prioribus Tur-
 cicis meis tribus, quibus olim Turcam Persico bello
 occupatum urgendum suadebam, undecim alias
 adiungerem, & Philippicarum Ciceronis instar, dispari licet ingenij & elo-
 quentiæ laude, sub tuo sacro nomine peruulgarem. Utinam saltem alium
 quàm olim M. Tullij exitum (quæ tamen in lucem veritatis proferri debuit)
 mea sortiatur commentatio. Sed utcunq; tandem euenerit, modò Respub.
 salua sit, non laborabo. Omnia quippè omnium regnorum Comitia, sed Po-
 lonici maxime, perpetuam belli Turcici meditationem continere est necesse,
 utpotè cum pleriq; christianorum bella, pax, & ocium, solum illud Turcicum
 immaturè & intempestivè gestum, seruitus & exitium consequatur. Qua
 etiam de causa, magnus ille Tarnouius Comes, Polonis suis perpetuò vigilan-
 dum, & Turcæ fœderibus nunquam fidendum esse censebat, cum ille Po-
 lonos tanquam in quodam viuario ad certam prædam sibi seruaret, ne in-
 terim binis in locis simul bellum gerere cogeretur. Quod quàm firmis rati-
 onibus adductus tum suaserit, cum & Solymanum aliis Otthomanis fœde-
 ribus colendis constantiorem, & Hungariam adhuc integriorem videret,
 non facile dixerò; næ haud quidem & parum illum vidisse, & in artibus
 tam bellicis quàm urbanis exercitatum fuisse, dubitanter affirmabo: loque-
 batur enim ut multi, sentiebat ut pauci; quod illius solidæ, rerum dominæ
 argumentum erat sapientiæ. Atq; idem ille, cum propter Rhodum tanquam
 nidulum quendam, Ionio mari inclusum, à Solymano Turca captum, cum
 Sigismundo suo Rege abiectis ornamentis, vestem pullam induit, hacq; nati-
 one dolorem suum maximum præ se tulit; quid iam faceret vicino Hunga-
 riæ regno, decore & præsidio christiani nominis, & Polonici regni patri-
 monio, annonæq; subsidio ambusto, & ceu quodam mortuo cadauere intu-
 endo? Omnis profectò arcendis malis procrastinatio periculosa est, sed vi-
 cino ardente pariete periculosissima. Quò etiam magis, dum his tot tan-

tisq; , quæ nos manent, malis medicinam disquiro, & quæ ad rem quadrare possint, mecum ipse attentius considero; adieci his Turcicis, vel opuscula, alia duo, L. Friderici Ceriole, de Concilio, & Consiliariis Principis: vnum ex Hispanico in Latinum versum, quod inter tot & tantos præstantes Senatores tuos, quem, vnum alteri hac in parte præposuisssem, nescius; tandem Illustriss. Principi Cardinali Radiuilo, utpote Hispanicæ linguæ, morum, & institutorum gnaro, inscribere placuit: & de legato, legationeq; meum opusculum alterum, perillustri viro, Stanislao Minscio, Palatino Lanciciensi, qui tanta cum dignitate, tuo nomine, obiit legationem Romæ dedicatum; ut quoniam hæc dubia & formidolosa Reipub. tempora, ad res quasq; maximas tractandas, & conficiendas, Consiliariis & legatis idoneis opus habeant. Abeant interim leuiora negotia alia: & tu, qui sicuti præesse, sic & debes omnibus virtute præiuisse, quoad eius fieri per occupationes magis poterit, hos Consiliarios mutos, tuis aliquando consultationibus etiam adhibeto; quos olim ille Alphonsus Arragonum & Neapoleos Rex, verè appellatus sapiens, optimos & vnicissimos esse censebat: præsertim cum Ceriola ex media virorum Principum orbis terræ luce, salutarium consiliorum & institutorum doctis præceptionibus, & apposis exemplis, tantus auctor fuerit, quantus dici & haberi maximus hac tempestate potuerit. Quem biennio ante Ioannes Ceuenhilerus, Cæsareus in Hispaniis legatus, vir summus in eas nauigaturus, diem suum obiisse, iussit mihi nunciari. Quod idè commemoro, ne aut falsam apud mortuos venari gratiā, aut transferendis idiomatibus in latinū externis ostentare velle videar industriā; quorum alterum stuporis, alterum esset vanitatis. De meis interim monimentis aliorum esto iudicium: & imprimis, Rex optime, tuum, cui pro mea tenui & infirma parte, ad hoc tam necessarium bellum aliis quoq; excitandis, immò & patriæ ipsi, si quid officij præstitero, id equidem Deo Opt: Max: acceptum feram; sin secus peccatus meis adscribam, & nihilominus pro veteri meo & laborioso genere & instituto vitæ, ad posteritatis temporis memoriā, hanc quantulamcunq; meam, cum aliis, quæ mox & plures & grauiores sequentur, relinquam lucubrationem, testem meæ perpetuæ erga te obseruantia, & constantissimæ in Rempub. voluntatis, quam omnibus in rebus perspicies, quæ ad eius tuamq; amplitudinem maxime pertinebunt. Quod reliquum est felix, & augustum, æquabile diuturnumq; imperium, & de hæreditariis christiani nominis & seminis hostibus desideratam victoriam diuinitus tibi precor. Cincouie Idib. Febr. Anno 1595.

Sacræ Maiestatis vestræ Regiæ

Deuotissimus & fidi-
mus subiectus & seruus. C. Varsenicius.

CHRISTOPHORI
VARSEVICII

Turcicæ Quatuordecim.

TVRCICA I.



MAXIME EXPEDIRET REIPVB. IAM PRI-
dem impendentia auertisse nos potius ma-
la, quàm temerè sperasse meliora. Minuit
quippe difficultatem labor, tempestiuè ne-
cessariis rebus, quàm serò conquirendis. Sed
quoniam præterita reprehendi, quàm corri-
gi magis soleant; danda est opera, vt non tam
ea, quæ præterlapsa sunt verbis exaggerando,

quàm ad ea, quæ nos manent mala, animum applicando, patriam, quæ
omnes omnium charitates in se vna complexa est, calamitate prohi-
beamus. Etenim tot tantisq; christianis Regnis atq; Prouinciis, in
Mahometanorum redactis seruitutem, & rei benè contra Turcas ge-
rendæ occasionibus occurrentibus rarò, semel verò oblatis & postha-
bitis reuertentibus serò; quid aliud magis expedierit nobis, quàm tot
tamq; bellicosus nationibus ad arma contra eos excitatis, huic rei
& tempori non amplius indormire? Diuini enim quisq; ingratus est
beneficij, qui opportunè oblata, occasionis alterius expectat tardita-
tem. Amisimus profectò, quæ amitti potuerunt maxima atq; charissi-
ma: & partim dissensione, partim procrastinatione nostra, tot & tan-
tas vrbes, regiones, prouincias, regna & imperia christiana, Turcici
tyranni subiecimus potestati; sic vt nihil non peruium conatui, nihil
non patens libidini, nihil eius sufficiat abdomini, nobis nostrisq; de-
uorandis. Qui, quod olim nescio quis Tyrannorū veterum populo Ro-
mano, hoc ille christiano ceruicem dari vnā, quam facilius amputaret,
maximopere concupiscit. Quæ vt grauiā & calamitosa sint omnia,
multo tamen adhuc grauioribus & calamitosioribus rebus, à nobis-
metipsis seu quædam seges & materia comparatur. Obest ad sua suo-
rumq; retinenda potentioribus domi inuidia: Vexat & potentes &
imbecilles pariter Mahometanorum foris potentia: Est qui conten-
tione ancipiti, nunc disiungendis, nunc maioribus difficultatibus im-

plicandis potentioribus, aut meliori loco, aut tutiores suas futuras res opinatur, sed fallitur. Hoc enim modo Paleologos Græciæ dominos christiani quidā inter se cōmittendo, cū ea ratione eorum prouincias in suam potestatem venturas existimarent, & suas ipsorum perderunt. Semper enim à domo vicina incendia & arma longè expeditu tenuisse. Qua tamen ipsa in re, magna cautione est opus, ne maximis hostium exercitibus, exiguis opponendis copiis, nos nostraque omnia veniant in discrimen. Nihil enim Ferdinandi olim Cæsaris in Hungaria magis attriuit vires, quàm quæ promissa erant, & citò submitti debebant, diu expectata ordinum imperij auxilia, & magnis copiis cunei nostrorum oppositi, & dissolutio morum, disciplinæq; militaris: multa enim amisso causantur prælio, sed vnus ille prælij euentus nunquam potest occultari. Sunt porrò, qui non tam in hostico, quàm domi nostræ tractandis armis occupatos nos esse, & non tam offendendum hostē, quàm defendi nostra aiunt debere. Egregiè profectò: quasi alibi, quàm in solo patrio prælium periculosius committatur; & quasi semel amisso, omnia simul in periculum & discrimen nō vocentur: & quasi prius non perderemus hoc modo omnia, quàm Turcicæ frenum aliquod per id imposeretur cupiditati: nunquam enim hostis fatigatur alienis inuadendis, si necessitatem impositam non habet, suis suorumque defendendis. Qua olim ratione, dum pro Rascia & Bulgaria sæpimentis regni sui lentius Hungari arma induunt, in discrimen rerum suarum venerunt: & sublati vicinis, Turcica vexilla, ex vicina ad se translata nec opinantes conspexerunt. Fit enim hostis in eum animosior, quem videt diu bellum contra se declinasse. Iam verò & illi reperiuntur, qui vicinorum calamitates, tanquam grandinem quandā ociosi in agro inspectant alieno, & promisso Vlyssi Polyphemi beneficio, quem inter alios deuorandos deuorare debuit vltimum, volunt esse contenti. Sed vtinam quidem, quod sibi proposuerunt, per id assequantur. At ego vereor, ne & Polyphemi beneficio minus potiti, ab hac tam immani bellua vel ipsa opinione sua celeri⁹ deuorentur: Turca enim suo non alieno commodo, cum christianis equè ōnibus, bellum atq; pacem semper metitur. Apparuit id aliquando in rege Bosniæ: apparuit in Ioannis Sepusii Hungarorum Regis posteritate: apparuit in Venetis à Baiazethe II. Turca Corone, Mettone, & à Selimo II. Cyprio regno sub foedere perfidiosissimè spoliatis; ne aliorum Otthomanorum perfidiei exempla, quæ & multa & magna sunt, persequamur. Non enim tam rebus fortiter gerendis, quàm alienis fraude & dolo capiendis Turcæ notantur. Age. An & aliquibus nō videtur esse constantiæ, vel hosti etiam perfido fidem seruare, & pacta conuenta ac veterem (si Deo placet) colere cum eo societatem?

etatem? Benè habet quidem: sed si illa pax, nō est pax, sed pactio imminuentis seruitutis potius est æstimanda? An verò tu videns & volens nihilominus ad interitum rueres voluntarium? Turca, vt est apud Comicum, lingua iurauit. At mentem iniuratam gerit: tu vero eius infidioso foedere, non secus ac laqueo aliquo, quominus te tuaq; defendas, irretitus teneare? Perinde ac si nesciamus Hungaros olim vt dixi Rasciam & Bulgariam, Polonos verò hoc modo amisisse posterus Valachiam; qui dum Solymanum Turcam Petro Valachia Palatino castigando sunt reueriti, ipse quidem non tantam amicitia ipsorum rationem habuit, sed imò illam ipsam prouinciam, quæ iuris & possessionis eorum fuerat, per id, quòd de Valacho querebantur, adeo etiam fidentiùs sibi viurpauit. Vt enim priuatim fures, sic & occasionebus Tyranni alienorum publicè fiunt prædones. Quibus tamen omnibus non obstantibus christianos Reges, atq; Principes à tam potenti hoste irritando, cum miris aliis modis, tum maximè duorum illorum sanguinis Polonia Hungaria Regum, Vladislai ad Varnam, veteribus Dyonisiopolim dictam, & Ludouici ad Mochacium caula dehortantem audimus non neminem, quasi rebus & temporibus præsentibus, & deniq; veritati ipsi illud simile, dissimile non videatur; & quasi vt minutatim expendamus omnia, & Vladislaus iuuenis admodum & celer ad arma Princeps, & alter nescio si non à suis proditus, & ex prælio fuga saluus; & tamen nō satis constat, quo modo & quo auctore occisus, iuuenilis feruoris & rei incōsideratæ cceptæ, quàm belli iniusti poenas nō magis persoluerit. Mars enim fortissimū quenq; in acie pignorari, & mors, cuius bella sunt instar mercatus, obuios quosq; semper consuevit prædari. Quid? An & Eugenius III. Pont. Max: & Sanctiss. qui idē Constantino Dragafo Constantinopolitano Cæsari, eiusq; imperio excidiū à Turca prædixerat, illud Vladislao bellum nō suaserat; eius verò legatus Cardinalis Cæsarinus, vir sapientissimus, Regi ducenti exercitum in expeditionem comitem non se prælitterat? vt quod suasisse, id & sanguine suo testari & probare videretur: & deniq; an & illius belli reliquias Franciscus Capistranus, quo familia Francisci vix paucos habuit sanctiores, non acerrimè est persecutus? cum & Belgradum cum Hunniade defendisset, & luculentissimum virtutis & sanctimonie suæ testimoniū ab eodem retulisset; vt taceam, nec illud nouum christianis etiam esse, quamuis aliqui regum nostrorum cōtra eos in acie ceciderint, vicissim de barbaris triumphare. Communis enim est Mars cunctis, & tam intra quàm extra muros plena omnia sunt funerum & triumphis. Nam vt tantum in multis paucas christianorum de Turcis victorias proferam. An idem ille Hunniades vnus, Regis Matthia Hungarorum pater, non tot de Turcis victorias habuit,

it, quot maximè desideravit ? An non toties Scanderbegius Turcas
 fudit ? An Rex Matthias castris non exiit ? An Venetorum Respub.
 terra marique non toties eos profligavit ? Sic ut infinitum esset, quæ
 in hanc sententiam dici possent, singula percensere. Sed neq; tam
 in victoriis christianorum enumerandis, quàm in Turcicis hoc bello
 Persico difficultatibus ostendendis, nostra versatur oratio. Quas si
 oculis corporis non cernimus, animo saltem & cogitatione contem-
 plemur. Humanæ namque acies mentis vel luminibus orbata, res
 remotissimas collustrat, & quisquam dubitabit, quanta rei contra Tur-
 cas benè gerendæ occasio oblata sit ; cùm fractas Turcicas in Perside
 vires, exhaustum Otthomanum ærarium, veteranum desiderari mili-
 tem, multas passim Turcico in imperio oriri sediciones, & excitari
 tumultus audiamus ? Quæ simul omnia iuncta ad quævis magna euer-
 tenda imperia suffecerint. Atque haud scio, an magnis quàm medio-
 crius non fuerint calamitosa magis. Sicuti enim grandia quæq; ædi-
 ficia, quæ incipiunt ruere, difficillimè fulcias ruinaque prohibeas ; sic
 vasta ac Tyrannica imperia, simul ac domi increpuit, armorum exter-
 norum aut internorum incendium mole sua ruunt, & tot difficulta-
 tibus non resistunt. Quod in Alexandri magni imperio facile fuit co-
 gnoscere, quod non tam rara quadam felicitate & admirabili celeri-
 tate creuerat, quàm eo mortuo est repente dissipatum. Ut enim vno
 aliquo morbo correptum, & in lecto tandem decumbentem, non ra-
 rò & alii plures morbi infestare solent ; sic & ad ruinam inclinatos a-
 micos, pariter & inimicos videas impulisse. Plures enim invidia, quàm
 misericordia commouentur. Verùm hanc tantam occasionem rei
 benè in hostem gerendæ nos arripimus scilicet ? Hoc Dej Opt. Max.
 erga nos beneficium, ut par est pensamus ? Hoc memori mente coli-
 mus ? Hoc Dei nostraq; contumelia vindicanda, ad armâ excitamur ?
 Quid si eo etiam in vtramq; aurem (quod aiunt) securius dormimus,
 & quasi hæc ad nos pertineant nihil, re & actionibus nostris aper-
 tè testamur ? Quid ita obsecro ? Causa fanè inuentu, quæ sit difficilis,
 cùm hi cupiditate habendi, illi consuetudine inuidendi, nonnulli otio
 vel sine dignitate sectando, multi perpetuò odio & dissidio inter se a-
 lendo, vnus alterum impediatur : & tandem, quotquot sunt omnes, seu
 ad fatalem interitum, vtrò decurrant. Nihil autem tam volucre est,
 quàm occasio, nihil leuius, cùm se offert penditur, nihil magis, cùm abi-
 erit desideratur, nihil periculosius amittitur, nihil difficilius recupera-
 tur. Quod num sic secus se habeat, præteritorum temporum occasi-
 onum momenta, & quid eis amissis subsequutum sit mali, memoria re-
 petamus. Quamvis enim aliena & præterita facta facilius fugillari,
 quàm mutari queant : illud tamen iis commemorandis euenit haud
 dubie

TURCICA I.

haud dubiè commodi, quod homines, ne in eadem incidant mala, faciliùs admonentur. Deuicta acie, & Baiazetto primo Turcorum Principe à Tamerlane capto, leues & temerarii Græci, omnem ipsius sobolem stirpitùs euellere potuissent. Quod tantùm quidem abest, vt fecissent; vt etiam paulò post Turcicis auxiliis, in viscera Græciæ asciscendis, gradum in Europa imperii Turcis fecerint, & suam amentiam serò deplorauerint. Carèdo quippe, quàm fruèdo, magis bona cognoscuntur. Quid? An & sub altero Baiazetto crudelissimū bellū, iisdē inter se Turcis aliquando non fuerat, cūm Zizimus Baiazettis frater, ad Alexandrum VI. Pont. Max. Constantinopoli Romam fugisset, & Christianorum auxilia, contra fratrem implorasset? Cui non tantùm nulla auxilia præbita, sed adeò etiam veneno vita à nostris est erepta, & intereà temporis, cruentissimis illis bellis, inter Christianos ipsos, potiùs est indultum. Multi enim à communi omnium hoste excoecari non renuunt; modò interim priori, aut proximiori hosti, oculus cruatur. Age, an & Selimus Baiazetus istius filius, vitæ paternæ insidias non struxerat? Quem antequàm veneno sustulisset, non patrem, sed acerrimum habuit hostem; quorum vtrique, & eorum gubernaculis, à Christianis si voluissent, maximopere incommodari poterat, & debebat. Duobus enim canibus in se irruentibus, bolus faciliè eripitur. His tamen omnibus minimè obstantibus, Selimus quietè potitus est imperio: & non tam citò in patrium peruenit dominatum, quàm Syros, Arabes, Garamannos, nescio, si non vna æstate subiugauit. Quo ipso, tanta & tam exaggerata potentia auctus fuerat; vt vel remotioribus omnibus esset formidini, qui cum, successoresque suos, multò adhuc potentiores, & formidabiliores futuros, non satis secum expendebant. Quanto enim Tyrannicis imperiis sensim, sine sensu nostro, maior fit accessio; tanto tandem omnes grauiùs periculū manet, manebitque seruitutis. Superuenit ergò terror ille gentium, & in figura hominis tetra quædam bellua, & regnorum procella, Solymanus. Cui etiam ipsi, quod cum Mustapha filio, quod cum Persa, quod cum aliis ageret, non defuerat: & cuius adeò filii, ad Anazum secum pugnarent. Sed nec tum quoque, barbaris inter se confligentibus, Christianis, fuit aliquid in eos animi, aut verò in iētis contra eos fœderib⁹, vel tantillū firmitatis. Scimus, quomodo inter Paulum III. Pon. Max. & inter Carolum V Cæsarem, inter Venetos, pacta conuenta, reciderint: quid tot coadunatae classes, quid legiones, quid exercitus effecerint: quibus denique & quantis regnis, & prouinciis Turcæ nos spoliauerint. Iam & Selimus So-

lymanni filius, nauali prælio, ad Naupactū victus, & grauissimè debilitatus; an paulò post animum & vires suas non recollegit? & quod Veneto legato, Bizantii dixerat; id re ipsa præstitit, quòd classis, quam amiserat, barbæ instar ei rursus creuit: at interim regnum Cyprium, non secus ac dextram quandam manum semel amputatam, Christianus orbis non recuperauit. Sub Turcicum namq; iugum, vt quondam dixit poëta, patent vestigia intrò, nulla retrò: & faciliùs præcipitem sub illud est deiici, quàm indè aliquando liberari. Quo magis, quæ nunc Turcicæ debilitandæ, imò & euerrendæ potentiæ, diuinitùs oblata sit occasio, nobiscum ipsi recognoscamus: & à sedibus nostris quàm longissimè, ad ipsius remouendum nos comparemus dominatum. Amurates iste, quàm Amuratibus illis omnibus dissimilis sit, quantis morbis laboret, quanta auaritia æstuet, quanta luxuria diffluat, quantas copias in Perside obterat, quàm inuitus bellum gerat, quantum suis omnibus diffidat, quàm subitò cuncta inuertat, & mutet, quod quidā dixit, quadrata rotūdis, quantas in Asia, Africa, & Europa seditiones, in se experiatur, quis ignorat? Nemo tamē, proh dolor, arma christianorū in eum capit: nemo afflictos socios adiuuat: nemo captos, & ipsius seruituti mancipatos, cū posset, eliberat: nemo tam præsentis quàm futuræ suæ, suorumque conditionis, recordatur; & accidit haud dubiè iis, quod in pecuniarum vsu & possèssione euenit quā plurimis. Etenim si pecunias, quas semel parauerint, incolumes conseruauerint; agunt Deo Opt. Max. gratias, & habent sempiternas: sin secus; nec illius etiam beneficii, quod referre debuissent, volunt omninò meminisse. Posterioribus enim euentis, vt plerunque fit, ante actæ res vulgò ponderantur. Quod quantumuis sit iniquissimum; tamen pars sæpenuerò vincit maior minorem etiam meliorem. cū si Deo placent, vel etiam tales Polylici reperiuntur, qui sicuti naui in tempestate, sic Reipub. in aliqua difficultate, constitutæ, aut saltem à potentiorum insidiis suspitione non vacuæ, minuendis eorum viribus; & Turcam, qui semper ijs esset, freno in Perside potentia augeri, impunè iudicant relinquendum. Verū hanc tantam sapientiam, mei pectoris non capiunt angustia: nec qua ratione, hoc consilio sibi aliisque commodare illi possent, facilè ego animaduerto. Quin adeò vnum illud videre mihi videor, si hanc præsentem rei benè contra Turcam gerendæ amiserint occasionem, & si summorum quorumq; christianorum Regum fartam tectamque non conseruauerint potiùs potentiam; vel talium molitionum autores, hostili prædæ prius

prædæ, prius futuros, aut saltem lachrymantibus aliis, non risuros. Quidam enim, qui foueam aliis ponunt, nec opinantes in eam incidunt. & quod antè præ liuore, & æmulatione non dispexerant, libertate priuati patriæ, tandem secum ipsi quid fecerint, tacitò recognoscunt. Mala enim consilia, trepidatio & pœnitudo comitantur. Sic enimuero sentiunt Rascij, quantum expediuisset eorum rebus, Græciam incolumem conseruasse: sic Hungari, quantum à Rascia, & Bulgaria hostes propulsasse: sic vtinã & Poloni non sentiant, quantum expedierit Hungariæ reliquias imminenti interitu prohibuisse. Pericula certè non, nisi tum, cùm magis vicina sunt, & cùm quasi iam euitari non possunt, patefiunt. *At non felix est is,* qui vel etiam post ipsum factum, felicior, qui in facto, felicissimus qui ante factum, sibi, suisque consulit; & antequàm made fiat, induitur penula, & ante amissum equum, occludit stabula, vt eò suæ minùs coarguatur tarditatis. Nihil enim est insipientius, quàm id tandem cum periculo facere, quod citra omne acceptum damnum poteras antè fecisse. Quare, si alicuius Principis suspecta debet nobis esse potentia, huius Turcici Tyranni sit suspectissima: si grauem alicubi futuram seruitutem, tum in Turcia grauissimam: si denique alicuius alterius obstandum est conatibus; tum certè hoc Turcicum monstrum, ex tot orbis terræ spolijs, in immensum auctum, ignauia nostra firmatum, dissensione audax & elatum, quòad eius fieri celerius poterit, rursus est opprimendum. Seruiuit olim terrarum orbis Assyrijs, seruiuit Græcis, seruiuit & Romanis. At partim Assyriorum æquitas, partim Græcorum disciplina, partim Romanorum solabatur gentes humanitas, quibus seruire nonnulli, quàm imperrare alijs maluerunt. Turcis verò, (quod animus ominari horret) nostris existentibus tyrannis, quæ non dicam decora pristinae dignitatis, sed extrema velut lineamenta supererunt libertatis? Odio ipsis est Iesus, odiosissimum nomen Christianum. Nihil ingenuum, nihil liberale, nihil moderatum iis est: animus æger, manus rapaces, oculi furentes, frons fallax, plena denique libidinis, luxuriæ, & crudelitatis, furoris, & barbariei apud eos omnia sunt detestanda. Nemo suarum rerum dici potest in Turcia dominus: vnus tyranni cuncta patent libidini: liberi ab amplexu matrum, matres à liberis & maritis, mariti à coniugibus, omnes ab omnibus vel charissimis pignoribus abripiuntur, & diuina, prophanaque omnia simul miscentur. Postremò, quis non videat, vt tot tantasque gentes & nationes alias taceam, vel ex vna illa nobilissima, ac longè lateque potentissima Slauonica gente, sub quam etiam Polonicam

cōprehendo, quanta Turcico imperio quotānis fiat accessio, Christianorū pueris, impuro Mahometo cōsecrandis; cū adeò sub hoc tam religioso cum Turcis Polonorū fœdere, tota Sarmatia, captiui à Tartaris facti, quod alioquin aliis cōfœderatis nō fit, Cōstantinopoli publicè venūdētur? qui postea adulti, arma in suos, vel inuiti ferūt, & ea ingenita fortitudine, quę patrię vsui esse poterat, & debebat, in eius perniciē & euersionē, abutūtur. Vt enim robora ramis eorundē roborū abscissis, diffiduntur: sic & Turcæ nostratibus vtūtur, nobis maximè euertēdis. Hi, quoniā apertè loqui non licet, taciti, nos per Christi seruatoris nomen, per vestra charissima pignora, per salutem ciuium, per præsidia, & ornamenta omnium orant & obtestantur; vt ab hac tam immani seruitute Turcica, in pristinum statū eos reponatis. Hæccinē est, inquiunt, quæ nobis, maioribusque nostris à vobis referri debuisset, gratia? Hæccinē proximi charitas, & misericordia? vt cū nobis, maioribusque nostris, tam diu, tamque fortiter pro vobis excubare, cū laterum suorum oppositu vos tueri, cū denique sanguinem pro vobis profundere, difficile non fuerit; vos quidem vicissim nostrorum ergā Remp. meritorum, tam cito obliuiscamini? & nunc barbarorum armis nos premi, nunc diuturnam seruitutem pati impunè permitatis? ecquid tandē nobis non licuerit, quod creditores suis debitoribus faciunt, vos officii vestri liberiùs admonere? Quo eodem modo nos quoque maiorū nostrorū modestè erga vos percēsemus merita, ostendimus patriæ nostræ vobis vulnera, enumeramus calamitates, explicamus acceptas clades, & dolores denique nostros, quos quotidie maiores tubimus, voce, & literis apud vos testificamur; vt tandem aliquando conditionis nostræ miserti, in communionem temporum aliquid conferatis. Sed si hoc etiam ipso profecerimus nihil, erumpet tandem ex nobis libera vox illa, aut querimonia, quod non omnium optima nobiscum agitis fide, & in dictis factisque constantia: quod duri, & inexorabiles estis: quod priuata commoda salutis publicæ, voluptatem dignitati antefertis: & quod toties nostra de vobis spe falli, & fraudari nos patimini; quos ex præscripto Christianæ legis, tum ob vincula plurima societatis, tum ob metuendam flammam incensæ vicinitatis, tanquā ipsos hos debeatis custodire. Atque adeò etiā iusto quodam dolore, mœstitiaque incensi, progrediemur adhuc vltèrius, & eandem illam vicissitudinem cladum, & calamitatum inuiti, & gementes licet vobis imprecabimur vniuersis: denique cū nos renuitis habere socios, habituri tandem estis Turcicæ profectionis duces,

*et hinc Turcos
et Christianos
pueros Turcos
facti eadē
nos contra nos
lingua*

duces, & vestrorum domiciliorum euerfores. Hæc haud dubiè Slauones, quos commemorauì, illi; hæc Hungari, hæc alii, si liceret, apud vos loquerentur. Vos interim, quem in eorum calamitate animum suscipere & gerere debeatis, vobiscum ipsi penditote. Iam quidem eò deuenit & progressa est res, vt si non Slauonicæ gentis gratia, quæ tam longè semper patuit, & cuius linguam Carolus III. Cæsar, omnes Cæsares nosse voluit, si non Hungaricæ gentis causa, quæ se, atque alios, contra Turcas tam diu defendit; saltem vestræ omniumque christianorum salutis ergò, ab isto, (vt ita dicam) lethargo expergiscimini. Quæ & quanta ex Hungaris, quæ ex Slauonibus, quæ ex Polonis, non iam armentorum, sed hominû prædæ à barbaris agantur, & in seruitutem Turcicam abducantur, perspicuum est. Cui malo, an aliquando occursum sit seriò, & an tandem nimis occurri possit seriò, res ipsa loquitur. Omne incendium, quò in denso tecto fuerit lentiùs, eò & grauiùs futurum est iudicandum. Ac vt alia regna & Prouincias missas interim faciamus, vel vna illa Polonia, & Hungaria est testis, quanta non iam aliorum rerum, sed hominum multitudo, ex ea in Turciam abigatur. & passim per ludibrium venundetur; & tamen, quoties de incundo contra Turcam fœdere cum Polonia est actum, suas semper rationes adduxit, quibus ab aperto cum eo bello gerendo semper est refragata; quasi eius emissarii Tartari anniuersariis cladibus Sarmatiam afficiendo, bello illo gererent apertiùs, & in Turcico fœdere, ad certam & stabilem pacem esset aliquid firmitatis, per quod fœdus potiùs Turcæ paratur ad victoriam via, & præoccupantur priùs quæque obuia, quàm triumphum, quem toto animo de omnibus christianis Turca concupiscit, aliquo modo morarentur. Quid re-

Louis Hung.

siderari patitur, quæ ad Hungariâ spectant extrema ruina prohibē-
 dâ. Sed quid tamen & præstare per se ipse Cæsar posse, & quid co-
 lapsa Hungaria, Germania metuere debere videatur; collustret pro
 se quisque animo; & tum facilè præteritarum & futurarum rerum
 momenta secum ipse recognoscet. Atq; haud dubiè intelliget, hoc,
 ceu quodam propugnaculo totius Christianitatis sublato, si alia
 item regna, & Prouinciæ, quæ in stationem contra Turcam suc-
 cedent, peræquè ac Hungaria futuræ sunt diuturnæ. Ducentis ab
 hinc annis Turcicum furorem, ceruicibus suis, à reliquo Christiano
 orbe interclusum, Hungari tenuerunt: & adhuc sub Sigismundo
 suo rege, nescio feliciorinè marito, an Imperatore, ad Nicopolim
 vnum, & ad Columbarium alterum prælium contra Turcas, amise-
 runt. Interim verò, veluti in perpetua quadam pro aliis gentibus,
 nationibusque, excubant vigilia, nec tot aduersis casibus, suorum-
 que funeribus, ab instituto retardantur. Multa quippe, & magna,
 habent, quæ eos non obscurè iuuant, & quibus præ aliis maximo-
 pere commendantur. Hungarus miles paruo constat, & plus aliis
 valet mercenarius: nihil nugarum in comitatu habet: exiguo victu
 contentus est: cito eum parat: castrensem disciplinam seruat: præ-
 fectis suis morem non inuitus gerit: perpetuò se exercet, ac equis
 bonis & exercitatis semper lætatur: Turcis denique fugandis, & su-
 is vicinorumque sedibus tutandis, videtur quodammodo diuinitus
 esse destinatus. Sic vt nec Baiazetes Turca, duobus illis, quæ com-
 memorauimus locis, Hungaris cædendis; neque Amurathes, ad Var-
 nam Vladislao, & Solymanus ad Mochaczum Ludouico Hunga-
 rorum regibus occidendis, potuerint Hungaros deleuisse. Habet
 quippe Deiparâ virginē patronā Hungaria, & tot sanctissimos reges
 ac in his S. Stephanū & Emericū, pietate olim religionēque singula-
 res. Demum omni ferè ex parte plana est, nec vsquam ab aliis re-
 gionibus, colles eam dirimunt, quàm vbi Polonia, & Transylua-
 niæ est contermina. Antea quidem olim vno illo Danubio, & Ty-
 bisco tutissima fuerat. Slauonia verò, quæ quondam Pannonici re-
 gni pars, & ornamentum extitit, Drauo & Sauo, omni hostili im-
 pressionem erat immunis. Verum Bellogrado siue Nādor Alba, à So-
 limano capta, paulò verò post amisso Syrmio, cuncta Hungariæ
 flumina, hostium classe enauigata, & ipsi omnes sinus atque portus
 in Turcarum sunt redacti potestatem: qui vna ad Tybiscum, al-
 tera ad Drauum arcibus communitis, quasi quosdam Hunga-
 riæ compedes iniecerunt: barbari enim Turcæ, sed minimè sunt
 barbara intelligentia rerū, præsertim bellicarū. Sic vt vltra Danubiū
 non

*Ducit hunc
 regem per se
 ad hunc pugnam*

*aut mlti
 Hungari*

*Dei regis
 in hunc
 regem et imperatorem*

non procul à Buda, per deferta præterfluentem, inter Sauum & Drauum in intima Slauoniæ progressi, in vestibulo versentur Styriæ, atque Carinthiæ: & pontibus constructis, exercitibusque transmissis, in partem quam collibuit Hungariæ, possint impunè excurrere passim prædatum, atque populatum. Nihil quippè formidabilius est, exercitu conspecto semel iterumque victore. In his tamē tot, tantisque malis & Hungariæ cladibus, quas partim barbarorum accerlitæ copiæ, partim Turcarum excursiones, auxerunt quotidianæ, quanquam vis, vi maiore victa, & paucitas, à multitudine & ciuium dissensio ab hostium conspiratione sit oppressa; restant tamen adhuc, si vno in loco essent, aliquæ Hungariæ reliquiæ, & magna ipsorum Hungarorum spectatur vbique fortitudo; sic vt parua nonnunquam eorum manu, maximæ hostium copiæ profligentur. Non enim numerus, sed militum virtus præstat triumphos. Ac memorabile vel in primis est, quod Imbraimus graciosus, Solymani purpuratus, Ioannis Sepulii, regis Hungarorum legatis, aliquando aperuerat, cum inter se instructæ & ad dimicandum paratæ, ad Mochaczum vtrinque acies constitissent, dixisse ad eum Solimanū: Vtinā, inquit, iuueni huic Regi, pacē hodie à me petere, in mentē veniret; non difficile id, quod cuperet, à me impetraret: nā vicerimus etiā licet, hæc Hungarica natio nō quiescet. Et rectē id dixerat & fenserat quidem: Regi enim ipsi, vt septimo mēse nasci, sic & immaturē mori fatale fuit. Solymanus, si quid aliquando contra Hungaros memorabile efficere voluit, in mediam Hungariam ipse descendere necesse habuit: & demum etiam ad Sigettum tali, tamque difficili expeditione, ne dicam desperatione fractus, vitam cum morte commutauit. Hos igitur Hungaros, ad extremū interire pati, simul & amentię, & impietatis esset maximæ: & haud scio, si his, tanquam muro aliquo, sublatis, alii virtuti ipsorum responderent: nauclerum enim tempus procellosum, & gentem atque nationem aliquam continuum certamen, quantum valuerat, declarat. Quo etiā loco, nec illud quidē præteribo, quod Lazarus Sue dius, vt mihi amicissimus, sic & inter Germanos belli dux prudentissimus, multis olim dixit audientibus: Hungaros præ cæteris, militum nomine videri sibi digniores, qui tam diu, tamque fortiter, reliquos Christianos tuerentur. Qui idem quadraginta millia hominum, Germanici exercitus in vno eodemque loco, per quadrimestre subsistere non posse, ob immensam commeatus vim, quæ ad eum alendum requireretur, confirmabat. Quod non idcirco commemoro, vt tantis de nationibus, quo nihil est magis lubricum, sumam

sumam mihi iudicium. Verùm vt eius viri, cuius summa apud omnes extitit auctoritas, vel de longinquis ab eo Hungaris, de quibus nobis institutus est sermo, sententiã habeatis. Quorũ tandẽ, quàm exiguus restat numerus, quanquã iam planum omnibus est factũ; tamen nec à me prætereundum est, verbis faciendis. Ignoratio namque magni & præsents vicini mali, seu quædam materia maioris est, & sempiterni. Paruæ igitur, & Hungarorum militum, & Hungariæ munitionum, præ Turcica rabie, nobis supersunt reliquæ. Ac vt breuiter attingam aliquas. An Canisia, Vespermio, Papa, Palota, Comaro, Iaurino, & noua arce Archiepiscopali capta, & quorum non admodum multa supersunt millia, Hungaris sublati; an non liberrimum & apertissimum in Morauiam iter Turcicus habebit Imperator? Ad fines verò inferioris Hungariæ, oraquæ Cassouien. tractum tuendum, vnica ferè est Agria: qua semel expugnata, vsque ad Carpatum montem, patebit barbaris aditus, & tam in Poloniam, quàm & in Germaniam patefiet. Quarum rerum, & periculorum terrore, quis non excitetur? quis regna non coniungat aliis regnis, atque prouinciis? quis vicinorum discrimen & occasum, suum esse non arbitretur? Memini ego Maximilianum Cæsarem, in postremis Ratisponensibus dicentem comitiis, cùm de quibusdam Germaniæ regulis, tardiùs pro iisdem comitiis aduentantibus, quæstus esset. Existimant, inquit, boni isti Principes, rem esse nihili, cùm de Poloniæ agitur regno, aliis nostris regnis adiungendo. Errât, qui mea fortè causa, & nõ multò magis Reipu. gratia, me hac de re sollicitum esse opinantur. Sed veniet proculdubio tempus, & illucescet illa dies, qua me humanis perfuncto rebus, vtinam quidẽ saluis iis, salutaria consilia secutum esse me deprehendent, & absorptis à Turca, quæ leuiori militia, & maiori in victu moderatione assuefactæ sunt, nationibus, quantum Germanis belli contra Turcam gerendi iucumbet onus, secum ipsi, sed serò fortasse recognoscent. Atque hæc ille tam præstans, tantoque rerum vsu & intelligentia Cæsar, omnibus seculis memorandus. Cui idem adstipulabatur Suendius, & nec Turcas metuere magis, quàm nostros, iisdem armis, quibus & illi, vtentes, neque nostros fidentiùs in acie contra hostem versari, quàm similibus gladiis, hastis, & equis instructos, & frugalitate fretos testabatur. Arma enim militem, & esculenta poculentaque quàm languidum reddunt potiùs fortem. Videamus ergò, quantum in Hungaria tali, tamque præclaro Christianæ Reipublicæ propugnaculo, & Vngaris ipsis tanta fortitudine, ac frugalitate præstan-

præstantibus, hætenus positum sit, & fuerit, & demum etiam consideremus. An dum in Perside occupatus est, omnibus simul cum Hungaris, aggredi & infestare Turcam præstet; an verò metu omni & difficultate solutum, per nostra tecta, domiciliaque volitantem, rursus intueri. Mihi quidem videtur, totum istud belli Turcici mali, persimile esse in vasta aliqua domo, incendio, quod inter densa tecta ædificiorum latens, principio quidem non appareat, postremo verò sic erumpat, nulla ut amplius ratione, & à vicinis ei succurratur. Nam hoc videlicet modo in orbem ducuntur omnia. Vngaria quid à Turca patiatur, Germania non curat: quid Valachia, Polonia non considerat: quid alia Christiana regna & prouinciæ, Anglia Oceano circumfusa secum ipsa non perponderat, & omnia maioribus difficultatibus, & periculis quotidie inuoluuntur. Atque ita demum christiano regno, in Turcicam potestatem veniente vno, venit & alterum: exinanita prouincia illa, & aliæ, quæ vicinæ sunt, vi, ferro, flamma, & perpetuo luctu confectæ, contabescunt. Omnis enim malorum contagio, contermina contagione, excitatur. Interim autem quàm turpe & ignominiosum est, Germaniam populo, splendore, Italiam, diuitiis Angliam, equitatu magno gloriari Poloniam; & omnes nihilominus barbaris cedere in prædam, nobiscum ipsi consideremus. Enimuero hoc modo, Christianos iuuabunt opes, quas tam auarè colligunt: iuuabunt vrbes & munitiones, quas tam sumptuosè erigunt: iuuabunt tituli, quos tam ambitiosè expetunt: iuuabunt populi, quos tot exactionibus premunt; qui adeò etiam in eorum necem, vel hac ipsa de causa conspirabunt. Ac veniet tandem, quæ ei nunc tantopere fidelis est, in Turcicam potestatem Britannia, & insidiosus fœderis laqueis seipsam (quod absit) irretiet Polonia, & Germania denique ipsa, quæ vnus Cæsaris non fert, grauè experietur multorum barbarorum dominatû. Hispaniis præ Africa lachrymantibus, non ridebunt Galliæ, nec Galli lugentibus, Italia exultabit. Sciet Turca uti melius in nos tempore: animosior spectabitur, vel minima quaque occasione: crudelior euadet, accepta hac in Perside clade: cautior quàm antè efficitur, dimicandi nobiscum occurrente necessitate. Amiserit licet magnos in Perside exercitus, veteranis absumptis possunt tyrones adulescere: amissis ducibus, quominus successu temporis, & alios habeat, non debet desperare. Exhaustum est ærarium: & in illud potest novos pecuniarum acervos rursus inferre. At verò nostra secus se habent omnia. Quod semel perdimus, nunquam acquirimus: quod adimi nobis patimur, non amplius recuperamus. Amisimus

simus Græciam, & quis de ea liberanda cogitat? Amisimus magna ex parte Hungariã, & de hac recuperanda, non nemo vicinorum penè desperat; cùm interim ille contra nos spiritu & viribus perpetuò augetur, cupiditate habendi incenditur, commoditate & vicinitate prædandi inuitatur. Habet in Epyro Apolloniam, ex qua vna nocte Hydruntum potest appellere: habet Vngariam, ex qua in Austriã & Moraviã cupiet inuolare: habet Slauoniã, ex qua Carniolam, Styriã, & Carynathiã solet vastare: habet denique Choczimũ in Valachia, ex quo, vno illo superato Tyro, Pokuczium, & alias Poloniæ prouincias, sub hoc specioso fœderis nomine, audebit occupare. Quid igitur coniunctim omnes in eum non irruimus? Quid rei & tempori tam opportuno indormimus? Quid Turcam in Perfide inclinatum, non vrgemus? Quid nos nostrosque socios, perpetuo ab eo metu non liberamus? Præstolamur credo illi, vt qua crudelitate, furore, & libidine est dominandi, facta in Perfide pace, ab omni re imparatos nos circumueniat, in nos impotenter irruat, in nostro cinere & sanguine perhacchetur. Absit hoc à nobis omne, sed absit & socordia. Vitãdis enim euētis, & causæ euentuũ sunt euitãdæ. Semper vel prophanis Imperatoribus ipsi, maximæ curæ fuerunt Pannoniæ, tanquàm medium quendam Europæ locum, & cor imperii occupãtes; christianis verò sint odio & despectui? quibus possessis, in Italiã, Germaniã, Poloniam; & ab altera parte in Illyricum, Thraciam, & Orientem, liberum erit Turcis, quando, & vt libuerit, proficisci. Quid non iungimus dextras, non modò in pactis inter nos seruandis, sed & in præliis cõficiendis cõtra barbaros, firmiores? Trepidationis mihi credite plena forèt apud eos oĩa fide semel inita à nobis cõcordia; qui nunc distractos, & inter se diuisos viles & abiectos ceu quadrupedes aliquos aspernãtur. Ferũt quippe lupũ, qui vniformibus pilis vestitus, canes cõtra se aduentantes, quòd diuersis fuerãt, contempsisse. Turca verò nō contemnat Christianos Principes? non iam pilo, sed animo & voluntate inter se disgregatos? Quid sibi volebat aliud Solymani illud dictũ, quòd Draconem vnus capitis & multarũ caudarũ se, Christianũ verò Cæsarẽ multorũ capitũ, & vnus caudæ appellabat; quàm quòd nobis nostræque discordiæ, quæ nos aliquo ire & ingredi volentes impedirẽt, audacter insultabat? Omnes profectò, quantũ viriũ & animi nostra dissensione Turcæ accreuerit, scimus: sed quomodo & quàm citò occurri ei queat, & num vel ipsa salus saluare nos in ea possit, nec scimus nec si sciamus, auertere mala laboramus. Quo magis oro, obtestorque vos Christiani omnes, vt si serò, quàm nunquàm, sapere

pere est vtilius, si antea noluitis, iam vos tandem animis & viribus in hunc hostem coniungatis: & si possessionem illius terræ, quam Christus Opt. Max. sanguine suo resperfit, pedibus institit, miraculis beavit, morte consecrauit, hosti eripere non possumus; saltem adhuc ea loca, quæ ipsi⁹ diuino cultui sunt destinata, interitu prohibeamus. Multa debemus multis: sed mutis illis & amicis, in quibus nati sumus sedibus, diuinæque in primis gloriæ, debemus vniuersa. Eripere tu nos Christe Opt. Max. ex potestate dæmonū, à morte & cruciatu æterno, sanguine tuo voluisti. Nos Martē communē, & incertum exitū præliorum, pro te refugiamus, & quæ naturæ debetur, vitam tibi, patriæque reddere recusemus? Quid tibi in extremo respōdebimus iudicio, si tantum in profundendo Christiano sanguine occupati fuimus, in defendendo verò nihil prorsus laborauerimus? O amentiam, ô obliuionem nostram beneficiorū tuorum execrandam! Enimuerò sic spinoso illi capiti suo respondebunt membra, & sic, pro angustis certare expediet terminis, & amplissimis regnis, regionibusque; à barbaris spoliari: sic iactare libertatem & ruere cæcos in seruitutem. Sed finis sit. Quidam enim volunt ea sibi licere, quæ nec dici quidem aiunt decere. Vnum ergo illud tantummodò addidero, vt qui patriæ plus debetis, quoniā etiam ab ea plus accipitis, offensiones omnes quotquot sunt vestras, detis Reip. detis saluti patriæ, detis incolumitati dignitatiq; vestræ; & si Dei Opt. Max. benignitatis, qui has nobis rei benè contra hostes gerendæ occasiones subministrat, grati, si acceptorū à socijs beneficiorum memores, si patriæ vestræ amantes, si gloriæ summi Dei cupidi esse & videri vultis; hanc tantam opportunitatē temporis, minimè tandem negligatis; & in diuersitate oris, vnā illam conspirationem, in hunc hostem, cordis apud nos tueamini. Verè magni & generosi est animi, quasdam nō tam reminisci; quàm contemnere potius iniurias, & dolorem illum mentis, dissentientibus de religione opinionibus, iniustum, hoc tēpore dissimulāter & moderatè pertulisse: cū fugax & tenera ætas & exitus valetudinis sint omnium incertissimi, nec quibusuis rebus impendendi, & irreligiosis nostris de religione altercationibus, vnā illam, & sanctissimam religionem nostram Spartaco prodere, & Iudæis ac Mahometanis nos ludificandos exhibere, quàm indignum sit, semperque fuerit, quis ignorat? Deus Opt. Max. bonorum auctor omnium, & vnus ille dux, & signifer belli, facere multa potest; sed nō peræquè tamē semp præstare cūcta solet. Si dicto audiētes nos viderit, omni felicitate beabit. Sin secus, more parentū, inobediētes filios exheredabit.

bit : nec opinor parcat nobis ampliùs cū vt misericors, sic & iustus ac seuerus esse volet, nec iure nō debet.

TVRCICA II.



INTELLECTVM VOBIS OPINOR EST SATIS, quanta rei benè contra Turcas gerendæ oblata sit occasio, si, quàm vel antea habuerimus raras, memoria nobiscum repetamus. Iam verò, ne diuinum numen, conatibus nostris defuturum fortè existimemus, quòd nostræ, & Mahometanæ doctrinæ discrimen haberi debeat, humanitate vestra fretus, breuibz percersebo. Omnia enim bellorum subsidia sunt bona, sed diuinitus profecta, optima. Mille ab hinc circiter annis, in ignobili quodam Arabiæ pago, Saracenorum dux & auctor, natus est Mahometes, qui magistro, & adstipulatore Sergio hæresiarcha, & profugo Monacho, cum Heraclii Imperatoris tumultuantium militum, seditionis occasione vti sciuisset, in eam apud vulgus hominum venerationem venit; vt longè latèque dogmate suo propagato, finitimos vi & armis persequi, & in iis sibi sumere non dubitauerit principatum. Multi enim non tam religionis gratia, quàm regionis causa nouarū sectarum efficiuntur auctores. Hic sui impii impuriq; dogmatis, quæ per orbem terrarum passim disperferit, semina, tametsi nullius, vt hæc nesciat, sic peregrinantur aures; tamen neque ego id, quoniam obtulit sic occasio, silentio præteribo; vt quos & quales habeamus hostes, quibus tot régnis cessimus, & quibus adhuc, quod absit, cessuri sumus, nobiscum ipsi recognoscamus, & hanc ciuilem, valde inciuilem discordiam, toto animo auersemur. Et quis non videt tam fœda, & horribilis secta, quantopere dissecta? & nihilominus profeminata sit Mahometis, qui non modò Iesv Christi Opt. Max. doctrinæ, & sanctimonix repugnantia, sed & rationi, & sibiipsi adfert contraria, & cuncta tam diuina quàm humana iura, & instituta spurcissimè infectatur. Nam vt de Calipha, & Mephti, vt summis, sic sibi contrariis, sacrorum apud Mahometanos præsidibus, & aliis, alio loco loquar. Quorsum quidem ipsius Mahometis illæ pertinent nugæ, quibus Angelos duos, Aroth & Maroth nominatos in terram missos, vt mortalibus administrarent ius, testificatur? Quibus cū ea mandata accepissent, vt ne vinū bibant, neq; cū mulieribus rem habeant, neq; ad superos iter ostendant; illi interim dicto non fuerunt audientes, & mulieris fraude

fraude circumuenti, ipsiusq; cōsuetudine vfi, & vino sunt inebriati, & in cælum iter monſtrauerunt Mahometi. Quem vt aduentantem Deus conſpexiſſet; & Angelos ſibi aſtantes, quiſnam tali habitu ingrederetur, interrogauit, & rursus ab illis Aroth & Maroth errorem fuiſſe reſponſum accepit. Quo factum, vt mulierem in ſtellam Deus conuerterit, & Angelos concatenatos, in puteum miſerit æternis ignibus cruciandos. Quid verò de altero illo ſomnio veriùs, quàm prodigio appellando loquar? quod de quodam animali Ebarachiel nuncupato ſuis Mahometes prodidit literis. Quo quidem animali, Angelo Gabriele auctore, vna hora illatum ſe fuiſſe cælo, & pro Angelis oraſſe Mahometes profitetur. Et rursus, altero cælo conſpecto, quod annorum quingentorum itinere conſtabat, vſque ad tertium, pari diſtancia cælum ſe perueniſſe. In quodemum Angelorum legiones innumerabiles, & cuiuſlibet Angeli magnitudinem, mundi inſtar vnus, & eorum aliquem adhuc milles grandiore, & in his poſtremo vnum, cui ſepties centena milia erant capita, & in quolibet capite infinita ora, & in quolibet ore totidem linguas ſe viſiſſe affirmat. Sed interim vide quàm tua ſectatorumq; tuorum ridicula iſta prorsus ſint Mahometes. Vna hora quingenta annorum millium iter confeciſſe te profiteri. At qui hoc fiat? quo modo? qua via compendiaria eueniat? quis talia dicenti fidẽ vnquàm adhibeat? quis ſanus dogmati tuo acquieſcat? An enim corpori id detur, nondum in æterna gloria conſtituto? ita opinor. Quo ergò iuiſti? vbi loci fuiſti? quod iter confeciſti? quem circuiſti ambitum? quas orbis peruagatus es partes atque regiones? Cælum quidem extremum nondum tibi patuit. Et quibuſnā aliis in locis, tanta terrarum ſpatia emenſus es? Pro Angelis oraſti, inquis. At quid tuis precibus habuerunt op^o Angeli? Iumentū non tulit te, quis igitur tulit? Quid peccauit animal, tuis vt indigeret precibus? Spatia & longitudinem terræ, ſi quam aſſeris ſpectes, falſiſſima eſt. Geometræ omnes, ratio denique ipſa, & ſcriptorum monumenta tibi reclamant. Non Dymoſiodorus, non Eraphones, non Hypparchus, non Ptolomæus Alexandrinus Aſtronomorum principes tibi ſubſcribunt. Solus tibi, quod aiunt, ſapis: ſolus bene oles, vt tantò minùs poſſis omnibus. Cui enim omnia ſibi ſunt pulchra; ea aliis plerique videntur foediora. Nam quòd & Angelos mundo maiores eſſe ais, an vel hoc ipſo ineptire te & Angelorū partem extra mundum verſari nolis velis non fateare? Quo ipſo, Philoſophorum præcepta, qui mundi ambitu omnia contineri aſſerunt, veritatis oſtendis expertia. Mitto, quòd Angelos corporeos,

de flamma ignis creatos esse perituros, & mox sententiam secutus Origenis, eosdem censere esse saluandos. Postremò cælum de fumo factum, & lunam æquè ac solem splenduisse, antequàm volitantis Gabrielis Angeli ala tacta, fulgorem suum amisisset, & quæ non his similia alia producis in apertum. Hæcciné autem tanti prophetæ est lex? hæcciné, quæ rectæ rationi consona sit oportet, sanctio & institutio? hæcciné quæ paruulis instillatur, sapientia? Quæ adeò nō veritati, sed multò proximior est falsitati. Est namq; lex, ratio recta, à diuino numine tracta, & quæ vel tantillū nō repugnauerit luminis intellectus. Cuius cū omnē vim & efficaciam non in rationando vel argumentando, sed in ferro enscūe stringendo tu impure reponas Mahometes, quī tuum dogma steterit, tot mendaciis, & fallaciis infarcitum? Fures, ut est in prouerbio, perfodiunt & ingrediuntur domos: latitat in tenebris mœchus: & ut denique iugulent homines, surgunt de nocte latrones. Quod idem quoque tu facere habuisti apud te constitutum. Metuebas, ne limanda in disputatione veritate, doctrinæ tuæ cognoscatur vanitas. Verbis de ea disputari prohibes, ne alterius quàm tuarum assertionum maior sit autoritas, verebere: vis tua tueri armis, non sententiis; ne quis argumentis tibi sit superior, pertimescebas; ferro, non iudicio litem iubes decerni. Ac breuiter impius, prophanus, ac sacrilegus es legislator. Christum Opt. Max. cum Ario negas esse Deum: Spiritum Sanctum dicis esse creaturam cum Nestorio & Macedonio: vxores plures, & in his concedis esse diuortia, ac præter vini vsum, nefarias quasque voluptates. Nonné hoc magis est quadrupedis, quàm magistri vel doctoris? & nunc in secta pro se quemque saluari sua, nunc extra tuam omnes vis condemnari: & quæ est ista leuitas & inconstantia tuarū qui ut aliquid aliquando etiā, haud ita omninò damnādū doceas, hereticę te coarguis, semperq; coargues te prauitatis; quæ ut facilius venena propinet hominibus, dulcia iis intermiscet, & blandis verbis, tanquàm Græcæ illius meretricis poculis vulgus inebriat. Venena namque expertia zacchari, rarissimè propinantur. Iam verò tantum abest cælestia ut intelligas, ut ne terrena quidē quæ sequeris, assequare. Quæ Deo Opt. Max. curæ nō esse, nec vnquàm fuisse: & cū Democrito mundū casui & fortunæ subiectū ais semper extitisse. Quē tu ipse potius disciplinarū, & sapientiæ expertē facis, & omni barbaria coinquinas. Vbi nāq; sunt Arabes? vbi Ægyptii tui? vbi ōnes Asiatici, qui antiquissimis literarum monumentis aliquando præstiterunt? vbi Græci, qui tot & tantis sapientiæ studiis præ aliis claruerunt?

runt? ubi Chaldaei, qui astrorum cognitione viguerunt? Tua Mahometana lex & fex obruit omnia: Græcia in ipsa requiritur Græcia: non amplius Ægyptiaca, non monumenta reperies Chaldaea: quocunque tandem inuolârunt Mahometana dogmata, vel potius somnia? quorum fundamentum voluptas est fœda, ensis præsidium, furta & latrocinia incrementum, tyrannis stabilimentum. Sed erit, inquires, doctrinæ tuæ magnum adiumentum illud, quod Christiano relicto, Mahometani dogmatis nostrorum aliqui fiunt discipuli, & auitæ religionis desertores. Cædò, quos & quales, quantosque eiusmodi numeres. Sed demus etiam, magnos, & infinitos, aut certè mancipia libidinis, aut seruos ambitionis, aut ob enormia flagitia expertes inter Christianos omnes depræhendes libertatis; usu & intelligentia diuinarum & humanarum rerum nullos, animo abiectos, malefactorum conscientia oppressos: siue verò media & desperatione eneruatos, vt mirum non sit illos proditoriè nos deserere, qui vicissim à nobis magno eorū merito fuerunt semper deserti & despecti. Quærit enim latebras is, qui lucem hominum, non secus ac noctua solis refugit radiorum. Quorum tamen intimos si quis introspiceret penitus sensus; haud dubiè cognosceret, aut futuræ vitæ spem habere eos nullam, aut intra se anxios, & sollicitos admodum esse, quod aquæ viuæ & perennis deseruerint fontes, & Mahometis cisternas secuti sunt detestandas. Nullus quippe quàm animi & conscientiæ internus, horribilior est cruciatus. At enim multò magis illud nos moueat, & religionem nostram esse veriissimam persuasum cunctis faciat, quod in Mahometana seruitute, tanquàm in Chaldaeorum illa quam alicubi legimus fornace Christianorū sunt quamplurimi, qui nō iā libertatē, sed mutato tantū solo, eandē expetunt seruitutē, tributa Turcis antiquitus grauiā pendūt, ferunt onera, subcūt verbera, accipiunt vulnera, & nec ipsam quidē suam calamitatē tutò deplorare posse videntur, ne si sciatur, patiantur grauiora. Qui tamē his nō fracti malis, & periculis omnibus, nomina sua Christo Opt. Max. dant quotidie, religionē auitam colunt constantissime, non se, non liberos mancipant suos Mahometo, imò vel capitis ipsius nonnunquam periculo, suum contra ipsius dogma tuentur & defendunt. Quid ita? Quia diuinæ doctrinæ veritas, & æternæ salutis securitas, multos, quàm præsentis felicitatis facit studiosiores: & quia illa tam impura Mahometis lege nihil est absurdius, nihil detestabilius, nihil iure vouendum, & consecrandum igni & cruciatui magis est sempiterno. Omnia enim, quæ hîc delectant, exiguo perdurant tempore.

At

At æterna sunt & erunt quibus ea expiantur. Quid, quod & in locis quibusdam Christianis, maximè verò in Iudæa, in villa Maronitarum Betaël, tribus nostris à Damasco miliaribus, circumcisum neminem sine periculo mortis ferunt posse triduo pernoctare: Nonnullos interim huius quàm alterius mortis metus permouet vehementiùs, ad omnia illa loca, quæ suspecta sunt, declinanda. Quo magis euident, & vera Christiana est religio, ex vtero Mosaicæ legis tracta, vatum oraculis illustrata, doctrinæ consensione aucta, sanguine martyrum sacrata, infinitis miraculis confirmata. Cuius Deus ipse Opt: Max: est auctor, filius Dei magister & Doctor, Spiritus Sanctus propagator. Qua si libet, cum Mahometismo conferenda, vltèrius progrediamur. Nullus enim discordiæ fons est maior & capitalior, quàm non idem ab vno & altero attributus honos Christi Opt: Max: diuinitati. Mahometanus ergò Christum inficiatur Dei esse filium, asserit Christianus. Ille quidem proptereà negat, quòd Deus vxores, ex quibus suscipiat liberos, non fortiatur; quibus existentibus pluribus, regna, quæ nisi vnum capiunt, interirent. Hic ego te Mahometane quæsiro, num & christiani ex connubio Deum generare testificentur? Hoc profectò auditum est nunquàm. Quid igitur garris? Quid christianos calumniaris? quasi verò nō sit perspicuū, orthodoxorū hāc esse, fuisseq; semp Deo sententiam, eum esse Spiritum, incorporeum, immortalem, æternū, & incomprehensibilē. Qui dum seipsum intelligit, in mente sua verbum, quod verbum Dei dicitur, concipit. Quæ nimirum ipsa de verbo Dei infallibilis veritas non modò illuxit tantum apud christianos, sed adeò etiam olim Philosophorum lycæa peruasit, & Platoniorum scholas nobilitauit. Sed sicuti noctuæ oculus ad lumen solis, sic noster intellectus est ad diuinitatem, quod nemini mirum videri debet. Nam & apud Iureconsultos, non omnium eorum, quæ à maioribus instituta sapienter sunt, reddi potest ratio, aut haberi de iis oratio; & tamen nulli vnquàm rei, quàm antiquæ legi maiorem auctoritatem esse tribuendam placuit Aristoteli. Nihil enim in contemptum adducit magis leges, quàm si feras multas, & nullas vel paucissimas exequare. Iam & quo pacto generationem filii & spiritum sanctum ab vtroque procedentem rudis & prophanus, & libidinum cœno immerfus intellexisset Mahometes, cum hæc non modò doctioribus, sed & sanctioribus eò magis visa sunt difficilia, quò plus aliquando de iis cogitabant. Quæ & ipsa auctoritate scripturæ sacræ nos tueri, an non multò æquiùs videtur, quàm quòd suas nugas igne & gladio defendi iubet Mahometes?

*Doctrina, & vera
Christianæ religio*

*non solum
per scripturam
sed etiam
per rationem
etiam per
gladium*

hometes. Etenim & Pythagorici à cognitione veri Dei remoti non Deo, sed homini vni tantū tribuere erāt soliti, vel sola respōsione illa, Ipse dixit, restarēt cōtenti. Quòd si quis Euangelio nō credit, nec Moyſi quidē fidē est habiturus; quē tamē Mahometana lex nō auersatur. Quid? an nō credunt suis Historicis Græci? nō credunt Latini? nō credūt barbari? & nos summis Iesu Christi cācellariis, vita innocentibus, miraculis clavis, vnū & idē spirantibus nō acquiescamus? qui alioquin Historici, quā dispares inter se sint, sempq; fuerint, facilē est cognoscere. Historici nulli⁹ ferē auctoritate recepti sunt; cū quidā ipſorū nō tam ad veritatē historię, quā ad imitationis exemplū multa literis prodidiſſēt. Euangelistarū libros tot ac tāta diuersis locis & tēporibus approbarūt Concilia, & cunctæ orbis terrę gētes atq; nationes prius examinārūt, quā sanctione & auctoritate sua cōfirmalsēt. Quo etiā ipso factū esse puto, vt ex his nōnulla suppressa, & à multorū cognitione cōstet esse subtracta. Præstat enim subdubitare de ambiguis, quā disceptare de arcanis. Quibus demū tot martyrū accessit robur & numerus, qui per acerbissimos cruciatus sui testamentū sanguine resperſerūt & cōfirmārūt seruatoris. Accesserūt his probatissimę vitę, & perspectissimę doctorum prudētia, qui nisi doctrinę Euangelicę verā cōperissent historiā; in Euangelici magistri verba iurare nūquā omninō voluissent. Accessit deniq; tot Imperatorū, regū & Principū auctoritas, qui rationibus victi, cōscientia puncti, miraculis tracti, collū Euangelio submiserūt. Accesserūt populi numero, infiniti, linguis inter se variis, locis & tēporibus disiuncti, rerū gestarū gloria clari, opibus & diuitiis abundantes; qui gentiū abiecta molliori, Christianā religionē longē duriorē amplexi sunt, & vnū illū verū & æternū Deū, tot tantisq; aliis prætulerunt, ex suisq; fanis delubra eorum eiecerunt. Age verò quantū & illud Euangelicę veritatis argumentū fuerit, quòd tot ante sæcula tam certa, & euidantia de Christo vatū extiterē oracula; vt non tam quidē gerenda, quā gesta enunciauisse de eo, & ab eo videantur. Qui posteaquā regali sanguine, purissimāq; natus esset ex virgine, quod nō dedit exemplū, quod nō adūbratū, sed expressū nō reliquit vestigiū sanctimonie, mansuetudinis, doctrinæ & potentie suæ singularis? Duodenis cū doctoribus eruditissimis disputauit puer: Vocatus ad nuptias, aquā in vinū cōuertit: Quinq; panibus quinq; hominū millia satiauit: Quocunq; ibat, vnico verbo ōnes vndequa; collectos ægros, pristinę sanitati restituit: mutis deniq; loquēdi, claudis ambulādi, cæcis vidēdi, surdis audiendi præstitit facultatē. Quo ipso quoq; nō cōtensus, nō so-

Iū imbecillibus vires sed & vitā restituit mortuis, etiā quadriduanis,
 secreta & cogitationes hominum intellexit, futura prænuntiavit,
 dēmonia eiecit, super aquis pedibus siccis iuit, mari & ventis impe-
 ravit; postremò videns & volens in Iudæorū potestatem redactus,
 & pro tot tantisq; in eos collatis beneficiis, crudelissimè ab iis est
 interfectus: & cū adeò sepultus fuisset, pro eo ac facturū se recepe-
 rat, intra triduū reuixit, & demū tractandū & pal pandū suū cor-
 pus discipulis exhibuit: ac quadraginta diebus post inspectanti-
 bus illis, in cælum commigravit, viuorum & mortuorum iudex tan-
 dem aliquando aduenturus. De cuius doctrina pia, vita sancta, &
 maximis quibusque miraculis clara, nulla vnquā ætas, nullæ lin-
 guæ, nullæ literæ conticescent. Quid enim aliud docuit, quā vt
 colamus Deum Opt: Max: festos dies celebremus, proximos vt
 nosipfos diligamus, pauperum misereamur, viduis & pupillis patro-
 cinemur, infirmos, & carceri mancipatos inuisamus, humemus
 mortuos, hospitio excipiamus alienigenas & longinquos, stupra &
 adulteria fugiamus, iurgia, lites, ebrietatem, crapulam auersemur;
 postremò Reges, Principes & parentes vt honoremus, magistrati-
 bus & sacerdotibus dicto audientes simus, & denique thesauros, &
 perfectam felicitatem, non in terra, sed in cælo consecemur. Hæc
 est illa Christi seruatoris lex, hæc sanctio, & præceptio salutaris. At-
 que vt simul tandem coniungamus vniuersa, Christus Opt: Max:
 Dei & virginis est filius, ex Spiritu sancto conceptus, vitam agit se,
 doctrinaque sua dignissimam: miracula edit varia, atque illustria:
 naturæ ipsi imperat, leges perfectissimas fert, & tot iis Reges, at-
 que Cæsares, tot gentes & nationes ad se conuertit, Deum & ho-
 minem se est professus, vtrique rei satisfecit. Prophetæ, Euange-
 listæ, Martyres, & omnes omnium ætatum suffragantur ei doctores:
 Florent sub religione eius literæ, vigent disciplinæ, vrbes & prouin-
 ciæ Christianæ sunt moratæ, iustè imperatur, & moderatè seruatur
 fides & æquitas, nō exulat humanitas, ratio postremò, non furor,
 lex, non libido dominatur. Quæ simul iuncta, quid sibi volunt ali-
 ud, quā quòd verum sit semperque fuerit Christi de se testimo-
 nium, verū esse Deum ipsum, veras illius promissiones, doctrinam
 & religionem veram, & ad omnem æternitatem duraturam? Ma-
 homietis contrā quæ & qualis sit, & quibus artibus creuerit, quæ
 denique deliramenta sparserit, quis non perspiciat? Gente fuit A-
 gareus, patriā Arabs, ortu ignobilis, mala & puerua natura, nul-
 la excultus doctrina. Dogmā suum ex Paganismo, Iudaismo, &
 Christianismo conflauit, hæreticorum quorundam opinionibus ful-

ful-

fulciuit, simulandi, & dissimulandi artificio erudiuit, de vita æterna nihil prorsus sensit, nihil in codicibus suis testatum fecit: nullum in morte, & quoad vixit, miraculum edidit: nulla denique alia re, quàm quòd corpus ipsius, Magnetis vi in aëre pendet, varium & mutabile vulgus magis infatuauit. Interim verò, quàm & ipse turpissimè vixerit, & alios turpia docuerit, & sibi nescio quid somniauerit, omnes intelligunt. quot enim lactis, & mellis viniqùe futura flumina, in cælo sibi non somniat? quos non promittit cibos? quos non permittit coitus? quæ Angelorum obsequia vel in turpissimis rebus suis non pollicetur? O hominis foeditatem, vel quadrupedis potiùs, cui non dicam cum sanctitate, sed vel cum ratione ipsa nihil est commune. Et erit, qui in voluptatù cœno, tanquam in quodam lutulentus sus sterquilinio, cupiat dies, noctesq; volutari? & an nō multò sunt plura & iucūdiora, quib⁹ homines recreantur? nam vel vna illa gloriæ, & immortalitatis cupiditas, homini ratione prædito; quàm hæc ipsa libido, & voluptas corporis foeda, longè est amabilior, & magis vergit ad perpetuitatē, si perpetuum dici vel haberi debet id, in quo aliquod est extremum. Et enim si labore, & industria aliquid confeceris, abit tandem labor, & restat decor; sed si voluptates tanquàm Syrenum voces, blandissimas sequare dominas, angustissimis hæc circumscribuntur terminis, vna verò illa turpiter actæ vitæ poena, & infamia remanet sempiterna. Et quidem quantò voluptas fuerit vehementior, tantò lumen animi magis extinguit, & intemperans adolescentia effœtum corpus relinquit senectuti. Vtrobique enim libidinosi dispari licèt modo, hîc, & in inferno cruciantur. Iam verò, sicut ignis & aqua simul esse non possunt, sic neque istæ terrenæ, & caducæ deliciæ cohærent cælestibus. Quas quoniam impurus sua quadam lege sanxit in cælo Mahometes; magis morata Solonis, aut Lycurgi est sanctio, qui etiam in terra eas prohibuit, quippè oblectamenta omnia eousque tollerantur, quoad speciei hominis conseruandæ ergò, & in vnum illum, qui Deus est, finem perpetuò diriguntur. Foedior profectò ipse Mahometes Calipho, & Synoma-
cho est, & censeri debet, qui summum bonum situm esse in voluptate coniuncta honestati putauerunt. Foedior Erillo, qui in scientia posuit, foedior Aristippo & Epicuro, qui in sola voluptate omnem felicitatem collocauit. Felicitas Christianorum, animæ nobiliori respondet parti; Mahometa viliori, hoc est, corruptibili, & caduco corpori. Christianorū mentē, Mahometana spectat ventrem. Hæc obscura & putida; illa clara & suavis. Christiana cum

Angelis, illa cum animantibus est communis: Christiana in illo
 claro & illustri & pleno syderum ponenda est loco; Mahumetana
 nec quidem in ipsis Asiae latebris, aut sterili Libyæ solo, præferen-
 da. Ac breuiter Dei quidem Opt: Max: iudicia, abissus est profun-
 dissima; & Turcæ, vt voluntas in nos sit iniquissima, potestas est
 iustissima diuinitus attributa; cui placuit, vt & diuitem Asiam, &
 doctam Græciam, & amænam Thraciam, & rebus gestis nobilem
 possideret Macedoniam; vt templum illud Salomonis, in quo to-
 ties concionatus est Christus, vt Bethlehem, in qua natus, Hiero-
 solymam, in qua mortuus, occuparet; vt denique Antiochia, in
 qua Christianum nomen primùm est auditum, vt Bizantium, in
 qua vrbe centum & quadraginta, contra Macedonii hæresim, vt
 Nicæa, in qua contra Arianam trecenti & quadraginta, vt Chal-
 cedone, in qua sexcenti & triginta, contra Eutichi & Dioscori de-
 liria conuenerunt Episcopi; & tot, tantisque aliis illustribus locis,
 Apostolicis sedibus, & Pauli ministerio claris, hostes religionis po-
 tirentur. Sed non propterea nostra religio est infirmior, aut maio-
 ri prosequenda desplicatu. Quin cùm optima & certissima sit, & lo-
 ca illa sacra venerari magis debeant, tantò maiori conatu, & late-
 rum nostrorum oppositu sunt defendenda. Etenim si pro repetun-
 dis rebus, iustam belli causam veteres putauerunt; quid eo bello
 fuerit iustiùs, quod pro tot atque tantis direptis vrbibus, spoliatis
 fanis, euerfis regnis, occisis principibus suscipiatur, & geratur?
 Sæpè olim Romani pro sociis, sæpè Græci pro augendis confiniis
 arma ceperunt: Vos pro tanto, tamque latè patenti imperio, quan-
 ta magna ex parte Asiae, & Africae, & Europæ regionibus auctus est
 Turca, ad vos rursus transferendo nihil agetis? præteritarum cladi-
 um & calamitatum non recordabimini? Dei Opt: Max: iniuriam
 vestrâ, maiorûq; vestrorû cõtumeliã inultam relinquetis? Atqui si
 vel pacem desideremus etiam maximè, Turca vester, & totius Chri-
 stiani nominis hæreditarius hostis vobis eam non dabit: Sed tan-
 quàm alter satelles Satanæ, & prodromus Antichristi, in figura
 hominis, immanis quædam belua, societati hominum infesta, vos
 aggredietur, ex oriente in occidentem rursus transferet hoc incē-
 dium: vi denique & cæde, ferro & flamma in his regionibus cuncta
 complebit. Quid igitur? An nō præstiterit hac occasione nos vti, &
 Turca dū in Perside occupatus hæret, aggredi potiùs, quàm in no-
 stros stringere ferrū, & illius furorē, & crudelitatem vt alios experiri?
 Grauiora quidem sunt vulnera ea, quæ obligat examinata metu
 vxor, constuprata luget filia, vexatus deplorat parens, & in-
 censa

incensa acerbiora reddit patria. Stultum est obiicere hosti omnia, liberos quos ante ora parentum violet, coniuges quas constupret, aras quas diruat, Rempub. quam euertat, facultates quas deprædet & exinaniat. Romanis durius bellum nusquam quàm in Italia fuit. Philippus Alexandri magni pater, per ciuilem Græcorum discordiam aliàs inuictam peruicit Græciam. Annibal superari non potuit, quàm in patriam à Scipione reuocatus. Caput caput imperii petendum est, Byzantium inquam, olim urbem post pacem cum Graciano factā, & à Theodosio cōfirmatā, Attalarinus Gottorū rex ingressus ad eum modum dicitur esse locutus: Verè inquit, terrenus Deus hîc habitans est imperator, & quisquis manum contra eū mouerit, sui sanguinis reus fuerit. Tantus quidē illius vrbis splendor & amplitudo spectabatur; vt vel hæc Turcica monstra cōtinuò eā inhabitantia, nomini suo inde quodāmodo maximā astruxerint maiestati. Scio verò esse multos, qui hæc apud se parui admodū faciūt, qui cōtemnunt, qui aut urbibus munitis cōfisi, aut voluptatib⁹ dediti; aut mōtibus fluminibusue disiuncti, aut oceano circumfusi, tanq̃ folia Sibyllæ hæc audiūt recitari. Sed illa eadē Græcos, eadē Illyrios, eadem Hungaros spes fefellit. At interim cupiditatis tyrannicæ finis est infinitus: & si pro angusto Mysorum imperio, pro Triballorum montibus, pro Illyriorum casulis, maiores Turcæ tot confecerunt prælia; pro Italiæ opibus, pro Germaniæ thesauris, pro magna ad gerendas res Poloniae opportunitate, pro Hungariæ reliquiis tantopere expetitis, iste etiam (si Deo placet) Turca aliquid non audeat? non tentet? non maiorum suorum institutum vitæ, & sui Mahometis persequatur? Quid si nec votis quidē suis aliud barbari ingeminant, nihil optant, nihil expetunt magis, quàm Christianorū discordias? Has in synagogis suis diuinitus petūt, pro his quotidie orant, has summopere concupiscunt. Nos verò eorū rem agamus? nos mutuis cædibus conficiamus? domi & foris perpetuò digladiemur? & quid est turpius, quàm agere quod hostis iubet, non ratio suadet, quod illi, non mihi expedit procurare? Enimuerò ignoramus, quòd nullum imperium, quid dico imperium? vrbs vna, imò & domus sine animorum concordia nunquàm fuerit diuturna. Corruit olim rerum domina & arx gentium omnium dissensione Roma, corruit Græcia, corruit nuper Hungaria, & nos in his Europæ reliquiis non corruamus? tabidam quidem febrem ægrè prius in homine, quàm totus marcescat, deprehendas. Ad eum modum & interitum hunc à Turca nostrum, vix præsentias, quàm ad eundem torrentis instar præcipitère. Speramus in-

dies meliora, & aliorum obſtamus potentiâ. De hac, quæ omnium futura eſt grauiſſima & infeſtiſſima, euertenda, ne quidem cogitamus. Paruæ erant Turcicæ principiò vires, quæ nunc in immenſum diſcordia noſtra auctæ, orbi terræ extremum, niſi prohibuerimus, minantur excidium. At quî prohibeamus, niſi ſumma volûtatum & animorum noſtrorum accedat conſenſio? Quo pacto olim à Xerxe Græciam, cuius quinquagies centenis hominum millibus exercitus & claſſis, mille ducentis conſtitit nauibus, liberatam fuiſſe legimus, & audimus. Nos interim quid operimur? quid noſtra in communionē temporum non conferimus? quid vicinos & conſanguineos noſtros non adiuuamus? potiùs quàm Byſantinorum exēplo ipſi cum omnibus facultatibus noſtris in Turcicam veniamus ſeruitutem. Ferunt Conſtantinopolim, quinquaginta aureum nummū millibus in militiâ erogatis interitū prohiberi potuiſſe. Taurinum in Vngaria tantū centum & quinquaginta aureis, quibus commeatus Budæ emptus, ſecundoque Danubio, ſi Quæſtores voluiſſent, demiſſus, longiorem obſidionem deſenſores ferre præ pudore coëgiſſet: ſed hoc curatum eſt, ſcilicet. Nunc errorem fatentur, atque lugent omnes. Quod vereor ne & nobis eueniat, & vt ſerò ſerio certè erudiât nos grauiora. Video potentiâ, & Turcici imperatoris maiestatem, tanquàm iuſtū aliquem & legitimum tot regnorum poſſeſſorem quosdam Chriſtianos principes non obſcure venerari, & hanc vnam regiam, tot tantasque alias formidare. Quin adeò & cōmunia conſilia cū eo habere, & occulto quodā deſiderio eius potentiâ & ſucceſſū peroptare. At enim longè adhuc iuſtiùs & moderatiùs Romanorū erat imperium, qui tamen & Aſia quàm Attali & Bythinia, quā Nicomedis teſtamento habuerant, exuti ſunt, cū Cyrenas cum vrbibus Lybiæ, & Pentapolim Ptolomæi antiquioris liberalitate, & Lybiam ſupremo Appionis regiſ arbitrio aſſecutas amiſerunt. Turca in tanta ſua tyrannide temerè aliorum vſurpatis ſibi rebus non amittat Bizantium? non Thracia, non Hungaria ſpolietur, quam ſpecie quadam ferendi auxilii proditoriè occupauit? Vnusne ille impune aggrediatur omnes, & ipſum aggredi domi ſuæ audeat nemo? quaſi verò neſciatur, urbem illam Bizantinam, à Pauſania quondam conditam, poſteà verò à Conſtantino magno, Sanctæ Helenæ filio, nouam Romam, ſeu Conſtantinopolim nuncupatam; ſub altero autem Conſtantino, Dragasæ Helena item nato, ſed Catholicæ religionis deſertore, non tam quidem Turcæ ipſius viribus, quàm pœnis diuinitis periuro Cæſari irrogatis vltricibus in hanc calamitatem deueniſſe, &

Hunga-

Hungariæ partem non tam Solymani Turcæ copiis, qui in eius excidium ter ipsemet venerat, diuiso Senatu, distracto populo, & intestino grassante dissidio, corruisse; vt facillè coniecturam capias, quale, & quàm diuturnum hoc futurum esset imperium, si seriò semel animis & viribus simul iunctis, à Christianis regibus ad ruinā inclinatū impelleretur. An verò quis dubitauerit, tot Christianis gētibus & nationibus, Cōstantinopolim in bellum proficiscentibus, omnes istos intermedios populos, qui non ita pridem nomen Christi coluerunt, & etiamnum colunt, sed apertè tantum profiteri metuunt, ad arma concitados in Turcas ruere, & extrema quæque libertatis suæ causa debere experiri, cuius intermissæ grauiorres sunt morsus, quàm retentæ? Neque verò & omnes ij, qui in Asia sunt, Christianæ religioni nuncium remiserunt. Multi in Cilicia, Bythinia, Cappadocia, Syria & Palæstina sunt Christiani. Hiberni verò, qui & Gregoriani vocantur, Trapezuntii, Armenii, & Præcopiani Tartari Christum colunt; neque in Turcam inducere arma dubitabunt, quoties à Christianis Principibus serio rem agi animaduertent, maximè, cū hæc inter Mahometanos in Asia & Africa seditionis fama passim iam increbuerit, quæ Christianorum conatus haud dubiè adiuuaret. Sumunt enim animos omnes rebus hostium paulò inclinatis. Non autem leue inter Arabes, Numidas, & ferè omnes Afros, & inter Turcas ipsos de Mahometano dogmate est dissidium. Hi quidem obediunt Caliphæ, penes quem summam potestatem voluit esse Mahometes. Turcæ verò rursus summum sacrorum præsidem Muphti creârunt. Ex qua ipsa disparitate dogmatum, magnæ inter eos ortæ sunt dissensiones. Etenim in Senatum Turcicum Muphtæ ingrediuntur vicarii, qui intercedunt, si quid suo, suorumque dogmati, & Mahometis legi aduersetur. Calipha interim sacrat quidem ministros per vniuersam Libyam, sed nullum sub se regem æquè potentem sortitus est Ottomanis. Quæ emulatio, quantum pariat contentionum, & bellorū, tot Christiana regna & prouinciæ ab otiosis syllogismis incensæ, & ad cruentissima bella deuolutæ, satis superque docuerunt. Vno enim momento à verbis ad verbera, & ab armis ciuilibus ad inciuiles peruenitur laniatus. Quod idem, si in Turciam etiam peruaferit mali, qualis illi tam impotenti dominatui impendeat mutatio, quis non intelligat? Antea etiam vel florentibus Turcicis viribus, & nullo internorum armorum existente in Turcia metu, arma & bombardas domi suæ habere prohibebantur Christiani. Quod vt vel hodie capitis periculo sanciat, annis tamen nihilominus singulis

gulis diligens fit inquisitio, ne quid armorum & insidiarum alicubi lateat & abscondatur. Vbi autem aliqua, vel minima increpuit belli, vel armorum suspicio, falces etiam ipsæ agrestibus adimuntur: & falsi passim & ubique rumores sparguntur: imò & falsa eduntur lætitiæ signa, ob relatam de Christianis victoriam, multitudinis tantum ergò in officio continendæ. Quo tantum abest, ut aliquid proficiant; ut maiori adeò spiritu populi in eos augeantur. Temerè enim fingentes & fugientes veniunt in periculū & cōtemptū. Et nō modò non auferuntur per illam inquisitionem à Turcis Christianis arma; sed noua adeò, & plura ab iis conquiruntur, ad hunc potissimum vsum; ut si tandem aliquando potens Christianus aliquis in peniciora Turciæ ingrederetur exercitus, qui nec opinanti statim opem ei ferret præstò haberet. Quo minùs dubitare debes, domi suæ Turcas infinitos sortituros proditores, coniugum liberorumq; suorum percussores, Mahometanæ perfidiæ desertores. Non aliud profectò Rascii & Bulgari quàm vicinos ad se aduentantes Hungaros, non aliud hi, quàm Polonos, non aliud Epirotæ & Macedonii, quàm expectant ab altera maris parte positos Italos: & si fieri posset, qui aliquando etiam olim illac iter in Palæstinam faciebant, Gallos & alios Christiani nominis populos, propemodum infinitos. Quorum omnium æquitatis est, socios non deserere: sapientiæ, videre integris & coniunctis viribus, quàm fractis & diuisis cum hoste potiùs esse bellum gerendum. Est enim fatuitatis, ab eo qui hactenus Christianorum fidus prorsus fuerat nemini, certam aliquam pacē, & in foederibus polliceri sibi firmitatem. Quas & quantas penè anniuersarias clades Poloni à Tartaris, Turcæ prodromis & emissariis patiantur, vident. Quid ex Foro Iulij, ex Græcia Italiam periculorum maneat, consideret. Quo in statu Austria, Morauia, Bohemia, & ipsa denique Germania, reliquiis Hungariæ confectis, futura sit, quis ignoret? Quis igitur communi causæ & necessitati defuerit? quis non audierit sociorum querimonias? quis non ingemuerit calamitate? quis non exhorruerit seruitute? Audendū audendum est aliquid, & aut pulchra (ut ait ille) per vulnera mors oppetenda, aut verò de perfidissimo & teterrimo hoste is, quem optamus & speramus omnibus numeris & partibus absolutus triumphus est referendus. Hoc pacto rem olim Romanā sentim creuisse, & hos eosdem hostes nostros ad summam amplitudinem videmus peruenisse. Pacē qui firmam habere auet, perfidum, crudelem, insidiosum hereditariū hostem bello oportet persequatur. Non est Turca ampliùs is, qui antea fuerat: habebatur superatu credibilis

*Aut pulchra
mors oppetenda*

dibilis semper. Nunc adeò etiam est facilis. Obtrivit suorum Prætorianorum in Perfide legiones: exhaustit ex orbis terræ spoliis thesaurum conflatum: amisit quem habuit præstantiorem equitatum: vrgere tributis suos vix ampliùs potest: domi & foris inimicum habet: cum metu & horrore interitum vndeque circumspicit. Vobis verò Christiani adsunt, & aderunt omnia, duces, milites, exercitus, pecuniæ, commeatus: aderit & ipse Deus Opt: Max: pro quo bellum gesturi, cuius aras, phana, ceremonias, & religionem estis defensuri. Qui dum Moses orabat in monte (vtar enim exemplis Christianis sacris) populum Israëliticum reddebat victorem in acie, & solem retinere suum fecit cursum, ne victoriæ Iosue retardaret aditû. Aderit inquã eadẽ illa prælucente cruce, qua Cōstantino magno, qua Theodosio, qua regi Galliæ Ludouico, qua Carolo magno, & eius nominis V. præluxit Cæsaribus: qua Petrus Eremita toties Saracenos fugauit: qua Christianus exercitus Sultanû Ægypti, & eius calidissimû ducẽ Corbonã superauit: qua Capistranus Monachus cum Hunniade in acie stans, & Iesu nomẽ inclamans, toties Turcas profligauit, impiû, impurû, sacrilegû, & cōsceleratû Turcarû genus suas cōspurcari aras, sua dirui templa, suû sacrosanctum proscindi nomen, suorum martyrum disci ossa, & prophanari sepulchra, non ampliùs patietur. Iam mille penè extincti à nato Mahomete sunt anni, quo ille tempore patria & genere ignobilis, mente tumidus, moribus fœdus, ingenio multiplex & varius, consuetudine idololatra, legem suam prædixit occasuram. Vtinam saltem Christiani non tantum nomine, sed multò magis simus ipsa re atq; veritate; & pro seruatore nostro innocente, scelerati pro patria antiquiore omniû parête, multis nominibus in eã ingrati, pro tot nationibus seruis, nos qui sumus & esse liberi volumus, si ita tempus necessitasque postulauerit, non inuiti moriamur. Hoc quidem à nobis patria, hoc charissima coniugum, liberorumque nostrorum exigunt pignora, hoc parentes, hoc necessarii & propinqui nostri à nobis desiderant; qui iam olim extincti, in illo excelso & pleno syderum loco, hanc eandem nostram ostentant patriam, nos orant & obtestantur, ne eam iam non hostibus, sed belluis Turcicis occupandam & diripiendam permittamus. Quo eodem loco mihi videre videor senum, & sacerdotum, mulierumque turbam, vestram fidem implorantem, & ad vestros proiectam pedes; vt si eorum corpora, metandis contra Turcam castris, non vultis tueri; rastris saltem vestris, vt æquitas rei, rationesque vestræ tulerint, addici potiùs patiamini; & in eo, vt constet suæ Reipub.

E

salus

salus, sua dignitas, Christo suus honos & gloria, animos vestros defigatis. Moueamini obsecro afflictorum lachrymis, moueamini precibus & calamitatibus identidem geminatis, & id aliquando nobis euenire etiam posse, quod in vicinia euenisse iam cernitis, qui non iudicetis? Ac quod nobiles exercituum faciunt duces, vt posteaquam milites in acie stantes, ante prælium fuerint cohortati, ipsi quoque in confestimissimos se inferant hostes, ne expectationi militum defuisse videantur. hoc vos etiam orbis terræ reges & dynastæ, haud ita grauatim faciatis; vt non modò aliis belli contra Turcam suscipiendi & gerendi auctores vos præstetis; sed armis etiam ipsi induamini, & denique in Turcam proficisci, & si ita fors obtulerit, vel in acie fortiter contra eum cadere; quàm in singula momenta, quod increpuit, semper pertimescere potius statuatis. Sic enim uerò eorum qui pro Christo seruatore suo aliquid etiam passi sunt, insistentes vestigiis vtinam quidem in Palæstina priùs etiã ista potiti; sed quomodocunque acciderit, cælesti Ierusalem illa altera potiemiini sempiterna.

TVRCICA III.



SI QVOD VNQVAM SÆCVLVM FVIT, QVOD tot, tantasque tamque varias, & admirabiles rerum & temporum habuisset vicissitudines, hoc profectò eiusmodi est: vt ab inanum rerum cura, & ab intestino maximè auocet dissidio, terrarumque orbis ad suum finem nos admoneat properantis. Etenim sesquimillesimo partu à virginis anno, Carolo huius nominis V. Romanorum Cæsare, ceu quodam Hespero Gandavi oriente, ea quidem istius, qui ad sexcentesium decurrit centenarii initia & progressus extiterunt; vt quæ in eo plus ferè quàm in mille annis aliis acciderint, enarrare omnia penè factu sit incredibile, nefas verò cum inceperis, vel aliqua prætergredi. Turpiùs quippè reticentur quàm recensentur, semel cœpta recenseri. Verè sanè & sapienter olim in eius Caroli V. natalis diem, qui D. Matthiæ Apostolo sacer, & ipsi per omnē vitam felix & faustus fuerit, verba illa sacris oraculis prompta sortem super Matthiam cecidisse, Isabella Ferdinandi Hispaniarum regis coniunx, eius auia vsurpauit. Vt enim ista sic se habere, & Austriacorum Principum paulò altiùs repetitis rebus felicitatis ostendamus incrementa. Maximilianus primus hoc nomine Cæsar solers,

solers & prouidus, familiæ suæ auctor dignitatis, non hanc quæ Carolum eius nepotem peperit, sed grandiolem natu Ferdinandi Catholici Hispaniarum Regis filiam, Philippo suo vnigenæ filio elocari postulauit. Qua cùm matrimonii ergò solenniter contrahendi ex Austria amplissimi legati in Hispanias aduenissent, sic quidem eis responsum est; vt cùm castam & religiosam vitam agere ipsam parentes testarentur, ad alterius filiæ expetendum connubium quasi quædã via illis tacitè monstraretur. Nulla enim re quàm religionis specie, regum postulata & responsa omnia pulchrius con- diuntur. Sed cùm nihilominus tamen, nescio quid dubitationis ea fortè res oratoribus attulisset, volentibus discedere, vt integrum negotium ad Cæsarem reiiceretur, & illi interim noua mandata expectarent, fuit ab eis postulatum. Res enim magnæ, tardiùs licet confectæ, satis in se habent habueruntque semper celeritatis. Ferunt autem Maximilianum Cæsarem prudentissimum Principem aliquandiu hic hæsisse, & quid potissimum consilii sibi hac in parte capiundum foret, cogitasse. Verùm enimuero cùm præter multa alia regna victorias & cõnubia, ortusq; nostros & occasus ab vno illo præpotenti Deo Opt. Max. rectà sciret proficisci, vel adeò etiã cū minori natu filia contrahendū esse matrimoniū, reddidit legatos certiores. Connubia quippè in cælis habēt ortū, & in terris exitū consumatū. Quod cū Principis sui iussu legati Cæsaris perfecissent, rursus illam maiorem natu filiam primum quidem Alphonso, Odoardi Lusitanorum regis filio, postea & Emanueli regi ipsi, vt Lusitaniæ regnum tam diu tamque anxie ab Hispanis desideratum suis aliis adiunxissent regnis, non dubitanter elocârunt. Sed in multis quæ apud se destinauerit homo, vnum illud numen cuncta gubernat diuinitatis. Etenim maiori tandem natu paulò post extincta filia, præter omnium spem & expectationem, Ioanna filia regnorū euasit hæres, & Carolum V. cuius demum filius Lusitania est potitus, die Martis foetum edidit Martium, omnibus omnium gentium linguis & monumentis celebrandum. De quo, quod antea etiam dixeram cùm Isabellæ auix fuisset nunciatum, quanquàm Michaëlem ex Isabella nepotem viderat ante se inambulantem, illa ipsa verba sacris ex codicibus sumpta, è vestigio recitauit. Rariùs enim alia, quàm sacra sacro ex pectore verba debēt tonare. Quorum vim & efficaciam vel ex eo est cognoscere, quòd Austriacis regibus Lusitaniam fatale fuit tenere, inprimis verò Carolo V. ea natalis sui die, Aquisgrani imperiale diadema, & de Frãcisco I. Gallorum rege, ad Tycinum victoriam multa que alia obtinere. Habet

namque à seculis Deus Opt. Max. numerata, dimensa, & perponderata apud se vniuersa, adeò vt idem ille Carolus V. si ferè pari à Carolo magno, aut nato, aut inaugurato temporis interuallo, quo olim ille à Christo in hunc mundum edito, felicissimè diuinitus excitatus non fuisset, in tanta Mahometanorum rabie & heresum varietate, ne salus quidem ipsa saluare Rempub. potuisset. Crescente enim horum illorum, decrescit potentia, & ad externam vim, domi, funestissima dogmatum est licentia. Nam vt tandem istius Centenarii, quo vtrumque hoc maxime ebulliuit malum, maximè quæque memorabilia breuibus percenseam; & erit qui dubitet, omnia in eo plena tumultuum & bellicorum incendiorum fuisse, & Carolum V. Cæsarem, vt nolentem in illa ipsa incendia, vel inde ab incunabulis incidisse? qui dum adhuc in cunis vagiebat puer, Deo Opt. Max. eius gubernaculis & victoriis augustiora adhuc præparante, tria illa memorabilia prælia intra vnus & alterius anni spatium, iis ducibus, qui postea etiam ipsius auspiciis militarunt, sunt commissa ad Seminaram vnum, ad Carniolam alterum, & tertium ad flumē Gariglianum: & omnes quidem pugnae illæ, vno Consaluo duce, & die Veneris tres, qui Hispanis non infauit esse, & idem ille dux, qui regnum Neapoleos bis recuperauerat, vel apud ipsos hostes in tanta veneratione scribitur fuisse; vt duobus maximis Europæ regibus mensæ accubentibus, Gallo, contra quē militauerat auctore, iussus fuerit tertius assidere. Etenim vel in hostibus ipsis virtus & fortitudo sæpè suspicitur & amatur. Ex quo ipso tempore & Carolo V. seu quodam Martiali orto Hispanis & Germanis sydere, Gallorum auctoritas imminui, illorum verò non obscure cœpit augeri. Floret quippè perpetuò nihil & saltatorium orbem, quæ falsò appellatur Dea, versat fortuna. Atque vt ea, quæ polliciti sumus, tandem præstemus, neque multū in iis, quæ Maximilianus Cæsar hoc nomine primus, Bauarico & mox Veneto gessit bello: aut quæ Ferdinandus Catholicus etiam ipse, nouo indagando orbe, aut quæ Florentini contra Pisanos in Hetruria, & Veneti contra Germanos bella administrarunt, immoremur. Carolo quidem Cæsare, iam annum agente duodecimum, crudelissimum illud ad Rauennam commissum est prælium: In quo Iulii II. Pont: Max: legatus Leo X. Pontifex ipse intra annum postea renunciatus, à Gallis captiuus est factus, & Fosseius eorum dux interfectus. In sequenti verò anno, Moschorum octoginta millia, à Sigismundi Poloniæ exercitu, Ioanne Ostrogio, & Ioanne Suerceuo Ducibus, ad Orscham sunt profligata. Quibus veluti præludiis, spectandis maioribus adhuc motibus,

bus, & prius quidē ociosarū quæstionū, postea & cruentorū certaminū, tempus appetebat. Etenim Martino Lutero profugo, & omnis pudicitiae violatore Monacho, facem Vitebergæ accendente, quam in Christiano sanguine spargendo passim est laboratum, quis vnquā dubitabit? Ac primū vt Lutherana ferē omnia cum Mahometanis quodāmodō cōueniūt. Ismaële Zophi Mahometanū dogma nouis interpretationibus exponente, tanta in Asia excitata in Turcas est seditio, quanta si in Christianis ea quæ debebat vigilantia & concordia fuisset, ipsorum euertere imperium potuissent. Sed tot tantæque occasiones neglectæ, & primū quidem Constanti-
nopolis à Mahomete Turca impune capta, demum Soldanus Ægypti à Selimo eius nepote, nobis videntibus & volentibus, debellatus, Mahometanum imperium stupendæ reddiderunt maiestatis. Quod quā longē etiam futurum est maius & potentiū, si hac tanta belli Persici occasione, cui implicatus hæret, vel aliqua saltem ex parte suis non fuerit Turca diminutus viribus, omnes intelligunt, qui habēt nō modō iudicii aliquid, verū etiā sanitatis. Sicuti namq; supremo gradu lapsis, à mediis ad infima descensus est præceps; sic rursus à mediis ad suprema, nisi impedimenta obstiterint, facilius peruenitur; prout in his duobus, qui vno eodemq; anno nati & gubernacula adepti fuerāt, Carolo V. Christianorū, & Solymano Turcarū, Cæsaribus licuit cognouisse. Etenim Solymanus Taurino primū, mox & Rhodo expugnata, demū Ludouico Vngariæ rege ad Mochaczū interfecto: & Carolus V. Francisco ad Ticinū vix nō eodē anno captū, imperiū sunt auspicati: & hic contra Gallos triginta inuitus licet, ille contra Hungaros penē quadraginta annis bella administravit. Quo loco non potero non referre, quod de Francisco primo Galliarū rege audiui aliquando referentē nō neminē, cū propter grauissima quæq; bella, vel cū Turcis ipsi cōmunia haberet, in Carolū V. consilia dehortatā fuisse à tali instituto eū matrē, & illud demū cū obstinatus esset, addidisse: & ipsum & liberos ipsius Gallorū reges, alioquin magno eorū merito, Christianissimos dictos; nec successum, neq; successionē in regno diuturnā esse habituros. Quod nū ita secusūe se habuerit, euēt⁹ declarauit. Sed nos his omisis, ad curriculū narrationis nostræ reuertamur. Ac Carolo V. Cæsare Francoforti, cū absens in Hispaniis esset, electo, demū Aquisgrani inaugurato, quid alibi quoque terrarum sit gestum & subsequutum, breuiter percurramus. Prussia quidem post diuturna inter Polonos & crucigeros bella, & magistri nomine in Ducis permutato, Polonię sub Sigismūdo primo associata est, eidēq; regi bel-

lum in Prussia gerenti, Sigismundus Augustus vnigena natus filius; & mox rusticani tumultus per Germaniam sunt excitati; qui, vix cogitari potest, quantum calamitatum per Germaniam pepererunt. Cùm namque omnibus bellis, tum nulla salus est intestinis. Taceo Romam à Cæsarianis militibus duce Borbonio direptam, & paulò post Viennam à Solymano Turca fuisse oppugnatam, qui ingenti adducto barbararum gentium exercitu eò audaciæ venerat; vt quædam ipsius copiæ longiùs in Germaniam progressæ apud Vathoffe superioris Austriæ oppidum, profligatæ fuerint. Cogitemus interim quid iã denuo facturi Turcæ sint, si vires recollegerint; cū vel antea tot ac tanta in Christianos moliri, & caput Austriæ Viennam, duobus orbis terræ luminibus, Carolo V. Cæsare, & Ferdinando eius fratre rege florentibus, acerrimè oppugnare, minimè dubitauerint. Dies quippè succedit diei, & crudelitas succrescit crudelitati. Nihil dico eodem ferè illo aut proximo statim tempore, motus fuisse in Italia grauissimos, & memorabilem illam Cæsaris Bononiam profectionem subsequutam, quam incredibili pompa à Clemente VII Pontifice, diademate imperiali accipiendo, in tot tantorumque Principum, & eorundem Oratorum frequentia celebravit. Mox Florentia capta, eiusdem Cæsaris beneficio Mediceorum in Hetruria incepit principatus; qui virtutum omnium & humanitatis ac magnificentiae gloria, non modò suæ patriæ, sed vel cunctæ adeò Italiae antea etiam prælucebant. Prætereo Christianorum Danorum & Suecorum regem, ob insignem crudelitatem regnis excidisse tribus Sueciæ, Daniæ, & Noruegiæ, simul ac nuntium remittere religioni cœperat orthodoxæ. Nolo commemorare Henricū VIII. Anglorum regem, secus quàm paulò antè quodam libro contra Lutherum edito, defensoris fidei appellationem retulerat, Catholicæ religionis hostem se turpium connubiorum & spoliandorum ergò subito declarasse, & multos præstantes eius religionis assertores & patriæ suæ decora, crudelissimè sustulisse. Secuta est demum Caroli V. Cæsaris in Italiam profectio, qua per vtriusque Siciliae regna, & Albæ Græciæ agros, duxit ipse Tunetum versus exercitum in expeditionem. Nec mora, Guleta, & Tunetano potitus est regno, & permulta Christianorum millia, quæ captiua tenebantur, pristinae restituit libertati. Sed paulò post Franciscus Galliarum rex, infesta arma rursus in eum cepit, & ab instituto eum reuocauit. Quod Romæ apud Pont. Max. Paulum III. in reditu quæstus fuisse, & Galliarum regem ad singulare certamen prouocasse memoratur. Non deerat autem vel tum quoque belli contra Turcas susci-
piendi

piendi & gerendi peropportuna Christianis occasio: Persa enim urbē vulgo Tauris dictā, Turcis rursus eripuerat: & Imbraimū Solimani Turcæ gratiosissimum purpuratum, ad Euphratem maximis copiis profligauerat; & ipsi denique Solimano, cum filiis atrox certamen intercesserat, quod haud dubie Turcico dominatui, si tempore & viribus nostris uti sciuissemus, ruinā minabatur. Sed neglecta, ut dixi, fuerūt tū tēporis ōnia: Ita demū & naualis cōtra Hariadenā parandæ victoriæ excidit occasio, dissidentibus inter se classis Christianæ ducibus, Andrea Auria, Caroli V. Cæsaris, & nescio quibus aliis Venetorum. Qua ipsa re in spem rerum suarum meliorem Turcæ erecti sunt, & vires consiliaque nostra eluserunt. Omnia enim quæ inter homines fiunt, facilius sciuntur, quàm semel facta corriguntur. Nec multò post nobilissimi totius Italiæ principes tres, infelici & immatura quadam morte, exiguo vnus post alterum, spatio extincti sunt, Franciscus Forzia, vltimus Mediolanensium dux, & Alexander Medices Florentinorum, & postremò etiam tandem Aloysius Farnesius, Parmensium & Placentinorum. Gaudanum verò, apud se nato Carolo V. rebellauit Cæsari, cuius ille motus, cum non alia facile ratione, quàm præsentia sua compescere posse se iudicasset, contra omnem omnium eorum, qui ab ipsius consiliis erant sententiam, per dispositos ad celeritatē equos, paucissimis comitatus, Gallias traiecit, & nec Vascones, per quorum Prouinciam iter faciendum ei fuerat, & quos superioribus bellis maximè vexauerat, neque ipsum Franciscum regem, quem captiuum tenuerat; & non nisi magno auri pondere redemptum libertati restituerat, subueritus, in Belgiam celeriter venit, & rebelles suos castigauit. Vidisses autem quanta summi vtriusque principis fuerit constantia, & fidei hospitiique iuris obseruantia. Nam tametsi externis quibusdam rebus & significationibus, Franciscus Galliarum rex, & meminisse omnia, & multa in regno suo posse se innueret, & ingredienti Luteranā urbem Cæsari, Madydi carceri inclusum se in arcu triumphali manu ostenderet, nihil tamen prorsus contra fidem datam in eum est molitus: Maior enim quàm priuatæ alicuius iniuriæ habenda ratio in dictis factisque omnibus regalis est firmitatis. Nec tamen multū postea effluxit temporis, ex quo inter eosdem illos tam arcta necessitudine deuinctos sibi Principes, bellum atrox exarsit, & in aliis orbis partibus varia & multiplicia certamina cœpta sunt inspectari, utpote inter Turcas & Germanos ad Essecum, inter Polonos & Valachos ad Obertinum & Seretum: inter denique

que Hungaros & Turcas ipsos in Hungariæ auxilium imprudentissimè euocatos, occiso præsertim Turcarum duce Gritto, Principis Venetiarum filio, & Hieronymo Lasko Syradiæ Palatino Buda detento. Diceres malorum iam finem fuisse omnium, nihil profectò minùs. Imò verò quid hic à quingentesimo ad sexcentelimum Centenarius monstri adhuc magis aluerit, & quid adeò prodigiorum allaturus in fine sit, tecum ipse recognosce. Omnes enim venenatorum animantium caudæ venenatæ magis sunt, & in annis centenariorum periodi plura mōstra alunt. Iam quidē cōstat, Ioanne Sepulio Hungariæ rege mortuo, quàm à Solimano Turca repente obsessa fuerit Buda, & ingens Germanorum cæsus ad Pestum exercitus, & quàm cruentum inter Cæsaris & Gallorum copias ad Cerrisolā extiterit certamē, in quo, licet vtrunque magna, maior tamen Cæsarianorum militum cecidit multitudo, Ioannes porrò Comes Tarnouius, Sigismundi regis Poloniæ exercituum dux, quàm fortiter, & gloriosè Starodubum & Homeliam, Mosco tum etiam ademerit, non commemoro; neque illud dico, quàm alieno anni tempore, & infelicitè Alligerium Cæsar ipse adierit, vnde postea reuersus Cliensem Ducem ad arma à Gallo exercitum compescuit, & Virtebergenles motus pariter sedauit. Infinitum deniq; persequi esset omnia aut saltem narrare ea, quæ bello Turcico intermisso necesse habuerit: hinc Cæsar celebrare comitia, non tam quidem, licet hoc vnum expetebat maximè, belli in Turcam mouendi gratia, quam dissidii religionis ergò excitati causa tranquillandi: Verùm qui auita religione prophanata diuinam contempserant, Cæsaris etiam ipsius spreuerunt facilè maiestatem. Itaque Smalcaldico fœdere in Cæsarem percusso, exortum est bellum illud, quod vulgo appellabant Saxonicum; fama magnum, exitu pro Cæsare gloriosum, duorum insignium Germaniæ principum, Saxoniae electoris & Landgrauii detentione, inprimis memorandum. Quod enim vel Romanis olim ipsis rerum dominis denegatum, hoc Carolo V. religionis Catholicae vindici fuit concessum, vt de Germania triumpharet. Quod paulò ante quàm fieret mirabile præstantium regum atque Principum floruit passim seculum, vt tanto maiores rerum à se gestarum testes & spectatores, non sine aliquorum inuidia, sua quidem animi cum voluptate maxima, hic tam perinsignis habuisset Imperator. Sicuti enim suos parentes filiis, sic regibus æmulos iucundum virtutis & felicitatis suæ habere est spectatores. Habuit ergò cum alios, tum Paulū III. Pont. Max. Habuit Solimanum Turcarum, Franciscum Gallorum, Henricum VIII.

VIII. Anglorū, Sigismundū Polonorū, Emanuelē Lusitanorū, Go-
stauiū Suecorū, & Grittū Ducē Venetiarū. Quos ferè cunctos, vt ra-
ra felicitate, sic & admirabili imperii sui maiestate superauit. Ac ne
sui suarūq; bellicarū artiū oblitus fortè videretur, statim, ac Héric
Francorū Rex quibusdā Germaniæ regulis denuò in eū cōcitandis
ad bellū ipsum prouocauerat, Mettēsis vr̄bis (ætate licet & valetu-
dine subaffecta) ingēti coadunato exercitu tētavit oppugnationē.
Cui demū dux Guisius, qui eā fortissimè defenderat, inaurato cia-
culato ex maiori quadā bōbarda globo, cui, vt Mettim metueret,
quæ meta ipsius felicitatis esset inscriptū erat, insultauit. Nec mora
tamē & Senensem rursus vr̄bē, memorabili parta de Gallis victoria,
suæ effecit potestatis. Quo codē ferè aut modico pōst tēpore inter
Mauritiū Saxonix Ducē, & Albertū Marchionē Brandeburgensem,
& rursus inter hunc & Ducē Henricū Brunswiciensem, vario & an-
cipiti Marte in Germania præliis aliquot est decertatū. Vidit verò
Cæsar, partim oppugnatione Mettenli, partim Oenipontana nec o-
pinata persequente eū Duce Mauritio fuga, senescere in se omnia,
& vagā illā volubilēq; falsò appellatā veteribus Deā, orbē suū quo-
dammodo versare saltatoriū. Deserere igitur ludibria mundi, quā
ab iis desertus voluit potius videri: quod nimirū opus, quā tota vi-
ta non obscure præ se tulit, prudentiæ fuerat perspicacis, & paucis
annis in Belgio moratus, articulariq; morbo cōfectus, octennio an-
tē in Augustanis Comiciis, cū graui quodā oppressus esset morbo,
prudentissimo & piissimo condito testamento, & Philippo Hispa-
niarū regi Brixellis, omnium regnorum suorū iure & possessione
nō sine lachrymis tradita, eodē anno, quo & regina Bona ex Polo-
nia in Italiā, & eius filia Zophia ad maritū in Germaniā discessit, in
Hispanias nauigauit. Qui demū Philippus, pernobili de Gallis ad
Sanctum Quintinum victoria parta, imperium suum est auspica-
tus. Qua Carolus intellecta, visisque felicissimis filii sui gubernacu-
lorū initiis, cū reliquū illū vitæ suæ actū summa cū religione exegis-
set, fereq; cunctorū hostiū suorū iutuitus esset interitū, in monaste-
rio Iusti, ætatis suæ octauo & quinquagesimo, vitam cum morte cō-
mutauit. Quo post Carolum magnū nemo potentior, felicior, am-
plior, & rebus gerendis clarior extitit Imperator. nempe qui Soly-
manum Turcam, tanti imperii, & felicitatis magnitudine sibi præ-
fidentem, solo penè castrorum suorum fremitu, à mœniis Viennæ
diu multumque oppugnatis, & dirutis in fugam egit. Qui Andria-
denum, Barbarossam vulgo dictum, acie superatum, & Tuneti
regno exutum, Africa depulit: qui superiorum Cæsarum partim
F ignauia,

ignauia, partim verò imbecillitate virium, & consilii, depressam imperii maiestatem, pristinae restituit dignitati: qui Germaniam compefcuit, Hispanias absens gubernauit: & Franciscum Gallorū regem, & duos potentissimos totius imperii regulos captiuos diu apud se tenuit; & multo antè etiam prius ad religionem Catholicam tuendam animatus, in nouum, quem vocant orbem, eiusdem lucem intulit: templa, cœnobia, Xenodochia, Episcopatus in ea erexit; & denique Cæsarum omnium primus, ob religiosę vitę institutum, vltro ipsum se imperio abdicauit. Rarò namq; summę opes, & summa religio sociantur. Venio iam ad eius filiū Hispaniarum regem Catholicum, qui anno suprà sesquimillesimum, vigesimo & septimo natus, sexto verò & quinquagesimo à patre traditam omnium regnorum possessionem integram sortitus, illa quā dixi ad S. Quintinum memorabili victoria, & mox ad Theomuilum & Greuelingam aliis de Henrico Gallorum rege est potitus. Quamquàm idem ille, sub Philippo antecessore olim suo, Caletum ab Anglis occupatū, sub hoc eodē Philippo tum Anglorum rege, suis se Gallis recuperasse etiā gloriabatur. Quo quidem Philippo Hispaniarum rege Catholico prædicando, cui deesse posset oratio? Sed ne id hoc loco faciam, tenent me quamplurima. Ac inprimis vita regis ipsa, ne quod virtuti debetur, auribus tributū esse videatur. Qui enim virtutem colunt, liori & inuidiæ semper expositi sunt: sed interim tamen eorum finis vitę, principium laudis & glorię est sempiternę. Tot tantaq; quidē optimi & Catholici ipsius regis nomini, correspondentia sunt opera; vt in multis, magnisque aliis, quibus maximam magnitudinem animi declarauit suam, vel tantū in ipso Belgio, quibusdam auctoribus, quorum consilium malum iis demum factum est pessimum, non dicam profuderit, sed auita in religione, & hæreditate sua tuenda immensos thesauros collocarit. Quibus, si præpotentis Dei gloria salua, vti commodè alibi potuisset, iam haud dubie Bizantii cōsedisset. Sed reliqua persequamur, & quid tā à regis ex Belgio discessu istius, quā ab Henrici Gallorum morte alterius, quod pauco à se differenti acciderat tēpore, gestum & obseruatu dignum fuerit, memoria repetamus. Ferunt quidem Carolum V. sapientissimum Cæsarem (si variis in vita principum auditionibus fidem habere semper par fuerit) ferunt inquam, vt, si suum dominatum auctum in Italia, si conseruatum in Belgio, si difficultatibus implicatum vellet, in Hispaniis maneret, filiū aliquando monuisse. Quā rectè nescio. Lusitania quidē Philippum in Hispania manentem auctum cerno: sed quanti inter-

rim etiam illud, quod à Belgio abfuerit ei constiterit, non memorabo. Consiliis quippè Principum notandis, causæ etiam consiliorum ipsorum exploratæ oportet habeantur. Quod facilis dictu quàm præstitum fuerit. Quare ut ea, quæ suprà nos, nihil ad nos pertinere ostendamus, quæ tantum ex eo tempore, partim in ipso Belgio, partim in vicinis acciderint oris, si corporis non possumus, mentis oculis cõtemplemur. Etenim primùm omnium in Galliis, & Allobrogibus contra diuinas leges, & reges excitato motu, tantus in occiduis prouinciis profusus est sanguis, quātus ab vlla hominum memoria, profusus fuisse nunquā auditur; adeo ut in Francisci, hoc nomine alterius Galliarum regis, nec ab Vgoniis fuerit conspiratum. Primùm enim sectarii Deo, mox & ipsius vnctis fiunt rebelles. Itaque primo quidem bello ciuili Gallico, Rothomagum obsidens, occiditur vulgo dictus Nauarreus, paulò post Santandriæ Marfallus, Princeps item Gondæus, & Annas Momerantius, partim interficiuntur, partim verò capiuntur. Cadit & Dux ipse Guisus, proditoriè occisus, de quo grauissimum supplicium sumptum est à Pultroto. Et omnia toto Galliarum regno fiunt funesta, & bello, fame, peste miseranda. Iam & Angli adiungunt se Gallis Vgoniis, & Normannia peruastrata maritimum quendam portum, vulgo Garziæ appellatum capiunt, nec nisi vehementissima eiectione peste, Galliis excedunt. Non tam enim citò ad domestica venit prælia, quàm ad prædam direptionemque patriæ accurrunt conuicini. Eadem verò ob vicinum malum inuadit contagio Belgium, fiunt atrocissima vtrinque certamina, urbium direptiones, agrorum vastitates, & multa magnaque alia funesta & exitialia, subsequuntur. Neque verò talis, ac tantus intestinus motus, lubrica quorundam ambitione, & naufragio patrimonii excitatus, cuius religionis integumento secundo populo tabulas se sperabant collecturos, quatuor clarissimis regis Hispaniarum exercituum ducibus potuit in Belgio tranquillari. Albano Duce primo, mox Aloysio Requesano, & Ioanne Austrio, ac Duce Parmensi postremo. Vno namque aut altero seditionis authore fatuo, complures etiam non sedauerint seditionem sapientes. Vtinam quidem & in ipsis quæ tam diu ciuili bello flagrant Galliis, suprema hæc essent vulnera, & Franci maiorum suorum more olim victricia in Turcas arma à domestico ferant, quamprimùm laniatu. Phœbum discutere nubes, & post communis impietatis pœnas ciuiles motus, lætiores posse sequi dies nemo ambigeret sanus. Nam vix non eodē illo, quo hæc in occidente, in Galliis, Anglia, Belgio gesta sunt tempore, cõmutatæ religionis

pœnas dedit etiam in Aquilone Liuania, & ab anno suprâ sesquimillesimo quinquagesimo octauo, vsque ad octogesimum secundû, nunc suorum seditionibus & proditionibus, nunc externorum Regum & Principum armis perpetuò est conquassata; quòad tandem Stephanus Poloniæ Rex, Princeps immortalis laude dignus, Moschouitica seruitute fortissimè eâ nō liberauit. Quò magis rebus tota Europa ob religionem perturbatis, & nunc hîc, nunc ibi tanti ædificii concidentibus angulis, generale gentium nationumque omnium indicare oportuit concilium, quod aliquandiu quidem interruptum, tandem præsidentibus quatuor sedis Apostolicæ legatis, duobusque item Cardinalibus, præsentibus Patriarchis tribus, vno & viginti Archiepiscopis, centum & sexaginta Episcopis, auctore Pio III. Pont. Max. Tridentibiennio est celebratum. Quid verò nauale ad Zelbas Turcis victoribus prælium? quid inter Ericum Sueciæ, & Fridericum Daniæ reges nouennale terra marique bellum? quid Maximiliani Cæsaris, Lazaro Suendio Duce contra Ioannem Transyluanie Principem, & Turcas præclare gestas res, & ad Sabbaticam victoriam partam commemorem? quid Moschouiam longissimis itineribus emensis, à Selimo Turca armis tentatam? quid Gottam ab Augusto duce Saxonie captam, deque imperii rebellibus sumptum supplicium referam? quid de Iula, & Segetho, duobus maximis Hungariæ propugnaculis à Turcis occupatis, & pariter de Maximiliani Cæsaris memorabili ad laurinum contra ipsos expeditione loquar? quam vtinam quo feruore cœperat, pari constantia continuatam vidissemus. Pluribus, quæ inde secuta sunt malis, non modò meâ, quæ manca & debilis est, sed vel eloquentissimi cuiusque non respondebit oratio. Numerosos namque in expeditionem ducere exercitus, & nihil memorabile iis præstare, hostem animo & potentia est auxisse. Taceo eodem ferè propemodum etiam tempore, Sigismundi Augusti Poloniæ regis ingenti cum exercitu, sed vix non pari cum Cæsareo exitu, ad Radzskouicium Lituaniæ oppidum in Moschum profectionem: mitto christianæ classis, post homines natos maximum ad Naupactum cum Turca prælium: prætereo regnum Cyprium, cum graui Nicosiæ & Famagustæ excidio, in barbarorum redactum potestatem: minora alia, vt Insulam Chio, post ducentorum annorum spatium, ex quo Ianuensium fuerat, Olchinum Guletamque à Turcis occupatam, & Caspari Bekefsii cum Stephano rege conflictum non enuero. Festinat tandem animus ad infauusta Poloniæ interregna tria. Quæ quantò quibusdam optatiora, tantò postea omni-

bus

bus fuerunt grauiora. Quæ enim nimiū appetuntur, constant magnò aliquando. In his quidem regum electionibus, identidem geminandis, quantum non illud regnum tantum, sed vicinæ etiam gentes & prouinciæ tulerint incommodi, nemo non intelligit; propterea quòd nihil Reipub. est infestū magis, quàm immoderatus usus & vsurpatio libertatis. Secuta sunt ergò vt dixi Polonica interregna duo, & tertiū præcessit Sebastiani Portugaliæ regis in Africa cladē cum multorum Christianorum millium interitu. Sequutum in Hispaniis Beticum, & Lusitanum, in Polonia Dantiscanum, in Moschouia Polocense, Velcolucense, Plescouiense bellum ab ipso Stephano rege vbique & strenuè administratum. Sequuta in Perside sexaginta Turcarum millium post urbem Seruan captam, memorabilis cædes, vt alia huic aut paria, aut paulò minora Turcis infelicia prælia taceantur. Secuta denique & præcesserunt alia quamplurima in multis Christianis regnis & prouinciis cum perinsigni eorum nominis & seminis detrimento. Nam quis & in Galliis ad S. Dionysium, ad Moncotorum, ad Druidas, ad Caruacum: in Belgio verò ad Rosbecum: in Frisia, & semel ac iterum Antuerpiæ: in Polonia contra Moschos ad Hulam & Vendenam, contra Gedanenses ad Libischeuium lacum poterit prælia non modò complecti orando, verum etiam percensere numerando? Vt interim graues aliquot his viginti annis Tartarorum in Polonia incursiones sileam, vt Moschouiam urbem direptam & incensam, regionemque ipsam longè, & latè peruastatam ab iisdem, præteream. Vt nihil de Valachia, nihil de Bessarabia, nihil de Transyluania motibus nunc harum nunc illarum rerum studio, & nunc his euocandis, illis conseruandis Palatinis loquar. Ventum quidem est tandem ad annum octauum & octogesimum, de quo multa multorum extant vaticinia, siue hoc ille siue future Centenario vatū oraculis prædictus videatur, tametsi vel istius Centenarii menses singuli octogesimi octaui semp vna aliqua memorabili re insigniti sunt, & fuerunt. Etenim & Ianuarius mensis Biczinensi in Silesia conflictu: & Februarius Belgarum motu: & Martius Turcarum in Perside clade: & Aprilis Friderici regis Daniae morte est perinsignis. Maius porrò Lutetiae Parisiorum tumultu: Iunius classis Hispanicæ ab vltimis Lusitaniae oris nauigatione: Iulius Arabū in Turcas seditione: Augustus nauali pugna: Septēber deditione Bonnensi: October Hungarica ad Sixū de Turcis victoria memoratur. Nouember denique armorum in Sabaudia strepitu: & December obsidione Bergensi, & Antistitum atque Ducum in Galliis nece est nobilitatus.

tus. Sic ut tot tantisque rebus rerumque spectandis conuersionibus non poeniteat me dixisse, hoc sexcentiesimum post mille quingentos decurrens seculum, cuius ut memorauimus, annus primus Carolo V. magno Imperatori fuit natalis, præ multis aliis esse admirabile. Siue enim bello, siue pace gestas in eo res aliquis consideret, siue clarissimorum ingeniorum celebritatem, & copiam videat, siue nouas & admirandas inuentiones, artes, opificia, oppidorum strukturas, arciumque; mœnia, & prorsus incognitas regiones non tam passibus, quam victoriis Christianorum perlustratas animaduertat, non dicam in vna & altera vrbe, sed in toto terrarum orbe non tam rara, sed planè etiam stupenda procul dubio plura deprehendet: ut fileam ex orbe, quem appellamus nouum, tantam & tam variam inuectam esse rerum omnium & pecuniarum copiam, quantum ab vlla hominum memoria constat non fuisse. Cedant huic centenariis superiora omnia secula. Non ut dixi ædificiorum, non munitionum, non ducendorum sub iis cuniculorum, non sagacissimè bellorum gerendorum scientiam cuiquam alteri concedat. Ecquando quam hoc centenariis primum sub Iulio II. Pont. Max. ad imitationem olim Romanæ cœptum est ædificari maiestatis, quando mœnibus & propugnaculis hostium quatiendis & diruendis, & magna celeritate conficiendis campestribus naualibusque præliis, maiorum & minorum bombardarum usus: quando Typographica ars ad suam veluti quandam perfectionem exactius tandem peruenit? Ferunt quidem horum vnum atque alterum inuentum etiam superioribus sæculis viguisse: & in orientis obeuntisque solis Indiis, quin & in regno Chinæ, aliquid simile multò antè quam hoc ipso centenariis fuisse cognitum, aut saltem quodammodo adumbratum: præstantiam quidem eius talem, qualem Europa habet, & hoc seculum vel imprimis tulit, nusquam deprehendas. Quin adeò proximo sæculo, quoties maiores bombardæ debebant in hostem explodi, voce præconis obsessos monitos dicunt fuisse, sibi ut cauere maturarèt: & nescio cui Ducum, quod maioribus bombardis in perniciem humani generis vteretur, munus abrogare Venetos voluisse incerto proditum est auctore. Qua in re Romanorum fortassè secuti sunt exemplum, qui à Pyrrhi medico oblatum respuerant dolum, cum nec etià hostes ipsos fraude & insidiis volebant circumuentos. Quarum rerum fides penes auctores esto: me quidem non modò vox & memoria, sed ætas etiam deficeret ipsa, huius sæculi nouis artibus, inuentionibusque enumerandis. Cui enim cuniculorum ducendorum rationem, puluere tormentario munitionibus ab imis disfici-

difficiendis fundamentis folerter subdendo à Petro Nauarro adin-
 uentam? Cui nauigandi omnium subtiliffimam fcientiam, qua Hi-
 fpani orientis & obeuntis folis vltima, Angli perluftrârunt Aquilo-
 nem totum, quàm huic fæculo feramus acceptam? Ac quod primo
 & præcipuo loco debebam pofuiſſe, religionem auitam in extre-
 mas oras numinis prouidentia propagatam. Eſt enim res mira, eo
 maximè tempore, quo refrixit charitas, augenda in aliis pietate, fer-
 uentè ſpectari charitatē. Quis deniq; diſciplinā militarē, in Germa-
 nia maximè obſoletā, quam Maximilianus Cæſar primus correxit;
 quis doriphoros, aut eorū cuspides adinuenit? quis quàm Carolus
 V. inuictas Hiſpanorū peditū legiones, vt quādā firmā, & perpetuæ
 militiæ haberet officinam, per varia regna & prouincias diſtribuit?
 vt veteranis noui ſuccedentes milites ex præſidiorum ſtatione,
 cū neceſſitas poſtularet, prodirent in aciem exercitatiores. Vt e-
 nim eiufdem matris duo canes, capiendis pari uſu feris, ſic nec ipſi
 quidem ſine armorū tractatione, vel eiufdem gentis nationiſue mi-
 lites peræquè ſemper expectationi reſponderint. Leuiora alia præ-
 tereo, cū nemini ſit dubiū, minora horologia, varias & affabre fa-
 ctas ſclopetorū rotas, pulueris tormentarii magis exquisitū uſum,
 & caſtrorū metandorū exactiorē rationē, qua vn⁹ Albanus Dux mi-
 rè præcelluit: excubiasq; ipſas mediis caſtris locatas, & ordinū de-
 niq; ductandorū modū rectiūs intellectum, inter huius ſæculi in-
 uenta nō iniuriā numerari, nec vnquām torculatoria inſtrumenta,
 nunq̃ dealbandę cerę, ignotarū notarum, venationū & aucupiorū
 nouos modos & artificiū, nunq̃ tibialia ſericea, & id genus alia, quā
 hoc ipſo ſæculo aut eſſe inuēta, aut certè haberi cœpta præſtātiora.
 Vt enim equi pernitas alterius pernitate, ſic ingeniorum ſaga-
 citas excitatur ſagacitate. Quorum celeritatem & acumen, & di-
 ſciplinarum nunc inuentarum, nunc correctarum ſi ſpectes ab iis
 excellentiam; quis poſt veteres illos motum cæli & aſtrorum Co-
 pernico rectiūs intellexit? quæ vnquam ætas tam bello, quàm pace
 viros præſtantiores tulit? quæ omnium temporum difficillimas
 quæſtiones tandem feliciūs explicauit? Ac vt uiuis relictis, in mul-
 tis paucos, quorum mors extinxit inuidiam memoremus, & ſin-
 gularum nationum armis & literis proferamus lumina; quis Ferdi-
 nando Conſaluo Cordubeniſi, quæ eadē vrbs tot illuſtrium virorū
 Lucani, Martialis, Senecæ fuit mater; Cordonio, Leua Alarcone,
 Albano Duce, Ioanne Aſtudio, Aloyſio Requeſano, clarior in Hi-
 ſpaniis Dux belli fuit, aut eſſe potuit? quis in literis Vega, Paina,
 Aloyſio Granatenſe, Didaco Conaruina, Nauarro, Oſorio, inter
 Hiſpa-

Hispanos magis excelluit? Italia verò ipsa, quā fuerit semper virorū in armis & in literis præstantiū ferax, quis ignorat? Neq; tamē post illos veteres Decios, Horatios, Scipiones, Cæsares, vel Pompeios, quā hoc ipso Cētenario, Triulcio, Piscario, Aluiano, Prospero, & Fabricio Columnēsi, Marchione Vastio & Ferdinando, deniq; Gōzaga, & Guidobaldo Vrbinatē, demū etiā Philiberto Duce Sabaudie bello duces clariores prodierunt. Quibus rursus varia & recōdita eruditione Caietanū, Bembū, Sadoletū, Alciatū, Bonamicū, Sigoniū, Robertellū, Onuphriū & alios plures cōstat respōdisse. Scēp enim laurea comitata Musis, & toga septa armis magis refulget. Quid verò Germania? An vt in omni omniū ætatū memoria magni nominis habuit bellatores, Fraunsbergio, Rogendorphio, Comite Salmio, Felsio, Suendio, Rubero, Forensbergerio alter fuit nostro æuo excellētior, vt breuitatis causa alios omittamus. Literis verò Ecchius, Staphilus, Canisius, & alii in Germania eodē sæculo etiam claruerūt. Age, an & Galli armis & literis excellentes eadē tēpestate inter se multos nō numerant? Ac in his primo loco, quē fulgur belli appellabant Fosseium Momeransios patrē & filium, Guisios Duces, & Bellegardum Marfallum, quorum vicissim in literis pares Budeus, Tornebus, Duarius, & Genebrardus recensentur. Quid Angli? An tam bellicę quā & scientiarū nō floruerunt semper gloria? Hoc tamē Centenario Ioannes & Iacobus Geraldini in armis, in disciplinis Ioannes Rossensis, Thomas Morus, & Cardinalis Polus, non solum Angliæ sed etiam nostri sæculi lumina, tenuerunt principatū. Quid Hungaria lacera, & afflicta? nonné Nicolao Zrenio, Georgio Thuri, Petro Edoardi, Paulo Istuanffi, Francisco Torek, Thoma Nadaſdi, strenuis bellatoribus: eruditis verò iuris Nicolao Olao, Antonio Verantio, Georgio Prascouicio, Stephano Radſcio, Sigismundo Thorda, Ioanne Sambuco nihilominus gloriatur? Difficilē enim est vbi classicum canitur, canere pariter & Musis, otii & tranquillitatis amicis. Bohemia armis Stephanum Slikium, Carolum Zerotinum: literis Boguslaum Hasensetnium, Sigismundum Galenium, Ioannem Dubrauium, Cyprianum Leouicium habuit memorandos. Polonia postremò non tam quidem publicis literarum monumentis claros, quā in omni ætate perillustres sortita est bellatores. Hac tamen tempestate vtrisque excelluit, & nescio si Constantino Ostrogio felicior, si Comite Tarnouio prudentior, si Senauio vigilantior, si Meletio animosior, si Nicolao Radiuilio liberalior inter Polonos & Lithuanos fuerit Imperator; cū pariter & literis claruerint, doctrinamque & sanctimoniam

niam suam variis scriptis æditi testati sint quàmplurimi. Ac in his, quis Cardinale Hosio sanctior? quis Martino Cromero doctior? Orichouio eloquentior? Patricio elegantior? Gorscio laboriosior? Sokolouio facundior reperiatur? De aliis gentibus & nationibus, quorum in hoc genere laudis & gloriæ non peræquè viguit industria, taceo: neque de rebus vel aliundè hoc sæculo in has oras importatis, vel in iis inuentis & excogitatis loquor: non denique, quod suprà etiam dixi, auri & argenti auctam Indica nauigatione copiam commemoro, non fruges, non ligna, non medicamenta varia allata, refero: non de opibus & potentia vrbiū, non de vestitu inusitato aggreſtiū, non de splendore & ornamentis nobiliū, non de magnificentia Principum verba facio: postremò nec ipsa pretia agrorum, in quibus tamen nec flumina piscibus, nec syluæ feris, neque terra respondet præteriti æui frugibus, exaggero. Vnū tantummodò illud dixero, multarū rerū nunc inueniri, nunc etiam nos deficere copiam, & tamen manere insaturatam libidinem: & in eo tandem gradu constitisse iam omnia; vt cū suprà non queant, breui infrà futura sit credibile, & cum venturum, qui vt in summa pace, sic eum qui in maximis bellorum procellis est nascendus, gladio oris est occisus. Cuius interim prodromo authore Mahomete, quantū Christianæ gētes & nationes calamitatis patiātur, perspicuum est. Cū verò eius assertor Turca tantum, quantum audimus habuerit in Perside cladis, & domi demum suæ iam experiatur seditionis; quid ex hac quoque Europæ parte eum non vrgeamus? quid tot tantisque inuentionibus nouis gloriemur? & id quo pacto barbarorum liberemur metu non inueniamus? quid tot tantisque amissis, & hanc amittamus occasionem? Motuum quidem in Christianis sedandorum, cum externis gerendis (vt plerunque fit) bella cessent domestica; sed vel eo etiam magis Turcicæ labefactandæ potentiæ; cuius si (vt aliàs fecimus) capiet nos obliuio, ille quidem sui maiorumq; suorum instituti memor, breui nec opinantes nos aggredietur, &, quod Deus prohibeat omen, in cruore & cinere nostro exultabit. An verò non satis superque constat, quanta his proximis, non iam annis, sed mensibus subsequuta Constantinopoli sit seditio? cū Beglerbegū Græciæ, & questorē Turcicū concitata multitudo morte mulctare, Cæsare inspectante minimè dubitauit? Quē etiā ipsum casum, paulò post atrox vrbis incendiū est subsequutū. Rara harū rerū aliqua in hostes oportunitas temporis, Dei ergā nos propensæ prænuncia est voluntatis. Nobis autem, quid obsecro ampliùs Deus Opt. Max. concedet,

det, si tam opportunam, & tam necessariam occasionem neglexerimus, belli in Turcā maturandi? Enimverò eum nobis parsurum, sit incredibile, qui tot reges, & regna, tot gentes atque nationes infidioso suo fœdere, ceu quodam laqueo, variè & perfidiosè disperdidit. Habemus adhuc Austriacæ familiæ potentiam tantam, quanta proculdubio est Turcica: & rursus moderationis animi & benignitatis non iam adumbrata, sed expressa vestigia quamplurima. Sic, ut si adeò etiam Turcicum penitus debellarent imperium, de oppressione in alios graui & intollerabili Austriacorum aliquo dominatu sollicitos esse (vt faciunt) quosdam, non necessarium videatur. Sæpiùs namque in præstantibus familiis maiorum exemplis corroboratam & continuatam virtutem, quàm Neronis quinquennia in peius mutata licuit numerasse. Cuius rei, vt in multis & magnis, pauca tantùm exempla proferam. An Carolus V. qui tamē ipse vt bellator, & armipotens potius eius, quæ cum Marte nihil commune mansuetudinis habet, expers esse non ægrè credi potuisset, Saxonix Duci, & Landgrauio Hessiæ non pepercit, qui eum imperii gubernaculis priuare, ac ne titulo quidem Cæsareo dignari amplius velle, non modo animis, sed etiam dissidentes ab eo castris apertè spectabantur? Quid verò Ferdinandus tùm temporis Romanorum, Hungariæ, Bohemiæque Rex, postea verò Imperator, an pro Hieronymo Lasco, Budæ à Ioanne rege eius æmulo detento, in cuius ille gratiam Solymanum Turcam ad Viennæ mœnia duxerat, non sese apud eum interposuit? & an pro eo liberando nō plurimum laborauit? Quid postremò de Maximiliano secundo Cæsare dixerò? qui an Henricum III. Galliarum regem, cui in petitione Poloniæ regni cum Ernesto eius filio summa fuit æmulatio, ex Polonia ad se venientem comiter, humaniterque non habuit? non donis muneribusque eum ornauit? non filiis etiam suis in iter concomitantibus honorauit? quem ego ipsum Maximilianum dicentem audiui aliquando, cùm nū tantū tamq; paucis comitatum hospitem apud se videre sperauisset, interrogaretur, Et vidi, inquit, & eo quo par fuit honore habui, cùm ille totū meæ concredidisset vicissim se potestati. Magnificam profectò vocem, & magno Cæsare dignam, quem non tam quod liceret, quàm quod deceret summis quibusque regibus cordi esse debere testabatur. Atque hæc videlicet rara & virtutis exempla sunt admiranda; vt de tot tantisque aliis, quæ ceu quodam in speculo in hac relucent familia, hoc loco taceamus. Sed nimirum luscus oculus n̄uos cernit potius, quàm aliqua alia in corpore pulchriora. Vnde communi sermone illud

tritum,

tritum in prouerbii abiit consuetudinem, nullam esse inuidiam quàm virtutis & felicitatis acriorē. Quæ cùm senescente hoc mundo, in Austriaca familia, occulta quadam diuinæ voluntatis lege, summa appareat, & si inuidi, & maleuoli non obstarent, Turcicæ rabiei & cupiditati haud dubiè finem modumque imponeret: non desunt tamen Christiani ii, si tantùm eo nomine sunt digni, qui si alterutrum eligendum esset, mallent fortasse Turcæ, quàm Austriacorum regum augeri potentiam. Vtinam quidem etiam ita ipsis eueniat, vt benè merentur de Repub. Sociis enim debilitandis fortioribus, sit barbaris gradus in omnium nostrum viscera ad vltèrius fidentiusque penetrandum. Neque verò dubites magnis & tyrannicis imperiis, aliud aliquid ceu obicis cuiusdam loco poni & obici oportere; quàm & magnis viribus, & moderati rursus imperii reges; vt quantum vel ipsa recordatione tyrannis homines non modò animis, sed ipsis adeò corporibus perhorrescunt, tantùm moderati spe & expectatione vnius iusti magis alliciantur principatus. Malè quippè curatum est semper, quod à multis curabatur. Ad pacta & bellorum fœdera inter se firmiter obseruanda, adamantino illo sanguinis, vel arctissimæ necessitudinis nexu, est, fuitque semper opus. Dispari genere & semine reges vel ad tempus aliquod fœderū societate colligati, vix memorabile quid præstiterunt. Contrà verò, vnius capitis belluā, non multis caudis bellū indiget sociale. Cuius sex potissimū sunt leges: prima de ærario, de mortuorum beneficiis altera: de fortibus tertia: quarta sit lex epularis: quinta de sociorum belli clientelis: sexta de coloniis nouis. Quarum promulgatarum auctoritate necessariam pecuniam Christianorum Ducibus minimè opinor defuturam. Cogitate interim, quàm vera sint omnia, quæ dico, & reuoluentes animo cunctarū gentium nationumque historias, quantum sanguinis & arctæ necessitudinis sit vinculum, ad feliciter ordiendā continuandaque & tandem etiam terminandā bella, vobiscum ipsi considerate. Nam vt duntaxat recentiora exempla proferantur, quæ etiam ipsa, haud scio, si non commouerint magis. Quid olim illud inter Carolum Cæsarem, & inter Venetos ictum in Turcas fœdus habuerit firmitatis, satis constat: & quid denique & alterum inter Philippum Hispaniarum regem, & eosdem Venetos postremò percussum. Præterita quidem ætas magistra sit subsequenti. At verò, cùm ad eos est ventum, qui sanguinis & necessitudinis inter se vincula aliqua habuerunt, quàm firma fœdera, & bellandi fuerit societas iis rata, vobiscum ipsi recordamini. Nam, vt ab iisdem Austriacis non recedamus,

damus, enimuerò ignoratur, quàm Ferdinandus rex Romanorum, Carolum V. Cæsarem suum fratrem bello Saxonico, contra Ioannem Fridericum Ducem, opportunis Hungaricis auxiliis, à quibus tandem & ipse Dux captiuus est factus, subleuauit: & quàm ei vicissim Bohemicis tumultibus gratiam Cæsar ipse rependit, cum Marchionem Marimani cum selectis Hispanorum Itatorumque aliquot cohortibus Pragam misisset. Celeriter enim seditiosi opprimendi sunt motus, nec vel minimum spatii dandum est coniuratis. Quod cum vel in bellis aliis, minoris sanè momenti & periculi olim valuerit; quanto toto animo, & viribus incumbendum est vehementius in hoc bellum Turcicum Christianis; vt si adeò nullus sanguinis & necessitudinis iis esset nexus, solùm religionis vinculum, seruando semel icto fœdere, satis superque nos animaret. Præstat enim in communionem temporum se suaque fociis dare, quàm vel aridis foliis Turcis dominis triumphare. Sit, fueritque semper, maximis viris in magistratu positis, à se suisque arma auertere: nec satis iis fidere, à quibus aliquando nobis non minùs quàm à furore Turcico immineret discriminis; sed tamen, qui Christiani dici & haberi volunt, in tanta vicinorum miseria, qui nō fecerint officium, quàm libet singulis esset pereundum. Tyrannū naturā odimus, & in societatem consilii, fraudenē an virtute, non requiras, è medio tollendi, tanquàm in equum Troianum non inuiti permittimus nos intro-mitti. Qui id non faciant pro aris & focus, pro ipsa sui seruatoris religione & gloria, iustè indicto & denunciato bello, omnes certatim Christiani? Nam vt Hungarorum hoc ferè ducentorum annorum Turcico in eos bello parua admodum facta videantur reliquiae; quid & adhuc illa valeant, & quantum tot tantarumque aliarum Christianarum gentium restet robur; & quid nunc hæc, nunc illa, bellando habeat adiumenti, paulisper expendamus: si serio aggredierem, & vna alteri natio seruare fidem icto semel fœdere, & interposito iureiurando, aut certa aliqua cautione haberet apud se perpetuò constitutum. Quid enim Italo longè præsertim à patria dis-sito est fuitque semper bellicosius? quid ad Statariam pugnam Germano firmitus? quid Gallo primo impetu validius? quid Polono animosius? quid Sueco inedia patientius? quid Anglo armis celerius? quid Scoto solertiùs? quid Dano robustius? quid Moscho munitionibus defendendis obstinatiùs? Et quisquàm dubitabit tot tamque præstantibus, quæ adhuc liberae sunt, gentibus, illæ in seruitute natae & educatae nationes, quàm longè sint inferiores, & quàm exanguis Arabs, nudus Afer, imbellis Asiaticus, ineptus Syrus

Syrus, degener Macedo, luxuriosus Græcus, periculosissimè his opponantur? Vt enim publica munera plus vel minùs quibus conferuntur idoneos; sic rerum gerendarum occasiones illustrent bellatorum, vel obscurant nomina, & ipsas vniuersas nationes. Quo magis orientalibus deuictis, C. Cæsar, veni, vidi, vici, aliquando ipso de se prædicauit. Sunt enim Asiatici, vt plerunque fit, effœminati populi: Europei omniũ maximè bellicosi; quorũ cõtra, vt alicui etiam parti Turca dominetur, vel id quidẽ vnũ quodd dominatur, ad illud inuictum animi robur, quo & consilio omnia in bellis gubernantur valde est infestum; nec aut recto vsu, aut exercitatione bellandi, aut armis, aut castrensi disciplina, aut quolibet bellico apparatu possunt Christianis respõdere. Europei deniq;, omnes illi Alexandrini, Pyrrhi, Scipiones, Cæsares, Pompeii, & alii duces fuerũt, qui orbem terrarum nominis sui impleuerunt gloria. Quid? quodd & Romani ipsi rerum domini, non aliis quàm Europeis populis tot gentium atque nationum facti sunt victores. Ipsum denique Alexandrum, non pluribus, quàm aliquot & triginta bellatorum millibus, orbem terrarum suo subiecisse imperio accepimus. Germania verò omnium prouinciarum amplissima, & haud scio, si non & ditissima, quæ tot atque tantis aliis nationibus militem subministrat: Italia, quæ Romanæ olim virtutis hæres & æmula est: Hispania, quæ plura his centum annis, quàm Turcia præstitit, tercentis: Polonia, quæ tot equitum & nobilium numerat millia: Moschouia, quæ cum Asia toties certauit, aliquid memoratu dignum hac in parte coniunctim non facerent? non barbaricæ seruitutis iugum à ceruicibus suis depellerent? non Turcas & Tartaros ab his, in quibus nunc sunt sedibus, longiùs amouerent? Sed expedit quidem nullã ampliùs belli contra Turcam gerendi, occasionis expectare tarditatem: neque præstolari, vt quod hætenus fecit, nunc populo aut principe isto armis perterrefaciendo, nunc ad tempus illo foedere vinciendo, nunc ancipiti contentione distrahendo vno, nunc aggreduendo altero, omnes tandem spoliet libertate. Ferunt eundẽ illum, quem superiùs etiam memorauì Alexandrum (libenter enim in iisdem, & præsertim claris, perstamus exemplis) ferunt, inquam, in bellum profecturum, non plura quàm septuaginta talenta in militum stipendium, nec nisi pro triginta diebus secum accepisse comæatus. Quorsum verò Germaniæ tot erunt pecuniæ? quorsum opes & magnifica suppellex Italiæ? quorsum ex occidente tantum auri Hispaniæ? quorsum tot tantique comæatus, quæ horreum occidentis dicitur, Poloniæ; si in rem tam, quàm est bellum Turcicum,

cum necessariam, aut sumptuum eos poeniteat, aut commeatu destituantur? cū ad debellandum terrarum orbem Alexander Macedo ferro omnia hæc habuerit viliora. Vt enim neruus bellorum vulgo dicatur pecunia, ferro geritur res: & vbi nauus, horridus, lacer miles amatur; ibi hospes pecuniosus & splendidus spoliatur. Benè denique agitur de Centenario, cuius numerus denarius veluti quidam cautor periculi est imminentis. Age, quantæ venationibus otiosis, quantæ ad luxum, & voluptatem epulis, quantæ ad superbiam vestibus & gemmis temerè pecuniæ impenduntur? Colligendis interim in Turcam copiis, pecuniæ nobis deessent aut commeatus! Absit hoc tantum à nobis dedecus Christiani nominis atque seminis. Sit monetalibus pecuniæ cura, & prænestinis (si tollerandi erunt) commeatus. Careant verò omnes omnibus rebus, qui in bello tam glorioso & necessario prosequendo, digno ipsis se animo tandem caruerint. Quid? An si hoc tantum pestilentia, seu in venis & in visceribus Europæ inclusæ, vel quàmprimum noluerimus extirpare, in graue cuncti non deueniamus discrimen? Sensim quidem sine sensu pericula augentur: sed cū vires sumpserint, difficillimè iis prouidetur. An verò alicui fuerit dubium, quantum non modò Christiani, quorum talium operum merces in cælis est amplissima; sed prophani etiam illi, ac à veri Dei cognitione homines remoti, dubiis temporibus suorum iuuandorum fuerunt cupidissimi? Fabius Romanus pro captiuis recuperandis hæreditatem suam vendidit. Gotifredus Lotaringus in Asiam contra Saracenos profecturus, vendito patrimonio, pecuniam in militem secum ducendum corrogauit. Quid horum etiam aliquid hodie non fieret? à tot tantisque Christianis opulentissimis regibus, atque principibus? qui quidem non iam vendendis principatibus, sed minuendis duntaxat cupiditatum sumptibus, magna hac in parte, & gloriosa multa præstarent, neque (vt opinio mea fert) vlla alia magis re, quàm vel hac vna & facili, nomen & genus nobilitarent suū; & tū sibi, tū posteris perpetuū otium tranquillitatemque afferrent. Multi enim multarum bonarum rerum auctores sunt grati; sed nulli quàm publici otii & quietis gratiores. Sed hæc fortasse optaueris, quàm speraueris potius; cū vnus tantum spectet alterum, & nemo, si vel maximè queat, operi admoueat manum; vt nō multo omnes dissimiles muribus, qui catto alligare volebant sonos; sed ad id præstandum præ aliis volebat primū vouere se nemo, videantur. Plures enim semper consilium dare, quàm in se periculum visi sunt assumpsisse. Vetus autem est verbum, bella fama constare

constare semperque constitisse, & audaces raro esse infelices. Quis igitur dubitet, si vnus alterue potentiorum principum Turcas serio aggredieretur, plures simul gentes atque nationes, tam quidem eas, quæ ipsis subsunt, quam & eas, quæ talem iam pridem occasionem offerri sibi cupiunt, non tam mercede conductas, quam pietate Christiana excitatas, & bonæ spei plenas, arma sumpturas, & illis Principibus se coniuncturas? Semper enim potentiorum opibus multi inhiant, sed maximè tyrannorum. Pauci Gotti illi initio fuerant, qui ad debellandam Romam, & in sanguine Romano aliorum vindicandas iniurias mare traiecerunt: sed non tam quidem citò transmissum ab iis est mare, quam infinita multitudo ad eos confluit; & non modò Romæ, sed in multis etiam aliis regnis & provinciis nominis & armorum Gotticorum terrorem propagauit. Quid? an non proditum memoriæ est, debellato oriente, Babylonem reuersum, Alexandrum magnum, omnium gentium, etiam earum quæ ipsius armis domitæ non fuerant, legationes apud se habuisse? Quod & Carolo magno Cæsari bellis memorabilibus confectis scribunt quidam accidisse Aquisgrani. Quid verò idem sibi euenturum ipsi etiam Christiani non sperarent Principes? si vel semel in viscera Turciæ ingressi, Constantinopoli potirentur. Est enim veluti quædam satietas rerum, & veterum dominiorum, omnesque tandem vel inuiti, ad nutum se accommodant semper, victoris. Equidem ita statuo, Bosphori & Propontidis fauces, non tam classè superare facile posse Christianam, nec tam triremes occiduas Tyriis vel Alexandrinis se opposituras; quam omnes Ægei, Adriatici, Ausonii, Tyrrheni maris populi à Turcis deficerent, & Christianos in Turciam venientes cuncti libenter adiuuarent. Nō tam denique per Valachiam Polonicus, per Hungariam Germanicus, per Epyrum & Macedoniam Italicus exercitus citò proficisceretur; quam Daces, & Valachi, & omnes Danubii accolæ, quam Rascii & Epirotæ auidè occasionem arriperent recuperandæ libertatis. Amisso enim, quam possessio, quid iuris sui sit esse, facilius exploramus. Constans in hanc usque diem multorum est opinio, si post Naupactanam de Turcis victoriam, Christiani rectà petiissent Byzantium, eo procul omni dubio potiri potuisse; ut sicuti nauale, quod Antonius, & Cleopatra eodem in freto superati sunt, prælium, bello Romanorum intestino finem imposuit; sic & illa clades earum calamitatum, quæ nos adhuc à Turca manent, finem fecisset. Magnus quippe vbique aduentantis terror est hostis; sed in Turcico tyrannico imperio maximus esset victoris. Sed vereor quod

quod olim Maharbal, à Cannensi pugna, suo Annibali dixerat, ne idē etiā nobis dici posse videatur, quōd videlicet vincere sciuimus, verūm victoria vti planē nesciebamus : aut verò, quōd fortē etiam exercitus noster à tam horribili post hominū memoriā conflictu, nouis indigebat supplementis. Nemini namq; tam feliciter vnquā cessit victoria; vt etiā suos in ea aculeos Mars nō reliquerit. Quæ ego vel propterea tantū commemorō, vt recensendis præteritis, tales in posterum errores semper vitemus, & studia occupationesque nostras non in luxu, & voluptate, sed in perseuerantia, & labore, parta etiam victoria, collocare minimē dubitemus. Nihil enim in bellicis rebus firmum & stabile est, antequā integrē fuerit debellatum. Et quæ olim Pœnis Capua à Canneñ. pugna luxuriæ præbuit exempla, metuo ne Neapoleos Hispanis post Naupactanam rursus præbuerit irritamenta. Alacrius namque vitiorum sequimur & exprimimus vestigia, quā virtutum aliis etiam imitanda relinquimus exempla. Quantum autem non tantū in assequendis, verūm etiam in continuandis victoriis sit positum, nemo non intelligit, qui habet nō modo iudicii aliquid, verūmetiā sanitatis. Cū enim secundas quā aduersas ferre res difficilius semp fuerit, tum nimirū in victoria, quæ naturā superba & insolens est, difficillimū. Quo magis hoc vel inprimis Turcicum bellum consideratē, & cum magno apparatu est ordiendum, fortiter gerendum, & constanter prosequendum. Belli enim cum Turca administrandi lapsus, aut ipsa morte, aut æterna constiterint seruitute. Iam quidem Christianorum olim Ducū & militum tantus erat ardor in hostes religionis excitatus, vt nec venti, nec remi (quod aiunt) eis satisfacerent: & vel Alexio Constantinopoleos Cæsare obstante, longissimis itineribus emensis, terra marique, in Asiam penetrarent. Nos verò qui domi, & quasi præ foribus hostem habemus, quid tandem impediatur nisi fortē, quod tamen suspicari non possum, ipsimet Christiani. Qui si hoc facerent, à communione reliqui corporis, tanquā putida, & sanguine carentia membra meritō abscinderentur; vtpote quæ indigna suo se capite Christo esse, vel hoc ipso facerent non obscurē cunctis testatum. Etenim nec opes & dominationes, neque vllius dolor iniuriæ debet esse tanti, vt Christiani nominis & religionis horum causa reddamur, & appellemur desertores. O beatum Pont. Max. quo Duce & auctore bellum hoc decerneretur: beatos reges & principes, quibus hæc tanta victoria nobis diuinitus daretur: beatos militum præfectos, & milites ipsos, quorum auspiciis, & manibus pararetur. Est in æterna memoria

Vrba-

Vrbanus hoc nomine secundus Pont. Max. & Bernhardus Clara-
uallensis Abbas, Doctor mellifluus, qui in Clarauallensi concilio,
belli in Sarracenos suscipiendi, piissimi fuerunt auctores. Gratum
est Conradi Sueui Imperatoris apud posteritatem nomen; quem
in Sarracenos profectū nō hostiū potentia, sed Græcorū impediuit
versutia, qui commeatus nomine, gipsū loco farinæ dabant, &
Latinorum felicitati in Asia inuidebant. Nō enim obscurus Christi-
anorum in alios est liuor: sed tanto etiam grauior ipsius est fætor.
Postremò ad astra ipsa Beldauinus fertur, Hierosolymitanus rex
quartus, qui rebus præclare contra Sarracenos gestis, & fugatis ad
Ascolonem Saladini copiis, longè lateque in Asia imperauit. Nec
verò & de Ludouico Sancto, peste in Asiatica contra Sarracenos
expeditione extincto; non de Vladislao ad Varnam Polono, non
de Ludouico eiusdem sanguinis ad Mochaczum à Turcis interfe-
cto, vlla obmutescet vetustas. Acriores quippè ea bella radices
agunt, quæ pro Christi gloria, & publica omnium tranquillitate
gerūtur, quàm vt obliuione posteritatis facilè obruātur. Iam verò,
nec ipsa Turcica potentia tanta fuerit, vt inuicta alicui videatur: &
quid nos tantopere bellum illud terreat, quod volentibus nolenti-
bus tandē aliquādo necessariò est perferendū. Qui enim id feceris
inuitus, quod facere debes tandem coactus? Iis denique Turca sit
terribilis, qui eius vires & potentiā, opinione magis, quàm ipsa re
metiuntur. Habuerunt fateor, peccatis nostris exigentibus, multū
felicitatis in Christianos Ottomanī: ac vt præteream superiores
alios, nonné prodigii cuiusdam loco propemodum videbatur vnū
illum, qui cepit Constantinopolim, Mahometem, duo imperia, du-
odecim regna, viginti sex prouincias, ducentas præmunitas vrbes,
Ottomanorum imperio adiecisse, Selymum, Soldanum Ægypti &
Mamalucos debellasse: Solymanum Rhodum, & magnam Hun-
gariæ partem possedisse: Selymum alterum Cyprum occupasse. Et
tamen ista omnia, nonné Christianorum inter se discordiæ, quàm
Turcicæ adscripseris potiùs potētīæ? Paruis certè rebus, magna cō-
fensione fit accessio: & grandiū, subitus discidio est interitus. Quod
vt in nostris, sic haud dubiè in Turcicis patere iam rebus, rerumq;
conuersionibus, quas à Naupactana Christianorum de iis victoria
videmus non obscurè inclinare. Nam vt pater istius homo ebrio-
sus, & fuerit penè nihili: sic & Amurathes filius non multò eò est
præstantior; vtpotè, qui voluptatibus deditus, exercitum ducere in
expeditionem ipse perrarò aut nunquàm voluerit; & si ad eò etiam
voluisset, per valetudinem non potuerit. Quo ipso purpuratis &

prætorianis ferè omnibus contemptui est atque odio. Præcipuos militiæ præfectos amisit in Perside: infinitam Tartarorum multitudinem equitatu Persico temerè toties obiecit: ærarium Constantinopoli exhaustit: & noua iam clade à Persis accepta, iis omnibus, qui vel minimum stipendium merentur, militiam imperauit. Quādiu id facturus sit, nescio. Sed illud quidem video, præter incertos valetudinis exitus, talium non diuturnos solere esse principatus. Et vt benè prospereque gestas res, regum & principum felicitati; sic aduersos præliorum exitus infelicitati & ignauia ferri acceptos, & militiam pecuniamque crebrò imperatam, odium & tumultus in vulgo sæpiùs commouere. Otium namque multitudo cupit: sed parando interim otio, odit pecuniarum exactores. Ac ne multa, deest consilium domi, foris languet barbaris animus: & tam in purpuratis duces, quàm in prætorianis veterani milites, & denique in ipsis adeò Ottomanis pristina virtutis æmuli, desiderantur Imperatores. Omnia torrentis præcipitantur instar; quia & imperium quidem totum, Mahomete ipso teste, breui est præcipitandum. Ac sicuti æger mortique proximus homo, non vno aut altero (vt plerunque fit) morbo laborauerit, sed accumulatur, qui eum tandem emori faciant quàm plurimi; sic & regna siue imperia, cùm semel viribus destitui cœperint, vel opinione celerius ad exitiū deuoluuntur. Sunt enim vt in mortaliū ætatulis, sic & in regnorum temporibus sua pueritiæ, sua adolescentiæ, sua virilis ætatis, & sua deniq; spatia senectutis. Sed fac in Turcia horū spectari nihil, fac nihil desiderari, nil requiri, quæ ad ducendos in expeditionē exercitus, ad tuenda sua, ad infestanda aliena pertinerent, pares superiorū temporū Turcicas esse vires, exercitatas copias, inuictas Prætorianorū legiones, gazā immensam, innumerabile Asiaticū exercitū, florētē in Hūgaria equitatū. Nō audiendos esse eos, qui vel hostiū extenuāt, vel nostras vires verbis exaggerāt: qui, quod dici solet, in prælia inermes ex triclinio educūt in aciem molliores; nec satis animaduertūt, quā parū sit fidei in amicis, cōstantiæ in sociis, firmitatis in ictis foederibus, disparitatis in pacatis & perturbatis tēporibus: & quā deniq; pars maior opprimat sæpè minorē etiā meliorē. Quid? An verò & iam foederū inter Christianos constanter seruatorū exempla defuerint? & an magnū hostiū numerū paruis interdum copiis nō audiuius profligari? quod ipsum vel eo etiam in Turcas magis speraueris, quo maior, & magis incōdita passim in exercitib⁹ eorū occurrat multitudo. Non enim rarò seipsos impediunt, quàm adiuuant multi vehementius, & primis secundisue ordinibus perruptis,

non

non usque eò frequenter ordines redintegrantur. Itaque, qui prudentiores sunt, nisi exploratam & quasi in manibus habeant victoriam, vniuersam rem vnius prælii exitui ægrè committunt. Quod contra Turcæ non inuiti faciunt, quò faciliùs etiam profligantur. In Stataria enim pugna, ordines seruati, quod in Turcia secus videas, & milites armati valuerint plurimū; cū vel minimis etiam rebus, solis radiis infestis, locis decliuibus & luteis, aut non rectè dispositæ copiæ, voces à præfectis militum ambiguè prolatae, vel perperam à militibus intellectæ, omnem sæpè facultatem incidant hostiles acies superandi. Sic vt & nostra, & auorum nostrorum memoria, temeritatis suæ barbari sæpiùs dederint pœnas; & quoties aperto Marte pugnatum est, non diu tulerint Christianorum copias sibi infestas. Sic Scanderbegius, sic Ioannes Hunniades, sic plures quam subitò cōmemorari possent, retulerūt de iis victorias: sic Huniadis filius Matthias Hungariæ rex, Budā suā, nō secus ac perpetuā quandam in Turcas militiæ habuit officinā, ex qua cōparatis exercitibus hostes vincebat. Sic & nostra ætate clarissima illa ad Nau-pactum obtigit victoria; vt quantus Turcarum numerus Taurinensi, Rhodio, Viennensi, Melittæ, Segeti, Famagustæ, & nunc Persicis bellis perierit, taceamus. Scitur quidem optimè, quòd armis tractandis idonei viri non peræquè quàm pereunt faciliè adulescunt, & quòd omnia bella, tanquàm quædam nundinæ mortis & mercatus sunt, quæ vna & altera die tot disperdunt, quot multo longioris ætatis spatia vix aliquando parient & congregabunt. Quæ omnia, vt se reuera habent, peruelim intelligas: & tanta tot hostium fama, atque potentia, à rebus contra eos gerendis non retardere. Nam si hoc adeò spectaueris, ne ad tantum tamque locupletem tyrannum superandum imparibus viribus rem aggressus, in medio quod aiunt cursu, necessaria requiras; solusné Turca fuerit, qui numerosos exercitus ducat in expeditionem? Annis ab hinc circiter quingentis, in Calcedonia lustrato exercitu, sexcenta peditum & centum equitum Christianorum millia sunt numerata: quæ demū Sarracenos Hierosolyma expulerunt. Sigismundus verò Imperator, idemque Hungariæ & Bohemiæ rex, scimus quoties, quanta, & quàm selecta auxilia in Turcas habuerit ex Germanica, Gallica, Polonica, Boëmica, & Hungarica nationibus: si aut magis scienter voluisset, aut propter Boëmici auctore Zyska motus, faciliè potuisset cum barbaris bellauisse. Multi enim sibi videntur, & non sunt; & multi sunt, nec tamen faciliè queunt esse & haberi bellatores. Age, an & Sabellicus, scriptor grauis & minimè imperitus au-

Quid non est Pio II. Pont. Max. bellum in Turcam apparanti, ex ipsa
 D. Francisci familia, triginta, quæ arma tractare poterant, millia,
 Generalem quem vocant, ipsorum præpositum promississe? Quid
 verò (vt vel missos faciamus Monachos) bellicosissimas gentes,
 clarissimos Duces, numerosissimos milites profecturos in hoc bel-
 lum dubitemus, quod appararent tot tantæque Christianæ natio-
 nes, Pont. confirmaret, Max. Cæsar & reges alii constanter per-
 sequerentur? Absumpsit Gallia trigesies, Belgium paulo minùs cē-
 tena hominum millia; & quis non diceret longè minori hominum
 & pecuniarum iactura Constantinopolim capi, & Turcam ex Eu-
 ropa pelli potuisse? Visus ad Rauennam ab vtraque parte paulò
 minor quàm centum millium est exercitus, ad Ceritolam quinqu-
 aginta, ad Orscham, ad Mettim octoginta, ad S. Quintinum ad Har-
 lemum in Belgio, ad Moncotorum in Gallis circiter sexaginta,
 & haud scio an Maximiliani Cæsaris aut ad Pozuolum & Rada-
 skouicium oppidum Polonorum regis Sigismundi Augusti; cuius
 item successor Stephanus terna in Moschouiam profectio, vltra
 triginta millia habuit bellatorum. Quid horum vnus aut alter exer-
 citus in Turcia non effecisset? & num tot atque tantos populos
 iampridem rebellionis cupidos, ad arma in tyrannum concitasset?
 Sumus profectò ad inuidiam quàm misericordiam vel inter nos
 ipsos proniores. Quid ergò & Turcam inclinatum non vrsissemus?
 Sed si ne nunc quidem excitabimur, cùm ille & domi & foris infe-
 stetur; ne ob ingratum tanti erga nos diuini beneficii animum, in-
 felicissima quæque tandem experiamur, metuamus. Deus Opt.
 Max. cùm loqui nobiscum non soleat, occasionibus quid fieri, vel
 secus velit, adhortatur. Hominum est, vel rerum & temporum mo-
 menta diuinæ voluntatis expendere secum prænuncia: vel diuini-
 tûs semel oblatam rei benè gerendæ aspernari facultatem. Hostes
 sanè nostri, homines, vt nos de iis iudicamus, agrestes & barbari,
 posteaquàm diuinitûs discordiam nobis fuerint imprecati, in om-
 nes omnium rerum, temporumque occasiones contra nos sunt in-
 tentissimi; & quod ad debellandos subigendosque nos pertinet, vl-
 trò ipsi consecretantur. Nos verò & pro eorum discordia, & pro no-
 stra concordia, segniter admodum Deum precamur: & cùm benè
 gerendæ rei obtulerit se occasio, parum auidè ea vtimur, aut scien-
 ter. Quid igitur nos futuros speremus aliis feliciores, cùm nihilò
 simus ad res gerendas promptiores? & quid non eorum potiùs ex-
 timescamus casum, quorum in rebus perniciosis proponimus no-
 bis exemplum turpiter imitandum? Tantum quippè pro se quisque
 felici-

felicitatis, quantū in rebus agendis habuerit industriæ aut firmitatis. Et quemadmodum cū ad scopulos alliditur naus, non ventos aut tempestatem, sed naucleros citiūs accusamus; sic hoc vel illo regno prouinciaue pereunte, non astra, eorumue motorem, sed nos ipsos potiūs inculpemus. Non enim fatis, sed fatuis infestis rerum & temporum casus adscribuntur. Sed heus tu, dicat mihi aliquis, bella suades, classicum canis Varſauici, reges & Principes nostros ad arma excitare, & nouis quibusque difficultatibus vis implicare. Absit hæc à nobis cogitatio. Quid? An ignoras bellorum exitus esse, semperque fuisse ancipites, & eligendam certam pacem, quàm incertam sperandam potiūs esse victoriam? & quo quenque magis destitui ratione, eò bellorum & tumultuum videri cupidior? Multa quæ recta sunt, esse in propatulo, quæ expediunt rebus, latere in obscuro. Cū ad bellum semel deuentum est, plures præter opinionem difficiles suboriri quotidie res, sed & ipsam perpetuò nodosam esse deliberationem: vix namque aliquid decernitur, quod in magnam difficultatem nō incurrerit. Eorum hæc esse consilia, qui communi incendio, quàm suo volunt potiūs conflagrare, & qui nesciunt arma facile capi; sed non semper vt cui collibuerit deponi, & initia, ac finem bellorum non vnius & eiusdē haberi potestatis. Non omnes opinor tuæ subscribent huic sententiæ. Difficillimè quippè his moribus & tēporibus Principes sibi fidunt, nec facile qui consilia præstant, iidem & pericula adeunt; nec admodum stabilia & diuturna foedera plerumque inter se sortiuntur; & tam postea quàm etiam antè quàm incantur, multi vocantur in extremum discrimen. Primi enim, & periculis magis expositi, veluti feræ ex latibulis suis egressæ, ab hoc tyranno conficiuntur. Stant post principia alii, & alienæ calamitatis otiosi tantummodò sunt spectatores; qui & malunt præsentibus subtrahere se periculis, quàm vel paulò tardiūs cedere in prædam victori. Maximè autem ij hoc refugiunt, qui regnorum & prouinciarum iacturam facere possunt, nec in hanc vt ita dicam, arenam, verbis se elici facile patiuntur. Multa etenim effinguntur oratione, quæ præstari haud ita facile queunt ipsa re atq; veritate. Meminisse autē Principes debent, nō solū quantū sibi commissum, sed etiā quantū permissum sit; & suscipiendis bellis, nō tā debent prospicere, quàm respicere: cū omnia quidem præterita, sed maximè aduersi bellorū & præliorū casus ægerrimè corrigantur. Antiqua foedera, non temerè esse abrumpenda, cū vel in minimis quibusque rebus, antiquæ consuetudinis momenta omnia rectissimè obseruentur,

tur, & ad ruiturum murum non applicandum humerum; nec impellendum plaustrum, quod suapte ad ruinam est inclinatum. Videre indies liceret magnam varietatem rerum & temporum, duobios & ancipites casus multos, teneros & flexibiles mortalium animos; multum denique insidiarum atque vanitatum vbique deprehendas. Iam vel illud quoque tenendum esse memoria, prius consilio, quàm armis omnia esse experiunda: & vel hosti seruandam esse fidem, nec quærendam latebram periurio, vbi maior quàm vllius alterius rei habenda ratio est æquitatis. Plantas non coalescere, quæ huc & illuc sæpenuerò transferrentur: nec studiosè quærendum, qua cum gente & natione à barbaris conculcemur. Postremò, omnia quæ dilapsa fluxerunt, seueris legibus prius esse vincienda domi, quàm exercitus coadunādos foris, nescitur, si suis an hostibus grauius vulnus inflicturos. Tu vt voles multa dixeris, non habebis peræquè omnes dicto audientes. Cui ego vicissim sic respondeo, me non pacem odisse, sed magis bellum atrox & periculosum, pacis nomine inuolutum reformidare: in duobus malis, minus semper malum eligi oportere: & aut sub iugum Turcicū supplicibus & abiectis esse eundum, aut vi & armis repellendam seruitutem. vnam esse salutis viam, semel vel in perpetuum salutem desperasse. Grauiissimi quippè morsus irritatæ sunt necessitatis: & nihil amentiùs, quàm consulere otio, quod nō habuerit dignitatē. Turcam perpetuum & hæreditarium esse hostem Christiani nominis atque seminis, eòusque fidum prorsus inuentum nemini, quo minùs illius quàm commodis potiùs suis, pacem & bellum cum eo metiretur. Quid igitur, cū in hanc, vt ita dicam, foueam in Perside inciderit, non obruendum, & hanc vnam aperiendam viam, tumultibus in Europa tranquillandis? Militaria ingenia, si foris quod agant non habuerint, domi motus quæsitura: longè verò interim præstare alienis inuadendis, quàm suis tuendis occupari; cū iure ille proximior Deo sit Opt. Max. qui vindicet & tueatur eius maiestatem, neq; vlla gens reperiatur, quæ religionis defensionē etiā cum periculo capitis & fortunarū, non constantissimè sit prosequuta, & in vicinorū calamitate non quæsierit modos & rationes expediendæ salutis. Viri boni esse officium, quēcunq; fors tulerit, casum cū iis qui dicuntur esse boni, potiùs ferre, quàm ab iis disgregari: cū non possit bellū non esse æquum, quod est necessarium, & quo non nisi pax quæritur, & gloria Dei, interitu prohibetur. Vt enim labor spe otii fit leuior, sic bellum tranquillitatis gratia administratum aliquādo est voluptati. Conscendendum ergò, & quidem ad

dem ad puppim est, cū vna nauis bonorum sit omnium, quam rectam tenere interest iis, qui nō subesse, sed præesse barbaris didicerunt. Magnæ & magnificæ res, non nisi magnis conficiuntur periculis: & vnū periculorū remediū ipsum est periculum. Præstat deniq; vel pulchrā per vulnera mortē oppetere; quā insidioso isto fœdere, ad tempus delinitū, demū omniū grauissimam seruire seruitutem. Leui aspersione aquæ nō extingui ignē, sed potius augeri: sic & Turcicā potentiā nō nisi omniū armis & animis simul iunctis superari. Contemptus virium, & discordiæ nostræ igniculus, Turcicæ in nos est audaciæ, & amplitudinis, ac maiestatis eius, quæ in nobis est reuerentia, vtinā saltē nō auctoramentum sit seruitutis. Turcicæ vires, ratione vnde oriūtur gētis, sunt exiguæ. Maxima pars exercituū, semp cōstat Christianis: quorū si quæ in humanis est reb⁹ fortuna, quī nos terreat, quæ caduca & fragilis est, & quos diu est persecuta; eos subitō destituit defatigata: & quos tot beneficiis ornat, eos ad casum duriorē, vt plerunq; fit, semp reseruat. Me funestorum cōsiliorū, quis dixerit principibus voluisse esse auctorē, qui fuerim semp salutariū, & tam à temerariis irruptionibus vrbiū, quā & à periculis pugnarū dehortatus sim nō neminē? Sed maturuerūt iā omnia, & erumpat ex me oportet libera illa vox atque sententia, quæ impēdente calamitate, meā erga Remp. testificetur voluntatē; quæ admoneat, aqua quā ruina, in hoc tam dēso tecto, tam diu occultatum incendium potius extinguendum, & laboriosiore multò fore negligentiam, quā diligentiam, simul atque ex Oriente in Occidentem hoc Turcicum bellum transferetur: quo vtinam potius gloriosē cadamus, quā in crudelissimi hostis potestatē veniamus. Finis quippē gloriosus vitæ, decor ætatis totius est antea actæ. Hæc ego profectō dicerē, & ei qui hoc tam pium, iustum, & necessarium bellum dissuadere vellet, responderem. Ætas autem deficeret me, si quæ in hanc sententiā dici & afferri possent, omnia velim persequi & percensere. Sed interim cordati prudētesq; secū ipsi considerent viri, quantū expediat Reipu. intentū ad omnia habere animum, & militem exercitatum: nec expectare domi hostem, nec temerē amittere hanc tantam & tam opportunam belli gerendi occasionem; cū inferentibus, non propulsantibus bella crescat animus & auctoritas; & ante ipsa commissa prælia ad hostium terrorem præcurrant nuncii sæpenuerò præliorum: nihil enim fama in vtramque partem, siue bona siue mala illa sit, volucre est magis, quæ efficit, vt ab inimicis nostris aut contemnamur, aut verò timeamur. Prodidit Bessarion memoriæ, Mahometem Turcarum Cæsarem

sarem, capto possessoque Byzantio, & multis maximis regnis & imperiis subiugatis, non plura tamen, quàm vigesies centena aureum nummum millia annua habuisse. Qui imperium Turcicum, post superiores Ottomanos, mirum in modum auxerat, & ampliârat. Iam verò, vt Selymus & Solymanus, & alter deniq; Selymus multa illi adiecerint, non propterea tamen superatu incredibiles sunt æstimandi. Nam & sumptus faciendi illis sunt maiores, & habent haud dubiè plures etiam difficultates. Auctis enim diuitiis, & rerum pretia, militumque stipendia augentur: & quantum quidem ad opes, vectigaliaque spectat; neque nobis etiam defuerint reges, qui maioribus vectigalibus, fortioribus copiis, magis bellicosis & ingeniosis populis, & omni apparatu & artificio bellandi Turcicis Cæsaribus antecellunt. Qui si sapient, (vt sapiunt certè) tam præclaram gerendæ rei contra barbaros occasionem non amittent, nõ se suaq; deferent, non opes, non copias, non exercitus suos requiri à se patientur. Omne enim, quod pro se quisque habet, vt & retineat diu, & securè possideat, concupiscit. Quid verò? quale & quantum impedimentum illud dixeris, quod nõ nisi mensibus quatuor aut quinq; in his præsertim Aquilonaribus regionib⁹, & hominum causa, & iumentorum gratiamilitè detinere solere, & nec posse quidem, si maximè velit, Turcicus videatur Imperator? Quæ vt fecellerit nõnunquam obseruatio; (nam sub dio in Hungaria hyemasse Turcas aliquando constat) tamen plerunque ita fieri, vt ad dimidium Maij educatur, & à dimidio Octobris deducatur exercitus à multis annis est obseruatum; propterea quòd alieno anni tempore, & cæli ipsius inclementia, & victus pabuliq; ratione mutata, à Turcis eorumque iumentis omnia bellorum incommoda ægerrimè perferantur, & castra ipsa Turcica passim & vbique obnoxia semper sint pestilentia, ex quibus miles missionem importunè flagitet, & ab urbium oppugnationibus aduersisque præliis campestribus, tumultuariè se recipiat, vulnere denique & castrensiu incommodorum impatientissimus habeatur. Quæ omnia simul iuncta, adde verò fides sancientiis & colendis fœderibus fluxa, & in victoria crudelitas incredibilis, dominatioq; impotens, & infesta ab orbe terrarum hætenus subiugando, Ottomanicam familiam facile retardârunt. Naturâ enim appetunt quietem, & suapte homines refugiunt seruitutem. Iam verò sicuti obsessis & obsidentibus multa sæpè defunt, quæ vtrobique nesciuntur: sic & Turcicus, Christianis licèt sit terribilis, multa ad conseruationem sui desiderat dominatus. Ac, vt cursim percurramus omnia, regendiq; imperii formam

formam & præfectos animo collustremus. Asiaticos, qui regnis eius præfunt, circiter triginta habet Turcicus Imperator. Regunt Africanam tres, vt Fessam & Marroccum præteream; Europæ, quæ ei subiacet partem, multò plures gubernant, cum non dicam prouinciis, sed vrbibus infiniti ferè præficiantur. Quo ipso furta & peculatus

1 Turcicis quæstoribus plures quotidie videas, & præfectus vnus ægrè auxilium tulerit alteri; quæ inter æquales perpetua accidere solet æmulatio, & quæ regionum, quæ in Turcicas deueniunt manus, est solitudo: cum Turca suo, & multorū aliorū idiomatum significatione denotet vastatorem, & talem se vbique præstet, ac ab omnibus habeatur. Multorum enim etiam nominibus facta respondent. Iam verò in Hungaria & Bosina, & in quibusdam aliis Turcicis prouinciis, hoc vel maximè belli Turcici tempore multi tyrones inserti, & prætoriani ascripti, ita sunt congregati; vt in Turcico imperio, non dicam omnia, sed plurima certè sint & videantur immutata: & quamuis ab aliquot annis gubernatores Turcici in Persidem mittantur, qui prouinciis subiugatis præfint, dicis causa id fieri multi autumant. Hominum enim iactura magna, parua accessio fit imperio, præsertim verò impotenti. Quæ cum ita sint, cognoscamus nos, viresque nostras, Christiani; & hostium etiam nostrorum non minùs exploratas habeamus; & cum distractæ, cum fractæ, cum tractæ in Persidè sint, occasionem rei benè contrà eos gerendæ, toto animo amplectamur. Distinere Turcicam potentiâ vnus Persa tam diu potuit: non possent, si vellet, vniuersi Christiani animis concordēs, copiis instructi, viribus acres, fœdere, & societate fida inter se colligati? Hoc nimirū eis ratio suadet, hoc exēpla docēt, hoc necessitas cogit, graue seruitutis iugū terret, & ōnia omniū ferè Turcicorū Cæsarū periueriorum documenta Christianos adhortantur. Quid? An non eò deuentum est, vt si non Christi gloriæ causa, cuius potissima debet esse ratio & veneratio, si non tot regnorū recuperandorum gratia, saltem salutis nostræ, coniugum liberorumque nostrorum amittendæ, & tot cruciatuum metu, arma in Turcas oportet capiamus? Et erit qui dubitet, quantus & quàm execrabilis eorum Christianorum, qui in potestatem Turcicam veniunt, sit fueritque semper laniatus, quàm dentibus, quàm oculis, quàm naribus, quàm ipsis adeò membris, quod dictū est horrendum, priuent eos genitalibus, pecunia pro redemptione postulanda? & nunc istum veluti in quodam Phalaridis torreat tauro, nunc illum candenti perforent ferro, nonnemi cutem detrahant viuo, vt tantum suam caninam

I

expleant

expleant feritatem? Extant multæ multorum historiæ, de immanitate Turcarum passim & vbique sparsæ. Sed & veteribus obmissis, recentiora tantum proferantur. Et quis nescit, vel à Byzantina expugnatione ipsa, quot & quanta crudelitatis suæ expresserint vestigia, Christianis gentibus & principibus occidendis? Non sufficiebat Constantinopoleos iugulasse Cæsarem, sed pilo etiam caput eius infixum, & per vniuersam Asiam est circumlatum. Quod & nouennio antè Vladislao Hungariæ & Poloniæ regi ad Varnam interfecto memorant accidisse. Quid? Templum verò illud Zophiæ, quod Iustinianus Cæsar toto terrarum orbe maximè admirandum struxerat, subito à Turcis est prophanatum, diruta altaria, incensæ imagines, sacerdotes occisi, constupratæ primùm, mox & dissectæ nobilissimæ virgines & matronæ, & tam in viuos, quàm in mortuos nullum non adhibitum genus crudelitatis: barbarica quippè crudelitas postquàm alios vicerit, seipsam quoque nititur superare. Quid? Festianis regulis captis, an non eiusdem Mahometis iussu eruti sunt oculi? an in Lesbo infinita puberum multitudo palo non est transfixa? an Bosinæ rex salutem cum suo patruo pactus, & voluntariè se dedens, ab ipsius Mahometis manibus vita non est spoliatus? Taceo Moncastro à Baiazete Ottomanici nominis principe, Mahometis filio deditiōe accepto, nihil eorum quæ promiserat seruatum fuisse, & vltra quadringentas Moncastrensiū familias abductas in seruitutem. Taceo Selymum huius Baiazetis rursus filium Vstarabim parricidam nefariū, genitoris sui, cuius opera ad eum veneno extinguendum fuerat vltus, medicum miris modis excarnificatum occidisse, ne vllus vel minimus eius parricidii conscius superesse, & ille mortem paternam simul vltus esse videretur. Quanquàm enim sceleratissimus aliquis fuerit; tamen quoad eius fieri maximè potest, scelus auet occultare. Nihil dico de Solymano, qui tamen Ottomanis aliis volebat videri, & haud scio an habitus est, mansuetior; quàm filium suum immanissimè sustulerit, & Imbraimum purpuratum socerum suum, & omniū consiliorū consciū & expeditionū fociū, sagitta traiecerit; cum ne Eunuchi ipsius quidem ob tanti viri reuerentiam, eo iubente & comminante eū ausi fuissent violare. Non enim semper armis, multi etiam aliquando ipsa se defendunt & tuentur maiestate. Quid Selymus, huius rursus Solymani filius? An iisdem illis sagittis, cum inebriaretur, (inebriabatur autem quotidie) familiarium suorum non transfixit quàm plurimos? vt iaculandi peritia non secus ac Cambyfes alter, nescio an non formidabilis magis, quàm admirabilis fieret.

Odium

Odium enim semper maius, quàm admiratio est vitiorum. Quid verò postremò de hoc ipso Amurate dicam, qui non secus ac olim Romulus, non iam ab vnus, sed quinque fratrum nece, imperium suum est auspicatus? Quis igitur his eorumque posteris ampliùs fidat? quis se suaque concredat? quis eorum fœdere, si fœdus dicendum est, quis amicitia, quis promissis capiatur? quis suas, maiorumque suorum non vindicet, cùm potest, in iis iniurias? quis diuinum numen & nomen eorum probris & contumelia affici impunè patiatur? Miserum me, si ego his similibusque rebus apud vos exaggerandis nihil profecero, sed vos adhuc miseriores siquidem meis dictis, vestris factis fidem (quod absit) aliquandò astruetis. Tua quidem Christe Opt. Max. nunquàm lædi gloria, neque imminui potest potentia; vt in te tuamque amplitudinem omnis, quæ in orbe reperitur irruat barbaria. Sed nos profectò tuo digni qui censeamur nomine: qui nostras impotenter persequimur, & tuas obliuioni tradimus iniurias: qui hæreditatem tuam sacratam, sepulchrum illud Hierosolymis gloriosum, Palestinæ loca salutis nostræ mysteriis plena, in pristinam non ponimus libertatem. Non tulit olim prophanari idola sua Roma, non passæ sunt suas, ac multò minùs Deorum Athenæ iniurias: Nos impurum Mahometanum dogma sinemus apud nos propagari, impios & sacrilegos Turcas, crudelissimos Scythas fana & maiorum nostrorum sepulchra violari permittemus? tot in nomen IESV maledicta & contumelias spargi, agros nostros vastari, homines cædi, vrbes & oppida diripi, virgines & pueros stuprari patiemur? O indignum facinus, ô conditionem temporum nostrorum deplorandam! Te ego appello Sixte V. Pontifex. Quid olim Eugenius IV. Vladislauum Hungariæ & Poloniæ regem: Nicolaus V. Scanderbegum & Hunniadem: Pius II. Matthiam Hungariæ: Quintus Hispaniarum regem, & Venetos contra Turcas excitauit; tu quoque nō animas tot Christianos reges atque principes, in nostros, & Christianæ religionis hostes vinciendos atq; vincendos? Ecquando illis potior quàm nunc nobis de iis triumphandi data & oblata est occasio? & à quo denique Pontifice, quàm à te vno, qui tantum cælati auri habes, afflictis Christianorum rebus plus opis & auxilii est expectatum, Mouebuntur? Vt olim Pii II. Pontificis, qui contra Mahometem Turcam in expeditione belli est mortuus, tuo omnes exemplo, parebunt Catholici imperio, continebuntur aduersarii in officio, omnes à ciuili inciuili maximè refrenabuntur discidio. Non volet pristinæ virtutis obliuisci, & sub mœnibus Viennæ expe-

& are Turcam iterum Germania: Regem suum non solum nomine,
 sed ipsa re Catholicum, in societatem talis consilii, primum omni-
 um includet Hispania: Christianissimi nomen, cum serio rem agi
 videbit, nollet opinor amittere Gallia: & ipsa licet omnibus omnium
 istorum hostium telis magis exposita sit, nihil in se desiderari pati-
 etur Polonia: Veneti, Italiae decus, & reliqui eius Principes, ad huc
 vnum communem exterminandum hostem toto animo accenden-
 tur. Cedit tandem quae eius fidelibus, & non Mahometanis debe-
 tur Christi Opt. Max. hereditas: decus & columen Christiani no-
 minis Hungaria liberabitur: caput orientalis imperii, & Thraciae
 ornamentum Bizantium, in pristinum statum reponetur: Epyrus,
 Macedonia, Slauonia, Dalmatia, & regnum ipsum Cyprium nuper
 amissum, non illam tantopere crudelem seruiet seruitutem. Vide-
 or videre postremo mihi proposito die, atque loco illo, qui tam
 sacrae & gloriosae militiae, & coadunandorum exercituum se pra-
 stabit augustum, concursuras esse infinitas copias, linguis diuersas,
 armis & viribus fortes, commeatu & apparatu bellico abundan-
 tes; quibus pro Christi gloria, sociorum salute, & communi omni-
 um libertate, non maria traicere, non montes transcendere, non
 flumina superare, non vel immensa emetiri itinera, in eo qui dux
 & auctor viae & salutis est, factu videbitur incredibile: Non solum
 enim passibus, sed & victoriis vno illo Deo Opt. Max. duce & au-
 spice, vel totus terrarum orbis vrbis instar vnus perlustratur. O la-
 tissimam diem illam, o locum sacratissimum, quo rei tantopere
 optatae, quo militiae gloriosae, quo desideratae & amabilis, in vnum
 illum hostem communis Christianorum omnium concordiae fieret
 initium: quo libera, quod est in sacris codicibus, ancillae iugo libe-
 raretur: quo tot Christianae gentes & nationes ad suos redirent
 postliminio: quo non amplius Babilonicum aut Aegyptianum illud
 paterentur iugum; sed Deo Opt. Max. seruatori suo in auitis & pa-
 tritis sedibus & fanis grates agerent, & ipsius diuinas, & immor-
 tales laudes perpetuo decantarent. Quorum, ut tandem non tan-
 tum audiat, sed etiam exaudiat aliquando preces: & si corporis
 non potestis, mentis oculis inspicatis vulnera. Commoueamini
 lachrymis, excitemini miseriis, detis perpetuis aliquid querimoni-
 is. Vos idem ille adhortatur Deus Opt. Max: & monet Christiana
 pietas, vrget germanitas, communia stimulant pericula, tot Chri-
 stianae gentes seruituti mancipatae, supplices ad vos tendunt & exerunt
 manus, vobis se denique ostentant, vos orant & obtestantur, ut corum
 calamitate docti, instituto religionis nostrae tracti, temporis
 oppor-

oportunitate illecti, armis & copiis instructi, è vestris domiciliis, quo minùs sit patriæ periculum longiùs egressi vobis, coniugibus, liberis, fortunisque vestris in perpetuum consulatis.

TVRCICA IIII.



N IAM TANDEM PEPERIT, QVOD TAM DIV parturiebat barbaria, & immanissimus Turcarum tyrannus, fidei & iurisiurandi sui oblitus, pace in Perfide facta, & ex oriente in Europam armis translatis in Hungaria passim grassatur. Quæ equidem futura dixi & denuntiaui vobis antea. Sed nec scio, nec si sciã, facile dixerò, quî sit factum, quòd plerisq; rebus suis intentis, quibusdam alienis inhiantibus, nonnullis etiam pacis atq; otii facilitate captis, & ferè tandè omnibus futuras Reipu. clades parû secû expendentibus paucissimi sint reperti, quos cõmunia pericula, & calamitates permouissent. Habem⁹ igitur hostē, quod nō dixissemus domi; ille verò impunè in diuinis humanisq; perbacchatur omnibus, potentiaq; & spiritu in dies augetur, & quanti nos nostrasq; vires faciat, semperq; fecerit, vel hoc ipso, quod cum Cæsare habuit, violato fœdere reliquit testatum. Quo quid indigniùs? quid intollerabiliùs dici aut cogitari potest? Cùm enim non seruatq; à Christianis barbaris fidei admodum pauca exempla numerentur; Turcarum quidem tot tantaq; sunt, vt mea sententia nulla par iis reperiatur oratio. Sic videlicet eam, quam debent, referunt nobis gratiam: vt cùm difficillimis illorum rebus atque temporibus nihil minùs quàm de iurisiurandi religione contra eos perumpenda, nos cogitauerimus; illi demùm in nostrum, totiusq; Christiani orbis exitium, temerè ea abutantur. Quantò enim benè moratorum hominum modestia, tantò barbarorum maior animi est impotentia, perpetua consuetudine peierandi. Quo tamen loco & olim est repræhensus, & hodie quorundam perstringitur sermonibus Vladislaus Iagellonides, Hungariæ & Bohemiæ rex, quòd cum Amurate Turca icto semel decennali aliorum verò instinctu mox abrupto fœdere, ad Varnam ignobile Thraciæ oppidum, verùm eius clade maximè nobilitatum, infestis signis concurrisset. Qui vtrum tandem periurii, an verò iuuenilis feruoris & immaturè belli gesti magis pœnas dederit, consideremus. Vt enim ipsius mortis, quod antè etiam fecimus, & omnium rerum & con-

filiorum momenta, quæ mortem præcesserant perpendamus; & quis tandem dubitabit, Vladislai illud cum Amurate foedus, nihil minùs quàm foederi simile fuisse, & pestem, ac euerfionem Hungariæ denunciauisse, in quo non fides ab Amurate habita, non conditiones pacis seruatae, non Hungaria tuta, non libertas eius defensa, non Rascia & Bulgaria, sæpimenta Hungariæ salua spectabantur? Etenim cùm paulò ante idem ille prætorianorum Turcicorum inuentor, & Monasticæ apud suos vitæ desertor Amurates, patris cum Sigismundo Cæsare, eodemque Hungariæ & Boëmiæ rege belli gerendi institutum secutus, quasdam in Bulgaria arces, eidem in Constantiën. concilium peregrè profecto, perfidiosè occupasset, & ad Vladislai Iagellonis Poloniæ regis, cui patrociniū Hungariæ Sigismundus commendauerat, minacem legationem restituisset, hunc eiusdem nominis filium, vno & altero amplissimo regno, in ipso iuuentutis flore auctum, & aliquot contra eum victoriis maiores aggrediendas res inanimatum in tanto odio & suspicione habuit; vt in Asiam traiecturus, quàm hoc fraudulentò irretire eum foedere, nihil apud se antiquiùs duxerit, & omnia simulandi & dissimulandi artificia adhibuerit. Vbi enim leoninum deest robur, ibi pro se quisque vulpinam caudam lubens assuit veterator. Habebatur verò belli & consiliorum omnium præcipuus tota Hungaria Dux & præses Hunniades. Qui eo non contentus, ad Hungaricum regnū ipsum (quod etiā eius filiis, sub rege Hungariæ Ladislao Posthumò partim cæsis, partim captis apparuit) secretò quodammodo aspirabat. Vnde in omnes rerum & temporum occasiones intentus, foederis cum Amurathe abruptendi auctor fuisse, & ab Eugenio III. Pont. Max. dicitur petiuisse, ne vlla ratione foedus illud ratum habere, imò ratione muneris, & auctoritatis suæ ad bellū, cuius maiores, quàm pacis fructus essent, regem vellet excitare. Semper enim miles bella, sed maximè hostibus appetit imparatis. Hac igitur vna Eugeniùs re, & tanti viri, quantus in Hungaria Hunniades fuerat, commotus auctoritate, cum labantibus Græcorum rebus, defensionem contra barbaros præstari, & Ecclesiæ per id faciliùs restitui eos posse censeret; Iulianum Cardinalem, hominem sapientissimum & eloquentissimum, ad Vladislaum regem in Hungariam legatum misit; & vt pacem, si pax dici poterat, cum Turca abrumperet, sollicitante in dies Hunniade, ei persuasit. Tantò enim quodlibet consilium maius habet pondus; quantò & temporibus necessitatis, & consulentibus plus est dignitatis. Nos porrò limanda
vltèrius

vlteriùs in disquisitione veritate, & Eugenii Pont. Max. suasionem,
 & Vladislai occisionem ponderemus. Equidem eos, qui Eugenium
 auertere illo modo bellum ab Italia aiunt præ metu voluisse, in ma-
 gno errore dicam versari. Quid enim timuisset, cum nec Græcia,
 diuturnus obex Ottomanorum potentia, à barbaris tum tempo-
 ris possessa, neque portus aliqui Italiae ab illis occupati, neque ad
 inuadendas classes & triremes barbaris fuerint; & tum ante captā
 Constantinopolim Ioannes Dragazes, Constantinopolitanus im-
 perator, sine vlllo barbarorum metu, pro concilio Florentino, ali-
 quot triremibus pontificiis comitatus in Italiam traiecerit; & ipse
 denique Mahometes, Ligurum nauigiis, ex Asia in Europam suum
 exercitum transportauerit, sic vt nulla rei mala fide actæ cadere
 potuerit, ac ne debuerit quidē in Eugeniū suspicio; qui nō minori
 fortitudine animi, quā grauitate consilii præstans in omnes se
 vertebat partes, & in illa pastorali vigilia, seu specula aliqua collo-
 cat⁹, omniū necessitatib⁹ prouidebat? Qui partim Florentia, partim
 Ferrariæ, œcumenico habito cōcilio, Græcis ad cōmunionē Eccle-
 siæ reuocandis, egregiam operam nauauerat Reip. & illum eundem
 Dragazem imperatorē Cōstantinopolim reuersum, & fidei sibi da-
 tæ oblitū, disertè verbis illis additis, seriò est adhortatus, ne fugiens
 pastorale baculum Papæ, acynaci Turcico subesse cogeretur. Quæ
 ipsa verba fatidico quodā spiritu ab eo fuisse prolata, triennio post
 Constantinopolis capta, & Imperator occisus, facile cōprobârunt.
 Multa enim alia, sed euentus maximè asstruunt fidē assertionū veri-
 tati. Per quos autē de foedere cū Turcis nō seruando, idē ille Ponti-
 fex Max. egerit, perspicuū est, nēpè quē antea memorauī per Car-
 dinalem Cæsarinum, qui ea quæ dixit gessit, quæ suasit fecit, & qui
 etiā iis, quæ in mandatis habebat prolatis, vitā quā nature debebat,
 Reip. in acie reddere nō dubitauit. Est enim Lydius Constantia la-
 pis, dicta factis cōprobasse. Egit postremò & per Ioannē Capistrā-
 num, familiae Franciscanorum professione Monachum, natione
 Italum, moribus integrum, miraculis notum, & cum per multa
 alia regna, tum maximè per hæc tria, Hungaricum, Boëmicum,
 & Polonicum tot tantisque concionibus, per interpretem ad po-
 pulum habitis, & eo auctore pluribus Monasteriis, ac in his Ber-
 nardinorum, Cracouia extructis, inprimis memorandum; sic vt
 Cazimirus eius nominis tertius Poloniae rex, orta inter Archiepi-
 scopum Gnesn. & Zbigneum Cardinalem, vter eorum illud officii
 præstare debuisset, controuersia, Reginae Elizabethæ Austriacæ ma-
 trimonio, non nisi à Capistrano Monacho iungi voluerit. Qui idem
 Capi-

Capistranus, quibusdam editis Cracouiæ, vbi in publico foro tot' est concionatus, miraculis, & quodam aliquando viuo, quem illi per ludibrium pueri à morte excitandum offerebant, vt inter mortuos portionem suam habuisset, seu fulmine quodam exanimato, adductisq; ad Monasticā amplectendā vitam Gymnasiarchis pluribus, in Hungariam demum profectus, Taurinū defendit, & Christianorum exercitibus cum signo crucis præcurrens, vna illa edenda voce Iesus, infinitos Turcas in acie stantes equis deturbauit; si vera sunt, vt vera sunt maximè, quæ viri quiq; grauissimi voce & literis ad posteros transmiserunt. Crebrius enim vel in viuis vitia laudantur, quàm vt aliquorum supra fidem gesta, post vltima maximè funera confingantur. Age verò, accedamus ad ipsum Vladislai regis factū, & belli gerendi cū Amurate rationē atq; institutū: & an vel in iustissima etiā causa, & belli administrandi tū necessitate, tum etiā æquitate, summorumq; principū consensione, & in hoc bellū consilio, de Turcis victoriam sperare potuerit, aut debuerit. Nam cū circiter viginti annos natus fuisset, nec omnes quas expectabat copias secum in expeditionem eduxisset, penè trecentorum millium exercitui occurrit Amuratis, apertè reclamante, qui in eius quoque comitatu esse debuerat Despota Seruiæ, vno verò illo instante Hunniade, Genuenū superando mari, classe opem Turcis ferentibus Francisco Cardinali Veneto, in cuius potestate eos transitu prohibere haud dubiè fuerat, paulò hac in parte remissiore. Ipsum denique reliquum progressum pugnæ & conflictus, si libet attentius consideremus. Quàm ineptè disposita, quàm temerè tentata, quàm infausito exitu terminata fuerint omnia, quis ignorat? Diffugerat primo congressu Turcicus equitatus, suasisit & persuasisit Hunniades mox Prætorianos expugnandos. Rex latere posse insidias, & fugienti hosti aureum pontem esse strandum, in acieque stantes ad desperationē nō adigendos, secū nunq̃ cogitauit. Quid ergò inquires est subsequutū? Mox equidem & verè aperiā. Qui regi cōsiliū pręliādi dederūt, periculū pręlii nō æquè cū rege sibi sumpserunt, & prorsus aufugerunt. Prætoriani verò fugā adornanti suo Amurati, omni spe elabendi præcidēda tantū cōpedes nō iniecerūt. Hos rex Vladislav aggressus, cū in quasdā fossas, quas illi ramis ne apparuissent, texerāt, tortè cū aliis incidisset, subito est obtrūcatus, & caput ipsius auro, gēmis & vnionibus redimitū, à quodā Buchricadero p̃toriano Amurati est allatū. Quod ille intuitus, nō sarpè tales victorias optare se sibi, quæ tanto cōstarent sanguine, apertè quod sentiebat, enunciauit. Malè se enim habet, cū fugatis victis, suorum nihilo-

hilominùs multos requirunt victores. Quæ cum ita sint, & cum amissæ tam memorabilis pugnæ occasionem & causam quidvis aliud, quàm violatum illud præbuerit foedus; & quis hanc tantam labem, Vladislai regis, optimè de Repub. meriti, nomini aspergendam, quam partim Hunniadis ambitioni (secus licet Hungarici Historici referant) partim regis ipsius iuuenili feruori adscribendâ nō potius arbitretur? Laus quidē fortitudinis vel inter confertissimos hostes cadenti, relinquenda est Principi, nō nota temeritatis sempiternæ: quā, mirū est, tot continuis tēporibus exagitata sic vulgo fuisse; vt innocentissimus rex vix non periurii publica laborauerit etiā infamia; cū tamen sciatur, ea, quæ à Vladislao contra Turcas sunt gesta, siue rectè facti spectes conscientiam, siue suavorum auctoritatem, siue belli ipsius necessitatem, geri non modò potuisse, verū etiam debuisse. Multa enim regibus sunt gloriosa, sed suorum defensio gloriosissima, maximè, si contra eos ineatur, quorum in omni genere fraudis, & periurii, nobilitata est improbitas. Nam vt perfidiæ & falsitatis Turcicæ, quæ propè sunt infinita, vel aliqua saltem exempla proferantur. An enim obscurum est Turcici iurisiurandi (vt plerunque fit) edendi, duas esse rationes. Vnam in librum, quem vulgo Turcæ vocant Zamaliel: quæ & ipsa maioris apud eos est auctoritatis. Alterā, quæ ex quodam smegmatico libello, ad fucum Christianis faciendum, confecto comparatur. Quo tantopere is, qui Constantinopolim cepit, vti, & sibi abluere manus solitus erat Mahometes, vt quidam Michaël Constantinides eius Prætorianus, qui demū Christianus factus, omnes Turcicas fraudes & insidias contra nos detexit, sic Slauonicis suis de eo prodiderit literis, nimirum quendam Bossinæ regem, pacem à Mahomete Turca petitem misisse Constantinopolim, quam, & prima vt sic dicam fronte impetrasse; sed ita, vt summa lateret in hoc ipso foedere fraudatio. Nam quandiu Turcicus collectus non fuerat exercitus, legati, qui pacis causa venerant, benè semper iussi sunt sperare, & demū in hunc smegmaticum libellum edito iureiurando, literas per diplomata pacificationis expectare. Quos demū profecturos, ne illis literis multum fiderent, scribit idem Michaël se monuisse, & addit, quòd cum de responsione legatis danda, purpurati inter se consultassent, se in archiuo Cæsareo, cui germanus ipsius frater præfectus fuerat, fortè latuisse, & omnia, quæ in quæstionem vocabantur, audiuisse. Itum autem postremò in eam est sententiam, vt regi in quindecim annos pace concessa, fieret in Mysiam bellica expeditio, & Christianus,

qui alio modo vinci non poterat, armis interim peteretur. Discedentibus ergò legatis, quadriduo post ipse Mahometes, Turcicus Imperator, rectà in Myliam cum numerosissimo exercitu eos est subsecutus, & regem, nil tale expectantem, ita est adortus, vt & ipse & vniuersum regnum in ipsius peruenerit potestatem. Nihil enim facilius, quàm data semel, & promissa pace, ab omni re imparatos oppressisse. Atque ita apparet, quantum in Ottomanis omnibus fuerit, eorumque posteris sperandum sit in foederibus firmitatis. Poma enim à suo stipite non longè cadere, & liberi progenitoribus similes esse consueuerunt. Quid enim Baiazetes, huius Mahometis filius? An fide Venetis data, Mettonem, Coronem, & alia loca, per summam fraudem non occupauit? Quod exemplum pronepos ipsius Selymus, pace cum Venetis inita, capiendo Cyprio regno est imitatus. Quid verò à progenitoribus suis degenerasset etiam Amurates? partim Hungaria, sub hoc specioso nomine pacis, tam immaniter aggredienda, partim transmittendis in eam Tartaris, per Pocutiam regni Poloniae, cum qua foedus habet, Prouinciam, cui rei & molitioni non iam solos Tartaros, sed Turcas etiam ipsos ceu quosdam inspectores, & regionum speculatores, voluit adhiberi. Quo grauior violati foederis sit iniuria, & Mahometanorum notetur audacia. Nulla enim re barbari, quàm maleficiorum, periuriorumque cumulis, & foedis libidinum ac immanitatis exemplis reddunt se memorandos: nisi forte nihili habenda hæc sit iniuria, quòd præstantissimorum Ducum, & militum Polonorum, hic tam superbus hostis, patientia abutatur; & illud expectandum, quod Capistranus Monachus in foro olim Cracouiensi concionans, (vtinam saltem non verè prædixerat aliquandò) vt Turca Camelis suis stabula in eo erigat, & in diuinis humanisque omnibus perbacchetur; quasi hæc, quæ fiunt ab eo, quotidie illo tam insidioso foedere disrumpendo non sufficiant, & magna inter Turcam & Tartarum sit differentia, qui omnes Mahometis sui lege, & inueterata consuetudine, in exitium nostrum semper conspirant, vnus tantum Turca, tanquàm regum regnorumque omnium supremus prædo, non tam pacem, quàm pactionem quandam iniit, nostræ omnium futuræ apud eum seruitutis. Etenim cum omnes omnium hominum Christiani, vno & eodem tempore non possint, ac ne debeant quidem propter anceps infestari prælium; delinit saltem foedere suo Turca, ad tempus aliquos; & nihilominus tamen sub illo ipso foedere, nunc per Tartaros emissarios hos diuexat, nunc illos ipse aggreditur impotenter, quoad tandem omnes

omnes redegerit sub suā tyrannidē, & belluinā non humanā dominationem. Cui quidē nos etiā ipsi vltro quasi manus damus, & odiis certaminibusq; nostris mutuis facultatem præstamus nos, nostraq; debellandi; cum pro angustissimis inter nos terminis, & vel minimis digladiamur iniuriis, Turcā verò tātò & tam iniusto exuere imperio, & Christi Seruatoris, nostramq; omniū iniuriā in Mahometanorū sanguine nolumus vindicare. Tātū enim mihi is, qui in me fert arma, nocet, quā qui à me non auertit cū potest, inferenda. At enim cū vel prophani, & à veri Dei cognitōe homines remoti talia intestina bella semper abhorruerint; quid Christiani nō refugiant? & hoc maximè tempore, quo iam in omnium extremū adducuntur discrimen, & in Christo suo magistro tanta exempla vident perfectissimæ lenitatis. Quid enim? An olim Romanos, qui à rogo superesse nihil hominis putauerunt, non legimus, in ciuilibus victoriis triumphum decernere nemini voluisse? Est enim insolens semper victoria; sed ciuium suorum cruore parta, insolentissima; adeo vt vel sapientiores potiri ea aliquandò noluerint, nescuerint quidem vti certè. Difficilius enim secunda quā aduersa vti est fortuna. Iam verò & principium beneficii, tantū distat à fine iniuriæ, quantum defensio à propagatione dominatus. Quo fiebat, vt multi considerati Duces, maximis etiam gestis & confectis rebus eam, quam animo conceperant, lætitiā, vultu saltem & oratione regerent, & nihil gestientis gaudii præ se ferrent. Vnde olim C. Catullus, M. Lepido cum omnibus omnium seditiosorum copiis abolito, moderatam lætitiā ostendit: & C. Antonius Catilinæ victor abstersos gladios in castra retulit: & denique Marius ipse crudelissimus tyrannus, inimicis suis interfectis, ad diuorum templa non repente properauit. Recentiora exempla prætereo. Nam & Ludouicus Bauarus Cæsar, in Fridericum Austriacum, æmulum suum captum, & ad se deductum, nihil eiusmodi hostile aut superbū voluit edidisse. Et Rudolphus primus Cæsar Austriacus, Ottocarum regem Boëmiæ captum, honorificè habuit, & Carolus V. Imperator, Ioannem Fridericum Saxonie ducem, amisso prælio, & accepto in faciem vulnere, agere eum venientem, & vt pro dignitate Ducali haberetur flagitantem, repræhenso hac in parte Ferdinando fratre, minimè superbè & contumeliosè compellauit; vt adeò appareat, summos quosque reges atque Principes, ne delectatos quidem vnquā fuisse, quam tantopere & imprudenter nonnulli appetunt, ciuili victoria; & denique eos, qui aut capti, aut occisi in acie sunt, furorem perculisse Martis, non iram victoris. In iu-

Ita enim indignatione modum statuere rebus, & non potentia, sed
 metiri omnia iustitia, penè solius est diuinitatis. Qua moderatione
 animi, quantò magis barbari destituuntur, tantò nobis Christia-
 nis sit semper commendatior: & quasi quodam perpetuo stimulo
 ad deponendas inter nos inimicicias, & omnem armorum nostro-
 rum vim & rationem in Mahometanos conuertendam. Multi enim
 multis nominibus moriuntur infames; sed nulli magis, quàm ciui-
 um suorum sanguinis profusionis faces & auctores. Vnde olim etià
 apud ipsos Ethnicos, qui contra patriam vel conciues suos temerè
 arma ceperant, inglorii semper habiti sunt, & fuerunt. Ac inprimis
 quidem Cn. Pompeius, cuius gesta iisdem, quibus solis cursus re-
 gionibus terminantur, & qui antè imperator quàm miles, trium-
 phalis quàm consularis fuit, vnus belli ciuilibis incendio omnia sua
 vetera ornamenta inquinauit. Quid verò C. Cæsar, quo collatis signis
 sæpiùs præliatus est nemo, & qui Europam cæde, Africam consilio,
 Asiam celeritate vicerat; an eo, quem sibi in ciues suos parauerat
 armis, aut diu lætatus, aut illustrior factus est dominatu? nihil pro-
 fectò minùs. Quin adeò, cùm de aliis egisset triumphum, ab vna il-
 la Pharsalica pugna agere voluit, quod haud dubiè præsentiebat
 animo, non diuturnà fore, quàm variis artibus liberæ ciuitati attu-
 lerat consuetudinem seruiendi. Beneuolentia enim ciuium septum
 oportet esse, non armis eum, qui vult & in dominatione diuturnū,
 & apud posteritatem præstare se gloriosum. Quid hæc nostra, aut
 paulò superior ætas? quot & quanta eius rei habuit exempla pro-
 pemodum admiranda, ac vnus ille Ziska in aliis sufficiat; qui tot ac
 tantis rebus contra duos Imperatores Romanos, Sigismundum &
 Venceslaum gestis; tot exercitibus Principum Germaniæ fuls, vel
 ob id vnum, quod fax & incenidū patriæ suæ fuerat, inter alios bel-
 li Duces non memoratur? nisi fortè Herostratum illustriorem pu-
 tes factum, cùm Dianæ templum succendisset. Aspiciamus verò
 Angliam, in qua Henricus VIII. qui defensoris titulum meruerat,
 quàm tandem inglorius est mortuus, quando repentè commutata
 pietate decem millia templorum, & mille spoliauerat.
 Quibus tantum aberat, vt diti, vt etiam nullus An-
 glorum regum maiorem postreino pertulerit egestatem. Vt enim
 Aquilæ pennæ, aliis intermixtæ; sic cum Ecclesiarum prophanæ
 coniunctæ dispereunt facultates. Aspiciamus postremò ipsas etiam
 Gallias, aut Belgiū, prouinciam orbis terræ florentissimam intuea-
 mur. Quonam illi Amirallii, quonam Aurantii, cùm illis si Deo pla-
 cent rebus contra suos ciues & reges gestis reciderunt, vix vt no-
 men

men eorum à tam recenti obitu memoretur, ac vt laudentur ab ali-
 quibus hîc, cruciantur illic: & nulla est præteritæ voluptatis cum
 præsentis comparatio cruciatu, cum post homines natos nulla bel-
 la quàm ciuilia sint funestiora: in quibus non externus hostis ciue
 sit truculentior suo, nec ea quæ domi patrat, patret vel in hostico;
 neque ea, quæ conciui facit, faciat inimico; cum illa res veluti in
 orbem ducatur legitima; & vbi semel cœperit, maneat crudelita-
 tis perpetua vicissitudo, & inexplabile studium, ac cupiditas quæ-
 dam immensa iniuriæ vlciscendæ. Etenim à ciue, quàm ab externo
 iniuriarum nobis factarum dolores sunt grauiores, adeò, vt qui se-
 mel bellorum ciuiliū fuerint antesignani, aut duces, partim vi-
 ctorum ergâ se aliorum inuidia, partim malefactorum consci-
 entia, pacificationis cum aduersariis ineundæ præcludant vel aliis
 potestatem. O seruitutem! quæ in ipsa non alia magis ratione,
 quàm specie tuendæ inducitur libertatis. Vt cum alios oppresse-
 rint, & illi ipsi tandem propugnatores libertatis opprimantur.
 Quod ne fieret, semper principes & cordati Rerumpub. ciues, bel-
 lis contra hostes foris gerendis, hæc duo vel potissimum spectabât,
 & longè à patriis sedibus arma sua efferebant. Primum quidem, vt
 contra internum aliquem motum, & seditionem ortam aut orien-
 dam militaria ingenia alibi occuparentur. Alterum, vt sua potius
 tueri, quàm infestare nostra hostis vicissim cogeretur. Verè namq;
 ille grauissimus prodidit auctor, plurimas gentes atque nationes,
 cum inimicos foris non habuissent, domi sui inuenisse. Quod ho-
 die etiam passim per Europam depræhendas. Nam neque Gallia
 prius ad domesticos tumultus venit, quàm cum Hispanis bellare
 cessatum ab ea fuerat: neque Belgium Principi suo hæreditario
 antè rebellauit, quàm omnia illa, quæ à Gallis eos manebant pe-
 ricula, postremò, fœdere inter Hispanum & Gallum icto, sunt tran-
 quillata. Iam verò & illud alterum certo est certiùs, nulla alia re,
 ne nos nostraque occupet, & missa faciat, hostem faciliùs auerti,
 quàm in eiusdem hostis tecta, arripiti contetione ad distinendum
 incendiū illatū & excitatū. Quî enim prudētes illi Romani, & mul-
 tarū bonarū sanctionū, & explorū abundantes, in rerū suarum
 desperationem adducti, Scipionem in Africam immisissent, & ser-
 uitude Annibalis eam liberassent? Natura comparatum est, vt quo-
 rum in alieno agro intuitu ne quidem commouemur; eorum do-
 mi nostræ vel minimo accepto nuntio non modò animo, sed cor-
 pore toto perhorrescamus. Neque verò tantum Carthaginensibus
 lætitia, ex Annibalis à Cannense victoria spoliis ad se missis fuerat;

quantum indoluerant Scipione veniente gemitibus suorum audiendis. Vnde ille Carthaginensis Hanno, cum post Cannensem Romanorum cladem, num pacem ab Annibale petiissent, fortè interrogasset, legati que se horum nihil audiuisse respondiissent, bellum & non pacem expectare eos debere apertè denuntiauit. Quo magis & nobilis ille Orator Græciæ suis Atheniensibus non aliud iussit, quàm bellum in hosticum vertere, & hostem vi & impetu armorum domi ipsius distinare. Quid Annibal? nonné sua suorumque calamitate doctus, apud Antiochum fuga salutem quærens, idem illud non dedit consilium de armis in hosticum transferendis? Quod utinam quidem & ipsi Christiani contra Turcas amplecti iam pridem voluissent, meliorem haud dubiè conditionem Cræso, qui & ipse contra Reginam Tamyra Cyro illud dederat, habuissent. Sed semper magis sperare quàm dispicere meliora vni illi datum est mortali. Qua tamen ipsa spe, ne diutiùs aliamur, & fortè etiam defraudemur, duce & auspice Deo Opt. Max. in hosticum egredi, & nostras cum barbaris experiri vires minimè dubitemus. Odia & offensiones deponamus mutuas, extinguamus inimicitias: & vnum illum Christum Opt. Max. seruatorem & magistrum nostrum, qui vel pro interfectores suis orauit, hac in parte imitemur. Fugax hominum genus Turcæ habitus sunt semper. Non peræquè illis, ac nobis tuta vbique sunt receptacula: non munitiones, non vrbes, non propugnacula: non minùs internum, quàm externum metunt hostem & domi suæ interfectorem. Fidem nec suis, neque hostibus seruant: corpus luxuria eneruant: animos habent non decori & libertati: manus & pedes compedibus aptos & seruituti: nihil eis ingenuum, nihil liberale est: caput dera sum: capitis cacumen linteis obuolutum: corpus fustuariis fractum: os phrenetica potione plenum: demissa ad talos vestis: brevis gladius: longa calcaria, fessorem impediencia: equi in gyrù vix aliquando versi, nec peræquè ut nostri exercitati: inædiæ & frigoris impatientes: diurnus & nocturnus tyranni metus, sub quo tantum quisque, quantum aut eius imprudentiam subterfugit, aut superest satietati, possidet: mens sibi pessimè conscia, abnegati Christi memoria, quiduis aliud quàm victoriam pollicentur? Sunt enim sua data Marti iura, & pro se cuique conscientia dicit, quæ sunt ei euentura. Nota ex aduerso domestica & Castrensis Christianorum est disciplina, nota liberalis educatio, robur corporis eximiù, expedita arma, commodus habitus, vigor animi summus, miles, nō tridui neq; triuii, neq; coactus, quin exercitat' liber & fortis, & omniū incōmodorū belli, vulnerum

vulnerū etiam ipforū tolerantissimus : libertas denique ipsa, & tam humanitū quā diuinitū proposita bellantibus præmia, quam non fiduciā attulerint ducibus & militibus Christianis? Nihil enim tam addit animos, quā certa spes æternæ vitæ, tam victis, quā victoribus semper relicta. Commouebunt se in Turcas vltro, quæ olim in communione Christianorum fuerant, tot regna & prouinciæ, tam externi quā indigenæ: tam domesticæ, quā aduentitiæ copię: tam longinquæ Asiaticæ gentes, quā Europæ omnes vicinæ. Nondum Illyrios & Epyrotas sui Scanderbegii cepit obliuio: nondum Hungari Coruinorum: nondum Græci Paleologorum: nondum reliqui populi ducū & principum obliti sunt suorum. Nihil non peruium Polonis pateret in Thraciam, nihil Hungaris in Rasciam, nihil Italis in Cyprum aut Macedoniam, nihil Germanis in Illyricum & Dalmatiam. Constantinopolim dierum quadraginta spatio ex Pannonia cum exercitu itur, & à Danubio ex Valachia decem peruenitur. Vnus ille aliquis Christianorum exercitus Constantinopolim profectus, omnes gentes & nationes Turcæ subiectas, ad arma in eos capienda excitaret. Quid igitur, quominus, vel quamprimū hoc fiat, tandem obstabit? quid nos ampliùs morabitur? quid continebit? num semel credo in hosticum excurrendi deerit animus? num opes? num commeatus? Nihil horum profectò. Sed torpor quidam impedit, & alieni mali, ac nostri boni ignoratio, & liuor nescio quis alterius felicitatis: ipse denique salutis nostræ & communis diuinæ quietis hostis gloriæ Sathan; ille in suos quā in barbaros potiùs ardorem exacuit, conatus auget, funesta cōsilia suggerit, & arma ipsa hostib' subministrat. Quā autē rectè id fiat, ii ad quos maximè id spectat, viderint. Prodibant olim depositis priuatis iniuriis, consopitis inimiciis, prodibant inquam media hyeme longissimis ab oris, asperrimis itineribus in Palestinam Christiani, sacra repetitum loca, sanguine Christi respersa, salutis nostræ mysteriis insignita. Non traicere maria, non montes transcendere, non immensa & difficilia emetiri itinera, non grauiam & infinita adire pericula, factu ipsis videbatur incredibile. Expediti & alacres per Asiam, per Africam, per Europam volitabant. Nunc pro dolor tam minimè alieno anni tempore, tam vicino loco, tam opima proposita præda, tam hoste cum metu & horrore circumspectante pericula domi & foris omnia, Hungariam adiuuare sociam, prohibere calamitate Austriam, nauare Reipub. operam, Christum & religionem eius, domumque nostram tueri, durum & difficile fuerit? Absit hoc à nobis tantum Christiani nominis & seminis dedecus;

dedecus; absit ignominia. Nihil turpi^{us} est, quã nō esse id, quod dicare, & vna manu mōstrare panem, & altera ingerere Scorpionē, aliud polliceri, & aliud pręstare, aliud deniq; stātē, aliud loqui sedētē. Nō possū obliuisci verborū Maximiliani Cęsaris, quę in extremis Augustanis Comitibus, à quibus in Solymanū Turcā Hungariā inuadentē, & Giulā Segetūq; munitissima loca occupantē, ad Iaurinū exercitū duxerat in expeditionē, multis audientibus protulerat; cū assidēs mensę, multis, vt fit, circūstantibus, laudandę Austrię occasionē captaret, & quid nunc hæc, nunc illa edulia Augustę constarent, interrogaret; cara omnia esse respondentibus; Ecquis inquit, pro opima, Austria cum hoste barbaro & importuno vel sanguinē non profunderet, quam ille nobis eripere tantopere concupiscit? Sua enim suis omnia sunt chara: sed quò opima & florentia magis, eò etiam chariora. Quid verò Hungariam proferam? cum qua, aut nulum, aut Galliarum vnicum regnum potest conferri; tanta bonitate soli, magnitudine pastionum, boum, armentorum copia, auri & argenti riuulis, militaribus pręstans viris, tot Christianis regibus & Principibus florentibus, tot populis eiusdem nominis & professionis virentibus & videntibus impune pereat, dilanietur, contabescat? Reuiuifcas Urbane Pontifex, & tu Bernharde Abbas, omnibus omnium gentium linguis & literis meritò celebrande. Vestris olim precibus, vestris Christiani permoti sunt adhortationibus, vt patrimonia sua diuendere, vt milites in barbaros conscribere, vt in Asiam proficisci, vt mortem denique non dubitauerint optetere, vna illa omnium preciosissima Christi Opt. Max. hæreditate in libertatem vindicanda. Cū interim inter nos torpeant omnia otio; rarissimus sit, qui vel aliquo occupetur negotio, & qui non plus tribuat priuatę cupiditati, quàm publicę omnium salutis atque dignitati. Ardent domi cuncta bellis, æstuant inimicitiiis: non de defendendo, sed de diffundendo Christiano sanguine cogitatur. Implicata intestinis armis tota est Gallia: nihil ad se pertinere putat id Anglia: nouos concupiscit motus Germania: Polonia insidioso fœdere irretita, tanquàm in alieno agro grandinem, vicinorū interitū otiosa intuetur. Tu solus idem ille Christe poteris opem ferre supplicibus, succurrere afflictis, resistere barbaris, animo & voluntate in nos perditis tantum adimere ardoris & felicitatis; vt Christianiani Principes in communionem consiliorū & temporū contra Turcas minus possint sociari. Quod quidem vt faxis, vel quod facis potiùs, summe Deus grates tibi agimus, agemusque perpetuò, & in tui vnus spe conuirescimus, à te opem & auxilium
implor.

imploramus: te vnum ducem & præsidium nostrum esse, semperq; fore profitemur; & tuis denique auspiciis, qui omnia potes, ne nō tuorum causa multa præstare soles, de hoc tam perfido & crudeli hoste victoria potiemur.

TVRCICA V.



I QUANTVM OLIM CHRISTIANIS REGIBVS & nationibus propria & peculiaris inter se fuit dissensio, tantum nunc demum armorum & animorum in barbaros curæ esset consociatio, non minus profectò dubia & formidolosa Reipub. ista tempora, omnium cederent vigilantia, quàm vestrae maiorumque vestrorum tot ac tantæ rei contra Turcam gerendæ occasiones olim cesserunt negligentia. Vehementiores quippè aculei figuntur in perditis, quàm in rebus antè non possessis. Sed cum præterlapsa non peræquè semper corrigi, quàm faciliè queunt repræhendi; elaborandum est saltem, vt non tam de iis, quæ præterierunt, multa verba faciendo, quàm ad ea, quæ nos manent, auertenda mala vires nostras serio applicando, in rerum & temporum communione omnia conferamus. Etenim cum ab imis ad media, quàm à mediis ad summa difficilius veniatur, magnopere certè verendum est, ne quæ olim Turcica sine aliorum sensu sensim inualuit potentia, nobis quidem tandem omnibus sentientibus, sed haud scio, ne frustra renitentibus, eò magis inualescat. Quippè vel inualida robustiora facta, ad fastigium efferuntur. Et quisquam dubitabit, quàm à paruis & obscuris principiis, ad tantam, quantam videmus amplitudinem & potentiam Turcæ peruenerint? Quæ omnia omnium sæculorum memoria, vni Christianorum discordiæ semper adscripta sunt & fuerunt. Nam vt Mahometem primum dogmatis auctorem silentio transeam, Christianarumque gentium & nationum discidia illius æui non enumerem, Ottomanorum familia, sub Andronico Constantinopoleos Cæsare orta, quo demum peruenit, obscurum est nemini. Fuit Zichus tenuissimæ conditionis inter suos homuncio, qui nec locum, neq; focum, neq; denique quod sciã, patrem habebat certum, cuius Ottomanus filius tum primum extulerat caput, cum ferè per omnia Christiana regna & prouincias grauissimi motus & tumultus cierentur. Nam primum quidem in populosissima omnium prouinciarum Germania, diuturnum illud extiterat interregnum, quo Rudolphus primus hoc nomine Cæsar

L

est de-

est declaratus, & in Italia atque Gallia maxima bellorum incendia exarserunt: cùm ferè circa eadem illa tempora Clemens V. Pont. Max. ob Italicas factiones, quibus nullum poterat asserre remediũ, sedem suam Roma, sub eodem illo climate existentem, transtulisset Auenionum, & omnia omnibus in locis bellis arserunt ciuilibus, & vel in primis Græciæ quidam Principes inter se diuisi Constantinopolitana vrbe vexanda, & oppugnanda occupabantur. Quo magis Tartarorum in Asia labante dominatu, & Christianorum rebus hic & ibi perturbatis, primo illo Ottomano, vt dictum est, auctore suarum Turcæ virium iecerunt fundamenta; & per viginti annorũ aut circiter spatium vicinos populos eodem duce infeſtando, confinia sua protulerunt. Vix enim pro re & tempore nouarũ rerum & tumultuum, vel aliquid ab aliquo excitatur, quo minũs ei etiam adſint ſtudia, & miniſtri. Itaque Ottomano illo, vicinorum ſuorum domitore tandem mortuo, Orchanes eius filius in gloriæ & imperii hæreditatem ſucceſſit, & Ioannis Paleologi ſorore ſibi deſponſa, magnisq̃ inuitatus præmiis, in Thraciam tranſmittens, aduerſus Paleologi Socerum, Ioannem Cantacuzenum, & Theodorum filium adductis copiis, tam diu rem duxit; vt Græcis mutuis conſictibus eneruatis, non modò vrbe Callipoli, ſed bona Græciæ parte potiretur. Vidiffes autem, quàm & ſubiectorum in Principes ſuos conſpiratio, & Principum in Turcicis auxiliis malè ceſſerit conſilio. Cùm enim Græci barbaros in auxilium euocaſſent, illi quidem conſeſtim accurrerunt, ſed vulgari non contenti præda, Callipolim, & vicina Helleſponti oppida, præmii loco ſibi ſeruarũt. Ita demũ confirmatis viribus, & aditu ad Helleſpontum præmunito Philippi, & Andrinopoli potiti ſunt, & denique ad ipſum orientis ſiue Græciæ totius imperiũ, ab iis tandem eſt peruentum. O egregios hoſpites, ô expetenda auxilia, in quibus nec hoſpes, quod aiunt, ab hoſpite tutus eſt, nec minũs victi ſlent, quàm & ludent victores. Cùm enim bellorum omnium, tum in bellis perpetua crudelitatis eſt viciffitudo: Iam igitur Orchane ad eum modũ triumphante, & paulò poſt Amurate eius filio, à Myloſchio quodam Myſorum equite, cùm in Hunnos expeditiones nouas appareret, interfecto, ſucceſſit eius natus Baiazetus, qui cùm Theſſaliæ, Phocidæ, Boëtiam, & Atticam ſuæ effeciſſet poteſtatis, & ipſum tandem oppugnatione Byzantium pertentauiſſet. Sed Temerlani per Aſiam curſus, (felix né an ferinus magis non facilè dixerim) ex inſperato ad fortunæ, ſi quæ eſt, ludum ludibriumq̃ Ottomanorum eum retraxit, cùm ab eodem Temirlane in prælio cap-

ptus,

ptus, & aureis catenis vinctus, per totā Asiā circumueheretur. Quo enim altius ascenderis, eò tū maximè casum timeas grauiorē. Quo loco non memorabo, quanta Christianis Ottomanicæ extirpandæ stirpis, patre in vincula cōiecto, quasi quædā diuinitus oblata fuerit occasio: si Genuensiū cum Venetis, Hungarorū cū Transyluanicis Saxonibus, & Ioannis Galeaci Mediolanensis Ducis cum Scalligeris bella nō obstitissent. Verū cū iam iam Ottomanici nominis principes occasuri crederentur; en subito Græcorum leuitate, vel ipsorummet copiis auctus est vnus, quē his Calepinū, illis Cybelium, Kiriskellebem aliis placuit appellasse. Qui Bulgaros, Seruios, & Macedones adeò infestauit, vt ne vicina quidem his locis Hungaria potuerit quieuisse. Ignis enim ex proximo facilè in aliud inuolat tecto, & in nostrum ex inimico. Præerat tum rebus in Hungaria Sigismundus Cæsar, nescio feliciornē maritus, an imperator. Qui adeò parum fortunatus fuerat, vt & Boëmicos Zisca duce, in se tumultus non potuerit sedauisse. Raro namque aduersa, non nisi vel aliorū occurrunt in comitatu. Sed nos his obmissis, ad alia progrediamur. Iam quidem cū Asiaticas, & Europæas vires, sede Andrinopoli fixa, barbari coniunxissent, Amurates eorum dominus Vladislaum Hungarorum, & Polonorum regem ad Varnam interfecit. At quo modo & tempore, suppuget sanè dicere, cū videlicet Christiani ipsi exercitum Turcicum, ex Asia in Europam transportassent; cū plena in Italia, & Germania omnia tumultibus fecissent: & cū postremò Latinos & Græcos inter se commisissent. Qua ferè etiam tempestate, Thessalonica Venetis adempta est, & Sinderouia sub Georgio Peloponesi domino occupata; cuius paulo antè filia Turcæ in vxorem ducta, captos nihilominus vxoris fratres duos Stephanum & Georgium, quòd adeò certis sagittis arcum tenderent, vt destinatum scopum semper cōfigerent, igne oculis admoto excœcauit. Nullam namque rationē sanguinis nec modum in rebus habet tyrannis. Age enim, an fax & incendium Græciæ Mahometes, ab Amurathe imperio suffectus, cum patre defuncto, Germanis fratribus iugulatis, sui primitias imperii à scelere, & maleficio inauspicatus fuisset, mirabilibus confutis dolis, Constantinopolim non oppugnauit? Qua trigesimo ab oppugnatione die capta, non tantum faciare animum, sed adeò etiam ipsos immani crudelitate pascere voluit oculos, & nunc viros in partes secari, nunc pueros laniari, nunc matronas & virgines ante se iussit stuprari; vsque eò, licet hæc & similia antea quoque commemorata fuerint, vt cū præ metu & horrore Genuen-

sem coloniam Peram, vtrò ipsi oppidani dedissent, eius nihilominus mœnia deiicere, & magno foeminarum puerorumque numero ciues mulctare minimè dubitauerit. Quo eodem penè etiam nunquàm audito victoriarum cursu, cùm Athenientium reliquias deditone accepisset, alterum lumen imperii extruxit Trapezuntū. Imperatori namque inibi capto, ac septem simul filiis cùm tyrannicè capita abstulisset, busta eorum insepulta, vix tandem petenti concessit Augustæ. Et mox Mytilenis miserabiliter direptis, constupratis, venditis, trucidatis; nec in Euboëas minori immanitate est vsus, oppidoque eorum expugnato, partim excoriari, partim in ignem mitti ciues iussit quàmplurimos. Vt enim aliæ, sic hæc ferina humani profundendi voluptas sanguinis, in se augetur & distinguitur varietate. Quid dicam, cùm altera Genuensi Colonia, antiquitus Theodosia, posterius Capha dicta, violata fide habitatores abduxisset, quàm immaniter Thomam Peloponensi Despotū ac Demetrium Constantinopoli fratres, omni honore ditioneque spoliauit? Et quàm Dynastro ac Tyssio oppidis à militibus eius direptis, foeminis, & pueris stuprandis in turpissimarum voluptatum cœno, veluti lutulentus sus fuerit volutatus. Quid quòd & in ipsa demùm Italia Hydrunto capta, & toti Neapolcos regno per Aconiatum suum ducem subiectis ignibus, haud scio si quieuisset, nisi mors atrociora molientem, & ad vrbs orbisque imperium anhelantē præoccupauisset. Nihil quippè mēte vastius, exitu vitæ incertiùs, cursu victoriarū tenerius copiis dissoluti⁹ est bellatoris. Quæ omnia, proh dolor, ciuili Christianorū ferenda accepta sunt discordiæ, adscribenda negligentia, furori tribuenda & amentia. Nihil enim Græciæ Cæsaris, cùm Constantinopolis à Turcis oppugnari debuisset, apud tot, tantosque tum temporis Europæ reges valuerunt preces: nihil Græcorum legati, & legationes: nihil Pont. Max illius tempestatis cohortationes; cùm Germania, duce Alberto Brandeburgico, Achylle Germanico dicto, intestinis seditionibus, Columnensi & Vrsinorum factionibus Italia, & Crucigerorum bello arderet Polonia: & cùm postremò per multa Europæ regna & prouincias, sursum ac deorsum omnia miscerentur. Sic vt Baiazetes patrem Mahometem imitatus, & à Sforzia, Mediolanensi instigatus, non multum negotii habuerit, Mettone & Corone Venetis adimendis. Qui idem haud scio, si & militibus pepercisset Rhodiis, nisi diuinum affulisset lumen, & Ferdinandi Hispaniarum regis Catholici, clarissimi nominis dux Consalvus, Venetis auxilio missus, Turcarum consilia disturbasset. Qui cùm demùm Venetias

trium-

triumphator appulisset, & à Repub. splendidissimè fuisset muneratus, gratiis actis, Venetorum militiæ præfectis, omnia rursus munera illa est dilargitus. Magni namque viri non tam præsentis fructus, quàm posteritatis spectant memoriam, laborum & periculorum suorum sempiternam. Ante quod paulò tempus Caroli VIII. Gallorum regis Sforziæ instinctu incidit profectio, & multi Italiæ proceres, Cæsaris Borgiæ crudelem persenserunt dominatû: quo facilius exciti, & à nostrismet principibus animati, Turcæ per Europam sunt perbacchati. Quod tamen diuina iustitia, similes conatus semper vlciscente, cùm alii, tum minimè tulit ipse impune Sforzia, qui arbitrum Italiæ agere videri volens, tandem arbitrium suorum tulit hostium, & decennali carcere foedo ad mortem vsque scelera expiauit. Turbulenti namque homines, vt plerunque fit, ad turbida & tenebras deturbantur. Quo tamen ipso (vt omnia semel lapsa in peius ruunt) nihilo prouisum meliùs fuit Reip. tametsi enim faces illæ & incendia rerum, Sforzia & Borgia vinculis mancipati fuissent, & Selymus Turca Baiazetem patrem veneno enecasset, semper erat aliquid, quo Christiani reges atque principes inter se committerentur. Vnde illud ad Rauennam inter Gallos victores & Hispanos non incruenta cedentes victoria secutum est prælium, & bellis Christianorum durantibus, Selymus Turca, nescio si non vna eademque ætate Arabes, Ægyptios, Cylices, & Caramannos subiugauit. Quo ipso tantus Christianis omnibus terror erat iniectus; vt ad communia in communem hostem capienda arma, per Europam clamatum sit vniuersam, & quasi ob immensam potentiam, qua indies magis magisque augebatur, Turcis superandis fuerit desperatum. Vt enim in oppugnationibus urbium & munitionum, non prius obsessi desperauerint, quàm duces, & commeatum amiserint; sic & in tyrannicis istis imperiis, vix nobis suspecta fiunt prius omnia, quàm nulla amplius resistere iis queunt auxilia, cùm maxima infamia nostræ & euidentissima poena tarditatis: cùm interim non modò vtile, sed adeò maximè sit fueritque semper necessarium, hostem ancipiti contentione distractum, & quàm longissimè à nobis, nostrisque sedibus tenere perpetuò segregatum. Multæ enim ærumnæ vicinorum ærumnis longè lateque sæpè dimanant. Vidit hoc, & nō vidit Christianum imperiū, & cùm in multis aliis, tum in Solymano Turca Selymi filio tandem cognouit; qui simul atque pater in viuis esse desiit, eodem, quo & Carolus V. Cæsar imperio auctus, ad Christiana regna & prouincias occupandas animum applicauit, & hanc, de qua continuò nobis est institutus sermo, Hungariam dilacera-

uit. Quam ad rem nullā sanē aliam, ceu quandam segetem & materiam, quā ipsorummet Hungarorum habuit discordiam, qui regum suorum electiones temerē geminabant: nec deerant alibi etiam crudelissimorum bellorum, inter Christianos incendia, quibus Solymanus rerum suarum securior & animosior factus, paulō antē, quā inter Carolum V. & Franciscum Galliarum regem exoriretur bellū, Rhodū occupauit, & demū etiam ipsum Ludouicum regem ad Mohacum interfecit. Quem cū fortē dixisses quiecturum, tum ille vel maximē ferox, & sibi suæque felicitati præsicens, Viennam Austriæ urbem, non tam mœnibus, quā viris munitā fortibus, anni alieno licet tempore, obstinatissimē oppugnare cepit: à qua tandē reiectus, irritō conatu discessit, & quantum in strenuis urbium defensoribus positum esset, multis suorum desideratis, non obscurē declarauit. Non tam enim muris aut mœnibus, quā virorum fortium pectoribus propugnacula defenduntur. Plena tum Lutherani dogmatis fuerat Germania; & idem etiam mali, vel in ipsa Pannonia grassabatur. Itaq; dum ob internos motus, ægrē cum infidelibus armis Hungari, otiosis quæstionibus cum fidelibus Germani contendebant, & dum nobiles Hungaros sub iugum suum barbari mittebant; Germani rustici in Evangelicam (si Deo placet) libertatem seipsos asserebant: & dū Hungari liberos, libros Germani suos contra matrem ecclesiam editostuebantur; Germani denique cogeant disceptationum gratia conuentus: Hungari omnium miserrimē Turcicos sustinebant ictus: illi denique dogmatis sui confessioni, hi patriæ defensionī incumbēbant. Quid igitur ex tam impari & impia colluctatione sit subsequutum, audite obsecro, & mandate id memoriæ, ne similibus exemplis imitandis, non multō exitus referamus latiores. Carolus quidem hoc nomine Cæsar V. haud scio, an post Carolum magnum aliis potentior, vix memorabile contra Turcas aliquid potuit præstitisse. Ferdinandus quoque Romanorum & Hungarorum, Boëmorumque rex, Caroli frater, malum nactus aduersarium, omnes suas tuenda Hungaria exhausit opes, & infinitas contra barbaros, Germanorum obtruiuit legiones. Turca interim non solum in ipso capite Græciæ, aut Hungariæ, sed tantum nō in reliquo triumphat Europæ: quē nostrū vult premit, cui quid collibuerit, adimit, nostras omniū sedes concupiscit, nobis extremam ruinam & exitium (nisi Deus prohibuerit) vniuersis machinatur. Fac fuerit superioribus annis, nauali victus prælio. Quid tum postea? Nobis tantum carinæ, mali, & proræ; illi regna, illi prouinciæ, illi maritimæ oræ cesserunt sub imperium.

Quem

Quē quā̃m Philippū Hispaniarū regē, vnū sibi suāq; potentia veluti quendā obicē positū reformidet non habet. At & is, cū̃ ætate grauis, tū̃ ipsismet Christianis eū̃ oppugnantibus in Turcā futur⁹ est tandē imbecillis; cū̃ quotus quisq; sit, qui summis & tyrannicis imperiis vel summorū etiā regū potentia opponi oportere intelligat: & tantū abest, vt aut difficultatibus eius condoleat, aut ad sananda Reip. vulnera manū admoueat; vt hoc etiā eius imperium primo & præcipuo loco euertendū, tū̃ demūm Turcicū, si fieri queat, aggrediendū potius arbitretur. O inuidiā! quasi verò, quā̃m ab omni iustitia & humanitate, ratione, cōmodis, necessitate alienū id sit, omnes non intelligant, ac vtinā quidē tardē, sed vercor ne vel ipsa opinione nostra celerius eius rei & consilii nos tædeat atq; pœniteat. Facilius enim summæ auctoritatis & potentia, in Turcam Principis vires cuniculis est subuertere, quā̃m demūm vel apertē nouū aliquē eadē potentia augere. Quamobrē, quid de nobis tandē his distractis partib⁹ & artib⁹ futurū sit, prospiciat secū quisq; animo: auertat pro viribus clades, quæ impendent; & nullū nobis nocendi finem impositurum hostem, si nos ipsi non imposuerimus nobis, certò sibi polliceatur. Turcæ nomen denotat vastatorem, dogma Christianorum facit prædonem, impotentia animi euersorem, vsus & casus reddunt in dies cautiorem. Nihil barbaris magis proprium & peculiare est, quā̃m perpetuas in Christianis discordias alere, in iis priuata odia & inimicitias, bella ex bellis ferere, & vna Christiana gente oppressa, ad alteram opprimendam properare. Nos verò, quasi vltro etiam ipsi barbarorum dicto audientes sumus, bella inter nos gerimus, seditiones & tumultus excitamus, occupamur in dies armis domi, segnes & inermes sumus omninò foris. Celsimus tot regnis & regionibus nostris Turcæ discordes: ne vnū quidem eripuimus ipsi contra eum sociati. Quid nos vel ipsa saluare poterit ampliùs salus, cū̃ ita volentes & videntes ruimus ad interitum? Iam quod sciam, nihil aliud ei deest, ad nos, nostrumque hunc reliquum dominatum euertendum, quā̃m iustum & moderatum in deuictos imperium. Quo si vsus iam pridem fuisset, vt varia, & mobilia multarum gentium nationumque sunt ingenia, plura inter nos deditione, quā̃m armis possedisset. Sed nec nos etiā quid æquū & moderatū sit peræq; omnes scimus: neq; ita à turpissimis quibusq; cupiditatib⁹ liberare nos possum⁹, quo minùs saltē vultu, & oratione secus præ nobis feramus, & quòd refugiamus seruitutē. Catholici re & nomine regis potentia maiùs, Christianorum rebus addictiùs, dominatu iustiùs, gubernaculis nihil est moderatiùs. Verū

rùm nos incognita pro cognitis sæpè apud nos habemus, & falsis auditionibus plus quàm par est commouemur, alienæ potentix inuidia, quàm sociorum miseriæ magis ducimur misericordia. Notuarum denique instar non ferimus libenter solem, paulò splendidiore. Temporibus sine omni dubio, quæ vereor ne cito veniant, durioribus, huius diei voce voluntatis meæ teste, istius regis æquales aliquandò expetemus. Qui quantum his quadraginta penè continuis annis, nunc ad Zervas, nunc ad Melitam, nunc ad Nautopactum, nunc ad Guletam, cum barbaris configens, Turcarum restiterit potentix, illi opinor nobis longè melius recordantur, & damna magis dolent ab eo accepta, quàm nos ponderamus beneficia in Rempub. collocata. Verùm cum & ille homo sit, & humani à se alienum nihil vnquàm duxerit: & cum denique rei bene gerendæ occasio semel amissa rarò redierit; quoad tandem per incertos eius, filiiq̃ ipsius valetudinis exitus licuerit, & tempora, rationesq̃ eius tulerint, vita & potentia illius vtàmur: & cui pro præstantibus meritis omnis debetur honos, eum inuidia minimè prosequendum arbitremur. Plena voluptatis & securitatis est res, potentio rem bonorum patronum, quàm hostem & insidiatorem libertatis habuisse.

TVRCICA VI.



EMINEM DVBITARÈ ARBITROR, MVLTQ̃ VIDEM PLURA & GRAVIORA BELLA, quàm quæ à me paulò commemorabantur fuisse, odiis & inimicitiis Christianorum inter se exercendis. Itaq̃, quàm mirum & incredibile sit etiam alicui, ad tantam rursus amplitudinem & immanitatem Turcas venisse, cum & quanta à nobis præbita eius rei habuerint exempla, & quanto discordiæ nostræ auxerint eos spiritu intueatur. Nam vt quidam vetera, & obliuione ferè sepulta, silentio transeam, quàm non modò auorum, sed nostra hæc ætas multa immanitatis in ciues suos exempla viderit, quis ignorat? vt adeò barbaræ quæque gentes, vix aliquandò in nos talia patrare ausæ fuissent, aut adeò etiam præ pudore commisissent qualia nō in hostes, sed in cōciues nostros, sine omni reuerentia patrata à nobis sunt & fuerunt. Ac ne vetustiora repetam, reuoluamus paulisper animo in quibusdam Italiæ factiosis vrbibus, quæ sub Guelforum & Gibellinorum nomine, nunc Pontificias, nunc partes tuebantur Cæsareas; quàm immaniter in hostes

stes grassatum sit, & quàm tota ferè Italia ciuili sanguine redundarit, cum ii, qui inimicorum suorum in potestatem veniebant, quidam forcipibus candentibus discerpti, quidam ex domorum fastigiis erutis oculis præcipites acti, pueri verò ipsorum in cunis vagi-
entes occisi, matronis in conspectu ipsorum coniugum ventres ex-
fecti, & multa alia nefaria, & dictu adeò etiam fœda commissa me-
morentur. Quippè vt impudici tactus libidinem, sic sanguis fundi
coeptus, maiorem quotidie elicit crudelitatem. Quod non modò
patrum aut auorum nostrorum, sed hoc ipso nostro sæculo facilè
fuit depræhensum. Etenim triginta plus minùs ab hinc annis, si o-
mnia omnium Europæ regnorum & prouinciarum ciuilia valde
inciuiilia bella, furoresue potiùs memorem, non tantum dies,
sed & ætas ipsa me deficeret. Quis enim ignorat, quæ & quan-
ta vis sacris virginibus, quàm varia & crudelia mortis genera
sacerdotibus, quæ & quàm atroces contumeliæ fanis & altari-
bus sint illatæ? quot & quanti religiosarum familiarum viri, quot
Antistites sacri, alii in terram defolisi, abstracta cute, clauisque
crania transfixi alii, humum ad sepulturam sibi effodere quidam
sunt coacti? quoties ex sacerdotum adhuc spirantium ventribus
discisis, atque inter ipsa gementium piorum viscera, iniecto hor-
deo, pabulum equis est propositum? quoties ad altare puluis tor-
mentarius in sacerdotum os ingestus, aut ad bombardæ foramen
sufflare iussis, caput est discerptum? quot & quàm illustres Catho-
lici viri, conuiuio primùm ab hæreticis excepti, tandem de turribus
& montibus sunt præcipitati? quot prægnantium & viuentium mu-
lierum vteri sunt dissecti, & embriones palpitantes in ignem iniecti
aut verubus alligati, & ad focū tostati? Vt tot, tantaque alia, quæ nec
in media barbaria patrata fuissent, hoc loco taceantur. Quid? in
viuisné tantùm hæc tam immanis notata est immanitas? imò
verò in ipsis quoque mortuis: neque tantùm in gregariis ali-
quibus, sed in ipsis etiam regibus. Age enim. An Ludouici hoc no-
mine vndecimi, Galliarum regis (horret referre animus) ossa, quæ
iam pridem quiescebant, in vetustissimo & nobilissimo tota Gallia
fano, non sunt exhumata? & caput impositum pilo, per multa &
varia loca non passim est circumlatum? Quid, quòd ne inanimis
quidè est parsum? & cum numinis occulta quædam cunctis ingeni-
ta sit reuerentia, & vbi prædæ non supererit aliquid spei, vix
tantum laboris dederis in inanima vltioni; hoc in istis, in figura ho-
minis immanissimis quibusdam, non dicam religionis hostibus, sed
belluis est depræhensum; vt sacrosancta Dei Opt. Max. templa di-
M ruerint,

ruerint, euerterint, complanârint. O perfidiam & amentiam execrandam! Nobilis quidem iampridem facta Moschorum in captiuos est crudelitas: nota Scytharum & Tartarorum immanitas; quos canino propterea lacte lactant matres, vt inde à pueris sint ferociore, & equorum ac animantium reliquorum uorandis carnibus eos assuefaciant. Quid? An & Turcarum non notata est truculentia, qui nostris excarnificandis pretia redemptionis postulant grandiora? Sed nihil hæc ad nostros hos (si Deo placet) qui se appellant Christianos. Quid ergò mirum etiã sit, cùm tot & tanta immanitatis exempla in conciuēs suos barbari apud nos videant, omnẽ etiam crudelitatem adhibere in nostros consueuisse? Et tantò quidem fidentiùs nos persequi, quantò inter Christianos discordias & dissensionem maiorem semper & vbique liceat intueri. Magnus enim hosti ad capienda arma est stimulus, vicinus, cum altero non modò animis, sed aliquandò etiam castris ipsis dissociatus. Vnde olim Romani difficiliora bella habuerunt nusquàm, quàm in ipsa Italia, cùm Hetruriam inter se colligatam, & aditu difficilem subiugarent. Quod haud dubiè quoque & barbaris ipsis, contra Christianas gentes & nationes euenisset, si ipsimet quasi ad accipiendũ vltro vulnus discordiis suis latera non aperuissent. Faciliùs enim ferire est eum, qui seipsum offert ferendum. Quo etiam est factum, vt non Tartarorum, non Persarum, non Mamalucorum arma remorata Turcas sint, non Aladoli, non Sultani Ægyptii, non Ottomanorum patrum in filios, & filiorum in genitores bella ab instituto retardauerint. Habent, quod aliàs etiam dictum est, videntibus & videntibus maioribus nostris duo imperia, regna quàm plurima, innumerabiles prouincias, vrbes & munitiones infinitas: ac, quod summũ est, habent bene cõpacta & connexa inter se omnia, & in omnibus firma præsidia, exercitatos milites, auri & argenti magnos acervos; vnum, cui cuncta obediunt caput: & tam bello, quàm pace, tam domi quàm foris æmulationis nihil; aut in ordinibus, vt hîc sunt nostris, & in quibus nullus ordo reperitur, distractionem voluntatum. Quo loco non possum non meminisse, quòd Herberstainum senem, Turcicis, & Moschouiticis legationibus clarum, apud Cardinalem Osium, tum apud Cæsarem Ferdinandum Pii III. Pont. Max. legatum, Viennæ vnà nobiscum assidentem audiui memorantem; cùm eiusdẽ Ferdinandi legatione apud Solymanum in Budensi expugnatione fungeretur, risisse nimirum Turcam Christianorum principum discordias: & se quidem ipsum Draconi

coni vnus capitis, cum multis caudis; Ferdinandum verò eius dominum, itidem Draconi sed multorum capitum, & vnus caudæ comparauisse. Quo tandem sequeretur, vt Turca ad omnia expeditus concomitantibus eum caudis, & nullo remorante capite profectus, ex animi sui sententia cuncta conficeret. Ferdinandus multis capitibus eum detinentibus, non semper quo vellet perueniret. Sic barbaro & impotenti hosti, re benè feliciterque in Christianos gesta, placuerat adeò iis insultare. Quem enim damnum, eundè & contemptū sæpè videas retulisse. Quæ tamen non propterea refero, vt despondendus, ac non multò etiam propterea magis assumendus sit animus; cùm appareat, quæ, & quàm immensa ob discidia nostra Turca sit fiducia, & quæ his malis remedia, & quàm in tempore requirantur. Quippè quò plures ciuiles discordiæ, eò & grauiora Reipub. sunt detrimenta. Videre quidem non neminem est, in tanta vt facierum, sic ingeniorum in hominibus varietate, inutiles prorsus conatus iam nostros, & Turcicum Cæsarem mole imperii sui, vt ruat, quàm vt irritari debeat, potiùs expectandum, aut saltem non multò etiam Austriacos reges adiuuandos magis sermonibus vsurpantem. Sed quantum is longè aberret à scopo, quis vnquàm dubitauerit? Nam vt puerile nimis fuerit, flumen quod traiciendum sit, vt defluat, & in mare, aut aliò se exoneret expectasse: sic & Turcicum dominatum, qui nostra partim ignauia, partim dissensione creuit, sine armis & bellicis expeditionibus nostris velle videre corruisse. Sunt enim multæ cogitationes vanæ; sed de barbarorum animi in nos beneuolentia, aut his, quæ iam occuparunt imminuta cupiditate vanissimæ. Iam verò, quod & ad Austriacos spectat reges, vt iisdem temporibus, An non longè dissimilibus artibus, ab Ottomanis aucti sunt & fuerunt? Etenim, vt vel vnum illud Austriacorum regum progenitoris pietatis proferam exemplum, & cui credibile non fuerit, vt flumina ab ortu suo longiùs progressa, latius se fundere: sic nec quidè à præclaris maioribus suis, multum posteros degenerare. Fuit quippè abhinc tercentis & pluribus annis, qui parochiali munere fungens, ad quendam ægrotum, sacrosanctam Eucharistiam pedes deferabat. cùm interim torrens quidam illis diebus exundauerat, & deferenti periculi nonnihil minabatur. Superuenit tum Abspurgius Comes, qui vtrò parochum equo imposuit, & in alteram ripæ partem delatum, ad ægrotum vsque pedes est comitatus. Re (vt fit) vulgata, monacha quædam, illis temporibus sanctimonia vitæ clara, huius tanti viri progeniem nunquàm degenerem futuram,

turam, & magnos honorum cumulos, diuinitus prædixit sortituram. Et quidē non immeritò. Quemadmodum enim in Ottomanis impietatis & crudelitatis, sic in Austriacis regibus religionis & humanitatis exempla semper relucent. Quæ quoniam contentione, quàm per se ipsa magis cognoueris, vnius & alterius familiæ principum inde ab incunabulis ingenia, mores, institutum vitæ, & omnem gubernandi modum & rationem, ex iisque demùm progressus & consecutiones omnium, tum & exitum dominationum, vel tecum ipse facilius recognoscas. Et quid Ottomano primo gentis auctore rapaciùs? quid Orchane immaniùs? quid Amurate vicinis infestiùs? quid Baiazete alieni appetentiùs fuit aut esse potuit? quos omnes Mahometes auaritia, Baiazetes perfidia, Selymus infidiis, Solymanus ambitione, Selymus alter temulentia, Amurates immanitate superauit. Et quis denique negauerit, Ottomanici nominis & seminis regem, qui in suorum sanguine suas non polluisset manus, vix vel vnum aliquandò extitisse? Orchanes quidem Ottomanus filius fratres germanos interemit tres: eius successor vnum: Baiazetes à Temirlano post captus, septem: huius porrò filius Mustulmanes occidit vnum, quem rursus Moses eius frater, & hunc Mahometes interfecit. Diceres experiundo contemnere, satietate abiicere, hunc tandem laniatum Ottomanos voluisse. At in hanc vsque diem & quodammodò etiam maior crudelitatis regnat in iis vicissitudo. Mox quippè Mahometis illius filius Amurates dictus, eius filium sustulit: & rursus Mahometes alter, qui cepit Byzantium, Amuratis soboles, quinquennem fratrem interfecit: postremò verò huius filius Baiazetes, qui omnium Ottomanorum fuit doctissimus, & Auerroem in linguam Turcicam vertit, Gemem fratrem Turcia pulsum, & in Italia mortuum, crudelissimè interficere semper est conatus; vt nihil emollire mores, aut mansuetiorem facere illæ potuerint cum literæ. Quippè mali corui malum ouum, vt habet Græcorum verbum, esse consuevit. Sed age, progrediamur. Quid enim? an huius Baiazetis Selymus filius, eundem illum genitorem suum, cuius mortem senis expectare non poterat, veneno non sustulit? & an fratrum filios quinque, germanos verò fratres duos Corcutum & Amuratum non interfecit? Cui cum vnicus fuisset Solymanus filius, & haberet prorsus fratrem germanum neminem, aliquandiu quidem nescio quàm moderati animi præ se tulit speciem: sed postremò etiam tandem Mustapham filium, & ex eo susceptum nepotem alterum interfici, & illud proclamari iussit: Vnum Deum in cælo, & vnum Solymanum in terris esse colendum

lendum. Huius denique Selymus filius, qui nostra vixit memoria, an non quinque fratres? & iste Amurates, qui nunc rebus præest, an non totidem interemit? Nihil dico de hoc paucis ante diebus creato Mahometo, quem incredibili crudelitate ferunt in suos grassatum fuisse, & fere superiores Ottomanos omnes hac in parte superasse. Facilius enim sectare scelera, quàm exprimas virtutis vestigia vel minutiora. Iam verò in Austriacorum regum & Cæsarium familia contraria omnia videas, & nulla non optima omnis generis, virtutis & mansuetudinis exempla intueare. Quid namque? An Rudolphus Cæsar Austriacus primus non modo à suorum fundendo abhorruit sanguine, sed in Ottocaro rege Boëmiae hoste, quàm esset mansuetissimus, non declaravit? cùm affinitate sibi devincendum, quàm captivum morte mulctandum potiùs iudicauerit. Quid duo Alberti Austriaci Cæsares? an ut vn^{us} militari gloria clarus, alter gravitate maxime esset spectatus, non vterque huius mansuetudinis laudem retulit singularem? de quorum altero famâ vulgatum est, quòd cùm rusticum quendam in ponte Pragensi, fœnum curru trahentem habuisset obuium; & ne eum, Cæsar prægrandi naso, proficiscentem impediret, inclamantem audiuiisset; manunaribus admota, & paulò defleciens, ut tutò iter prosequeretur suum, humanissimè compellauit. Quid verò, à quo Austriacorum Cæsarium continuata cœpit successio, Fridericus, quibusdam hoc nomine Cæsar tertius, aliis quartus, an iis omnibus qui eum aliquandò obsessum Viennæ tenuerant, & fame ac inædia diu macerauerant non pepercit? Et huius rursus filius Cæsar Maximilianus primus Brugis ab oppidanis captus, & huius denique nepos Carolus hoc nomine V. Romanorum Imperator, à suis, apud quos natus fuerat, Gandauensibus proditus; an vitam, quam iustissimè cripere poterat, non liberalissimè multis donauit? paucis admodum affectis supplicio, qui prodicionis illius extiterant auctores. Nihil enim pulchrius est, quàm poenam ad paucos, metum ad omnes pertinere præstitisse. De Ferdinando & Maximiliano patre & filio Cæsariibus non loquar: cùm constet, vel Anachoritam aliquem Ferdinando religiosiorem, vel Maximiliano Cæsare, illū Octaviū Imperatorem, qui humani generis deliciae dicebatur, humaniorem benignioremue non extitisse, ne viutorum laudes, cùm non obscura aliquorum inuidentia fortè hic persequamur. Et cùm nemini sit dubium, Austriacos Cæsares exempla virtutum reliquisse plura, quàm in multis philosophorum scholis præcepta illarum tradita sunt selectiora. Qui, ut tantum nouem, & Ottomanici nominis fuerint qua-

tuordecim, longè quidē latiùs suū protulerunt, & florentiùs reddiderunt, quàm illi imperiū : & quantū barbari continuis rapinis, vi, fraude, immanitate, truculentia ; tantum illi laudatissimis artibus, connubiis, affinitatibus, benignitate, clementia, sibi posterisq; suis amplitudinis comparârunt. Quos ego aliis obmīssis nō idcirco laudauero ; vt mihi per id aliquā eorū velim venari gratiā : qui bono illo cōmuni cōmunibus quod resistūt hostibus sum cōtentus : sed cū barbari hos sibi potissimū proposuerint euertēdos, eorumq; potētiā ad orbis terræ imperiū cupiditati suæ maximè ob stare arbitrentur ; vt vnus & alterius familiæ ortus & incremēta, tū & progressus, actionesq; omnes & dominationis ratio, hac veluti cōtentione faciliùs cognoscantur. Multis enim modis, sed cōparatione vel in primis res, rerumq; causas, & vel horū felicitatis & potētiæ, vel illerū imbecillitatis & infortunii effectrices magis explores. Infer igitur quo velis oculos, & tam in Turcico imperio regnorū vrbiumq; vastitatē & tyrannidē, quàm in Austriacorum regum Reipub. florem & dignitatem, & imperandi iustitiam ac moderationem animo intueri. An verò dubitaueris nusquàm elegantiores ditioresq; ciues, præclariora ingenia, florentiora regna, solidiorem libertatis statū, quàm sub Austriacis reperiri? Aspiciamus Hispanias ; an vllō alio, quàm hoc ipso tempore magis aliquando floruerunt? Cū enim duo sint Hispaniarum tempora ; vnum illud quo vel ipsa Roma, præstantissimis ducibus, ingeniis, Cæsaribus lætabatur ; hoc verò alterum, quo quibus solis cursus, iisdem ferè Hispanicum imperium terminis continetur ; repetamus paulò memoria, quàm his cētum annis, non solūm Hispaniæ ipsæ diuites factæ sint, sed alias innumerabiles gentes & nationes semper ditârint, cū ex Indiis, & tam obeuntis quàm orientis Solis vltimis, ingens auri & argenti vis in has oras importaretur. Quid verò Italia? an vnquàm antea fuit pacatior, quàm sub hoc Philippo Hispaniarum rege, vtramque Siciliam, & Mediolanensem tenente principatum? Cuius rei vel illud vnū fuerit argumentū, quod ædificandarū extruendarūue Neapoli ædium, oportuerit cupiditatem hominum latis legibus inhibere, vt commune totius Italiæ taceam beneficium, quæ hoc rege regnante propè iam à quadraginta annis perpetua fruitur pace & tranquillitate. Potentiorum enim auctoritas & reuerentia, imbecillorum est concordia. Quòd si in Belgio est aliquid tumultuum, vt velis nolis, fateare esse plurimum ; vereor, ne quod in prouerbii consuetudinem abiit, turdus sibiipsi malum cacasce, & ob vicinum Galliæ incendium, illud quoque exortum esse non potius videatur.

tur. Noluerunt quippè Belgæ vicinis Galliarum ærumnis erudiri: suo igitur malo, quàm minimè sint bella bella ciuilia, experiuntur. Quæ vtinā quidē sopita iam pridē esse potuissent. Hæc quæ iis gerendis profusa est pecunia, eorum optimum regem ad Christiani nominis decus & præsidium Byzantii procul dubio collocasset. Sed & quærelæ ingrata, quando erunt seræ, & huius sæculi seu quædam labes, & macula est, suorum potentia & amplitudini inuidere. Quare his obmissis, nos ad nostrum reuertamur curriculum, & quid & Germania tot Imperatoribus Austriaci seminis recta & recta hætenus habuerit felicitatis, nobiscum ipsi consideremus. Magnum sanè vt Germanorum constantia, sic & Austriacorum Cæsarum magnorum in Rempub. meritorum est testimonium; his tercentis annis semel & iterum interruptam successionem, ad eodem illos Austriacos quasi quodam postliminio reuertisse. Etenim, vbi spes ad multos, potestas eligendi ad aliquos, exitus ad vnum in Cæsarū pertinet electionibus; vnus sanguinis multos multū fuerit Cæsares spōte sibi præfecisse. Itaq; & Principis nescio cuius electoris, vox illa est memorabilis, qua cum ipsi imperium delatum potissimum fuisset, solos in Germania Austria Archiduces, dignos imperio sibi videri; & alendis falconibus, quam non neminem sustinendis imperii fascibus plura præstare posse, ingenuè fatebatur. Multum autem est regem vel eligi Cæsarem: sed multò fit pluris omnia decora, & præsidia imperatoria habuisse maiestatis. Quo etiam apparuit magis, vt semel de se concitata expectationi Austriaci Cæsares respondiissent, vel in his Germaniæ, quæ religionis rebellionisue potiùs gratia excitati fuere motus, quanta moderatio animi, quanta æquitas, quanta in puniendis fontibus lenitas eorum fuerit; vt non magis armatos quidam timuerint, quàm depositis armis coluerint victores. Iam quid ego eorum in subiectos sibi populos fidem, quid misericordiam, quid pecuniis imperadis iustitiã, animique moderationē proferam? Nota est illa Caroli V. Cæsaris apud Hispanos, maximè autē apud Arragonios mansuetudo; à quibus cùm aliquid subsidii volebat impetrasse, humili veste tectus, & equulo vectus, Menzonum, vbi ordines cogeantur, ingrediebatur: ad mouendam haud dubiè in multitudine misericordiam, quæ tanto tamque benè merito principi à suis debebatur. Omne enim artificium in rebus est honestū, modò sit finis bonus propositus honestatis. In qua quidē Arragonia, si qua nunc demùm in rebelles subsequuta est animaduersio, ne vel ipsorū ad mortem damnatorū confessione victus iustè

iuste id esse factum procul dubio fateare. Omnis enim rebellio, aut dissimulanter ferenda, aut alia quavis arte consiliove auertenda; aut verò quamprimum nec modo aperte, sed & acriter est punienda. Quid Bohemia? quæ quorundam sermonibus à libertate in servitutem esse redacta, circumfertur. An ducentis ab hinc annis maiora & magis magnifica ædificia in ea erecta sunt, quàm hoc ferè de cennio vno, omniū cū admiratione tandem steterunt. Hæc quidē omnia, quòd magnificè ædificant, quòd agros diligenter colunt, quòd tot hortos ad amœnitatem extruunt, quòd possessionum pretia inter ciues mirificè crescunt, maiora argumenta sunt libertatis, quàm alicuius servitutis. Vt enim rerum copia tædium; sic servitus elegantiarum omnium generat despicatum. Agè & Hungariæ miseræ illi & afflictæ, rebus regionibusque, quoad tempora & opes ferūt, maximè fulciēdis, quot quæso & quāti ab Austriacis nō sunt profusi, & profunduntur thesauri? quæ non auri & argenti vis in illius nobilissimī regni salute, extra etiā ipsius regni auri riuulos non est collocata? ut cū Hungariæ reliquæ maiora quàm Matthiæ regis tēpore habeant vestigalia, multa tamen aureorū nummū cētena millia, vel extra vestigalia sub induciis ea tuenda impenduntur. Et audiui profectò, summum quendam sapientissimūque virum dicentem, si Ferdinandus ad res Hungaricas animum non applicuisset, ditissimum omnium Austriacorum Cæsarū fieri, eum potuisse. Quod, quibus nitebatur rationibus ille, qui id aliquandò dixerat, viderit. Neminem interim existimo fore, qui dum Christi Opt. Max. dum Reipub. causā agitur, dum incensus proximus paries, nobis quoque incendium & calamitatem minatur, optimos Principes contra Turcas adiuuandos non dicat oportere: qui non vulneribus moueatur Hungariæ: non precibus & gemitibus Austriæ, non domesticos tumultus sopiendos, & alias aliarum rerum curas & conatus missos faciendos: Turcas verò vel quamprimum longius remouendos non arbitretur. Vera & Catholica est opinio; ex inferno redimi posse neminem: at idem prorsus habere Turcicam videmus servitutem. Nullum ibi solatium ampliùs miseriæ, nullum doloris alleuamentum, nulla spes supererit recuperandæ libertatis. Videmus, quot & quanta iam regna & prouincias barbari deuorauerint. Nihil verò minùs, quàm ut nostri vnum vel minimum sub iis recuperare potuissent. intrò patent vestigia, nulla retrò, dixit alicubi poëta. Quod vel in Turcia idem experiare, inquam, ceu hiatū quendam terræ, & res & regna demerguntur: & haud scio, si ieiunis succincta canibus Scylla, tantas absorbit,

quantas

quantas Christianorum opes, non vnus aut alter Turcicus Imperator, apud quem inter nobilem & ignobilem, inter benè meriti patris & secus filium nullum est discrimen. Omnia eius subiecta sunt libidini, filii & filiaè è gremio matrum, matres à filiis & filiabus cùm imperauerit, abducuntur: nemo suæ rei dici potest dominus: Purpuratorum multorum sæpiùs nudi & serui conspiciuntur, quàm diuites & liberi liberi: & si vel minimũ cõgesti peculii apparuerit vestigium, quibus illud amittas, tenduntur insidia, vt adeò in lucro posueris vitam, si licuerit seruauisse. Et tamen hoc Turcicum latrocinium cum Austriacorum regum conferamus imperio; sub hoc religionis expetamus libertatem, si libertas, & non summa potius appellari debet confusio: & deniq; tollerabiliore in media Turcia, quam sub inquisitione Hispanica appellemus seruitutẽ? O amentiam! ô impium & ingratum nostrum animum! ô confihgendis rebus impudentiam singularem! Perinde ac si extra anni Solisquæ vias (verbis vt vtar Vergilii) sint Hispaniæ, & vel manibus ipsis (quod aiunt) palpare non liceat, quàm sit æquum, quàm moderatum, quàm bonis legibus & moribus plenum Hispaniarum Catholici regis imperium, quod ab istis (si Deo placet) nouarum rerum, & falsarum auditionum authoribus, nescio cuius crudelitatis insimulatur. Quæ, qua in re, & magistratu sit, breuiter si libuerit percurramus. Nullo quidem loco, re, occasione, tempore, atrociora scelera, atrocibus pœnis coërceri negatur oportere: quòd quantò magis impunitas, tantò & peccandi crescit studium: & quòd vnus pœna, metus plerunque est permultorum; & vt inter bonos & malos sit differentia, quorum aliis pœnæ debentur, aliis præmia; & vt denique animaduersionis seueritate, tuta sit virtus & innocentia, & suum cuique constet ius & æquitas, sine qua regna, non tam regna quàm latrocinia iudicantur, & confusio sequitur rerũ, & societatis hominũ, negotiorũ commertiorumq; omniũ perturbatrix. At verò inter alia vel maxima crimina, quæ iure & meritò atrocissimis pœnis vindices, potissima est hæresis, quam isti nihilominus cuperent impunitam: quæ cùm in re noceat omnium præstantissima; quid obstat, quo minùs ea, quæ per illã dilapsa fluxerint, graui animaduersione vinciantur? Omnia certè diuina humanaque placita, & patrum conciliorumq; decreta, tum & ratio ipsa, & tot gentium nationumque exempla hæresim docuerunt puniendam. Quid? Deonè violare fidem, quàm mulierem viro, fuerit leuius? quod ipsum vbique pœnis coërcetur, & illud alicubi manet impunè. Vndè tot sectæ tam inter se dissectæ

N

sunt

sunt, quot Cerbero capita Poëtæ olim finxerunt. Quid ? Qui ciuiliū concordiam, & Reipub tranquillitatem labefactant ; an non pœnis & suppliciis, etiam exquisitissimis digni iudicantur ? Pulchrè enim alicubi M. ille Tullius, Non inquit priuatos focos, nec publicas leges, nec libertatis iura chara habere potest, quem discordiæ, quem cædes ciuium, quem bellum ciuile delectat, eumque ex numero hominum eiiciendum, ex finibus humanæ naturæ exterminandum puto. Quis autem quàm hæreticus homo id & crebrius & ardentius fecerit, qui suis contionibus & scriptis tanquàm flabellis seditionum, concitat in magistratus populum, gerit in Orthodoxos Vatinianum odium ? nunc hanc, nunc illam, in regnis & prouinciis commouet dissensionem & tumultum : & denique non tantū corporibus suorum ciuium, sed animabus adeò interitum machinatur. Quo etiam fiebat, vt non tantū Christiani, verūmetiam Æthnici ipsi hæreticos seuerissimè castigauerint, & Athenienses Pythagoram Philosophum vrbe eiecerint, & Socratem condemnauerint, quorum alter Deos, eorumque negauerat opem, alter noua nescio quæ dogmata spargere nitebatur. Non nisi enim certis, nec nisi certa lege vulgo mysteria patefaciēda sunt diuinitatis. Quid Anaxagoras, Anacharsis & alii plurimi, an apud Græcos, Scytas, & Persas vel hoc ipso nomine nō multa passi sunt, & varia tormēta subierunt ? Ipse deniq; Plato, quē semper inter alios excipit, & diuinū appellat Cicero, nō vna tantū morte, sed si fieri queat pluribus hæreticos cēsuit extinguēdos. Est enim hæresis, tanquā quæcūq; gangræna vi & ferro eradicanda; quā nō alia de causā punierunt etiā prophani, quàm quod veteri mori & instituto patrio videbatur aduersari. Quid quòd illi iudē hæretici, in quo alios damnant, hoc ipsi faciunt : & quā seueritatē animaduersionis odio habent, eā ipsi in alios exercent impotenter. Quod Geneva & Heidelberga testātur, in quarū altera, à Caluino Seruetum exustum fuisse, alteram suo illi dogmati refragantes aliquos constat eiecisse. Vna enim via est veritatis, & vmbra oportet cedat soli, nox diei. Quo minùs mirandū, si Hispaniæ coërceant hæreticos, ne eadē illa, quæ per eos passim excitata sunt incendia, tandē etiā patiantur. Illa vero Hispanica quā vocant inquisitio, quàm multa secum bona attulerit, quis non perspiciat ? Nam cū inter Ecclesiæ Dei Opt. Max. signa alia quamplurima, vel illa quoque duo sint illustrissima, gubernandi prudentia & militaris fortitudo, videamus vtrum ab inquisitione Hispanica, quæ Mahometanorum causa instituta primū fuerat, non magis Hispaniæ vtroque illo munere & felicitate dotata, quàm ab Augusta-

na con-

TVRCICA V.

99

na confessione, Germaniæ orbatæ videantur. Harum quidem infinitos penè exercitus contra Turcam, in Hungariam ductos vidimus, victoriam vix vllam alicubi vidimus. Hispani verò, ex quo inquisitio est orta, vtriusque rei vigent & celebrantur gloria, & supremi numinis magistratusque reuerentia, haud scio, si inter tot alias gentes atque nationes amplissimi imperii, non obtinuerint maiestatem. Crescit enim, & quomodo nescit, qui Deum Opt. Max. & eius vices gerentem reueretur magistratum. Quo loco non minùs verum, quàm & facetum nescio quid, vobis non inuitus percensebo, si quemadmodum cœpistis, me attentè audietis. Annis ab hinc pluribus, cùm Roma sub Clemente VII. Pont. Max. capta, militari licentia Hispani grassarentur; Ioannes Caraffa, qui postea Pont. Max. creatus Paulus III. fuit dictus, postq̃ circū vicinis spoliatus domibus, ad suā quoq; aduentare militē cognouisset, sellam sibi afferri, ac præ foribus in pontificalibus vestibus sedere voluit, quem miles conspicatus, continere se illicò, & ab illa prædandi frænare cœpit libertate. Quem vt eo etiam magis Caraffa cohibuisset, vt erat Hispanicæ linguæ apud Ferdinandum regem, à sacris exiltens scientissimus, alta voce exclamauit: Siccinè inquit Prædones sancti officii, quod inquisitionis apud Hispanos nomen est, depouistis reuerentiā; vt nec Antistitum ædibus velitis videri pepercisse, næ ego vos aliquandò facti faciam poenitere? Retulerunt Hispani pedem è vestigio, & quo loci furere alii magis, hoc illi dicto audientes sacerdotis esse minimè dubitârunt. Quo, quid admirabilius in milite dixeris? & an non multò Hispani, hac ipsa inquisitione duce, rebus gestis gloriosiores, quàm auctore & adstipulatore Luthero rustici Germanici continentiores videantur, qui statim à primis eius concionibus, totam concusserant Germaniam eorū animi ferocia? Mihi quidem in illa, quàm isti si Deo placent Spartaci appellant Hispanicam tyrannidem, summa videtur esse lenitas, qua & animi, & corporis sarta tectaqué conseruatur sanitas. Ista verò Germanorum quæ volunt sentiendi, quam vocant Christianam, à confessione, seu confusione potius Augustana ortum trahens, quò te aliò pertrahet, quàm vt in perpetuum seruias, & qui nō vis ferre legitimi auctoritatem magistratus, Turcicus tibi imponatur dominatus, & tu tuaque omnia in eo contabescant? Atque tum demùm Christianorum regum inuidere desines potentia, & illud tecum sed vereor nimis serò recognosces, his centum, paulò plus minusue annis Dei Opt. Max. nutu & potestate, Austriacorum regum imperium iustitia magis creuisse, quàm Ottomanorum tyrannide

rannide tercentis augeri potuisse. Omnia enim æqua & moderata, quàm tyrannica imperia & facili' adolescere, & solēt esse diuturniora. Itaq; vt nulli vnquàm familiæ, quod Austriacæ contigit, vt aut orbem terrarum suo circumdederit imperio, aut tot tamque diuersos populos ad verum diuinitatis cultum, & humanitatem perduxerit, ita vicissim Ottomanis hoc maximè proprium præcipuumque fuerat, regnis & prouinciis afferre vastitatem, sic vt mirum etiam non sit, sicuti arctiores regnandi terminos, ita & virtutum exempla, aut nulla, aut certè multò inferiora eos reliquisse. Quod vt planum vobis faciam, Austriacorum & Ottomanorum, ac in his vel vnus Austriaci Philippi Hispaniarum regis potentiam, & gubernandi tam æquitatem, quàm etiam intelligentiam mente collustremus, & quod oculis corporis cernere non possumus, animi intueamur. Sic non modò longè lateque imperandi felicitatem sed etiam iustè sapienterq; regendi populos facultatē, quod illi aliquando Rex diuinitus nobis dari & concedi magis proculdubio optabimus: & quos ex præscriptione diuinæ legis amare debemus, nunquàm odio & inuidia, sed nostros nostræque religionis hostes armis potiùs persequemur.

TVRCICA VII.



INTEMPERANS EGO FORTASSE ALICVI VIDEAR, qui duorum maximorum, potentissimorumque orbis terræ principum, Philippi II. Hispaniarum regis Catholici, & Mahometis Turcarū tyranni, talis ac tanti imperii, inter se conferendam mihi proposuerim maiestatem. Quorum vt consilia, sic & vires vectigaliaque omnia, cū scitu non peræquè sint facilia, mirabitur non nemo, me hac in parte præ cæteris, tantum mihi sumere voluisse libertatis. Sed tantò quidem mihi venia danda magis, quāto grauior necessitas incumbit nostræ & hostilis ostendendæ potentia, hac tam opportuna oblata occasione & facultate dicendi. Multarum quippè rerum ignoratio est perniciosa, sed nostræ & hostilis potentia perniciosissima, & quisquàm dubitabit, eo in errore multos esse versatos, Turcam superari non posse, vt aliquandò crediderint, nisi ab omnibus omnium nominum Christianis regibus & Principibus animis & viribus in eum sociatis. Quid quàm rationi contrarium, & ab omni veritate alienum sit semperque fuerit, quis non

nō intelligit? cū vel adeo eius rei & victorię in Turcā exēpla plura & recētiōra habeam⁹. Ac ne lōgē abeā, quis nescit vnus Philippus Hispaniarū rex Catholicus, vel antequām adhuc Lusitanię regno, & Orientalibus auctus fuisset Indiis, in Belgio verò, & alibi magnis difficultatibus implicatus, quoties & quantopere de Turcis triumphauerit? Cui eiusque posteris, quid etiamnum factu idem sit incredibile, si ab aliis, qui eius felicitati inuident, non distineretur, quandoquidem post homines natos amplissimo imperio, & haud scio an multo, quam Turcicum dici potest, ampliore potiatur? Et enim, vt Turcicas primū vires potentiamque expendamus, demū ad ea etiam omnia, quę Rex Hispaniarum possidet, examinanda veniamus; nemini sanē futurum est dubium, vt gemmam gēma, cursum cursu, sic magnorū Principū opes opib⁹, & amplitudine superari. Magnus haud dubiē & exaggeratus Turcicus est, & videri potest dominatus, vtpote qui non vnum, aut alterū, sed plura perpetua continuatione regna, & in latissima orbis terrę parte Asia, vetustissimi sedem imperii possidet Assyriam, & vtramque Armeniam, Mediam, Ciliciam, Cappadociam, Mesopotamiam, & in his nobilissima duo emporia, Cayrum & Alexandriam, in Africa, Asylum pyratarum, Alligerium, & Trypolim, in Europa, de qua Deos etiam ipsos certasse inter se Poētę fabulantur, Græciam, & nobilissimi regni Hungarici partem haud postremam. Cuius potiundi spe & cupiditate, Ottomanici nominis Turcorum reges tanta cupiditate semper arserunt; vt aliquandō Solymanus, quod Imbraimi purpurati sui suasu, Ioanni Sepusio Hungarię regi Budam semel & iterum à se captam reddiderit, pœnitentia facti ductus, & furore accensus, eundem Imbraimum interfecerit. Sunt enim multa regna pulchra, sed Gallicum & Hungaricum iu Europa pulcherrimum. Quod præ Gallico etiam diues auri, aureum pomum vulgò fuit appellatum, adeoque Turcis venit optatum, vt cū aliquandō Buda capta, sumptuosissimaque regis Matthiæ bibliotheca direpta, Turcæ triumphassent, publicæ lætitię signo edendo illustris quidam Turca, eques, in Danubium vtrò se præcipitauerit. Quasi iam eò, quò maximè desiderabant, peruentum fuisset, nec vatum suorum oraculis progredi vltius potuissent. Quæ vtinam quidem oracula, quām illa sint veriora, quibus ad Coloniam Agrippinam, triū Magorum sepultura nobilem Turcam profigandū nescio quis olim prædixerat. Amissa enim nō peræq; tantū, quantū adhuc nos metu sollicitudineque; distinēt amittenda. Sed ad propositum reuertamur. Nam si præter regna ipsas etiam regnorum opes,

& vectigalia Turcica consideres, nec ista quidem omnia, magna ex parte incredibilia sunt vestigatu, cum ex Asia, non plura, quam quindecies cetera, ex Ægypto & Arabia paulo plus, ex auri & argenti rivulis totidem, ex portoriis duodecies, ab eorum morte, qui steriles emoriuntur, quadringenta, ex Cancellariæ quæstu totidem, ex diversarum provinciarum tributis bina aureum nummum centena circiter millia, Turcicus habeat Imperator. Ex quibus tamen cunctis prouentibus aulae militumque stipendiis persolutis, vix vigesies centena aureum nummum millia eidem superfuerint, adeo æris & fidei minus passim & ubique reperitur, quam speratur. In tyrannide enim oculi & loculi maximè occultantur. Non tamen exactioes extraordinarias, non novas nouorum prouentuum inuentiones, non alia eius generis hoc loco posuero, quæ haud dubiè vectigalia illa Turcica faciunt maiora, & quibus alii principes egent, Turca ditescit vnus, bellis ipsis indies auctiora. Sella enim vilis iumentum dorso semel iniecta, & tributa Turcica gentibus & nationibus seruis imposita, rarè leuantur. Quantum verò ad Turcicos milites & terra marique spectat eorum copiam, minora certè sunt cuncta, quam vt vinci non posse videantur. Etenim cum centum ab hinc annis vix totidem triremes Turca habuerit, ex quibus postea prædando est auctus, Naupactana Turcarum clade ferè omnes perierunt, sic vt maximè gloriatur, pari quanta est Christianorum omnium, ac in his vel maximè regis Catholici classe & classiariis non potiat, ab illaque tam memorabili Naupactana Christianorum de Turcis victoria, & Præfectis & rebus omnibus, quæ ad maritimum spectant imperium, sensim destituatur. Omnes enim aduersæ pugnae, sed nauales in primis constant immenso. Restat ergo terrestris illa vna, quanquam etiam potissima Turcica excutienda nobis militia, quæ equitatu & prætorianis continetur. Quorum Prætorianorum numerus vt maior dimidio, quam aliorum Cæsarum temporibus appareat, illud quidem rursus habet incommodi, quod admodum paucis & exercitatis lætatur veteranis: & eò iam tandem est deuentum, vt quinquaginta aureis nummis numeratis, vel vilis & ignauus quisque prætorianis annumeretur. Omnes enim res à summo semel motæ, magno motu ad ima decurrunt. Quo ipso & imperio & omnis generis militiæ Turcicæ; & eius qua bella constant, famæ, multum auctoritatis ademptum esse, quis ignorat? Senes enim victoriis factos, in acie stantes non iniuria metuas, Rudes & adulescentulos floccipendas. Videamus verò equitatum, qui & ipse ducentis licet circiter (vt illi volunt) equitum constet millibus, an
cuipiam

cuipiã alteri, quàm illi fuerit simillimus, de quo C. Cæsar aliquando veni, vidi, vici loquebatur? Qui cùm ex Asia sole tostus & exanguis venit, an tu mihi cū Europæis conferas? Et Europæos Turcicos omnes, Hungaricis militibus æquiparandos arbitrere? Nō facies opinor, ac & illos quidē Hungaricos paucissimos iam superesse velis nolis fateare. Qui, tantum abest, vt Christianis præferendi, vt ne adeò etiam videantur comparandi, cùm non pro aliqua vera & solida libertate, sed paulò pro splēdidiorē dimicent seruitute; & eminùs quàm cominùs, structis insidiis, quàm apertis prellis, fidenter, quàm scienter magis congregiantur; & interim non sitim, non famem, non frigora, non auræ patiantur intemperiem; non tam denique arte aut virtute, quàm casu aut multitudine tandem peruincant, & illum dominatū suum constabiliant, in quo plena metus, iniuriarum & suspicionum sũnt omnia, prona ad faciles motus & seditiones excitandas. Tandiu namque tyrannis durat, quandiu aliquo & nec opinato concussa motu non dissoluitur. Vt enim in humanis corporibus, si sanitas & integra adsit valetudo, membrorum vitia facilè occultaueris, sin secus singulæ quæq; partes affectæ suo loco respondent; ita si quod in barbarorū fortunas incendium conflatum aut intentatum periculum illis fuerit, erumpent occultata diu vitia: nec solū virtute nostrorū qua ipsi egent, verū etia domesticis malis, quibus referti sunt collabentur. At verò Philippi secundi Catholici Hispaniarum regis iustum & moderatum imperium, vires, exercitus, vectigalia, amplitudinem, duces, & militiam omnem rursus consideremus. Enimuerò dubitabimus à primo ad hunc Philippum Austriacum alterum Hispaniarum regem, Hispanis centum annorum spatio virium, quàm Turcis sub Ottomanis tercentis plus accreuisse? Quod non vlli alteri rei, quàm Dei Opt. Max. adscripseris prouidentia, & ipsorum regum partim in gubernando artium omnium arti, partim verò etiam æquitati. Quod enim de Atlantis humeris cælo subditis fingunt poëtæ, hoc de Hispaniarum regis rectiùs dixeris gubernaculis, quibus tot ac tantæ tamque disiunctæ prouinciæ quoad eius fieri potest hætenus sustinentur. Nam vt ad rem propiùs veniam. Habet Hispaniarum Rex amplissimum florentissimūque imperium, tot nobilissimis & ditissimis regnis, tot ingeniosissimis populis, bellicosissimis fortissimisque gentibus, munitissimis vrbibus, opportunissimis portubus, immensissimis opibus auctum & stabilitum, quod complura in ipsis tantum Hispaniis regna, in Italia vltra & citra fretum, duo, & quòd aliquibus præstiterit regnis Mediolani
 conti-

continet principatum. Regnum itidem possidet Sardinia, & insulas Maiorica & Minorica duas, & ultra fretum Herculeum, (quæ vulgo dicuntur) insulas fortunatas, & quod denique multis simul iunctis præstiterit regnis longissimos, & omnis generis diuitiarum feracissimos tractus Orientalium & Occidentalium Indiarum. Qui per vnam illam Hispalensem nauigationem, ut Vlixponensem & alias taceam, à Betica sub Ferdinando rege Catholico capta, ad eius motus postremos (quod nimirum temporis spatium octoginta circiter annos continet) infinitas aureum nummum myriades in orbem terrarum effuderunt. O beatum Ferdinande te, Rex olim Catholice, qui primo illo Indiano, non Tolosano auro, valis sacris conflatis, orbis terræ templo ditissimo munus obtulisti Toletano. Hæ nimirum tuæ quas sacraſti Deo primitiæ, tantam in Indiis auri & argenti nunc pariunt vbertatē. Quibus Hispaniæ potitæ grati sui erga Deum Opt. Max. animi testificandæ causa religionis Catholicæ lucē quoûis auro cariorē in illas oras intulerunt, tot gentes & nationes ad vnius veri Dei cultum pietatemque perduxerunt, Hispanici imperii terminos protulerunt; ut mirum non sit vel priscis illis temporibus sacris literis laudatas Hispanias fuisse, & Romanos orbis terræ dominos iis partis exultasse. Quemadmodum namque in herbis, hominumque ingeniis; sic & in quibusque principatibus atque imperiis, multò ante herbescentem & magnæ felicitatis prænunciam videas viriditatem. Ut igitur aliquando Afris ferè tota Hispania cesserit, iam pridem omnibus ferè Africæ oris, cum nonnullis insulis quas Oceanus alluit, vicissim potiuntur. Nec non & insula Zaccotora in sinu Persico & Ormucio altera, cum pluribus in Arabia & Perside portubus, & prope Indum insula Dio appellata. Qui iidem Hispani cis Gangem, propemodumque maritimas vrbes & insulas vniuersas, & inde in aurea Chersoneso præclarissimum regnum, & in conspectu innumerabiles Insulas suorum gubernaculorum ambitu complectuntur. Ac denique in inferiori Germania ipsa, ut nunc lacera & afflicta videatur, decem & septem habet prouincias, in quibus aliquot centena urbium, magnus numerus munitio- num, insignis varietas mercium & diuitiarum passim spectatur; adeo, ut vel solæ illæ merces, quæ indigenitalium Belgiæ constabant industria, nonagies olim florente Belgio aureum nummum millibus æstimatæ, & Carolo V. Cæsari in vna Antuerpia vigesies centena aureum nummum millia, quadam belli necessitate mutuò data vna die fuerint. Quo ipso nomine immensam Belgii vim opum & pecuniarum fuisse, facile est colligere. Nulla enim
magis

magis alia re, quàm ciuibus reges abūdant opulentis. Quo magis, si vel imperii fines, vel ditissimos ipsius ciues, vel deniq; amplissima spectes vectigalia, multo nè dicā dimidio Turcicis prouētus maiores regis Hispaniarū dicuntur. Qui eò etiā futuri sunt diuturniores, quò nō veluti quibusdā cisternis, cælo delapsos imbres cōtinētib⁹, sed ex aquæ viuæ fontibus profluunt perēnibus, ex auri argētīq; riuiulis, quos immensi tractus Indiarū, & Americæ suppeditare cōsueuerunt. Cū enim omniū aliorū propemodū principum, maiori ex parte portoriis & contributionibus constent vectigalia, hæc belli tempore cessant proculdubiò ingruente, nec aliundè merces importantur, nec sine metu & suspitione pecuniæ imperantur. Interim immensæ illæ regis Hispaniarum diuitiæ, quæ, vt dixi, non cisternis aliquibus, sed aquæ viuæ fontibus constant perennibus, perpetuò efflorescent; & quantò mundus vltiorem habiturus est terminum, tantò maiorem ex cauernis terræ pecuniarum cumulum orbi terræ credibile fuerit cum largiturū. Quod vel in vna illa Hispalen vrbe Hispanicæ aulæ inter alias altrice facilè videas, ad quā tot tantæq; & tā immensa auri & argenti copia onustæ naues sæpè appellunt. Quibus vtinā tantū ad proterendas barbarorū vires optimo regi vti semper liceret. Non mea quidē sentētia desiderari in se aliquid, quod ad publicā defensionē spectat, haud dubiè pateretur. Cuius amplitudini atque potentiæ vel illud quoque accessit commodi, quòd quemadmodum veteres dixerunt, Græcis non barbaris, liberis non seruis, hominibus imperat, non animantibus, quo aliquandò nomine regem Galliarum & Cæsarem regum vulgus appellabat; & licèt immensas profundat aut potiùs locet in defensione Reipub. pecunias; nunquàm tamen ob tam opulentos ciues & mercatores suos necessaria destituitur pecunia, & tam classes & classiarios, quàm legiones & exercitus alit immensos; & quantumvis numero minorem militem Turca habet exercitatioem, & ex tyronibus collectum & veteranis intermixtum, triduo vt ita dicam efficit veteranum; vt taceam belli duces & præfectos eius excellentissimos; vt præteream præmia ab eo amplissima virtuti proposita, quæ sinè vllō vel minimo rerum suarum detrimento potest, & solet benè de se meritis & merentibus liberalissimè largiri; vt tot regnorum proreges eius sileam, qui ferè maiori quàm rex ipse splendore magnificentiaque in prouinciis vtuntur, Indiarum, Neapoleos, Belgicum, Siculum & Mediolanensem; & vt denique non percenscam ea, quæ ad augenda adhuc ipsius regis vectigalia possunt passim reperiri, citra omnem vt ita dicam conscientiæ scrupulum, & popu-

pulorum iniuriam, quæ duo imperandis pecuniis sciscendisque tributis maximè considerantur. Iniquum quippè fuerit, ut nimium lambendo sanguinem, sic imperando sæpius tributo viuendi populis exsugere facultatem. Cui autem erit dubium (ut vnam tantum in multis rem exempli causa afferam) ab Hispaniarum rege magno id empturos Indianos, ut defunctis parentibus sine proregis eius assensu adeant hæreditatem? Quod non adimendi iis patrimonii causa, sed maioris auctoritatis regiæ fit gratia, & coërcendæ in multitudine, quæ cum opibus in iuuetute crescit insolentiæ, vel immoderationis alicuius libertatis. Plus enim semper metus, quam beneficii potest memoria gentibus & nationibus gubernandis. Atque vel ab hoc quidem exemplo vno, non secus ac leonem, ab vngue leonino plura etiam reperiri eiusdem generis posse quis non intelligat. Multò enim est difficilius quærere regiones, quam quæsitis imponere exactiones. Venio iam ad alia etiam, tam animi, quam potentiæ Hispaniarum regis Catholici non obscura argumenta vulgò probata. Quis enim nescit his ferè continuis quadraginta annis acceptis à patre Bruxellis gubernaculis, quanta terra mariq; bella, clades, naufragia sit perpeffus. Quibus perpetiendis, haud scio si non tantum vnus, sed vix aliquot Cæsares Turcici suffecissent. Multi enim canes vel ipsum leonem, & hostes conficiunt bellatorem. Ac primùm quidem reminiscendo recordemur, quanta illa clades fuerat, cum ad insulam vulgò dictam Zerbam, duce Darhute Turcico, classis ipsius est submersa, & nobilissimi quique Hispanici præfecti captiui ducti sunt Constantinopolim, nec nisi biennio post à Strascho Polono Turcico Aulico Francforti, cum Maximilianus Cæsar inauguraretur, eius Augustæ donati, & libertati restituti. Quid ego Betticæ grauissimos, qui non nisi magna hominum & pecuniarum iactura sedari potuerunt motus, quid Guletam à Turcis captam, quid posterius in littore Britannico classem Hispanicā disiectā, quid Lusitaniā ab hostibus defensam sub eo cōmemorē? ut interim alias difficultates, sumptus & naufragia ipsius præteream, ut nihil eorum referam, quod acceptis statim à patre gubernaculis difficillima bella plura confecerit: in Belgio locis opinor tribus, in Italia duobus, videlicet in regno Neapolitano, ad Trontum in Ducatu Mediolanensi, & Pedemontana regione ad Alexandriam, in Belgio ad Theomuillam, Greuelingam & sanctum Quintinum. Quo loci memorabili relata die Bartholomæo sacro de Gallis victoria, templū omniū sumptuosissimum in Hispaniis ædificare coepit, & admirabili opere tandem extruxit.

Quibus

quibus tamen sumptibus faciendis, & bellis bellorūq; difficultatib; subeundis omnibus, non dicā tabulæ ex hoc & illo naufragio collectæ, sed proræ & puppes quod aiunt stant erectæ, si eū nō impedierimus, cū cōmuni hoste pro nobis ad cōfligendū præparatæ. Nihil infregit ipsius animū nūc hæc, nūc illa accepta calamitas, nihil tot infesti casus, nihil hostiū insultus, nihil inuiderū calumniæ & morsus, à glorioso instituto retardârunt. Quin adeò vt discussis nubib; serenitas diē, sic summi regis, aduersi in tāta amplitudine casus animū faciunt illustriorē. Qui adeò vel de hoc etiā ipso, quē metuimus, hoste tantas victorias retulit; vt egregia cladiū patre iā in Hispanias abitū maturāte, (vt ita dicā) facta sit retaliatio. Age enim, an ab annis quadraginta, Cziapin^o Vitellius ei^o militū præfect^o exigua manu ad quendā Hetruriæ dictū portū Herculeū aliquot Turcarū millia nō profligauit? Quid verò Melitēsis à Turcis obsidio? parumne testata est excelsum quendam huius regis animum, & curam cogitationemque de rebus cummunibus singularem? Quo etiam ipso loco Turca inferiorem illi esse se, & milites suos non æquē ac ipsius exercitatos habuisse fecit testatum. Vt enim saxum saxo allisum ignem, sic militia militiæ opposita, quantum quæque valeat, elicit veritatem. Quandoquidem non oppugnandarum arcium scientia, non animi robur, non consilium, non castris loci eligendi, non cuniculorum ducendorum, non scienter irruptionum aggredendarum Turcis constiterit ratio aut obseruatio; sed confusa & trepidationis plena fuerint iis omnia, cū non obscuro barbarorum à Christianis contemptu, posteaquam Garzia Toletano regis Hispaniarum classis præfecto aduentante, non exploratores fidos, non portus bene custoditos habuissent, sui que Drahutis morte, & multorum millium Turcarum interitu, Christianorum illustrassent victoriam; sic vt denique ultra vigesies centena aureū nummū millia expensa, & omnem opinionem fortitudinis sui exercitus Turcæ amiserint; & rex rursus Catholicus quadringentis tantū millibus, & commeatu aliquo perduto eam recuperauerit. Rarò enim de victoria certatur, vt ea parta, non simul etiam multum victor acquirat auctoritatis. Betticos hoc eodem auctore rege, sedatos non commemoro motus, neque ad Naupactum de Turcis relatum memoro triumphum, vbi nostrorum etiam aliqua hostium quidem plurima millia perierunt. Cedat huic vni Christianorum victoriæ Themistocleum cum Persis prælium: cedat Augusti cum Antonio ad Actium promontorium: cedat Genuensium contra Alphonsum regem olim Arragonum. Nec tam aut pugna omnes æ-

qualē eū hac vna partē glorię petant, aut alii reges huic pacis inter arma domino rebus gestis se conferant. Plura ille in penetralibus ædium suo imperio & auspiciis gessit, quā alii in campis tentarunt. Plura in effectū deduxit, quā cogitarunt, ac & nunc quidem, vt adeo immensos eius thesauros, exorbuisse Belgium videatur, non propterea aut vires in barbaros amisisse, aut animum putetur despondisse. In corpore licet languido integer adhuc ipsius est animus: & effigie atq; nomine referens patrē optimæ spei filius, non solum in hæreditatē, verum etiam in virtutem paternam creditur successurus. Vnā auct videre in Christianis concordiam, & qua nobis exitium afferimus omnes, minorem ergā ipsum inuidentiam. Quæ, in quantas coniecerit nos angustias, facile est cognoscere. Modicus & obscurus Turca annis ab hinc tercentis fuerat, non Asia, non Africa, non Europa Turcarum nomen audiebat. Iam verò, proh dolor, tam mali nominis, & ominis re personant passim omnia, & vereor ne adhuc plura fiant Turcis peruia, ad commune periculum nobis constandum. Quod hostium institutum nostra ipsorum adiuuat æmulatio, opitulatur pro re & tempore contra nosmet ipsos legatio; qui vt alteri eruamus oculū, vel ipsi vtroq; priuari minimè dubitamus. O amentiam! Equidem non multò patriarchis Bizantinis video esse nos dissimiles, qui vnus in alterum liuore, tota Græcia maximum amiserunt magistratum. Etenim cū à Mahomete Turca vrbs illa fuisset capta, dissurgentibus vt fit omnibus, quinque millibus aureū nummū proposito stipendio, reuocatus fuerat Constantinopolim Patriarcha, vt vel eo ipso habitatoribus vacua, quod in illa immanitate accidere fuit necesse, non cerneretur. Quare cū primus ille, qui fugam dederat, reuersus fuisset, tanta quidem aliorum Græcorum mox contra eū excitata est æmulatio, vt alii atque alii minori quā ipse stipendio munus illud obituros se, apud Cæsarem profiterentur. Quod cū Cæsar non illibenter audiuiisset, & nunc hunc, nunc illum mutauisset; peruentum est eò, vt tandem non modò Græci, sed & Hebræi numerata purpuratis pecunia, & multò minori quā antecessores stipendio Cæsaris contenti, eo munere potirentur, spoliataque eo magistratu restaret Græcia, qui alias maximus in ea habebatur. Quod, ne & nobis ob perpetuas æmulationes accidat, verendum est. Tam diu enim hac inuidia inter nos certabimus, & barbaro hosti fidem & operam nostram contra Christianos socios nostros venditabimus; quoad tandem ipse nunc hoc nunc illo membro labefactato totum corpus Reipub. prosterнат & con-

& conculcet. Præceptum enim est ambitio : & qui illi indulgent, facile præcipitantur. Et erit, qui aliqua maiori terra marique molitione bellum contra Christianos apparante Turca, quam hic vnus rex Catholicus possit ei resistere? hoc enim uerò præstiterint illi, qui collatam Turcicæ potentiam habent nullam, auctoritatem apud barbaros perexiguam, famam rerum gestarum obscuram, conscientiam fauciam, voluntatem perditam, mentem distractam, vicinitatem apud se suspectam, & potentissimorum Christianorum principum felicitatem odiosam. O quam peruersè non tam quidē esse, quam tantummodò Christiani volunt quidam nuncupari, & vnus regis re & nomine Catholici euersam, quam Turcicam auersam libentiùs viderent potentiā! quasi, quæ per quadraginta annos vim innocenti attulerit nemini, ob ea nunc demùm in principis decrepita ætate alicui sit metuendū. Quid aliud tot tantisq; rebus ab eo gestis, tot thesauris in Christi gloria & populorū salute collocatis, tot magnificentissimis tēplis & xenodochiis erectis, tot sumptibus in pauperes factis, tot regalis munificentiae exēplis editis, quam summa pietas, summa iustitia, summa religio potuit in eo animaduerti? Hic hic est ille, qui in Palestina ad Christi Opt. Max. sepulchrū illud gloriosum, qui in monte Sinai, S. Catharinæ alterū, passim in Hispaniis, Indiis, Italia, Belgio, monasteria alit quāmplurima, qui aliquot Metropolitanas & Cathedrales Ecclesias scholis, Aca-
demiis in Indiis erigit: qui religiosos & doctos viros in variis orbis terrarū regionibus sustentat: qui Orthodoxā religionē, qui cultū diuinū propagat & exornat: qui deniq; in eo totū se, cogitationesq; defigit suas; vt Christi gloriæ & saluti Reipub. semper & vbique & potissimū consulatur. Vtinā tantū id cōsiderent, vt par fuerit, boni; & ne obstant, amoueantur mali, & quoad diutiùs per incertos vale tudinis tanti regis exitus licuerit, in barbarorū perniciē opibus & amplitudine eius vtamur. Magna pars felicitatis est, felicitatē cum se offert cognouisse. Callidus Turca est hostis: simul iunctos & potentes aggreditur nunquā: disgregatos & bellando inter se debiliores factos nunc hunc hodie, nunc illū euertet postridie, & omnes tandē postremò subiugabit. Ferunt Mahometo Turcæ, qui Cōstantinopolim ceperat, vt tribus simul in locis bellū cōtra Christianos denuò ordiretur, fuisse aliquādò aliquos auctores. At ille lōgo extēso textili stragulo, pōmoq; in ei' mediū proiecto, vt pro se quis vt vellet, stragulo nō cōscēso illud auferret postulauit. Quod quoniā facere potuerat nemo, priusq; illud stragulū in nodū circūplicaretur, tū ille ad suos conuersus, hoc eodem inquit modo & nō alio ad

Christianos & ego sensim perueniā respondit. Quo magis cōtra has barbarorū artes diuinitus datæ & oblatae huius tanti regis grati sumus potentia, in omnia momenta belli cōtra Turcas gerendi intenti, Christi iniuriarū vindicandarū cupidi, nostrarū obliuiosi, & animis ac viribus perpetuò sumus cōiugati. Nihil nobis sit prius aut antiquiùs, quā hoc rege nō modò viuentē, sed ònia sua vltro nobis offerēte, terra mariq; hostē aggredi immanissimū, tueri domicilia ciuiū, consulere dignitati Principū, Christianarū securitati prospicere gentium, & nos, nostraq; omnia calamitate prohibere. Habet ille, quæ nunc eū ad hoc bellū extimulent, Colchi & Propontidis regna, quorū memoria vellus gestat aureū, titulus Hierosolymitani regni, quē ille inter suos alios adnumerat, Pontū à suis olim possessum meminit, & Iberiā à sui nominis gente cōditā recordatur. Nos verò, ne eum impediamus, ne gloriosis eius conatibus obstemus, ne implicatū vrgeamus; hoc à nobis auita religio, hoc vna illa, præter quā non est alia, requirit religionis castimonia: hoc hostium, qui eā perditam volunt, admonet audacia: hoc omnium antiquissima parens desiderat patria: hoc Europa lacera & afflicta, hoc maiorum nostrorum sepulchra, hoc nunquam violanda ossa, hoc vrbium & templorum ornamenta, hoc aræ, hoc martyrum desiderant reliquæ; vt pro se quisque sibi & proximo, non hosti faucat barbaro, & regis Catholici, non tyranni auctam cupiat felicitatē. Qui & ipse quidem optimè de Repub. meritus est semper, & longa serie suos maiores multis præclarissimis meritis, præ aliis numerat præstantiores, ipsum denique filium suum se suaque omnia in communionem temporum nobis offert, & nihil aliud quā commodam & salutem nostram concupiscit; tantū vt huius beneuolentiæ ergā nos grati ipsius simus, occasionem rei benè gerendæ maturè agnoscamus, vicina pericula collustremus animo, votis & desideriis gentium, quæ Turcis seruiunt, satisficiamus, Reipub. postremo laborantis obtestationem, posteritatis iudicia, conscientiam intimæ voluntatis nostræ, minimè aspernemur.

TVRCICA VIII.



I QVANTA ET QVAM CVNCTIS INFESTA COMMUNIIUM HOSTIUM nobis est vicinitas, notum ferè omnibus & exploratum dubitarem; plura apud vos verba facerem, & vel apud inuitos impetrarē, quod non modò ad ordinem, sed hominum omnium salutem

lutem & incolumitatem pertineret. Sed ita se profectò habet, semperque habuit, vix in Europa alicuius sic peregrinari aures, vt quæ hostilitatis nostræ cum Turcis sit ratio; & vicinitatis proportio, penitus non introspiciat, & secum ipse tacitus non recognoscat. Quis enim est qui dubitet, vt à regina Prouinciarum omnium ordiar Italia, quàm vicinus & infestus, multis eius vrbibus, Prouinciis, & regnis Turca sit factus? cùm Tunetanum regnum à Sicilia, Epirum & Macedoniam ab Apuleia, Foroiulium à Dalmatia, tenuissimo tractu videat disternari, & Apollonia Turcico oppido, Hydruntum regni Neapoleos urbem antea quoque à Turcis possessam, vnus noctis spatio annauigari posse intueatur; & regnum Slauoniæ, olim quidem etiam regis Matthiæ temporibus à Turcis infestatum, nuperrimè verò direptum & vastatum, & Petriniam arcem in eo exædificatam fuisse non commemorem. Quæ si nostrorum virtute & fortitudine rursus recuperata non fuisset, per Gockfeldum & Mokroczin, Labachum vsq; sine montium & fluminum obstaculo aliquo, & inde in Foroiulium, siue verò in Carinthiam ab hostibus tutò poterat perueniri. Non tam enim facile semel vel incognitas exploramus vias, quàm exploratis immensa locorum emetimur interualla. Itaq; primis quidè hostium conatibus & irruptionibus obstadum est, & tam viarum transitus deiectis roboribus, quàm & fluuiorum nauigabiliu fontes maximè sunt occultandi. Quæ vna historiæ Dlugoschi nō vulgandæ typis, veteribus Polonis inter alias fuit ratio, qui fluminum fontes accuratissimè explicârît. Iam verò si quis vel alias etiam Christianorum regnorum & prouinciarum oras, & cum Turcis vicinitates consideret, dubitabit, Canisia, quod animus ominari horret insuper occupata, Vienneam vsque liberrimum transitum barbaris futurum, & comæatum, rem omnium maximè necessariam omnis generis in Austria defuturum. Iaurino porrò & aliis arcibus vt iam sunt, interceptis, vna illa superest Agria, cuius Cassouiæ & totius Hungarici ad Tibiscum tractus salus & integritas continetur. Quæ si & ipsa (quod absit) corruerint omnia, vnū illud impedit Sepusium, quo minùs Turcica vexilla in Poloniam, quæ tamdiu foedus cum eo coluit inferatur. Quæ vel alia vicinitate Turcica, flumine Tyro & Valachia disternata, & montibus à Transyluania diuisa, & Podoliæ apertis campis Tartarorum anniuersariis incursionibus infirmata, est cur tandem euigilet. Facilius enim optare, quàm sperare Turcicorum foederum est firmitatē. Quæ non idcirco dicuntur, vt belli nobiscum gerendi Turcæ veluti quædam viæ & consilia suggerantur, cùm hæc
ille.

ille multò etiam magis habeat omnia explorata; sed vt nostri veluti à somno potiùs excitentur, & vicinis ac imminentibus periculis moueantur. Non quippè alienum, sed putes esse tuum vicini parietis incendium. Age verò, quid de Hispaniis, quid de Galliis quid de aliis Christianis regnis & prouinciis dicam? Quæ vtinam sicuti periculis coniunctæ sunt, animis etiam & viribus coniungantur. Quid enim Hispaniis Africa est infestius? Quid Alligerio infidiosius? quod Valentiaë oppositum mare illud, quòd horis enauiges aliquot, ne tum quidem, cùm clausum fuerit, tutum esse permittit. Betica verò, non secus ac Euripus aliquis continuus Mahometanorum precibus & monitis, seu quibusdam procellis & tempestate agitur. vt de regno Fessæ, Marroco, & tota illa Afrorum Vafrosum societate, quæ Christiano nomini est infestissima fiteam; vt nihil de consiliis & molitionibus ipsorum loquar, quibus in exitium nostrum toties & tantopere conspirârunt. Nullum enim càpitaliùs inter gentes & nationes est odium, quàm vna illa quæ huic placet, alteri improbatur religio irreligiosa facta non nemini. Iam & Gallia vt blandæ amicitiaë Turcicae sint & fuerint diu altrices. An vna ex parte Africo etiam littori expositæ non sunt, & in eandem illam à barbaris calamitatem an incidere non possunt? Maria profectò ipsa, quæ vtramque partem alluunt Galliarum, & denique quotquot sunt nominum omnium omnia, Turcicis latrociniis sunt infesta, vsque eò; vt non ora, non sinus, non portus aliquis tutus, aut non exploratus ab iis esse videatur, cùm vel nostri exceperint eos interdù hospitio, & aperuerint viam turbandæ vicinitatis. Quod quàm peruersè fecerint, dies aliquandò demonstrabit. Nulla enim inter nostros confisio; insultuum in nos illecebra est barbarorum. Quò minor nostra deberet esse inter nos discordia, neque illud expectandum, quòd hoc tantum à Turcis in Europa incendium excitatum, omnium ruina, quâ aqua potiùs extinguatur. Non enim auxilia in Turcam cūctorum Christianorum seria adhuc essent sera, sed cui bono fuerint paulò postea tardiora. Scitè quidam belli Turcici malum febri, quam vocant tabidam, aliquando comparauit: quæ vt cognitu initidò difficillima, ad extremum facilis, sed curatue est incredibilis; sic & huius Turcicae tyrannidis nobis imminens periculum, haud scio si ab aliquo despicitur; cognoscetur quidem dolenter & serò, cùm non amplius poterit cohiberi. Faciliùs enim infliguntur, quàm sanantur vulnera, etiam minutiora. Vnde & Ioannes ille Tarnouius Comes, qui non tantùm Poloniae, sed & Lusitaniae regis exercitibus præfuit, & quem

quem non modò victorem hostis timere; sed & ante victoriam solitus erat reuereri, omnia Polonica Comitia perpetuam belli Turcici meditationem esse debere faciebat olim testatum. Qui si reuisceret, non iam paucorum dierum comitia iis consiliis danda, sed multos menses, ne dicam annos impendendos, modò aliquid proficeretur, haud dubiè affirmaret. Multi enim multos habent hostes sibi infestos, sed Poloni Mahometanos infestissimos. Verùm, quod quidem Polonis suis, hoc idem & Germaniæ dixisset fortasse populis; ut in eiusdem meditationis & consilii societatem se quoque includi paterentur. Vix enim ruere poterit Polonia, ut non & Germania eodem motu labefactata concidat: & ut Polonos campestres, quàm Germanos munitissimis fretos urbibus eum faciliùs aggressurum sit credibile, habet ex aduersis, antequam hoc faciat, quod cogitet certè. Nam ut prædam, quam multò in Germania maiorem, quàm in Polonia fortiturus esset, præteream; ipsa quidem armorum, equorum, & militum, quæ inter Turcas & Polonos est similitudo, à totius rei summa vnus prælii exitui committenda sæpiùs auertit bellatores; cùm vel vna in patentibus campis obtenta à Polonis victoria, haberent procul dubio nihil, quod eos in Thraciam vsque irrupentes retardaret: Turca verò Polonos acie victos, non peræquè celeriter, ut fortasse opinatur, posset opprimere. Etenim, cùm Poloniæ regnum omnium regnorum sit vastissimum, & ille in frigida & aspera regione diu exercitum circumducere & alere posse non videatur, ut potentior sit, posset eum pœnitere. nusquam enim tyrannidis constabiliendæ magis præceps & lubrica fuerit via; quàm in numerosa & bellicosa nobilitate, quæ nunquàm antea assueta est seruituti. Interim verò etiam Germani urbibus & munitionibus non præfidant suis. Cùm enim non tam in munitis urbibus, quàm in virorum fortium pectoribus spes & ratio consistat se suaque defendendi; quis dubitet Turcicum Cæsarem ab his, eorumque similibus temerè prouocandis consultò abstinere? Memorabilis Viennæ contra Turcas est defensio, in qua vnus illius Comitum Salmeñ. & paucorum procerum magis enituit virtus; quàm ut infiniti alii, qui iam de deditone cogitare cœperāt, urbi in extremo casu auxilio fortasse extitissent. Recentiora exēpla, quæ sunt turpissima, non libenter cōmemoro: tantū illud dico, Græcū illum nescio quē Principem, & verè protulisse, & sapienter sensisse, & omnibus sæculis prudentem fuisse iudicatum; qui de mœnibus urbis aliquandò interrogatus, virorum fortium pectora non dubitauit ostendisse. Bonus enim contra irruptionem hostium

P est murus.

est murus. Sed qui ille oppugnantibus restiterit, si militum fortium excubiis & armis non fuerit propugnatus? Quo magis, ut in apum examinibus distincta ipsorum passim spectantur munera, & reges ipsi destituuntur aculeo; ita & ad hanc contra barbaros defensionem, dispartitæ nationum operæ inprimis sunt necessariae, & reges demum nationum careant inter se pessimo illo discordiarum aculeo; ne armis in hostem sumptis magis regredi, quam progredi videantur. Quò autem difficilius singulis, eò magis necessarium cunctis cum barbaris est certamen. Magni fecerunt olim Romani hostilitatem etiam remotiorem. Nauigauit in Africam Cato, & tantum ut suis periculum à Carthagine imminens ostendisset, adire periculum ipse, & ficus ex hostico recentes adferre non dubitauit. Quid nos facimus, quos non dicam hostium vicinitas terrore, sed tubarum clangore ab isto si Deo placet, Epymenideo somno quis expergeficiat? O surditatem! ò lethargum nostrum miserandum! Sed sic profectò naturâ comparatum est, ut aliena magis, quam nostra permoueant nos vulnera, & quod in ipso est limine, longè adhuc esse, falso subindè opinemur. Sic nimirum Andrinopoli occupata, porcorum stabula occupari, Constantinopolitanos ferunt dixisse: & tamen Andrinopoli capta, nec ipsi quoque suam patriam defendere diu visi sunt potuisse. Ut enim paries parietis ruinam, sic vnius regni, urbis, provinciaeque casus alterius accelerat disperditionem. Cogitate, quàm vera sint quæ dico: & quoniam cogitationes nostræ ad indagandas res, non adhibent oculos aduocatos; ex tot atque tantis præteritis regnorum & provinciarum nostrarum cladibus, quæ nos adhuc manent & circumstant mala, mentis acie nobiscum contemplemur. Intra hunc habitabilem Oceanum, plura propemodum iam occupasse Turcam, quàm restare ipsi occupanda, nemo dubitabit. Quid igitur expectamus? quid huic tantæ rei, & futuræ calamitati indormimus? Tres Turcici Cæsares ob tot relatas de nobis victorias, summis in cælum feruntur laudibus: Mahometes, Selimus & Solymanus. Quorum tamen ætas nescio si centum annorum spatium adæquauerit. Nos verò ab iis, qui adhuc malo omine & nomine restant, non timeamus, cum tantum in Perside vnus Amurates effecerit, quantum ne Romani quidem ipsi rerum Domini olim potuerunt. Cum enim Armenia Romanorum cunctas in oriente victorias terminatas fuisse proditum sit memoriæ, hic quidē dictus Amurates, qui diē suū nuperrime obiit, multò etiā processit longius: de cuius itē filio iuvene ferocissimo, quid aliud dixero, nisi quòd, ut à suorum sanguine fundendo imperium suū est auspicatus; sic maiorum more
ac insti-

ac instituto nūc hos ad tempus fœdere, nunc armis illos perpetuò sibi subiectos facere cupiet Christianos. Nos verò amentes, si vllā vel minimam fidē ipsi eiusq; posteris pręstiterimus, si tenebimur huiusmodi insidiosū fœderis magis nomine quàm religione irretiti; cū non alia re, quàm paciscendis cum Christianis induciis, & fœderibus ineundis Turca sit felicior, & haud scio, quod de Gallis & Anglis dicitur, quòd hi apertis bellis, illi conditionibus stabilien- dis pacis fuerint fortunatiores, de Turcis & Christianis non meri- tò etiam diceretur. Nam vt eadem illa Turcica exempla, quæ vel aliàs prolata sunt, dati & violati Christianis fœderis, denuò etiam proferantur, nulla mea quidem sententia par iis reperietur oratio. Ab hinc ducentis propemodum annis, profectus est Sigismundus Cæsar ad concilium Constantiam: & quia non modò Romano- rum imperator, sed etiam Hungariæ Boëmiæque rex fuerat; suo cum perpetuo hoste Turca pactus est induciar, quibus ille si- mul ac discesserat violatis, quasdam in Bulgaria arces interce- pit. Percusserant Paleologi cum Mahomete fœdus: at ille eo fœde- re seu laqueo vsus Græciam expugnauit. Percusserant cum Baiaze- te Veneti: at Mettonē, Coronem, & Naupaetum, vel eo ipsis ade- mit. Percusserant cum Selimo altero; qui & ipse Cyprio regno eos spoliauit. Quid verò de hac misera & afflicta Hungaria toties sub fœdere à Turca petita, toties dilacerata loquar? An sub Ferdinan- do Cæsare, eodemque Hungariæ & Boëmiæ Rege, Ceku & Drez- niz, & sub Maximiliano rursus eius filio Decun & Saladineñ. co- mitatum Solymanus Turca Hungaris non ademit? & an Amurates nuper sub isto pulcherrimo pacis nomine, cū nihil minus ab eo timeretur, Slauoniam & Hungariam non inuasit, diripuit, incendit, peruastrauit? Qui igitur vel paucis aquæ gelidæ in balneo guttis, & his Turcicæ exemplis non mouetur falsitatis; eius, quid multis fa- tiges aures orationibus, quid emollias mentē rationibus, quid stu- dia, quid animum ad res gerendas inflammes vel incendas? Satis, imò plusquàm satis ostensum est, quæ vna ad constabiliendas res Christiani inter se vtuntur, hac abuti contra nos barbaros fide & iurisiurandi religione, quæ nulli vnquàm hominum, nisi quantum eorum expedierit rebus, ab iis obseruatur. Quod equidem etiam ipsum minimè obscure eos præ se ferre depræhēdo: & audiui Tur- cicum legatum quendam, in aula Galliarum regis fuisse gloriatum; firmam & stabilem amicitiam suam Principem Christianorum re- gum promississe nemini, nec fidere, præterquàm vni Galliarum regi: Concedere ad tempus nunc huic, nunc illi petenti pacem; sed

& eandem abrumpere, quoties ingrati fuerint, suo etiam arbitratu. Quis igitur his fidat? quis se suaq; amplius concredat? Quis ab his, qui callum hac in re & fraudatione obdlexerunt, circumscribi se patiatur? Asinus cum semel pedem impegerit, loci ubi impegit, meminit: & homo non alienis, sed suis cladibus eruditus, in easdem illas illabatur. Miserrat olim Sigismundus Poloniae rex ad Solymannum Turcam legatum suum Kretkouium de Petro Palatino Valachiae rebeli suo questum. Non cunctanter ultus eum est Turca, sed ita ultus, ut Valachiam, quae partim Poloniae, partim Hungariae parebat regno, suae efficeret potestatis. At quis ultus est Solymanum? nemo. Sic videlicet diuina humanaque miscere licet Turcae omnia, nobis contra eum non licet vel tantillum. Quid? per emissarios suos Tartaros, quot, quantis & quam geminatis cladibus Turca infestat Poloniam? & tamen sua cum Polonis foedera vult esse firma & stabilia. egregie profecto. Cedò autem, cur Nizouios & Kozakos vult à nobis castigari? quòd nimirum potentiae dispar nostra & illius est ratio siue conditio, & quòd ille vel ipsa sui Mahometis lege periurio, tanquam quodam laqueo, Christianos potest capere, nobis nec fas nec licitum sit à foedere cum eo discessisse. Neque verò noua sed vetus & usitata in Polonia haec de Turcis est querimonia. Quid enim? nunquamne etiam Sigismundi Poloniae regis temporibus, in tot Comitibus olim Petricouiensibus, vox illa à legatis Turcicis est audita? Ostasseium, Pretficium, & alios confinium regni custodes remoue, Kozakos perime, praedam meis reddi iube, te tuosque intra confinia contine, ne praedones meos vlciscantur. Quia etsi hoc naturae lege, hoc maiorum exemplis, hoc denique sacrosancto isto foedere non est prohibitum, vim vi repellere, & te tuosque furore & iniuria meorum prohibere; tamen summa mea est potentia, quam tu si voles, reuereare, ne in maius periculum fortè incurras; & meis verbis & foederibus fidas, ut re & veritate ipsa sint falsissima. Praeclara voluntatis & constantiae denunciatio. Quid? Maiorum nostrorum retinebimus nomen, & in agendo ac respondendo non retinebimus libertatem? Mittemus Constantinopolim munera, ut in tabulas referat tanquam tributa? Mittemus legatos, ut impune interficiat, & in ipsius legatis eorum mortem, nullus nostrorum vlciscatur? Quam gloriosum fuerat Nicolai Czikouii, Castelani olim Sandecensis, & apud Isabellam reginam Hungariae summi Praefecti illud factum: quòd cum legati Turcici vnus post alterum duo in Poloniam aliquandò ad eam venissent, & vnus illorum nobilem quendam Polonum Golscium mensae accumbentem, cultro perfodisset,

inter-

interrogato prius altero legato, qui ea de re nondum inaudierat, quo modo illa cædes in Turcia punita fuisset, vel legati ipsius morte respondente; statim, reclamante etiam regina, capite truncari eum iussit, & sub patibulo extra oppidum Petricouiae sepeliri. Volente autem legato altero magnificum illi sepulchrum extruere; & illud adeo prohibuit, ne in agris Poloniae Mahometanorum vlla vel minima trophæa aut sepulchra à prætereuntibus spectarentur. Qui quidem Czikouius tanti animi fuerat, ut aliquot annis interpositis sui regis nomine legatione ad Turcam fungi minimè quoque dubitavit. Sed hæc obsolescunt sensim pedetentimque omnia; & vel propter inanem sæpè metum Constantinopolim cursitatur. Quare, subuereor equidem, ne quod olim Rhodiis, idem & nobis usu eueniat: à quibus, cum pro instruenda classe, linum principiò Solymanus petiuisset, tandem lino impetrato, & pecuniam sibi dari importunissimè postulauit. Vnde tandem cum Lilodamo, Magistro tum ordinis, ad arma res deuenit. Paruis enim principiò petendis, mox à Turcis struitur maioribus postulatis gradus: & ubi aliquid vel ad tempus concesseris, iam in perpetuum pensitabis. Multum multum profectò viderat idem ille, cuius & antè memini Tarnouius, qui dolens & gemens patriam suam tanquam in quodam seruari viuario, ab hoc exclamabat sæpè tyranno: Sed licet etià ille (si Deo placet) venator tam egregius, nec spei nec rei aliquid esset habiturus, non qui Christiani sumus, & esse atque dici perpetuò volumus, alios deferemus? Cernimus quæ vicinos nostros imò & nos ipsos circumstant pericula: quæ eis nobisque adempta, & quæ adhuc restant adimenda. Regno Poloniae non defensionem ampliùs, si in Turcicas manus ueniet, sed hostilitatem Valachia feret: Transyluania si non defendetur, arma contra nos sua, inuita licet, tandem conuertet: Hungaria postremò ipsa, quæ penè ducentis annis Turcis restitit, succumbet; & tum vel maximè Morauia & Polonia suum interitum cum horrore circumspectet. Quid multa? plena vbique malorum & periculorum sunt omnia: veterem suam faciem Africam suspectam habet Hispania: Italia orbis terræ victrix, pertenui discrimine à Græcia separatur: Slauonia direpta: Hungaria tantum non integra subiugata, Germaniæ excidium comminatur: totum denique Christianorum imperium in angustias coarctatur. Nō modus, non nodus, non artus, non partus, ut ita dicam, reperitur vllus expediendæ salutis. Terra marique suspecta sunt à Turcis omnia, cuncta ipsorum latrociniis infesta maria. Difficilima quæque ut collibuerit, armis sibi faciunt Turcæ peruia: & nihil magis expedierit, quàm semel in

tuum cum iis debellasse. Vitæ quidē cupidi naturā omnes sumus, à tanto, tamque diuturno otio inuiti quasi ad arma concurrimus, meliora semper speramus, & vix aliquandò lætiora experimur; & nescimus, quòd cum spes vel ipsos non destituat moribundos, quid non exagitet furibundos? Quare, cum seruitus malorū extremū sit omnium; vel morte ipsa, si aliter fieri non queat est repellendum. Christo Opt. Max. seruatori nostro dedimus nomina, altissimis radicibus religionis nostræ defixa sunt semina, firma Christianæ doctrinæ antiquitatis, successionis, miraculorum, & mutue consensionis habemus fundamenta. Aut hæc facta rectaque conseruemus, aut religioni nostræ, quam semel professi sumus, immoriamur.

TVRCICA IX.



ATIS SVPERQVE MVLTÀ, DE OCCASIONE ET necessitate belli in Turcam suscipiendi & gerendi, mihi videor attulisse. Iam verò quali & quanto, & vnde acquirendo belli neruo, opus est, & quo modo atque consilio bellum ipsum administrari debeat, breuibus aperiam; & quoād eius fieri explanatiùs poterit, pro mea tenuitate explicabo. Non enim bella ordiri, & iis imponere cum volueris finem, vnus & eiusdem est potestatis. Quò magis præuidenda omnia & collustranda sunt animo, & quæ tum nostræ, tum hostium nostrorum sint vires, & quibus demum rebus tam augeri, quàm extenuari possint, maturè est exquirendum. Reperias quidem non neminem, cuius veluti inter scopulos duos versatur semper deliberatio, vtrum Turca in hoc, in quo nunc est statu, à Christianis fœdere sibi iunctis, relinquendus; an verò non expectato etiam fœderis finiendi tempore, dum socios nostros vrget, & subigit armis, & ipse quoque vrgendus & subigendus à nobis videatur. Etenim quòd vni hodie, hoc tibi & alteri ne eueniat postri die, iure ac meritò extimescas. Quæstio hæc est eiusmodi, vt variantibus (quod plerunque fit) tanta in re animis, atque sententiis, in vtramque partem possit defendi. Verùm cum quanta Turcico fœderi, & societati, fides præstari debeat, vel antea quoque abunde sit declaratū; restat, vt nūc demum nū coniunctim ab omnibus, aut verò quoād eius fieri potest à Christianis pluribus in eum percutiendum sit fœdus videamus. Maiorem omnium quàm paucorum auctoritatē, & potentiā futuram, quis nō intelligat? Sed rursus illud considerandū venit, quod eo tractādo plus erit difficultatis, & amittetur

tetur multò magis temporis, & deniq; sumptuum, hoc nomine sursum
 atque deorsum dimittendis legationibus atq; legatis, plus impen-
 detur. Magnæ enim consultationes egent magnis conuentibus,
 & in vtramque partem diu multumque disculis rebus, animis
 magis exulceratis, ex iis sæpè est discessum. Quocirca, ne com-
 munis omnium hostis nostra exultet discordia, & re bene contra
 nos gesta aut gerenda maiori indies augeatur potentia; hæ, quæ in
 commune conferri debent opes, vel à minimis interdum rebus or-
 diendæ sunt, ac demum iæto semel cum pluribus regibus & Princi-
 pibus fœdere, ad summa quæq; auxilia præstanda est veniendum.
 Quis enim nescit, si vel vnus alterue aureus nummus, à singulis pro-
 uentuum centenis annuatim numeraretur, per vniuersa Christiana
 regna & prouincias, grandem coaceruari posse pecuniam, ex quo
 miles conductus in stipendia in locis magis barbarorum impetui
 expositis commodè collocaretur, & tanquam cautor quidam peri-
 culi ex continua seu quadam belli officina in aciem ductus fortiter
 vbique versaretur? Vix enim aliquid valet miles subito collectus,
 aut saltem non solet esse incòmodorū tolerans & diuturnus. Quòd
 omnes omnium prouentus, & peræquè vnus ac alterius regni siue
 prouinciæ æstimari, & bellis intestinis durantibus aut recrudescen-
 tibus hæc pactio obseruari posse non videretur; præstat vtique vel
 aliquid in hac parte tentasse, quam de periculis communibus ni-
 hil omninò cogitasse. Vel aliquod enim initæ in Christianis con-
 cordiæ specimen hostes deicit animo, & socios in spem erigit me-
 liorem. Non statim quidem censendorum capitum disquirenda est
 ratio, aut ineunda consultatio, nec quanta æris laboremus inopia,
 hostibus demonstrandum. Multum enim hosti est spei in alterius
 cui bellum mouet, nunc inertia, nunc verò etiam egestate. Quan-
 quàm ego & minori necessitate, & imbecilliori nos nostraque ag-
 grediente hoste, censa & hic, & alibi capita video; & haud scio, si
 vel non expectato difficiliore tempore, id maximè necessarium
 esse liberè affirmabo. Præstat namque capita nostra à nobismet ip-
 sis tempestiuè censerì, quàm à barbaris vel seriùs detruncari. Quid
 verò de aliis aut his similibus corrogandæ pecuniæ modis & inuē-
 tionibus loquar? Enimuerò censendis Christianorum capitibus,
 dimidio maior non posset exigi à Iudæis pecunia? qui tot, atque
 tanti, tamque locupletes passim reperiuntur; vt quodam Christia-
 no regno peragrandò, & ad cauponas Iudæorū diuertendo, nescio
 quis festiuè, quandò ex hac Iudæa exhibimus, fortè quæsierit. Quid?
 Auræ & argenteæ suppellectilis, quæ per omnia Christiana regna
 & pro-

& prouincias passim spectatur, vel pars saltem aliqua in hunc usum collata, an non admodum magno futura esset adiumento? quàm multi etiamnum reperiuntur torquati, qui ferreis, quàm aureis torquibus sunt digniores? qui ut non tantum aureos, sed adamantinos etiam torques gestauerint, detrahendis cupiditatum sumptibus, & publicis commodis adiuuandis, quàm multò magis fierent gloriosi? nunquàm enim externis, quam internis rebus, nec tam corpore ornato, quàm animo moderato peræquè illustramur. Et quorsum ostentantur diuitiæ, quas & saniores irident, & hostes nostri eò magis appetunt, & diuinitus castigantur? rarò enim animus elatior, prænuncijs futuræ non est calamitatis. Age, per omnia Christiana regna & prouincias, vrbes confœderatique Principes Antistites, & Ecclesiastæ omnes, imò & contrariorum dogmatum singuli homines, an non tantum in id bellum conferrent, quantum Reipub. maximè expediret? Det in hoc bellum dimidium eius æris Italia, quod in ea toto anno in alea, furtorum & blasphemiarum segete, à feriatis hominibus turpissimè deperditur. Det Germania tantum, quantum in ea extra prandium & coenam in commensationibus consumitur; cùm præsertim domi abdomine, quàm dando foris in militiam nomine, plures intercant. Det Polonia eius æris dimidium, quod in vestium & epularum luxu in ea erogatur. Hispanias Galliasque prætereo, quarum hæc si ab iis, qui neutrarum sunt partium, exigere tantum, quantum bello impenderent, & Hispaniæ tot sumptus in hoc bellum publicum, quot in donationes priuatorum facerent; incredibilem mea quidem sententia pecuniam corrogarent. Nihil dico de Batavis, & aliis inferioris Germaniæ populis, qui cùm pro religione bellum gerere videri volunt, tam ex captis vtriusque hominibus, quàm ex urbium & oppidorum direptionibus, non volent, opinor, aliquid etiam pecuniæ pro communi Christianæ religionis & regionis præsidio tandem negare. Quid verò non faceret aliquid Anglia, quæ cùm fidei defensor maiorum suorum more & instituto dici & haberi cupiat; quid iis, qui Catholicam religionem in ea profitentur, loco illius, quam ipsis irrogat mulctæ, integrum non vellet esse contra Turcam cum Christianis aliis proficisci? Nondum quidem Anglorum regum in Asiam olim frequentata obliuione obruta sunt itinera, ex quorum egregiis consiliis atque factis, quàm ex tot Pyratharum latrociniiis, qui Oceanum infestant, nomen Anglicum magis elucet. Sed expedit, ut hæc demùm omnia omnium nominum in bellum Turcicum, tam pecuniarum, quàm

quàm alterius generis adiumenta, & fideliter dentur, & scienter exigantur, & integrè distribuantur. Nihil enim est acerbius, quàm pecuniis imperandis & tractandis hos demere multa, illos verò adiungere suorum rationibus commodorum. Quòd si quis hoc belli Turcici malum remotius à se esse dicat vel sentiat, quàm vt hac diligentia & exactionibus opus habeat; tum vel nimirū animaduertat, ne vel opinione sua celerius aliquandò defraudetur. Vix equidem tam remotum est aliquid, quò vel lentis passibus, si maturè non prohibueris non perueniatur. Ac memorabile in primis est, quòd ad fallaces spes, & inanes hominum cogitationes ostendendas, de Constantinopolitanis proditum est ciuibus; qui suprèma sua, & imperatoris sui die, ad pedes eius tantum diuitiarum proiecerunt, quantæ multis etiam aliis conseruandis vrbibus proculdubio suffecissent. Quod & de Taurino item in Hungaria confirmatur, quæ munitio, si commeatu centum aureis Budæ empto quæstores per Danubium demittere voluissent, defendi à Turca creditur potuisse. Verùm, quæ interdum multa modicis auxiliis possent nummorum; ea demum iuuari non queunt vel maximis acervis thesaurorum. Quocirca meminerimus, si ad bellum & prælia venietur, laboriosiore multò fore hac in parte nobis negligentiam, & nullis parcendum esse sumptibus, & denique ad exactiones contributionesq; publicas accedere seu præcedere potiùs debere implorationem diuini numinis atque nominis sacrosancti, vt Pon. Max. auctoritate omnia & singula templa personent concionibus, quibus ingruente, maiori aliqua necessitate, capienda in barbaros arma promiscuè omnibus & præuenire, quàm ab iis præueniri satius esse populo persuadeatur. Præmia habituros talis militiæ omnes, non iam illa caduca & fragilia, sed in cælis sempiterna. Commouetur maximè his audiendis multitudo, & mercedem laborum periculorumque suorum illam cælestem, quàm istam breui tempore duraturam & inconstantem magis sectatur. Ferunt nescio quem à D. Antonio Patauino, quod diuina maiestate ei patefaciente, cæli hæredem fore præsenferat, in magno honore fuisse habitum. Quo ille tantum abest, vt se dignum censuisset, vt molestè etiam quodammodò ferre, & per risum ac iocum illa fieri arbitraretur. Verùm cùm aliquandò in Asiam, cum suo Episcopo profectus, in quodam contra Saracenos prælio interesse, & pro Episcopo morbo correpto veniam poenitentibus largiri, & inanimare alios debuisset, verborum B. Antonii recordatus, sic exarsit; vt inter confertissimos illatus hostes morte intrepidè obeunda, cum Christo Opt.

Max. illa die triumphaturum se esse certò, quasi præsciuerit. Vitæ enim alterius spe concepta certa, mors venit homini, quasi optata. Quid hæc similiaque hodie exempla alios quoque non permoueant? quid in barbaros & crudeles non incitent hostes? quid Christiani domi expectauerint patriæ suæ euersores? An verò memoratu non est dignissima, ab Urbano II. Pont. Max. ex Clarauallesi concilio cruce signatorum multitudo? an non pii II. temporibus altera? an non aliorum? Iam quidem, cui vnquam dubium futurum est, vel si plurimos vixerimus annos, moriendum pro se cuique esse tandem postremò? sed illud nimirum ambiguum, quo die, quo loco, quo mortis genere propemodum infinito. Quid igitur vita debita naturæ, non reddatur potiùs religioni atque patriæ? quid maior non sit iactura libertatis, quàm fortunarum & facultatis? quid non salutis æternæ, quàm huius caducæ & fragilis vitæ? quid non erogentur omnes ante diuitiæ, quàm vel Turcis liberum nostrorum impunè concedantur prædæ? Quis denique mancipari à barbaris, quàm perpetuò coniugari non velit potiùs Christianis? An enim non animaduertimus, quot & quantæ opes, cui bono fuerint, nescio quàm anxie quæsitæ, quibus artibus partæ, quanto cum metu & periculo conseruatæ? Quò tandem recidit sua Orienti Gaza? quò reciderunt Græcorum diuitiæ? quò recident (quod ablit) & nostræ, si huic paulò indormierimus tempori, & non occurremus futuræ calamitati? Felix ille est denarius, qui cautor est centenarij. & quorsum fuerint facultates, si illis non dabitur vti nobis sociisq; nostris defendendis? Tanti amicus qui non iuuat, quanti aduersarius qui non nocet (vt plerunque fit) æstimatur: & tantum cum avaro habuerit quis pecuniæ, quantum auarus caruerit ea ipse. Quid olim non præstiterunt Romani vtrò bellorum comparando adiumento? Augustus Cæsar, cum milite indigebat, seruos & mancipia manumittebat. M. Antonius nè imperandis crebriùs pecuniis odiosorem se redderet, coniugis suæ vestem & supellectilem diuendebat. Vespasianus, Quæstores vel minimum ob delictum, ad multas in bellicum vsum conuertendas, seuerissimè puniebat; ac vnus denique altero cum ornamenta pacis, tum maximè subsidia belli magis quærebat. Quid? nos nihil horum faciemus? & aut seruorum loco supplicio afficiendos, muniendis oppidis, atque vrribus nos destinabimus, aut Quæstorum multas, quæ multæ & magnæ exigi possent, in belli contra Turcam vsum non conferemus? Equidem multorum eorum, qui Reipub. pecunias tractant, filios patrimonia sua dilapidasse video: & quòd conditione infimi, fortu-

na miseri, velint nolint contribuunt; hoc tandem ditiores variis artibus à principibus sibi dari petunt, & accepta abliguriunt. Quod ipsum factum, commune demùm omnium sequitur incendium, diuina exposcente pœnas vbique æquitate. Vult enim obsequi minores Deus semper maioribus; sed & eosdem minorum vti non abuti facultatibus. Quare tam imperandis, quàm & exigendis à populis pecuniis, summam semper æquitatem & moderationem, discrimen ac delectum par fuerit adhibere, ac illius dicti meminisse, Non omnia, quæ nobis licent, peræquè expedire: & sicut neruum, cùm nimium tenditur, perrumpi; sic & subiectos, si grauibz tributis vrgeantur, non semper dominorū dicto solere esse audientes. Postremo, qui oues, quas tondere debeas, deglubas, aut nimium emungendo eorum sanguinem exugas, quos non secus ac teipsum ex præscripto legis debebas dilexisse. Magna requiritur ratio, & disquisitio, & commiseratio sciscendis tributis, & imperandis pecuniis; nec quod huic aut altero regno, hoc quadrare cunctis posse, & debere arbitrare. Vt enim Pygmæis & Atletis non idem vestitus, nec robustis & imbecillis fuerit cibus; sic gubernandis populis, exigendisque ab iis tributis, non eadem ratio est dominatus. Age enim videamus, quàm non modò in diuersis, sed in vno illo eodemque aliquandò regno, periniquum videtur, iugera tantum agrorum (vt fit) numerari, bonitatem verò & opportunitatem non expendi: quàm multos videas agros, qui non tam quidem cultione, quàm naturâ sunt feracissimi; & quàm multi alii, qui diligentissimè colantur, & subigantur, licet expectationi non respondent. Iam quot & quantas regiones mellifluas, lignis, armentis, bobus, pastionibus abundantes intueare, quæ & iugerum amplitudine, & piscosis fluminibus, & commoditate portuum, & varietate mercium, & frequentia negotiationum aliis antecellunt. A quibus par stipendium poscere, spatia æqua dimetiri terræ, frugum prouentum peræquè æstimare, iugera agrorum, & commoditates non inspicere portuum, an non fuerit iniquissimum? non enim tantum demendo nimio, sed æquè etiam ponderando paruo, & omni denique re ex æquo & bono constituenda iustitia continetur. Cuius fruendæ causâ reges esse constitutos testatur Thucydides. Quo etiam fiebat, vt in benè moratis & constitutis Rebuspub. vel potissimum eligerentur ii, qui harum rerum & exactionum debitam curam gererent, prouentus omnium ciuium introspecerent, fructus, qui tam ex pecuniario, quàm ex possessionum redditu susciperentur, obseruarent, obseruatos ordinibus regni proponerent, pro-

positos & examinatos certo loco custodirent. A quo quidem censu seu contributione liber & exemptus prorsus esset nemo, non genus, non conditio, non forum, non legatio, non rei alicuius aut casus patrocinaretur excusatio. Qui verò aut reditus æstimaret, aut ab æstimated pensitare deberet, si quid fraudis in Rempub. committeret, parte multæ Reipub. vna, quadruplatori altera applicata, grauissimè puniretur. Vt enim medicorum curandis, sic magistratuum officinæ hominibus castigandis, sint sibi quàm simillimæ. Ab his, similibusque exactionibus nummum aureum centenis, si, quod initio dixi, vnus alterue aureus tantum nummus in defensionem contra Turcam, ab omnibus Christianis gentibus nationibusque quotannis penderetur, eaque res aut iureiurando, aut pactione aliqua publica, aut sponsoria aliorum fide confirmaretur; an tandem non grandis colligeretur paucim pecunia? quæ accuratè exacta, rectè asseruata, scienter distributa, militiam Christianorum efficeret meliorem; qua & hostis à nostris finibus inuadendis arceretur, miles continuo exercitaretur, & imperatoris militum virtus multo antè quàm necessitas maior ingrueret, perspiceretur. Vix enim dictu est credibile, quàm nouus & collectitius miles, veteranis hostium malè opponatur exercitibus, quos ab exercitando dictos quidam veteres voluerunt. Sine ducibus autem prudentibus, si vel maximos optimosque exercitus habueritis, non multum etiam proficias; cum meliorem exercitum ceruorum duce leone, quàm horum ceruo nescio quis dixerit; & alter gubernante nouo duce hostilem exercitum pecus esse idem, sed mutatum pastorem affirmauerit. Quibus de rebus, vt aliquid etiam antea, dicam equidem & hoc loco plura, & ad bellum istud Turcicum suscipiendum & gerendum, tam ducum, quàm & militum ratione exquiram quæque vtiliora. Quæ enim non tam iuuauerint, quàm nocuerint singula, ea vel minutatim semel atque iterum expedierit ventilata. Belli quippè errores, aut improuisa morte, aut infamia graui, aut verò vtroque sæpius constiterint. Vtinam autem & Ducum & militum selectiorum tanta esset copia, vt & in ducibus præficiendis, & in militibus in stipendium conducendis difficilis esset deliberatio: sed, quod non sine gemitu loquor, præter quòd inuidiæ & æmulationum inter duces & præfectos plena sunt omnia; præter quàm quòd hic superiorem, ille nullo modo vult ferre parem; præter quòd nunc huic nunc illi nationi, eiusque virtuti, tanquàm quoddam pabulum sua non conceduntur præmia; sensim tandem, & quod peius est, sine sensu deficiunt nos cuncta ad bellandum

landum necessaria, & vix in aliqua natione veteranos & exercitatos contra Turcam milites, ac multò minùs experientes reperias Imperatores; in quibus quantum positum sit semperque fuerit, & quantum in posterum quoque reponetur, dies docebit. Præstat namque exercitare milites suos, quàm magnis propositis præmiis, accersere alienigenas & longinquos. Duces verò belli Turcici intelligentes multò antè habere, quàm cùm iam adest bellum, quod secus quàm alia administratur, hîc & illic quæritare. Quo magis, cùm omnia bellorum genera, viris, pecuniis, & com meatu constent; quanta harum quarumque rerum desideretur, ad Turcicum etiam copia videamus. Viros in duas volo diuisos esse partes, in duces & milites: quorum quidam si selectissimi sint, triginta millium numerum existimant suffecturum; ego secus: pecunia verò, quanta in biennium ad minimum pro se cuique suffecerit nationis exercitui opus est sustentando; demùm verò etiam, vnde, & qualis quærendus erit, demonstrabimus, com meatus. Duas porrò Turcam debellandi vias, Carolus olim V. bellicosissimus & prudentissimus dicebat Imperator, terrestrem vnā, maritimam alteram; sed illam quidem difficilem, maritimam multò magis expeditam. Ad quarum vtramque quantum milites spectaret, necessarias esse diuersarum gentium & nationum copias, quæ id proprium & peculiare habuerunt semper, dispartitis operis magno esse vsui exercitibus, æmulatione virtutis inter se certare, ad fortiaque facta aliorum exemplis imitandis perpetuò inflammari. Sed illud etiam mali, in coadunandis ex diuersis populis exercitibus esse meminerit, quod non per æque omnibus benè secum conuenit, nec nisi Hispani Germanis, Boëmi Polonis, Itali Slauonibus facillè associantur; vt contrà Angli à Gallis, ab vtrisque verò Hispani magnopere dissident; nec per æque omnes nationes vnā eademque die ineundi prælij consilia & rationes libenter amplectuntur. Cùm Calendas Octobris, quibus eorum duo reges, Ortocarus vnus, Ioannes alter in prælio ceciderunt, sibi habeant Boëmi infestissimas, Poloni Augusti diem vigesimam infelicem, & penultimam valdè fortunatam; non secus ac Hispani diem Veneris tot victorijs Hispanorum notatam, vt alias nationes hoc loco taceam, neque adeò multum his obseruationibus tribuam, neque postremò suadeam, cùm ad manus cum Turcis veniendum fuerit; vtrum hæc, aut illa gens inire prælium, & his obseruationibus niti debeat, agitandum esse certamen. Semper enim concertationes verborum beneuolentiæ pariunt in hominibus parum; sed in bellis adeò atque prælijs vnum alteri exercitū reddunt

magis infestum atque suspectum: quod in Sigismundi Cæsaris contra Baiazetē Turcā ad Nicopolim pugna facile est deprehensum; vbi propter Gallorum & aliarum nationū de ineundo prælio altercationem tot millia militum perierunt. Multò igitur expedierit magis, quis, quantus, & quā certus numerus sit in exercitu bellatorū quesuisse. Sæpè enim opinione & in speciē censa hominū sunt millia multa; vbi cū ad rem ventū est, multò tandem spectabantur in acie pauciora. Quod Franciscum I. Galliarum regem Cæsarianorū Ducum ad Ticinum dediderat potestati. Quā in re, vide, ne vel fidissimi quique te decipiant: & quod ad te ipsum vnum vel maximè spectat; ne tu aliorum auditionibus & sermonibus falsis nunquam à quiescas; sed & ipse & munitiones videas, & exercitum lustres, & armorum genera, aliāq; eius generis plura scientia & intelligentia comprehendas. Leuant nos alieni oculi atque manus onere, non leuant si contigerit dispendio & calamitate aliqua grauiore. Vide igitur, vt omnia, quæ in tuo & hostium exercitu sunt, & fiunt, habeas exploratissima, & purgamenta inprimis vrbium, galeatiq; lepores, viris à fortibus abs te secernantur. Miles tuus habeat, quo vestiatur, quo se tegat, quod comedat, & in acie fortiter se gerat: non ad mensam, quod aliquando Curcius meminit, debellare velit ipsum etiam Alexandrum. Primum virium faciundū est periculū velitationibus licet rarioribus, vt quid hostis valeat, & vtrum equitatu an peditatu magis abundet, exploretur. Prælij non facile, nec ad alienum arbitrium tentetur alea, præsertim si non in hostico, sed domi nostræ fuerit dimicandum. Castris metandis locus eligatur, non minus solorter, quā etiā studiosè. Habent hoc Turcæ, vt collocato in vmbilico totius exercitus robore, vix vnā die vinci posse videantur. Quod ad Warnam & nuper in Perside accidit non obscure. Sed vna erit vel potissima, & maximè compendiaria via, euomentes bombardas ignes, & ignea omnia Turcis opponere victoriæ ergò consequendæ. Terrent hæc & iumenta Asiatica, & barbaros ipsos vehementer. Vnde & Cataphractos equites Germanos magno vsui (si aliquando contingeret) in Turcas fore, iudicant experientes. Sed vnum illud experientur etiam incommodi, quod non inter Noricum & Augustam tot cauponis distinctas, com meatuumq; plenas vrbes, subeundem est certamen, & quod & equis non solum leuioribus, sed & melioribus, & omnis generis com meatibus, tantò magis habebunt semper necesse. Abundat præterea Turcicus exercitus operariorū semper numero, Christianorum non item. Consilia & cogitata sua celat, noster diuulgat;

numen

numen bⁱsteruē in die veneratur & adoratur, noster blasphematur; in comitatu fere nihil habet nugarum, noster cuncta plena semper luparum. Quæ omnia fugienda sunt, ei qui vult de barbaris potiri victoria: & ut animi & corporis sana habeat omnia, & necessario nunquam destituatur com meatu. Quod vnum Ioannes Tarnovius Comes Polonus, Ferdinando Cæsari tot exercitus Germanicos in Hungariam mittenti, sæpius inculcabat, & nè à ripa Danubij longius elici à Turcis se paterentur, seriò hortabatur. Cui monitioni non parendo ad Essicum & alibi perierunt. Vnius verò Constantinopolis expugnatio, ad benè de reliquo triumphorum in barbaros Christianorum cursu sperandum, quasi signum aliquod in altum attollet, & eorum animos atque arma, qui seruitutem feruiunt, ad recuperandam libertatem proculdubio excitabit. Non erit ea res difficilis, nec tamen confestim tentanda illius urbis est oppugnatio; sed arcibus extructis prius obsidenda, ut paulatim annona ac defensorum numerus diminutus, faciliorem reddat expugnationem. Omnes enim vrbes paulò maiores, difficiles sunt expugnata; si tum lue, quæ in ijs plerunq; grassatur pestilenti infestata, tum defensoribus non fuerint destituta. Iam verò, cum milites Turcici ex illo equestri & fugaci pugnatum genere, minimè defendendis mœnibus sunt idonei; tum crebris transfugijs ducum, suam supremam non expectauerint diem & rerum omnium iactura debilitatis remanentium animis, nec vires barbaris, neque vlla consilia vnumquam constabunt. Restat, ut de com meatu eiusque genere aliquid etiam dicamus: consilio enim ducum, virtute militum, & copia com meatuum bella geruntur; qui ne desit, duobus maximè modis est prouidendum. Primum quidem terrestri, maritima altera via; qua legente semper oras Christiana classis propinqui litoris, exercitusque Christiani vestigia obseruante, necessariorum rerum copiam suppeditare poterit & debebit; & ipsæ adeò Christianæ gentes, quæ sub Turcis sunt, proculdubio subministrabunt. Sed vnum illud humanarum rerum vinculum taciturnitas, quæ cum in alijs tum in Carolo V. Cæsare admirabilis fuerat, celandis bellicis consilijs obseruetur; cuius Tunetanam expeditionem ne coniectura quidem assequi aliquis potuit, priusquam coniunx ex consilio, in quo bellum illud conclusum fuerat, egressa lachrymas capisset profunderè, quam illa die passus est consilio interesse. Tantum momenti prudentissimus princeps in celandis contra barbaros consilijs positum esse iudicauit. Qui quantum etiam opportunis consilijs, vel à minimis gregarijs militibus suggestis tribuerit, perspicuum est, cum alicubi

alicubi in Galliis paruo vectus equo, in quodam leui exorto conflictu, re ad maiorē praelij ardorem veniente, cuidam pro altero currere iusso, specimen fugæ id habiturum respondentem, acquieuit. Iam verò altera belli gerendi contra Turcam via, cum futura sit terrestris, cenfeo eò loci, quò ducentur exercitus in expeditionem, vicinis & opportunis fluminibus omnia victui necessaria demittenda, & superflua interim demenda militi omnia, ne, qui ad laborem & vigilias conformari debet, luxuriæ instrumentis nactus eneruetur. Expediet quoque annonæ præfectos aliquot eligere, & illis tantum pecuniæ, quantum suffecerit curare numerari; vt annonam rectè & opportunè subministrent; & ea pecunia exigi ab ijs non debet, nisi anno postea circumacto. & si denique illa ipsa pecunia minor necessitate esset, ijsdem præfectis integrum esset publicæ notæ signa accipere, quæ solutionis die præstituta verorum nummorum loco rependant. Nouæ enim alicui rei vel necessitati, noua item & nunquā licet aliàs vsitata remedia sunt adhibenda. Designandæ itē stationes, quibus & miles securè & commeatus deuchatur, eiusque rei cura vrbiū & oppidorū gubernatoribus demandetur; vt nec miles extra stationes victum quærere, neq; ipse sine vitæ discrimine aliò transire, nec impune vias audeat obsidere. Quod vnum militiæ genus speciē habet latrocinij, & hominibus maximè est odiosum, & communi excidio diuinitus castigatur. Multorum enim interitu, aliquorum crimina expiantur. Quam in re, seuero belli Duce vel imprimis est opus, qui seditiones, cædes, latrocinia in exercitu coercet: & si ipse non punierit fontes; sibi hoc nomine & innocentibus alijs plectendum esse arbitretur. Vt varia inde pericula, vt turpitudinem, vt ignominiam ducum & militum, hoc loco non commemorem: semper enim ducibus laudandis, speciem clementiæ peruenit animaduersio & seueritas salutaris. Vnde illum comitem Tarnouium ob vnum alterumue caulem militem gregarium occidisse fama fertur: non quòd dux esset sanguinarius, sed quòd, quid exercitui in seueritate Ducis positum esset, cognoscebat. Neque tamen in omnia etiam leuiora delicta suppliciorum quærenda est acerbitas; sed ad inferiorem militiam, aut ad opus fossorum quidam erunt condemnandi, ac iudices constituendi; qui refutatis militaris licentiæ excusationibus, omnia ex æquo & bono constituent, & scelera impunita abire non patiantur. Quibus vigentibus terra mariq; difficillima est via expediendi commeatus, atq; haud scio, si non multò difficilior futura, quàm si vel ab hoste ipso mari impediretur. Quòd tamen ipsum mare, antequam Byzantium perueniatur, tanquam

quam pontem, quo fugiant, relinquendum, non inutile fore existimo; nec vnquam ita nostras diuidendas esse copias, vt à vi ventorum facultas dependeat præliandi. Omnia enim prælia, sed maxime naualia, arte sunt declinanda. Quanquam non minori & campestria indigent artificio, & illud ijs committendis spectetur maxime, ne cogi ad pugnam possimus, neue nisi certa victoriæ spe concepta in aciem egrediamur. Multorum enim poenituit sepius multos, sed grauius nullos, quam bellatores incautos. Quæ quidē, potissimum duo vt consequamur, regionē, in qua bellū gerendū fuerit, Duces & præfecti militum nostrorum sic exploratam habeant; vt nec riuus, neq; arbustum, neque tumulus vllus notitiam scientiamue eorum effugiat; & aliquando quasi de industria aleam prælij in speciem refugiant; vt simulato nostro metu, hostis sibi præfidat, & in eas, quæ ipsi à nobis struentur, insidias, incautius illabatur. Si tamen numero exercitus hostis multò fuerit superior, ne leuibus cum nostris conflictibus, ita nostrorum robur & virtutem atterat; vt nullo demum vsui nobis simus, imprimis est prouidendum. & ita passim & vbiq; ad pugnam; instruendæ sunt acies; vt Turcarum equites, quibus illi præfidunt, ac nec tormenta, quibus abundant, magnum conflent nobis periculum, cum de minoribus, vt euitari prorsus queant, nequidem sit cogitandum. Vbi verò Imperator exercitus versabitur ipse, eum locum ex disciplina castrensi curribus & vallo ac fossa muniendum sic censeo; vt nulli vel maximæ irruptioni via patefiat. Quarum olim rerum & insidiarum metu ad Varnam, in tertiam vsq; diem à Polonorum castris diripiendis Turcas abstinuisse; & protestantes Principes ad Ingolstadtum, Carolum V. Cæsarem, memorantur oppugnare noluisse. Neq; verò vt prælio, sed vt etiam bello ipso vincamus & superemus hostes, danda est opera. Non enim sufficit cum hoste bellasse, verumetiam expedit debellasse. Quominus solutis ordinibus, insequendo fugientes erit instandum, & multò minus prædæ, quod plerunque fit, inhærendum; sed tantum expeditioribus, cum ducibus locorum & regionum peritioribus, nostro in hostilibus summo belli duce consistente, quoad victoria hostibus omnibus cedentibus nō referatur absoluta, est proficiscendum. Multi enim, præda capti, victoria sunt spoliati, & effuse fugientes hostes insecuti, fugatos, cum rediissent, suos viderunt. Quod in prælio Caroli Andegauensis cum Corradino, & in altero Gruneualdensi Polonorum cum Germanis accidit; qui leuioribus equitibus fugatis, in castra redire cupientes, Cataphractos Polonos, à quibus fusi sunt, obuios habuerunt victores. Iam si adeò plu-

res etiam cladi superfuerint hostes; non aut facillè cingendi, aut prorsus summo impetu aggrediendi sunt derepente. Ferreæ enim clauæ hosti obiiciendæ irruenti, pontes aurei strandi sunt fugienti. Itaq; commeatu potius intercludendus est hostis, & interim, si non fuerit factu tantopere difficilè, resumptis viribus, denuò instituenta est oppugnatio: sin secus, tentandi potius alia via populorum animi, vt nostrarum partium vltro efficiantur. Quæ si Turcis inter nos succedût artes; quid non succedant inter Mahometanos Christianis? Maior certè est causa in Turcia mancipiis excutiendæ; quàm liberis appetendæ seruitutis. Sed ego vereor, ne alter alicui videar Phormio, qui tot præstantissimos Duces, & exercitatissimos Christianos milites, istis qualibuscunq; præceptionibus meis instruo; & vt aliqua in bellis viderim, multò adhuc plura velle alicui videbor dispexisse. Quare vt finem dicendi faciam, vos oro obtestorq; reges, regnorumq; ordines, & homines vniuersi; vt non tam de bello, belliq; exitu cum Turca gerendi verba inter vos ferere, quàm arma protinus induere potius velitis, & foris in campis, quàm domi in triclinijs de tota re disceptare. Hæc quidem, quæ ego iuuandæ Reipub. hoc loco strictim attuli, causa, si at omnibus obtineri non queunt, at saltem à patriæ suæ obtineantur amantioribus; si non in perpetuum, at ad tempus; si non hoc, at alio modo & consilio aliquo salutari; vt saltem extet vel aliquod alicuius vestigium inter Christianos concordia. & facessant inuidia, æmulationes & ciuiles inimicitia, quibus Turca magis quàm viribus confidit suis; & vna hac re, tum potentia contra nos, tum animo augetur. Magno si potiri non dabitur auro, ferro geratur res, & pro concione in barbaros populus animetur. Omnia denique, quæ pia, iusta, commoda, necessaria videbuntur, concordibus animis atque votis non modò exquirâtur, sed etiã in opus deducâtur. Quorsum enim fuerit nobis vrbes, quas tanto sumptu condimus? quorsum oppida quæ tanta arte munimus? quorsum castra, quæ tam prouidè ponimus? quorsum bombardæ, quas tã solerter præparamus? si hostis naturâ barbarus & aggressis, religione prophanus, nullo bellandi vsu & disciplina nobiscum comparandus, his demum omnibus postremò potietur? O miseros nos, si ad summa euecti ad ima recidemus: & quoniã nos non emendamus, Deum emendare se contra nos faciemus. Sed finis sit: desperasse enim salutem, fuit aliquando salutare. Maiores quidem nostros cùm toties de barbaris triumphasse audiamus; quid nos quoque eorum gestis ad hæc similiãque præstanda non accendamus? Deus Opt. Max. qui hostes nostros ad tantum fastigium

fastigiū ascendere olim permisit, quomodo nobis nunc supplicibus desit? & qui victoriæ dux & auctor habetur; cur non magis inuocantibus eum suis, quàm hostibus ab eius cultu & religione auersissimis, victoriam non largiatur?

TVRCICA X.



LST FERRE IN OMNIVM MILITVM MORE ET CON-
suetudine positum, cum diuitibus quàm cum
egentibus, cum splendidis quàm cum pannosis,
cum luxuria perditis, quàm cum continentibus
congrédi libentius; neque tam pro gloria, quàm
pro opima præda magis pugnare. Quò etiam mi-
rabimur minus, Turcas, (quos equidem non milites, sed prædones
potius dixero) non æquè in Persidem, quàm contra nos alacres, &
bonæ spei plenos libenter proficisci, cum quanta dissolutorum mo-
rum diuitiarū ostentatio in nobis sit videant, & inde victoriæ con-
tra nos suæ certa spe & cupiditate ducantur: luxus namq; & elatio
mentis extremā quod aiunt ruinam semper minatur. Quæ quanta
hodie in nobis sit, nemo non intelligit; qui tū præteriti æui parsimo-
niā, tum præsentis copiā & instrumenta voluptatum secū ipse con-
templatur. Etenim, siue apparatus & magnificentiam mensæ, siue
ornatum & copiam vestium, siue numerum & precia equorū quis
aspiciat, siue pedissequorum inutilem turbam, militum ué stipen-
dia consideret, siue omnis generis sumptus & profusionem notet;
nihil hoc nostro sæculo videbit splendidius, si splendor appellari
debet, qui egestate, & tum huius tum alterius salutis iactura ter-
minatur. Cedant huic sæculo omnia alia hac vna in re secula. Græ-
cus & Persicus luxus, nostrorum hominum luxui concedat. Non
vllam vel ipsius minimam partem, præcipui illi quondā & longæui
viri, cum quibusdam istorum, quod est in prouerbio Misorum vlti-
mis, & breui æuo gaudentibus vendicent aut sumant: qui quanto
minus & opum & ætatis habent; tanto his rebus, quæ vtrunque at-
terunt, magis notantur. Et quis non videt vini, aromatum, serici,
& id genus aliarum rerum in illis plus consumi terris, vbi non sunt,
quàm in quibus affatim affluunt & nascuntur? Quod non aliunde,
quàm ab animi oritur impotentia, & vitiosa imitatione morum
non omnium optimorum. Vix enim aliquis retrò, sed ante se respi-
cit semper: nec tam pauperum frugalitatem sortiri, quàm diuitum
sibi optat copiam: nec tam iucundum illi multos post se, quàm mo-

lestum vel paucos ante se intueri. Vnde tot luxuriæ genera enata sunt, quot mea opinione nunquam fuerunt. Nam, quod ego epulas & conuiuia vestra, quid inaurata ne dicam perlônata obsonia proferam? quid apud homines voluptatibus deditos, gulæ luxuriæq; apparitores & satellites, sine sensu sensibus corporis necem afferentes, commemorem? quid aucupes, aromatarios, Architriclinos, coquos, caupones, quid cupedarios, condos, diplomagos, fartores, castronomos, popinarios, pincernas, pocillatores, prandipetas, & parasitos numerem? quid tot atque tantos alios voluptatum administratos percenscam? Incidi equidem in tantam istorum copiam, vt vel aquilonares quædam gentes atque nationes, quæ huius luxuriæ minori semper laborârunt infamia, Italos splendore & magnificentia, Hispanos cultu corporis & elegantia, Gallos copia superasse, & maiores suos egenos ac sordidos olim fuisse, ostendisse mihi videantur. Quorum nihilominus virtus, in liberè dicenda sententia, integritas in ferendis legibus, fortitudo in tuendis finibus, religio in diuinis seruandis cultibus maximè enituit; vt in hac seu quadam laudis & gloriæ palæstra, commissi illi viri inter se certarent, non quis veste, epulo, comitatu splendidior; sed quis vir in Republica esset melior; quis præsentibus fructibus contemnendis commendatior memoriæ posteritatis sempiternæ. Quo etiam fiebat, vt comitijs domi peractis celeriter, foris verò rebus gestis fortiter, oculis omnium gentium essent propositi, non solum cum magna tua laude, verum etiam admiratione. Neque id immeritò. Quæ enim nunc sunt vincula virorum; ea vix tum quidem fuerunt oblectamenta puerorum: & quibus nunc voluptatibus capti sunt senes; illis tum non dabant manus ipsi etiam iuuenes, non tam metu quàm pudore & reuerentia sanctionum. Multum autem est, vbi licent omnia omnibus, ibi vel alicuius immoderata extare vestigium libertatis. Quæ iam tandem commutata sunt, ac vtinam tantum non perdita essent omnia. Moribus enim antiquis, stat res Romana virisque, dixit olim illius Reipub. ciuis, cui exteræ gentes seruire, quàm imperare alijs maluerunt. Quæ si olim religione illustrata, opibus aucta, legibus firmata rebus gestis clara, à summo ad ima decidit; quid nos, qui nulla re illi comparandi sumus, meliora expectemus? Equidem, quocunque infero oculos, & omnia omnium nominum Christiana regna atq; Prouincias intueor; non video, quid aut hoc tam vehemens diuitiarum studium, aut earum ostentandarum desiderium, aut omnis generis luxus, aut tam numerosus comitatus attulerit illis opis
vel

vel commendationis. Quin imò, quæ voluntate debebant abijcere, necessitate multi in ijs relinquere sunt coacti; & tantum auri argentiue ad auaritiam, amœnitatum ad delectationem, suppellectilis ad delicias epularum, ad voluptates non nisi æs alienum pluribus ac fere cunctis mollis & effœminati cuiusdam animi aspersisse maculam, & Deum Opt. Max. magnopere offendisse. Nulla enim magis re diuinum offenderis numen, quàm si ea, quæ in egentiores liberalitatis debent esse instrumenta, gulæ aut aliarum libidinum, feceris incitamenta. Haud igitur scio, si non iure optimo, Deo Opt. Max. omnis turpitudinis vindice, quidam non secus ac aliena rura taciti prætergrediuntur sua, & luxuriæ paupertas facta est pedissequa. Qui, vt eos defecerint copiarum, manet tamen insaturata libido: & vt sumptus cupiditatum suppetant, callida consilia quietis cogitationibus anteferunt. Vestra admurmuratio facit, vt agnoscere eos videamini. Ego interim, quis ille, aut qualis sit, oratione mea, non descripsero. Quo etiam minus, nisi fortè is, qui de se antè voluerit confiteri, mihi irascetur. Satis satis miserum & molestum pro se est verbum habuisse. Refricare aliorum non est instituti mei vulnera, ac multò minus calamitati, quæ omnibus metuenda est insultare. Sed tamē dicam quod sentio. Proponite vobis ante oculos vicinam Hungariam, quæ duobus malis concidit, procerum ambitione atque luxu; & nouandarum rerum in religione studio remisso quodammodo militari. Cùm enim vnus præ altero procerum ostentaret se impensius, & tandem eò esset ventum, vt ob varia dogmata eorumque discidia à sillogismis otiosis cruenta certamina spectarentur, quæ non malorum secuta est contagio? qui non crudelissimus totius regni laniatus? sic vt Possonio Cassouia vsq;, Lutheranismò vigente, inde verò in Transyluaniam Calvinismò perpetuante, ac rursus in Transyluania Arianismò & Samosatensismò grassante, ob non magnam dissimilitudinem vnus & alterius, si ita dici debet, religionis, tantùm non domini Mahometani facti ipsius etiam sunt regionis. Abysus enim abyssum inuocat: & qui Mahometanismò parum, ille ei milles magis appropinquat. Iam verò quid de Cyprio regno eiusque indigenitalibus loquar? Qui cùm aliquando ostentatione opum; & summa quadam luxuria inter se certauissent; tandem quidam eorum proceres, quos Deus Opt. Max. saluos euadere voluit, per Italiam personati visi sunt mendicantes: & qui tumore quodam animi, preciosis vnguentis delibuti, & equis spumantibus vecti, tantùm non in ipsa irruebant sacraria; hinc ad valuas templorum nudis pedibus, & annis pannisq;

obfiti ſtant gementes, omni non tam vnguento, quàm eſculento deſtituti. Quorum, per Deum immortalem, commoueant vos exempla, & alienæ calamitates veſtra ſint documenta: nec exiſtmetis his moribus & dogmatibus vos poſſe eſſe diuturnos. hoſtes enim hoſtibus ſuis extirpat Deus; non ſecus ac vepres igne colonus. Redeat ergo, ſi ſapitis, ad illa quondã maiorum veſtrorũ propria & præcipua principia. vigeat in vobis militaris induſtria: non obſoleſcant armorum tractandorũ ſtudia: & qua arte florens, ab illis propagatum accepitiſ imperium; eadem illa ſemper & vbique conſeruetis. Dolens gemenſque audio voces illas barbarorum, quibus aliquando ſollicitatos ſe fuiſſe, quidam mihi dixerunt Hungari ad epulones Germanos, per mediam Hungariam dimittendos; & quàm horribilia illa crudelitatis exempla memorantur in Polonia Tartarorũ, qui cùm alicubi in Polonia frequentẽ nobilitatẽ ſplendidiſſimẽ veſtitã, & matronarũ ac puellarũ greges auro & gemmis nitẽtes in quibuſdã nuptijs offendiſſent, detractis viris veſtibus, & cõſtrupratis in eorum oculis, matronis & virginibus, ligari omnes curaviſſe; ipſos verò ſe in illis, quæ apparata erãt, pulvinaribus & periſtromatis voluſſe. Quin adeò & ſegniciem atq; luxuriẽ noſtris exprobrãſſe, quòd cùm noſtri cubarent, illi quærenda præda diſcurrere cogerentur. Quæ cùm ita ſint, quid importuni & inſultantis vobis hoſtis animi feratiſ amplius impotentiam? quid tantam totieſque iteratam experiamini feritatem? Tartari, quorũ aliqui vix gladium aut arcum habent, vos nitentibus indutos armis vincient? vos trahent? vos mancipabunt? Illi, quibus nullum eſt æs, veſtras diripient reſ, & vagi ac inopes amœniſſimis ſedibus, & diuitijs veſtris potentur? O miſeriam, ô infelicitatem noſtram miſerandam! Quid non præſtat cunãta in communionem conferre temporum, & ſocios ijs iuare, quàm tantum auri & argenti ineptijs dare & diuitijs oſtendis ad eas diripiendas hoſtes noſtros inuitare? Vtinam vtinam falſus vates, Chriſtiani, ſim, tantis calamitatibus, quas imminere video, vobis prædicendis. Sed vereor equidem, ne ſicuti Ageſilaus, deuictis olim Perſis, corporibuſque eorum nudatis, quæ molliter & delicate viuendo alba reddiderant inſultãrat; ne idem aliquando à Turcis aut Tartaris vobis quoq; eueniat, atq; ijdẽ illi dicãt: En ſunt qui luxu perſiti, crapulaque & libidine eneruati, præ nobis cupiebant eſſe victores. Quàm multos expectatione diuitiarum factos videas pauperes & liberos ſeruos, ſplendidos ſordidatos, & quàm plurimi amiſerunt ſua, cùm ammittendorũ metu non defendiſſent aliena. Sic olim (memini namque ſimile aliquid alicubi in ſacris

cris me legisse literis) sic inquam amisit regnum Saul, cū Amaleco Israël hosti pepercisset: sic Græciq; illud florentissimum corruit imperium; dum inter se distractum communia cum Turcis habet consilia: sic seruit Seruia, sic periit postremò & Hungaria; dum Slauonum legatos pericula à Turcis in Comitijs Budensibus denunciantes ludificatur. Facile enim in alijs rebus adhibere fidem quodammodo est leuitatis, sciscitandis periculis summæ adeò grauitatis. & quis tandem in expeditionem contra Turcā profectus Dei Opt. Max. iniuriam, suam sociorumq; contumeliam, quis violatas aras, disiecta martyrum ossa, quis prophanata phana non vlciscatur? Leuiore sunt semper æstimandæ, quas foris non domi hostis inureret nobis calamitates; quæ imbellis turbæ fletu, quæ miseranda rerum facie, quæ cædibus, quæ stupris, quæ rapinis domesticis quotidie augerentur. Tum nos iuuarent verba illa, scilicet: Meliorem esse certam pacem, quàm speratam victoriam: consilio prius, quàm armis experiunda esse omnia, & alia generis eiusdem; cū iam quidem eò deueniret res, vt num, iam & quando, sed vbi & quomodo, hoc autem est in hostico & exercitu maximo cum Turca bellum gerendum sit, necessaria videatur esse deliberatio: & cogitandum, quòd non iam amplius dominandi aliqua cupiditate, sed summa adacti necessitate, toties defensio nostris, tandem etiam aliena inuasisse dicemur: & vtrum deniq; Christianis nobis seruire, an barbaris & verè religionis hostibus magis expedierit imperare. Qui cū omnium preciosissimum caput habeamus, & membra suo capiti semper respondere efficere debeamus; vel morte etiam ipsa, impurissimi Mahometis nos effugere par fuerit seruitutē. Nam quæ sit fueritq; semper Christianarū gentium & nationum dignitas, quæ rerum gestarum gloria, quæ opum & imperij amplitudo, paulisper nobiscum reuoluamus animo. Sic demū in libera Repub. & religione natis, quàm futura esset oppressio grauis, & qui ad imperandū in hanc lucem editus, libertatiq; imbutus & assuefactus, quàm miserè & indignè à barbaris videatur mancipandus facilius, cognoscemus.

TVRCICA. XI.



VID ENIMVERO BARBARI HAC TANTA ARMabit vos audacia? quousq; abutemini Christianorū patientia? Confidentiam vestram ratione, furorem fortitudine, temeritatem consilio, manum manu, vim vi ipsorū dubitabitis superari? Ne haud intelligitis

intelligitis; quantum adhuc Christianarum superest virium, quantum potentia, quantum regnorum? Est antè alia regna Italia, quàm quidam sub vnus imperium difficilius redigi, quam totum terrarum orbem ab eo existimant posse perueniri. Est imperij domicilium Germania, quæ non modò sibi & suis verumetiam gentibus nationibusq; exteris tantum militis subministrat. Est tot regnis & provincijs aucta Hispania, quæ fortitudinis suorum militaris hoc sæculo plura exempla vidit, quàm Turcia multò pluribus declarauit. Est Gallia, quæ olim Romam & multis post sæculis Aliam vexauit, & de suo nomine Gallogræciam nuncupauit. Est Anglia, quæ Gallia inuita, regi olim suo Lutecia diadema imposuit, & hinc sibi Franciæ & Angliæ titulum sumpsit. Est Polonia Slauonia & Boëmia consanguinea, quæ olim Alexandri Magni magnum virtutis suæ testimonium retulit, & tanto tamque præstantium bellatorum numero & robore perpetuò abundauit. Est Suecia atq; Dania, quarum hæc rebus terra mariq; gestis minimè est ignobilis vel obscura: illa Gottos genuit, quorum olim arma vel ipsa experta est Roma, & quibus deniq; cecidit non vna aut altera gens bellicosa. Est enim præcipuū quid virtute præstare propria, sed nec contemnendum, maiorum suorum gesta atq; merita habere illustria. Quorum quidem regnorum omnium, quanquam summa sit semperq; fuerit laus, non temere tamen vnum illud Polonicum, à barbaris nationibus Christianæ Reipub. propugnaculum, perpetuò est habitum & appellatum. Cùm enim Poloniæ Regnum, versus Aquilonem, ab hac vna Balthici maris parte, regnorum sit extremum, sicuti ab illa Noruegiæ est alterum, vix aliquod aliud plures sortitum est hostes, partim Christiano partim Romano infestos nomini, ad ciuium suorum sanguine oras illius respergendas. Rarius enim sine periculo, armorum ludicra prælia, & multò minus sine sanguine accidunt seria. Itaque vt à Boleslao Chobri, primo Poloniæ ordiar rege, quem Slauorum, Gottorum, & Polonorum regem fuisse, & ab Ottone Cæsare capite eius demptum diadema accepisse, antiquissimum Posnaniæ politū testatur Epitaphium. Quid? cùm Roxolani Polonos armis lacecserant? an non eodem illo Chobri belli duce regnū suum vsq; ad Boristhenem non protenderunt? Quæ sanè Russia est eiusmodi, vt vel quibusdam alijs Europæ regnis possit conferri. Multa enim multis decora & præsidia sunt regnis; sed vnū illud maximum nobilitatis militaris. Quid? an eosdem illos Polonos, multis acceptis à Germanis cladibus, non Odera, sed Albi fluuio suam Poloniam terminasse, velis nolis fateare; cùm vrbium maritimarum plurium

nomina

nomina peruestigabis, & Slauonicam linguam passim & ubiq; redolere tecum ipse recognosces, vt priuilegia quibusdam vrbibus eadem lingua data non commemorem, quam in tanta veneratione fuisse constat; vt Carolus IIII. Romanorū imperator, & magnus fautor Boëmorū, quibus Electores imperij fœudatarios fecit regni, aurea sua, quæ vulgò dicitur Bulla, omnes Romanorum Cæsares, Latinam, Slauonicam & Germanicam linguam, callere debere voluerit; ex qua nimirum, præcipuè Germaniæ vrbes, suam vt dixi sortitæ sunt appellationē. Magnū certè est aliquid Romanorū Cæsare Slauonicā Linguā tantoperè æstimasse. Nam Lubeca, quæ caput Anseaticarum vrbiū dicitur à forma & suo quodammodo nomini situ congruenti Lubek, quod Slauonibus & Polonis corbulum sonat, proculdubiò appellatur. Brema verò, siue à Brzemie veluti quodam Polonicè dicto onere, quod ibi suas milites deponebant prædas, vel à præterfluentibus nuncupata est fluminibus, quibus superatis, instar cuiusdam portæ illa vrbs videbatur. Quid verò Rostok? an non planè decursum aut discursum fluuiorum Polonicè significat? quæ circa illud oppidum à longè deriuata tandem in mare se exonerant non pauca, & illud nomen à re & situs natura ipsa sicuti & Szczecinum à Szczecina, quod Poloni seta dicunt, omnia illa oppida olim aliquando sunt sortita, & postremò etiam Germanica rura ruribus alijs, in quibus Vendica aut Slauonica lingua agrestes eius oræ loquuntur intermixta, idem testificantur. Quæ, si quis fortè negauerit, aut sanè contrarium euidenter doceat, aut in aliorum eat sententiam, aut neutrum denique faciat non sine tamē graui reprehensione leuitatis. Prudentius certè fit alijs probabilia afferentibus credidisse, quàm ad explorandum verum temerè longius proficisci. Age, progrediamur. Quis enim nescit & in regionibus illis, in quibus Rhenus in tria diuiditur infra Cliuiam flumina, & tandem etiā triplici gurgite in mare influit Hollandicū, multa loca à Lecho fuisse condita, quem gentis Polonicæ constat fuisse auctorem. Quid? an & vltra Rhenum duobus nostris Neuesio milliaribus non est exedificatum castrum, quod dicitur Cracouia, quod ab eodem illo, quo & Metropolis Poloniæ ædificatum est opinio? Quanquam etiam nonnulli a quodam nobili Germano, qui à Casimiro magno Poloniæ rege magnis beneficijs affectus fuerat, grati erga illum regem animi sui testificandi ergò idem conditū autument. Sed hanc opinionem cum alia eleuant multa, tum & aliud quoddam non procul inde, tribus tantum à Colonia milliaribus extructum castrū Lechnik appellatum, ab eodem illo cuius suprà memini, Lecho

S

postea,

posteaquàm tot laboribus functus, Sarmatica arma de quercu suspenderat, quod priscis illis bellatoribus ferunt fuisse vsitatum. Quorum sanè nominum & appellationum omnium, vt obscura alicui videatur ratio atq; oratio, Slauonicæ certè gentis, ex qua Polonica ortum habet, summam rerum gestarum semper fuisse quis dubitauerit claritatem? Quam cùm semper bellicosam habitam, orator & imperator Romanorū ipse vel alicubi meminerit Cicero; quid despicere possint aut debeant barbari, qui, tantum abest, Europæ nobis obstruere lucem, lucum vt Asiæ quærere potius debuissent? Iam enim quanta semper militaris ipsorum fuerit fortitudo, vel inde etiam constiterit, quod firmato his in locis pede, Prusiæ & Liuoniæ latrocinij coacti, Balthico mari suum imperiū definierunt: & illo mari traiecto, regna in Aquilone condiderunt, & Vissimurum quendam, à quo & Vismaria dicta, gloriosissimum ducem habuerunt. Rari certè sunt, qui de exteris gentibus victoriam aliquando retulerint; qui verò & victoria parta, vrbes simul & regna condiderint, sunt rarissimi. Quod vtique Polonis & Boëmis consanguineis contigisse perspicuum est: quorum illi, vt dixi, in Aquilone regna crexerunt. Boëmi Boiaris seu Bauaris eiectis, Boiariæ nomen in Boëmiæ mutari fecerunt, & vix à mille hominibus, qui in Boëmiam ingressi sunt, tantum in media Germania imperium constituerunt. Quid? an vt eiusdem Polonicæ gentis fortiter rebus gestis insistamus, Hungaria etiam ipsa, prius pacata Polonis extitit, quàm insanas illas Carpati montis moles irruentibus Hungaris obiecissent. Quibus rursus in occasionibus, quāto adiumento fuerint, & quantum calamitatum pro illis tulerint, si percensere velim, dies me deficeret. Nam quid ego vetustioribus exemplis relictis, Vladislaum Regem Poloniæ ad Varnam cadentem, & ex quinque Polonorum millibus, tantum quinque cladis nuncios in Poloniam reuertentes commemorem? Quo loci omnia veterum priuilegiorū Polonici regni, & eius indigenitalium monumenta, quæ incautus ille iuuenis Rex, secum auexerat perierunt. Quid porrò Ludouicus, Hungariæ & Boëmiæ Rex, sanguis Polonicus, qui ante tempus natus, ante tempus inauguratus, & ante tempus in sesqui palmis aquæ lutulento gurgite est suffocatus, vlliusné gentis quam Polonicæ in prælio Mohacensi constantiorem expertus est voluntatem? Cùm enim fuga à prælio saluus, & nihilominus ob non obscuram quorundam in illum prodicionis suspicionem, desideratus fuisset, Polonicusq; peditatus totus in acie fortiter cecidisset; nobilissimi iuuenes duo, Pilecius & Maciciouius captiui facti, & in discrimen capitis

capitis adducti, haud scio an soli sunt inuenti, qui suum suique Regis illum casum, præ cæteris animosè ferrent, & à Solymano capitis damnati, ad locumque supplicij ducti, regalis Prophetæ versus inuicem decantarent. Quorum constantem & excelsum quendam animum Tyrannus admiratus, in pristinam posuit eos libertatem. Nunquam enim aculeos, quàm in Tyranni mente, figit constantia acriores. Quid verò Poloni sua illa ad Soczauam in Polonia clade? quid aduersa pugna Socaliensis? quid Seretiñ. quid tot tantisque alijs? parùmne cōtra barbaros testati sunt, vī excelsi animi & roboris sui? sic vt vnos illos in Polonia Strussos (pace aliarum tantarum familiarum præclarissimè de patria meritum dicam) à quarta aut quinta iam progenie, non nisi in patentibus contra Tartaros campis in acie cecidisse constiterit. Qua vna re videbantur sibi maiorum suorum æmulari virtutem & adire hæreditatem. Nullo enim in strato supremam suam diem videt bellator libentius, quàm in illo campi & planicie inter armorum & tubarum sonum plenum gestientis gaudij & militaris dignitatis. Quo etiam minus mirandum est, Polonos non multum extruendis incubuisse semper urbibus, aut tales quæsiuisse muros; vt vel Rex ipsorum, externorum militum præfidijs fretus, suo aliquo impotenti vteretur in eos imperio; aut vel ipsi urbibus magis, quàm virtuti suæ tandem fiderent. Emollit namque animos magna aliqua concepta spes in munitionibus: & haud scio, si vel nonnumquam ad victoriam non fuerit gradus, exitus eius desperatus Quocirca, & Jagellonem illum primum, Melstinio cuidam ferunt dixisse, missas quas erigere cœperat munitiones vt faceret, & se illi vicem munitionis, quoties opus esset, præstiturum omnino sibi persuaderet. Quod siue amouendis confidentia sui tumultuum in subiectis occasionibus dixerit, siue verò veterem morem consuetudinemque patriæ respexerit, incertum est. At vnum illud certissimum, quod tuenda libertate patriæ Polonicæ nobilitatis pectoribus, quàm multarum aliarum gentium munitionibus, plus olim tribuebatur. Cui cur etiamnum barbarus insultet hostis, non video. Quæ vt ego existimo caderet in acie multò libentius, quàm ad perpetuum nominis sui dedecus manus hosti daret, & videns ac volens ipsius potestati vtrò se manciparet. Præstat enim amisso spiritu vel virtutis laude viuere, quàm turpiter seruiendo millies emori quotidie. Quæ namque barbaris cum Christianis est communitas? quid Turcis foedius? quid Tartaris immanius? quid tota illa Mahomatanorum multitudo est intollerabilius? Ferunt olim Gottom, cum caput orbis terræ & domicilium imperij occupassent Romam, præ lætitiâ

exultasse, & Romanos suam fleuisse calamitatem adeò; vt Gotti eorum quoque miserti fleuerint, & ipsi deplorandam conditionem humani generis, & tanti conuersionem imperij secum ipsi contemplant. Quod & de Scipione excisa Carthagine proditum est memoriz. Sæpe namque lætæ diei initium generat tristem exitum: & dum alium defleueris, te ipsum quoq; memineras esse deflendum. Iam verò cogitemus, quid Turcæ aut Tartari nobiscum facerent, omni sensu humanitatis orbat, & tanta immanitate erga nos effecti. Seruierunt olim varij varijs, sed nemo vnquã miserabilius seruiret quã Turcæ Christianis. Quibus non dominis, sed tyrannis, non victorib', sed prædonibus nostris effectis; non vestitus, non suppellex, non coniuges, non liberi essent tui: quandoquidẽ barbari vitæ & necis domini simul facti, non prece non pretio flectuntur; sed usufruario vtuntur, rebus omnibus nutu & arbitrato suo gubernandis. Templâ imprimis sacra, suo impurissimo dedicant Mahometi; pœna capitis præscribunt ipsius cultum: è sinu liberos abripiunt matrû: & nescio quid non Christianis iniuriarum contumeliarumq; faciunt, antequam circumcidantur. Circumcisos verò circumducunt miseris, vt Syris, vt Iudæis, vt Mauris & Saracenis, vt postremò omnibus sint risui & contemptui; quem morte etiam ipsa, non nemo experitur grauiorem: & cuius causa ne viuere quidem homines velint, aut nati non inuiti mox morerentur, si has, quæ eos in vita manent miseras, non ignorarent. Felix quippè supremus est dies, per quem tot infelicibus finis affertur. Quare, quid tandem nos non commoueat? quid non inflammet? & quid denique omnibus desit hoc tam infido & importuno hoste debellando? An enim vna illa, quæ victorias, quæ falces, quæ nunquam arescentibus folijs laureas desideretur in nobis concordia? qua etiam ij, qui à rogo nihil superesse hominis putauerunt, difficillimis rebus & temporibus contra hostes nitebantur. An pecunia? qua aut nulla aut parua accepta suum olim Alexandrum Græci comitati sunt; & Germani in Gallias in Belgium, & huc atque illuc in expeditionem sæpè ierunt: & Poloni contra Regem Matthiam Hungariæ, sub Casimiro suo Rege, aliquando militârunt. Enimuerò bonè eques, tu te dixeris equitem, si, qui pro te excubet, tu conduxeris militem, & pecunia danda in bellatorem potius, quàm ipse id oneris sustineas, tuum expiles aratorem: Egregiè scilicet. Quasi verò nesciamus, iucundum quidem esse cubare diu in lectulo, consulere domestico otio, nihil semel coaceruato demere ærario. Sed nimirum etiam videndum, quàm hæc tandem omnia futura sunt diuturna, & quàm denique multi,

multi, ut vel priuatam inultam non relinquerent iniuriam, vllis nec sumptibus, nec vigilijs, nec postremò parcunt laboribus: turmatim proficiscuntur, in vnum comitatum infelicem, vel nonnumquam plures & innocui coguntur, opes & facultates inutiliter profunduntur. Ad hanc verò pestem, ad hæc tam putida & foetentia in Europa membra, à reliqua communione Europei abscindenda corporis, nihil agamus, nihil sumptuū faciamus, labores & difficultates aliquas ægre experiamur? & quorsum tandem Christianam recidet gloria? quorsum libertas? quorsum Reipub. totius regnorumq; omnium amplitudo? Nimirum, cui Turca præ cæteris inhiat, ex sacrario religionis, ex orbis terræ oraculo, ex magistra veritatis, ex virtutum armamentario Roma, claustrum impietatis, receptaculum errorū, asyllum scelerum efficietur? Germania, quæ vnà cum bellica laude, literarum coniunxit gloriam, à Latinis & Græcis ad se translata imperij ammittet maiestatem? Gallia, quæ regnorum omnium habetur antiquissima, & oleo sacro, quo eius inunguntur Reges cœlitus demisso lætatur, barbaricam seruiet seruitutem? & Polonia denique ipsa, à tam decantata sua libertate, à tot tantisque opibus, à tanto splendore & magnificentia, durum illud telū perferet egestatis? Absit hoc à Christianis omen, sed absit & dissensio. Qui enim pessimis imitandis rebus, nolunt alijs esse cautiore; quid sibi frustra pollicentur futuros se fortunatiores? Ac Polonici quidem equites, cum non tam ciues quàm reges, non tam subiecti, quàm præcella quadam libertate ad alijs imperandum erecti sint semperque fuerint; quid se nunc abstant otio? quid suo non satisfaciunt officio? quid negligant hostem? quid deserant stationem? quid non suum sequantur, quò ierit, regem, aut exercituū Imperatorem? quid denique arma, quid gladios suos conuertant in vomeres, in galeas gallinas ponant ouis incubantes? Fateor non omnium optime semper bella cum Turcis celsisse: multos regna, nonnullos capita contra eos amisisse. Est Sigismundi Cæsaris ad Nicopolim, & columbarium exercitus à Turcis strages imprimis memorabilis: est ad Varnam Vladislai Regis cædes: est Ludouici ad Mohaczum, est & aliorum. Sed magnorum Principum semper est habitum meliora sperare: quæ verò accidissent, fortiter ferre, & potius in acie occumbere, quàm turpitudinem aliquam, aut pati seruitutem. Nos verò non tam de eorum disceptauerimus factis, quàm commiseribimur semper animo: qui proculdubio creuisset nunquam; nisi vilitas hostis hoc meridiano sole apparuisset clarior, & hostis superatu facilior, quàm impar Christianorum numerus eis oppositus

tum demonstrabat. Magis enim Turcarum lassata, quàm sacrata in Christianos virtus semper quieuit. Quò adeò & nunc etiam minus hanc tantoperè imbellem metuamus Asiam: quæ, si alicubi aliquando potita est victoria; id non tam eius virtuti, quàm numero & potentia est ascribendum, cùm eius potissimas gentes Scythicam & Moschouiticā etiam facili negotio superari posse, vel tantū Poloni & Lituani toties docuerint. Quorum Regem, non vrbium aut mœnium, sed nobilium præstantiumq; bellatorum regem, quid istud insidiosum amplius constrictum teneat fœdus? quid remoretur pactio? quid, quæ in Turcis nulla est, iurisiurandi religio? Enimverò ignoramus, non verbis sed rebus, non falsitate sed veritate, fœderum iura pactionesq; contineri: & si illos fœderatos, quos in eodem fœdere continet fides, non immeritò arbitrè, quæ demum ab vna aliqua earum parte violata fuerit, citra omnem dubitationem fœdus illud prorsus dirumpit. Nemo enim eò tenetur, quò alter vtrò non patitur se contineri. Quis autem Polonos Turcæ fœderatos dicat vel sentiat? cùm ab ijs vndiquaque peti & violari eos videat? cùm Valachia ijs adempta, socia Hungaria direpta, Poccutio vastato, & hoc (si Deo placet) fœdere violato, nihil aliud quàm ferrum & flammam vniuersæ Sarmatiæ aspiciat intentari? An verò priuatarum rerum, si ab vtraq; parte peræquè obseruata non sint, rata & firmæ pactiones fuerint? Minime gentium. Quid igitur in hac etiam tanta re, quanta nititur totius Reipub. salus, etiam obseruentur? Amentes & insanos nos, si hoc falsæ religionis vinculo, veluti quodam Turcico incluso ergastulo, conditionē suscipiemus durissimæ seruitutis: & dum iste in figura hominis immanissima quædam bellua Germanos conficit, dum reliquias Hungariæ exurit, dum arces eius capit, dum vt olim per Germaniam in Poloniam, sic nunc demum per Poloniam in reliquam cogitat Europam proficisci; nos eo vtamur animo, non hoste fœderato, non iuris humani prædonæ socio, & non capitalissimo, vt leuissimo verbo vtar, aduersario, cui quid collibuit licet, quod licet audet, quod audet facit, quod facit, vult sibi licere semper impune? O miseros & miserabiles nos: siquidem nō alio perire possumus & volumus modo, quàm ab hac tam aggreffi barbaria, puerilibus rebus & spe pacis lactati planè inani. Te ego appello, Sigismunde Rex Poloniæ, te inquam, quem Deus Opt. Max. ad magna esse natum, & in hoc regali fastigio collocatum, multis nec obscuris argumentis declaruit, oro & obtestor; vt regum Poloniæ, maiorum tuorū, in primis autem Sigismundi Primi materni tui aui, & Asiæ domitoris, virtutis

& fortitu-

& fortitudini; & tuæ ipsius felicitatis memor, te erigas, te tuæque arma in hostem expeditas, te tibi que subiectos populos ab immanissimis hostibus tueare. Cernit Turca affinitatem cum regibus Austriacis tuam: & dum illos teque ipsum metuit, dum conscientia rapti alieni iuris rebus suis diffidit, dum Valachia & Transylvania à se discedenti insidias struit; præuenire te, quam præueniri abs te potius iudicabit. Abuti opinor secundis rebus non cupiet, ut cum Italia potius, quam cum Germania aut Polonia bellum gerat: & denique, ut vallatas vrbes, quam Polonos campestres, potius aggrediatur. Meminit proavi sui à Vienna fugam, ad Segethum mortem, ad Agriam magnam Turcarum stragem, in campis Transylvanicis vulgò dictis Panis, Stephano Battori Duce olim, internatione. Totam postremo Hungariam, quasi fatalem quandam totius Asiae sepulturam recordatur. Alios igitur iam vicissim petet, & per Valachiam in Transylvaniam, per hanc in Poloniam iter facere concupiscet, Tartaros prodromos suos ei immittet, vi, ferro, flamma, populabundus discurret, & toti Christiano populo ceruicem dari vnam, ut eò amputet ipsam facilius, haud dubie peroptabit. Cui tu, in hac quasi excubia pro reliqua Europa à barbaris gentibus & nationibus positus, otius occurrito, & non domi sed foris armatus, non togatus eum expectato. Præsertim cum Italos, Germanos, Hungaros, & Boëmos iam in Hungariam confluere, & tecum bona ut par est agere fide intelligas, cum omnia omnium vicinorum tuorum vexilla contra Turcam videas, & denique cum vicini parietis ruinam tuam esse, & in celeritate ac concordia cuncta posita intueare; ut subiecti imperio, socij exemplo, hostes metu omnes admiratione tui passim & ubique commoveantur. Aderit tibi Deus Opt. Max. & illa deipara Virgo, quæ Sigismundo primo tuo auo apparuit Borissouia, cum versus Moscouiam Vilna egressus ad illam memorabilem de Moscis victoriam apud Orscham partam aliquando properaret, tuas preces ad vnigenam suam deferret filium, pro te tuisque opem & auxilium ipsius implorabit. Nondum factum extremum Reipub. venit: magnos & potentes vel antea hostes & difficultates hoc regnum habuit; & tamē Dei Opt. Max. beneficio omnes superauit. Libet respicere spatia præteritorum temporum, & illius hostium recordari omnium, quando ab vna parte Lituanui Liuones & Pruteni, ex altera parte Germani, Slesij & Morauui, ex tertia Hungari, Valachi, & Tartari paulò antè Vladislai Iagellonis mortem in Polonia interitum conspirarant. Dedit tum Senatus Polonici Princeps Zbigneus Cardinalis, vnum quidem callidum

dum desperatum, alterum consilium suis, & hoc videlicet tale, totius regni, ut viribus in medium eius collectis, hosti, qui primus in illud irruisset, acerrimè resisteretur: sic enim bene succedente re, aliorum conatus desperatione frangere; sinsecus utique pluribus resistere hostibus non viderentur. Alterum erat salutare, sed paulò incertū consiliū, ut splendida aliqua legatione, ad Suidrigellonem Ducem Lituaniæ missa, de pace cum eo tractaretur: & aut hic vnus à societate belli illi animo alienior ab alijs fieret; aut si id succedere non posset, Catholici Lituani, qui suapte, quod Græci ritus erat, ab eo abhorrebant ad defectionem sollicitarentur. Qui cum non inviti id fecissent, Suidrigellone dominatu excidente, tranquillus Poloniæ status est restitutus. Periculosè namque armis vel nonnunquā, gloriosè consilio semper bella geruntur. Quo magis ne nunc quidem despondendus est animus, & diuinum illud tutelare numē & nomen perpetuò implorandum. Est ius veteri prouerbio in armis, & sua semper ratio in bello æquitatis. Memoratu est dignissimū, quòd aliquando eundem illū Sigismundum Poloniæ Regem de Romani imperij erga se hostilitate certiorum factum, in postremis, quæ Petricouiæ celebrauit Comitijs, forti & intrepido animo ferunt dixisse, & quasi quandam cigneam vocem suæ in Deum fiduciæ testem paulo antè mortem edidisse. Erat tum Stanislaus Lascus Palatinus Siradiensis, magni nominis Senator, Sigismundi Regis legatus, apud Carolum V. Cæsarem, in Comitijs Augustæ, qui per dispositos ad celeritatem equos regem illum suum, quid, Magistro Theutonici ordinis auctore, in ordinū imperij concilio contra eum conclusum fuerat, reddidit certiorē. Ibi cum Senatores dicere iussi, pro se quisque suam aperuisset regi sententiam, Petrus Kmita, Palatinus Cracouiensis, idemq; regni Marsalcus primarius, assurgēdo ut fit veneratus regem, quid sibi tandem videretur, reuerenter ipsum quoque compellauit. Ferunt tum illum tacuisse solitò diutius, & demum non modò à Marsalco sed ab alijs quoque Senatoribus bis teruē hoc nomine rogatum, hæc similiaue protulisse verba, magna cum præsentis animi & sententiarum grauitate: Non sumus, inquit, nescij, quàm longè ea disparem apud Cæsarem & ordines imperij gratiā meruerimus, de qua iam nobis semel & iterum nuncij & literę ex Germania afferuntur: & possemus quidem nonnulla nostra erga eos officia hoc loco non meritò percensere; sed absit, quæ speciem exprobrationis habet, talis à nobis commemoratio; cum is qui accipit, non is qui contulit beneficia debeat meminisse. Viderint illi interim, nbe in nobis referant gratiam, & vtrum expedierit rebus

rit rebus hæc & similia, contra nos nostraq; machinari. Satis imò plusquam satis Christiana laborat Respub. nec pauca restant, quæ Christianorum essent sub feris & barbaris nationibus vindicanda; tantum abest, ut de ijs, quæ inter Christianos acta & transacta sunt, noui denuò motus & controuersia præter fas & æquum excitentur. Nos Deo Opt. Max. iustitiæque nostræ fidimus, & quod iuris ac possessionis nostræ est, constanter ad extremum usq; spiritum tuebimur & defendemus. Conuersus verò ad Tarnouios, belli Ducem vnum, Quæstorem regni alterum, Bello, inquit necessaria præparate. Peruolauit eius rei fama non multò post Augustam. Tunc verò Carolus V. Cæsar, ut erat sapientissimus & æquissimus Princeps, & Sigismundum Regem appellabat patrem, virum Deum esse, nec temere irritandum, neq; illius contra eum expeditionis se futurum Ducem aperte est testificatus. Numen enim diuinum, alicui adesse existimatum, multum & vulgò terroris, & in potentioribus habet auctoritatis. Quare, quid & tu Sigismunde Rex, qui inde ab ineunte ætate Catholica religione imbutus, & magna diuinitus felicitate semper es auctus, contra barbaros tibi infestos non eundem geras animum? quid non præstes, quod maximum potes, Reipub. beneficium? quid ad tot tantaque alia, quibus nomen tuum illustrasti, hunc quoq; gloriæ non adiicias cumulum; ut in immanissimos hostes & iuris Christianorum prædones domo cum socijs egrediare? Nondum, ut dixi, extremum venit Reipub. fatum: nondum nostrorum videmus concidisse animum, nondum extinctum militare vitæ genus & institutum. Adsunt aderuntq; tibi, adolescentum studia, senum consilia, & maiora in virorum fortium pectoribus, quam in urbium mœnibus præsidia: Nos tantum ipsi non desumus nobis. & si tandem pro patria moriendum est, moriamur intrepidi & alacres; ut hoc breuè, quod deferemus æuum, cumuletur gaudio & gloria sempiterna. Qui pro Christi Opt. Max. nomine, & pro patriæ cadit salute, fortitudinis laude hinc in terris viuit, & pro mortali conditione vitæ immortalitatem in cælo semper fortitur.

TVRCICA XII.



VM PRO RE ET OCCASIONE VTRAMQUE partem exempla nos permoueant, non præmittam equidem lubens; ut & Christianarum de Turcis victoriarum exempla, & quidquid eius rei vetustatisque est, à nobis requiratis. Quibus tantum abest, ut

T

incredibile

incredibile, ut adeò etiam, Deo Opt. Max. duce, futurum sit facile, barbaros à nostris vinci posse ostendisse. Nam antequam ad hunc tantum opum, & potentiae cumulum Turcae peruenissent, quam semper, & ubique & ab omnibus contempti, quam tota, cui tot annis dominati sunt Hispania eieci, quam vtrique in Sicilia frequenter caesi, quam in Graecia, antequam eius capite potiti fuerant Byzantio, profligati saepenumero fuerant; quis non perspiciat, qui modò aliqua vel mediocri praeteritarum rerum, & historiarum lectione cognitioneque delectatur? Nescire enim, quid ante te soliste viderit, est semi infantem semper agere, & ea, quae antiquitas habuit, frustra ut tu cernas expectare. Annus ab hinc plus minus quingentesimus numeratur, quo varijs auctoribus, tumultuariè passim collecto milite, nullo seruato ordine, nullo fere certo praeeunte Duce, nullo Castrensis disciplinae adhibito more, diuersis itineribus in Asiam est itum, & vix vno anno integro cum Mahometanis bellum gestum, ut Iudaea cuncta, & magna Syriae pars in nostrorum veniret potestatem. Progressu verò temporis eorundem Christianorum glisciente inter se odio atque discidio, ex iisdem illis Mahometanis nati sunt quidam, qui Turcae dicti, & praeter alios domi militiaeque excellentiores habiti, in Europam traiecerunt; ubi firmato paulisper pede, irritum quidem initio conatu, Constantinopolim oppugnauerunt, sed non nisi Andrinopoli prius capta, multò tandem postea eam ceperunt. Multum enim refert, quibus cum bella gesseris, quae cum ignavis suscepta, torpore vtrinque iniecto inglorius mori. Iam enim primo illo oppugnationis Constantinopolitanae tempore, claudus quidam & ignobilis Nohaiensium Tartarorum Dux, Temirlanes appellatus, Baiazetum Turcam ab oppugnatione facile reuocauit: & acie victum cepit, & tota Asia aureis catenis victum circumduxit. Quo loco & tempore, cum imbellibus (ut ita dicam) Graecis pugnando, quam & ipsi quidem Turcae imbelles & contemptibiles semper fuerint, res ipsa testatur. Vix enim aliquis bellatorum fortium, fortem & illustrem caueam includit bellatorem; & rerum humanarum inconstantiae memor, magis misericordia, quam animi impotentia in debellatos permouetur. Quid, quòd & ipsam adeò Constantinopolim ne secundario quidem Turcae cepissent, nisi ipsimet Christiani eos iuuissent? Cum enim ab ipsis met Graecis in Traciam euocati fuissent, & ad Varnam Amuratem properantem suis nauigijs Genuenses transportassent; effectum est tandem, ut in Christianos animosiores facti, vnius mensis spatio, Constantinopolim expugnauerint. Qua in re, Ligur quiddam, Ioannes Longus appellatus, ad quem summa totius defensionis de-

lata

lata fuerat, nec muneri, neq; expectationi suæ satis respondit, sic ut in occulta factorum vel potius fatuorum fuerit lege seruire Græciæ, & sicut ob ingratum animum sanctorum corporibus; sic & ob Romanæ Ecclesiæ non seruata[m] fidem iure destitui libertatis. Primum enim priuamur tutelaribus patronis, mox & ipsi conditione pares efficimur seruis, offenso numine nefario religionis despiciat[u]. Atque utinam quidem & Aquiloni ingrato sua Catholica non auolet in Indias religio, & sui desiderium relinquat serum, sed seriū aliquando. Quæ enim mortalibus incredibilia, ea etiam factu facilia futura sunt diuinitati. Certum verò (ad rem ut redeam) esto, tam militiæ rudes & imbelles Turcas olim fuisse, non modò ut pari sed nec multò maiori exercitu cum Christianis congredi voluerint. Terrent enim, vel umbræ ipsæ victos, sæpè victorum. Quin adeò antè Sigismundum Cæsarem, qui pariter pugnis & connubijs ineundis habebatur infelicissimus, haud scio, si Christianorum Principū vel aliquis de se relata illustrauit Turcas victoria. Quam & ipsam non tam barbarorum virtus, quàm quarundam gentium, in Sigismundi Cæsaris exercitu peperit inter se æmulatio, cum inspectante & animos assumente hoste, certare inter se verbis, & quasi triumphum ante victoriam, (quod aiunt) canere non dubitauissent. Est enim vel in gynecæo puellarum aliquando molestum, in concilio Regum periculosum, in acie exercitus funestum in suis semper certamen. Sed & hanc quidem vnam aut alteram Sigismundi à Turcis cladem acceptam posteriores Christiani duces egregiè compensarunt. Ac ne longè abeam, statim post ipsius mortem Albertus Cæsar Austriacus, & Huniades Coruinus, regis Matthiæ pater, quoties & quàm præclarè de Turcis triumphauit? Quid Matthias Hungariæ Rex? An annorum suorum in regnando numerum præstantibus de Turcis non æquauit victorijs? quas tot tantopereque cumulas habuit; ut vno eodemque tempore, Fredericum Christianorum, & Mahometem Turcarum domuerit Cæsares, & Budam olim suam, non secus ac belli quandam officinam & literarum armamentarium, & nobilissimorum militum ex Hungaria, Polonia, Boëmia, & Morauia effecerit receptaculum, in quam ex gentibus nationibusque varijs, variarum linguarum & artium cognitione, ad præcellentem Regem, fortissimus & ingeniosissimus quisque accurrebat. Fama enim regiæ virtutis & spe liberalitatis non secus ac Themistocles Mytiadis trophæis, pro se quisque excitatur. Quid porro de Scanderbegio, terrore Asiæ, & Turcarū perpetuo hoste ac domitore loquar? Qui cum Ioannes Castriotus fuisset antea

dictus, ob virtutis, & militiæ præstantiâ, Turcica lingua, seu quidâ al-
 ter Macedo Alexander, aut dux exercitus eximius bello cû ijs viginti
 annorum gesto fuerat appellatus. Qui quidem Scanderbegius, vt
 nulla vel minima parte Ottomanicæ potentia par fuisset, ea nihilo-
 minus rara felicitate, & incredibili celeritate cōtra eos gessit, gestis
 vt suis aliquorum fidem excessisse videatur. Aegrè enim credimus,
 quæ nos æquare posse desperamus. Itaque non modo dum in viuis
 fuerant, sed etiâ duobus illis præstantissimis bellatoribus, Hunnia-
 de & Scanderbegio mortuis, tanta nominis fama, & rerum contra
 Turcas gestarum celebritas mansit; vt Buda capta, Alba vel impri-
 mis Iulia, inter alias Hungariæ munitiones, potiri Turcæ optaue-
 rint. Quo loci Hunniadis corpus conditum, & tot tantæq; de Tur-
 cis victoriæ in sepulchro eius incisæ conspiciuntur. Cùm eodē mo-
 do quo & Croiæ Scanderbegij eruere ipsius ossa, & inter se partiri
 voluissent. Habent enim hostes vel cor Christianorum, qui diuino
 numine recti & testi, memorabilia contra eos gesserant animo in
 suo tacitam venerationem. Vnde & illud de Scanderbegio fama
 fertur, quòd cùm à Pio II. Pont. Max. bellum contra Turcas gestu-
 ro, toti administrationi belli præfectus fuisset, Mahometem Tur-
 cam ad eum misisse, vt acinacem eum, quo in prælijs utebatur, non
 grauatim ei mittere voluisset: cui Scanderbegius simul cum acina-
 ce & brachiū suum, si alicui vsui esse deberet, mittere eum respon-
 dit oportere. Eadem enim arma diuersorum inter se manibus tra-
 ctata pro re & occasione, secus respondent. Quæ vel vna illa res ar-
 gumento fuerit, quantam admirationem virtus Scanderbegij in
 hostibus ipsis excitauerat, qui non minus ob fortitudinem vin-
 centem timuisse, quàm ob mansuetudinem victorem dilexisse di-
 cuntur. Nolo commemorare Principem Valachiaë Stephanum,
 qui vno eodemque anno Matthiam Hungariaë, Cazimirumq; Polo-
 niæ regem, acie vicerat, & quod admirabilius videbatur, Mahometis
 Turcici Cæsaris parua suorū manu, vltra centena Turcarū millia, eo-
 dem anno profligauerat. Cùm enim sciamus, quis hostis Valachus
 sit, & quàm nobilem olim victoriam, Ioanni Comiti Tarnouio Po-
 lonorum exercitus, qui quinta parte minor, quàm hostilis fuerat,
 Duci de se concesserit, dubitabis, si quæ interim Turcarum contra
 nostros felices pugna; alicubi fuerint, non virtuti sed fraudibus &
 multitudini ipsorum id tribui oportere? Quid enim? An cùm ali-
 quod regnum siue prouinciam occupare voluerunt, non sæpius
 dolo, quàm aperto Marte eam aggressi sunt, & nullis non artibus
 indigenitalium animos prius tentarunt? Testis eius rei est Græcia,
 testis

testis Hungaria, quarum illa suorū Palæologorum, hæc Sepusiorum Comitum clandestinis cum Turcis consilijs, in hanc quam videmus incidit calamitatē. Vaser enim & impius animus, egregius semper faber suæ est infelicitatis. Possem verò hoc loco commemorare eius generis quàm plurimos, qui Turcarum amicitia fiducia, à summo ad ima præcipitati sunt, & nomen suum posteris lacerandum reliquerunt. Quis enim nescit Ludouicum illum Sforziam, qui à faciei fuscidine Maurus dicebatur, cū Gallos contra Reges Arragonios, & Turcas ad arma contra Venetos excitasset, in carcere postremò fuisse mortuum? & Arragonios ipsos, licet in extremo amittendi regni periculo, id fecisse videbantur, quòd contra Gallos sena equitum totidemque peditum millia, à Baiazete Turca postulauerant, & deniq; etiam Galliarū Reges, ex Valesia gente duos, Franciscum vnū & Henricum III. non aliā ob causam, cū rebus bello gerendis, tum & posteris suis in regno Gallico constabiliendis, quàm ob communia cum Turcis consilia infelicissimos extitisse: cū Franciscus, ex tribus filijs duos, omnibus animi & corporis ornamentis conspicuos, mirè mortuos extulerit viuus. Henricus verò infelici casu humanis rebus exemptus, tribus ordine filijs regni possessori- bus relictis, nobilissimam familiam in postremo sui nominis & seminis Valesio, dirè perempto, reliquerit extinguendam. Hæc quidem omnia ob communicata cum Turcis in Christianos consilia diuinæ ultionis, & Turcicæ pariter sunt argumenta fraudis, & virium contra Christianos imbecillitatis. Nam licet frauſnè an virtus fuerit in hoste non quæſieris, cōtemnas in acie certè fraudibus confidentē. Vna enim insidijs est salus, sic cautè agere, quominus cognoscantur insidiatorē. Vnde & Romani illi non solū rerū, sed & virtutum præsidio clari, cū nescio quem regem, auctore eius medico, qui suā hac in parte operam illis venditabat, veneno extinguere potuissent, nihil minus, quàm assentiri medico visi sunt, & hanc seu quandā vilitatē animi & viriū suarū castigando hoste, imbecillitatē posteritati testatam relinquere noluerunt. Est enim præsentibus fructibus aliquādo aliquid, sed multo semper diligentius posteritati consulendū. Quo magis vt vafri & astuti Mahometani semper fuerint, vel eo ipso audierunt malè; & quò tendebant, non peræquè semper potuerunt peruenire. Agè enim circūferamus per omnia Europæ regna & prouincias oculos, & primū quidem Italiam, regionum reginā omnium, contemplemur; cū dolosis quibusdam artibus Hydruntum in ea Turcæ occupassent; an ea turpissimè eiekti non sunt anno, aut paulò plus circumactò? Quid verò Baiazetes, illius Maho-

metis qui Hydruntum ceperat filius? An, cùm magnam Fori Iulij partem iam in suam potestatem redegisset, excidere ea non est coactus? Quam eandem fortunam & in Polonia expertus est, cùm hyberno tempore, Turcas suos Tartaris permixtos immisisset, postremò, quotum quodque regnum, quotam prouinciam, quotam ceperunt urbem, quam aut per omne scelus & perfidiam insidijs structis, aut earũ ciuibus nũc spe, nũc metu, nunc prece, nunc pretio ad defectionem sollicitatis, aut deniq; munitionibus ipsarum omni hostili vi & oppugnatione prius labefactatis. Nam vt in multis his prouincijs & urbibus paucas tantũ proferam? An verò Constantinopoli, Croia, Taurino, Rhodo & alijs Christianis munitionibus Turcæ potiti sunt, quam semel & iterum oppugnatione ante eas tentarunt? Habent enim id moris Ottomani semper, vt institutum belli, & oppugnationis alicuius urbis aut prouinciæ, quas maiores suos tentasse sciunt, obstinatius persequantur. Qua tamen ipsa in re, non tantum virium atque roboris, quantum omnis generis adhibent fallaciarum & falsitatis, & nihilominus tamen, quot & quanti eorũ in singulis certaminibus cadant, quot & quantas oppugnationes deferant, quàm vel Cæsares ipsi in fugam se ab ijs propriant, quis ignorat? Nam memorabilis profectò est fuga Mahometis illius, qui Constantinopolim ceperat, ab oppugnatione Taurini, quam leuiter sagitta ictus, nec opinantibus suis capeßiuit. Nimirũ is, qui duo imperia, duodecim regna, triginta prouintias, & trecẽtas vrbes ceperat, & qui totum ferè terrarũ orbem iam spe deuorauerat, mortem extimuit; vt vel propter leue acceptum vulnus, non dubitauerit multorum dierum continuato itinere ex Hungaria in Græciam proficisci. Quid Solimanus? An Viennam oppugnans ad solam Caroli V. Cæsaris aduentantis famam, castra & bombardas non deseruit, & per montium iuga dies noctesq; in Thraciam properauit? De cuius postea Agriæ, Melitæ, & Segeti, apud quam arcem, prius quam caperetur extinctus est, irritò conatu oppugnatione quid hoc loco loquar? Quid aut Selimi eius filij frustra immisos in Moschouiam exercitus, aut tot Amuratís in Perside amissos commemorem? Omnia equidem ista vilem animum & imbecilles vires eorum testatas faciunt: & quod non peræquẽ eo modo omnia potuerint semper terminasse, quo spiritu visi sunt agitasse. Facilius enim bellorum initia, quàm exitum quæras, & in aciem venias, quàm ea excedas. At verò Christianorum ducum atque militum, & quidem aperto Marte patentibus in campis, aut fauentibus ventis re-latas de ijs passim victorias rursus intueamur. An vt vetustiores ta-
ceam,

ceā, & vt Hunniadis & Scanderbergij, quos paulò antè memorauī, de Turcis triumphos non enumerem; illud saltem vel vnum Christianorum cum Turcis Naupaſtanum prælium, documento fuerit; quàm viles & abiecti, quàm nec animo nec armis, nec deniq; ipſo robore corporis noſtris comparandi videantur. Qui, ſi victoria vt ſciuiſſent; multorum opinione, non modò Conſtantinopolim, ſed totam adeò Græciam occupare potuiſſent. Expedit enim non tam bella gerere, quàm geſtis id quod aliquando amiſſum eſt, in priſtinum ſtatum vindicare. Quod equidem ſuperioribus temporibus video eſſe factum, nec ſolum hoc Mahometanorum genus multo-
cies acie victum, ſed etiam ijs in Aſia regnis, quæ multò antè occupauerat ſpoliatum. Iam verò, quid noſtro hoc, aut paulò ſuperiori æuo contra eoſdem Turcas, in Hungaria geſtum ſit videamus. Et quiſquam dubitabit, ſub Ferdinando Cæſare ad Strigonium, ad Hadadum, ad Budam deuictos Turcas acie fuiſſe, & ſub Maximiliano eius filio, Duce Suendio, aliquot millia eorū ad Sabatcam cecidiſſe? Cui quidē qui interfuerunt prælio affirmant, nec conſpectum adeò noſtrorū Turcas ferre potuiſſe, & tota intempeſta nocte iter facientibus, & ſuperuenientibus noſtris, in fugam è veſtigio ſe proripuiſſe. Eſt enim inuictum noſtris animi & corporis robur, modò celeritas rebus gerendis adſit, & belli incommodorum tollerantia. Quæ duo deſiderata & pios conatus, & magnos ſumptus factos, & coaceruatos vnum in locū commeatus immenſos, Chriſtianorum ſapientiſſimè eluſerunt. Torpor namq; & inſolentia, vt ſibi quaſi ſint contraria, capitaliſſimi hoſtes ſunt copiarū. Quid verò ſub hoc demū Rudolpho Cæſare, de noſtrorū contra Turcas prælijs & victorijs loquar? Quid dicam, quòd à Buda capta, nullus eò Chriſtianorum peruaſit exercitus, quò, bis mille comitatus equitibus, Franciſcus Nadazdius iuit, & oppidum Copan, cum ſuo præfecto cepit, & omnem illam Turcicam ditionem impunè peruaſtauit? Quid primam circa Coprzivniciam, Zrenio, Battiano, & eodem Nadazdio ducibus, in qua ſupremi duo confiniorum præfecti capti, & quàm plurimi Turcæ occiſi? quid pugnam alterā ad Sixum? quid ad Siſſek, quid ad Hatuanum, in quibus plura Turcarum ceciderunt millia, referā? quid tot tantaq; quæ hoc & ſuperiore anno, contra barbaros huius Cæſaris auſpicijs ſunt geſta, cōmemorem? Conſtat certè, nec ſub rege Matthia ipſo qui Turcarū (vi dixi) terror, & multorū aliorū Principum domitor dicebatur, & qui ſemper ipſe in caſtris ſemper in vrbiū oppugnationibus verſabatur, adeò vt Turcicū quendam legatū ad ſe venientem apud ciuitatem nouā Aſtriæ dictam, quo plurimi ex
maio-

maioribus bōbardis proximè præteruolabant globi cū suo & legati periculo, audierit tam insignes de Turcis triumphos Christianis obuenisse, quā sub hoc Cæsare pacis inter arma dño obuenerunt. Qui quidē Turcæ, quòd induciarū potissimū tempore, & nō tā aut solerter instructis aciebus, aut acribus conflictibus quā inauratis suis illis contionibus, siue vaftris conditionibus, & cū expectantur minus Christianos aggrediantur, est, quod suprà etiā memorauī, cur partim perfidię partim imbecillitati eorū id adscribatur. Qui enim sibi fortunāq; suā difidit, dolo & insidijs hostē petit; apertè & fidēter aggreditur, qui contemnit. Ac proinde cuperem, vt liberæ cogitationes nostrę sunt, & mente vident quę volunt, possemus horū duorū Christiani & Turcici exercituum in acie ora & vultus intueri. Cerneamus haud dubiè, nostrorum elata supercilia, configendi quodā ardore flagrantē oculos, inflammata desiderio pectora, manibus erectas firmissimis hastas, crura ephippio innixa, spumantes equos, tellurē terentes pedibus, equites ipsos tantū non per aëra volitantes, ac bonæ spei plenos animo concepisse iam victoriā. Ex aduersus pallescere Turcarum facies, demissos in terram oculos, nutare capita, tremere manus, vento agitari hastas, & tantū nō excutiētes ignauos sessores equos, intueremur. Quid igitur eosdem illos, cū ad rem ventum esset, vinci posse dubitarem? quid in nostris nostrorumq; sociorum militibus non multò plus spei & fiducię poneremus? quid nos domo egressos, tam fugaces ipsorum retardarent copiæ? quid tam inconsiderati duces? quid tam imbelles milites? quid tam inepti & desidēs centuriones, lingua vani, manibus rapaces, pedibus fugaces, moribus leues, venere præpostera fœdi, membris circumcisi, & tum corpore, tum eius habitu planè monstrosi; quibus non diuinum numen auxilia, non amici consilia, non subiecti obsequia, non fidem præstabant seruitia, si ad prælium aliquando venietur? Et si Imbraimus olim Solymani purpuratus, ipsi ferè per omnia in imperio exæquatus, omnes occasiones quæsiuit Tyranni foci sui defraudandi, quid non faciant ij, qui in singulas horas gemunt & dolent, qui liberos à se abripiendos, qui fortunas suas vi extorquendas, qui mortem denique ipsam per omnes acerbissimos cruciatus subeundam, cum metu & horrore circumspiciunt? Inferamus quòd volumus in omnia Turcica regna & prouincias oculos, & infinitum ne dicam dimidio Turcarum maiorem reperimus eorum numerum, qui aut patrem, aut auum, aut abauum suum Christianum habuerunt: qui memoria Christi à se abiurati ingemiscunt: qui dies noctesque illud scelus lugent: qui denique ad
pristinam

pristinam religionem & libertatem postliminio reuerti concupiscunt. Possem multos commemorare, qui in media Turcia apud Christianorum regum & Principum legatos ea de re sunt questi, patria, liberis, fortunis, honore priuati, & nullis non generibus iniuriarum, & contumeliarum obnoxij atque vexati. Possem inquam eius generis exempla afferre quàm plurima. Sed vnum illud in multis sufficiat, cùm Ioannis Alberti Regis Poloniae Legatus, Ioannes Tencinius Constantinopolim proficiscens, in Traciâ quendam offenderat, qui agrum arans sacros nescio quos hymnos occinebat: quem ad se vocari cùm Tencinius imperasset, appropinquantemq; propius arietinis cornibus redimitum conspexisset; quid illud esset interroganti, respondit, se aliquando in illis oris Episcopum fuisse, demum capto detracta cute Turcas capiti eius per ludibrium talia cornua affixisse, vt ita tandem vicina vrbe expugnata, aratro victum sibi necessariò quæreretur, & quò fugere deberet, prorsus ignoraret. Reperiri autem eius generis captiuos plures & dolentes, qui adeò etiam arma occulto feruarent, ad suum Christianorumq; aliorum vsum, si aliquando certa affulgeret spes recuperandæ libertatis: quos isti Turcici Tyranni tantoperè metuunt; vt cùm Solymanus aliquando Carolum V. Cæsarem solitudinem in sacram secedentem, filio suo gubernacula commisisse intellexisset, se infelicem pronunciare & exclamare non dubitauerit, quòd ipse filium perimere non successorem constituere haberet necesse, salutem vt suam tantummodo tueretur. Est enim multò maius periculum domi hostem quàm foris habuisse. Hos, quis tandem sibi suisque non adiungeret? quis veluti è sepulchro consurgentibus dextram non porrigeret? quis diuino numini ad rem tam gloriosam perficiendâ non fideret? quis hoc nomine supplex illud non imploraret? Ferunt Antigonom in quodâ nauali prælio trepidanti & multitudinē hostium causanti dixisse imperatori: Me verò inquit vnū, cum quot hostium comparaueris millibus? At non iam Antigonus, sed ipse Christus Opt. Max. hæc eadem verba ad nos faceret, si rem à nobis seriò agi animaduerneret, si non solùm corporibus sed & animis confociatos nos videret; si denique hac tanta animorum voluntatumque nostrarum dissensio, de ipsius prouidentia addubitare nos non declararet. Cuius sacrosanctum numen & nomen, quantopere nobis semper & vbique adsit, quantoperè nos foueat & augeat, quantoperè vel è medijs flammis subinde eripiat, vel ex omnibus omnium generum animalibus faciliè colligitur. Proditum quippè & Christianorum & barbarorum est literis, Corbonam Mahometanorum

norum in Asia ducem, aliquando contra Christianos in acie stantē, tres milites antesignanos sibi infestos vidisse, & ab ijs quā à reliquo exercitu plus sibi timuisse. Quos postea Georgium, Demetrium Mauritium, in diuos relatos fuisse, nostri sunt interpretati. Nusquam enim inuocantibus & fidentibus ipsis numen non adest diuinitatis. An enim obscurum est, quod Boratinio præfecto Polonos contra Moschum ductanti, & Dunam flumen superanti accidit aliquando, ut cū, qua illud tranāret ignorasset, Angelum in altera fluminis parte conspectum, & ut ad se rectā pergeret inclamantem, ipsius fuisse planē ductorem. Quod & Carolo V. ad Albin fluuium, cum Ioanne Friderico tum electore, in quodam euenit prælio. Quod haud dubiē tam feliciter confectum non fuisset, si molitor, qui mox disparuit quidam, traiciendi fluminis viam Hispanis non monstrauiisset. Est enim tam perfidis quā infidelibus numen æquē infestum. Quid illa, quæ tot in historijs ante pugnas commemorantur ostenta, quid Sacerdotum pro contione voces, quid ad aras & altaria victorias denuntiantes significant? Enimverò deliros sacerdotes illos dixeris, quorum alter Cracouiæ ad Visneucium, de obtenta contra Tartaros Polonorum victoria, Deo Opt. Max. agere populum gratias pro contione iussit; alter Ventijs die D. Iustinae dicato, anno à Christo nato supra sequi millesimū primo & septuagesimo, celebrando sacro, cū se verteret, & illud simul, Orate fratres loqueretur, Christianorū cum Turcica classē congregari nunciauit. Verū & præter hæc quidem ipsa, quæ certissima præsentis diuini numinis & nominis sunt erga nos argumenta, quā perfecta in Turcas omnia, quā ingenio elaborata, quā arte & diligentia absoluta, vnde & felicia nisi hostium obstaret multitudo, apud nos nostrosque sint semperque fuerint videamus. An enim tres aliquando in Hungaria Hispani, cum sibi certo & natura munito loco cauissent, contra aliquot Turcarū millia defendisse nō memorantur? an quingenti Catafracti milites in fugam versi totius Turcici exercitus robur ad Essecum sustinuisse? an Viennæ, an Agriæ, an Siffeci mœnia, & plurium, non fortissimè toties defendisse? ut adeò mirum non sit, vnum illud nomen Iesu, quod Christiani milites cōflicaturi ingeminant, pro infinitis vocibus, Hala (quas edunt Turcæ exhalantes animā) sæpius suffecisse. Bona enim causa tandem triumphauerit, & debilior fortiori cessarit vel inuitus. Sed quid ego hoc ago? Quid in re minimè dubia & ostentu perfacili verfor? Plena est exemplorum eius rei vetustas, plenæ historiæ, plenæ omnes omnium gentium literæ; nec vnquam de

de Turcis, vel dimidio minoribus copiis profligandis aliquando est dubitatum; adeoque tantus Christiani nominis Mahometanis terror iniectus olim fuerat; ut à paucis illis Gallis, qui in Asiam traiecerant, oriens ferè totus etiamnum Francos appellet Christianos. Quid Æneas Syluius, Pius II. postea Pon. Max. dictus, omnium rerum & bellorum, quæ tum in Europa gerebantur gnarus, ad Mahometem Turcicum Cæsarem scribens; an non magnoperè & res ab eo gestas, quæ tamen aliis Ottomanis multò maiores fuerant, & ipsam Turcicam verbis non extenuant militiam, & clarè diserteq; scribit à paucioribus longè triremibus occiduis, multò plures Tyrrias & Alexandrinas profligari? Age, an vel hodie in Hungaria, tam in paruis, quàm in maioribus conflictibus, monomachiis, præliis, nostrorum virtutem hostili superiorem semper esse non fateare? Vnus ille Georgius Thori, quot Turcarum non detruncavit capita? aut Melchior Balazi, quot eorum non profligauit copias? ne Franciscum Bode, ne Balthasarum Feruari, ne Nicolaum Sreni, & eiusdem nominis Giulasi, & infinitos alios commemorem. Hispanorum verò, Italarumque & Polonorum fortitudo, quàm iisdem barbaris sit terribilis, perspicuum est. Narratum est mihi ad solum de Hispaniarum regis cum Venetis sociali foedere nuncium, totum exhoruisse Byzantium Neq; id immerito. Quantum enim eorum Duces consilio, & milites valuerint manu, prælium Naupactanum testatum fecit: & inter alios Ioannes ab Austria, Marcus Antonius Columna, & Barbaricus Venetus, qui, ut supremus, non fuerit auctor configendi, ut paucos in multis referam, abunde declararunt. Quid verò Polonia? virorum mater fortium, & quasi totius Europæ propugnaculum, & vicinarum gentium difficillimis rebus & temporibus perennè quoddam horreum. An suos olim illos Zauischas nigros, Melstinios, Tarnouios, Odrouonzos, Rozdrazeuios, Secigniouios, Gnoinios, ordinum & copiarum ductores Hungariæ, Lascos, Visneuecios, Piaffecios, Valachia pro re & occasione non suppeditauit? An vnum illum Nicolaum Mielecium, fortissimum Ducem, Sigismundi Augusti regis sui iussu, Bogdanum Valachia regulum, in Principatus possessionem reducentem, & pro se cum Turcis non vidit dimicantem? Quid ego postremò Nizouios siue Boristeniacos milites, ut licentiosos & dissolutos, nec scio, si & hoc nomine dignos, terrorem Asia, vexatores Valachia, & quasi quendam obicem Tartaris oppositum commemorem? Est Valachia prouincia, quæ his olim Dacia, illis Valachia, nonnullis Cisalpina dicitur Moldauia, ab ea Duce Valerio Flacco gente condita, quæ olim veterum Romanorum nomine &

femine censebatur, siue illi ob flagitia, quod magis fidē facit eiecti, siue per colonias deducti, siue etiam sponte sua eo fuerant profecti, non nouū enim est solum multis vertere, & incognitas regiones. visendi studio peragrarē. A quo ipso loco, Ouidium non procul exulasse, & lacum quendam Ouidianum, in quo perierit, hodie etiam conspici opinio est, qui etiam Getice & Sarmaticē loqui didicisse se alicubi profitetur. Gens quidem Valachica ipsa, non multū à cultu & ingenio distēminata est Italorum; vno illo excepto, quod nouis semper studet imperiis, quod adeo etiam Neapolitanis & Siculo familiare esse nonnulli arbitrantur. Vnde in Valachia perpetua subiectorum in dominos, & horum vicissim in eos crudelitatis regnat vicissitudo. Idioma Valachicum est corruptum, nec tamen latinitati admodū absimile; adeo vt Rex Matthias Hungariæ, cū Legati Valachici per interpretem apud eum verba facere sic incepissent: Expone, inquit, domino nostro, se, si hac lingua vterentur, etiam sine interprete intelligere eos posse responderit. Hos igitur Valachos, cū sæpius infestarent Turcæ, & ipsimet inter se vehementius grassarentur. Nizouij quoque tempore & occasione illecti, prædas de iis egerunt, & tam Tartaricas, quàm & Turcicas munitiones nonnunquam exusserunt. Cū olim Siehoza, & Hassano, atq; Tatico Tartarorum ducibus, omnia apud Polonos licuisse; Bernardum verò Pretficiū, per insignem ducem & confinium propugnatorem, ad supplicium sibi dedi Turcici poscerent Imperatores. Id enim cum Turca initi habet fœderis ratio atque compactio, omnem in nos vt ille sibi Christianis contra se nullam belli gerendi concesserit facultatem. Sed vnus tamen in aliis id effecerat Pretficius, vt in Silesia natus, & Regum Polonię munificentia auctus, vel hac vna in re, Tartaris refrenandis atque arcendis tantum profecerit, quantum adhuc profecisse, prorsus audiamus neminem; adeo vt inter Tartaros pueris in cunis vagientibus imperando silentio matres, nomen Pretficij ingeminauerint. Molesta enim sæpè, minandis molestioribus abiguntur. Quamobrem, vt vnde est orta, in eodem terminetur oratio mea: nihil equidem ad victoriam contra barbaros obtinendā deesse nobis video, si nos non defuerimus nobis ipsi; & si inuictum illum maiorum suorum retinuerint christiani animus, quo non modò sua tecta tueri, sed & barbarorum diripere non dubitarunt; quo aliquando inflammati, Christi Opt. Max. hæreditatem Saracenis eripuerunt: Iudæam non tam passibus, quàm victoriis perlustrârunt: Tharsum, Heracleam, Hierosolymam possederunt. Vetus est verbum, audaces iuuari

uari diuinitus, & audendo agendoq; omnia regna & imperia succreuisse; & quisquam dubitabit, vt non peræquè, ac pingi solent dæmones, quod vulgò aiunt solere esse deformes; sic nec Turcas tantopere formidandos, qui tot ac tantas præbuerunt de se nobis victorias? qui tot à nostris exuti sunt spoliis: qui tot duces nostros condecorârunt triumphis: qui tot & tam diuersis cesserunt nobis locis: qui tot campestribus & naualibus victi sunt præliis, & tam anni commodis, quàm temporibus alienis. Verùm illa potissimum duo Macedonis Alexandri rerum gerendarum habenda nobis sunt adminicula, patientia & perseuerantia. Quid enim expedierit hostem armis laceffere, & laceffitum non opprimere, nunc bellum cum eo gerere, nunc pacisci inducias, nunc exercitus conscribere, nunc dimittere, nunc delectus militum facere, nunc in idoneis ducibus, ac necessario com meatu iis non providere? quid denique diu multumq; deliberare, & deliberata non exequi? quid vincere, & victoria vti ignorare? Res bellicæ omnes constant, vigilantia, intelligentia, & seueritate Imperatoris, virtute, obedientia, & industria militis, com meatus omnis generis copia, armorum numero & excellentia, & demùm in laboribus difficultatibusq; omnibus constanti, & perpetua animi & ingenij firmitate. Manent nos proculdubiò lætiora si voluerimus tempora. Sed vnum illud dolendum, quòd discordia & procrastinatione nostra reddimus nobis cuncta funesta: pro paruis & angustis rebus inter nos digladiamur, & interim maximis à barbaris spoliatur: eruiamus fratri oculum, & cum eo amittimus ingulum: prædicamus Euangelij libertatem, & sub Hahometanam ruimus seruitutem. Quid diuinum numen, quod videt & castigat cuncta, quid iudices non reueramus eos; qui multò, quàm præsentis iudicabunt de nobis incorruptius, & haud scio an rectè illud Cornelianum in nos vsurpabunt aliquando: Digni erant regno, nisi regnauissent: multorum namque latuissent vitia, si & ipsi latuissent. Sed de iudicibus illis, vt volent, viderint supremum, qui effugient; qui vt omnis lenitatis & mansuetudinis exemplum fuit, sic istius inter nos crudelitatis, non modò iudicem, sed & vindicem acrem certò se præstabit.

TVRCICA. XIII.

QUANTVM QVIDEM CHRISTIANORVM REBVS SOLIDA de Turcis parta fructum allatura sit victoria, quanquam vt eam fert opinio, nemò non intelligat; tamen neque ego dicendo

præteribo id tacitus, ut minutatim etiam cuncta ea, quæ in rem vestram facerent, & animos Christianorum omnium iure ac merito in eius belli cogitationem inducere possent, vobiscum ipsi recognoscatis. Sunt enim multa hominum studiis & armis in hostem mouendis potentia; sed vna illa potentissima spes proposita commodorum. Proinde, quid in hac vna, vnius in mortalis vita immortali quadam Turcici Tyranni bellua, ex finibus humanæ naturæ exterminanda, positum sit boni, si oculis corporis cernere non possumus, animi saltem contemplemur. Anni aguntur plurimi, ex quo Turcarum Tyranni, seu quædam pestis & contagio rerum, in venas atque viscera Europæ illapsi, regnum regno, prouinciam prouincia, urbem vrbi adiungere, & ex variis orbis terræ spoliis, immensas quasdam opes coaceruare didicerunt. Quo etiam est factum, ut ab oriente Persidis reliquias, & maiorem minoremque Armeniam, ab Aquilone Mediam, Colchos, Iberos, à meridie Africam, ab occasu Mauritaniam, terminos suos sortiantur: centies centenis aureum numum millibus, cui singulis trimestribus emerita stipenda soluunt, militiam suam alant: In quæ equitatus aulici viginti millia, & totidem vel amplius militum sunt prætorianorum. In Hungaria verò sub purpuratis, seu Balsis tribus, Budensi, Themefuariensi, & Bosnienfi, quadraginta hominum sunt illis millia, totidemque sub Beglerbego Græciæ, quæ ex Thracia, Macedonia, Epyro, Seruia, & Bulgaria, & denique ex Illyrico colliguntur. His alia triginta millia ex minori accedunt Asia, & quadraginta circiter millibus classiarij & stabularij hætenus constiterunt. Quibus omnibus alendis, quàm immensa auri & argenti vi sit opus, quis ignorat? & tamen præter hos sumptus vix non trigiesies centena aureum numum millia Turcico superesse creduntur Imperatori. Quæ omnia Christianorum essent, semel de eo parata, qua par est, victoria. Quàm quid equidem impedierit, non video, nisi quòd nos impedimus metipsi, & ut dimidium facti exorsis affecuti videamur, vix ad media progredimur, ut nos deficiunt omnia, & præda, vel spe prædæ excidimus potius, quàm quod aiunt triumphum ante victoriam canentes, inter nos partiebamur. Quod ut adeò etiam exemplis illustremus, vetustioraq; taceamus. An verò obscurum est, paulò minus quàm sexaginta abhinc annis Paulum III. Pont. Max: & Carolum V. Cæsarem, Venetorumq; Rempub. contra Solymanum Turcam fœdus inter se percussisse, descripsisseque? quæ pro se cuique confœderatorum cedere debebant Principum, relata quæ sperebatur de eo victoria. Sed hæc demùm euane-

runt

runt omnia, & non modò aliquid rei, sed neque affulserat spei Tur-
 cæ tum temporis debellandi. Quid verò? Abhinc annis viginti qua-
 tuor, non denuò idem illud fœdus renouatum est, & pugna naua-
 lis ad Naupactum subsecuta: quam Selimus tanti fecit; vt barbam
 sibi abrasam, se verò brachium dextrum Regnum Cyprium Vene-
 tis amputasse testaretur. Quid ita? Quia non obscura nostra viri-
 umque nostrarum contemptione, sui autem efferebatur confiden-
 tia: & quia viderat ob ingratum nostrum erga Deum Opt: Max: a-
 nimum non habituros nos eum propitium, & rerum à Christianis
 gestarum principia, mediis his non responsura vnquam extrema;
 cùm ab vno Deo Opt: Max. peti, & ad eum vnum referri debeant
 victoriæ; & nunquam vel aliquid boni ciuiles valdè inciuiles attu-
 lerint discordiæ, quibus non publica sed priuata commoda, suis pro
 se quisque Christianorum sectatur. In quibus, vel in illa ipsa tam
 arcti fœderis in summis Principibus societate, mox & suspiciones
 inter confœderatos ortas, & classes diuisas, & æmulationes natas,
 & denique Pont. Max. indignationes in aliquos subsecutas, poterat
 meminisse. Qui enim fidus fuerit socio, parum qui fuerat Deo, eius
 beneficiis memori mente recolendis. Quo magis his fœderibus,
 bellisq; ineundis socialibus nihil magis, quàm vna illa Christi Opt:
 Max: gloria, & Reipub. salus, cunctis sit proposita; vt ad illum sco-
 pum barbari hostis debellandi tandem aliquando veniatur. Fe-
 runt Rudolphum, hoc nomine primum, Austriacum Cæsarem, qui
 & Imperatorios fasces in familiam primus intulerat suam, cùm post
 multorū annorum interregnum imperij gubernacula valdè anxio
 deferrentur, mussitantibus (vt fit) nec ad præstandam ipsi obedi-
 tiam concurrentibus peræquè pluribus, dando animo suis, signum
 crucis sceptri instar arripuisse, & in eo signo, suos, imperiique sui,
 hostes, domare promississe. Quod ita nauiter præstiterat, vt ex tur-
 bulentissimo imperij statu, vbique ferè pacatissimus eo viuente &
 regente spectaretur. Quid idem hodie non fieret? quis illi eidem
 Deo Opt: Max: non fideret? quis victricibus eius armis, quis cru-
 cifixi seruatoris signo hostibus religionis opposito, certam de bar-
 baris victoriam non expectaret? Non mirum est multas classes,
 multos exercitus, multas legiones contra Turcas coadunatas nos
 vidisse, ereptum hætenus vel vnum illi regnum, aut prouinciam vi-
 dere non potuisse. Deus Opt: Max: vult à se vno posci, & ad vnum
 referri se omnem victoriam. Quia si semel solida, & omnibus (quod
 aiunt) numeris ac partibus absoluta potiremur; an verò obstaret
 amplius aliquid, quominus hac hominum eiecta colluie, iusto &
 mode-

moderato imperio orbem terrarum regeremus. Sexaginta millia hominum, quæ tantum aromatibus parandis, & Turcæ subministrandis seruiunt in Africa minori ab eo sustentantur. Quæ verò ac quanta est aliis in locis eorum, qui ipsius sumptu viuunt multitudo, nescio, si non modo complecti orando, sed assequi omnia possis cogitando. Atque hæc quidem cuncta nobis cederent, & tam latè omnium patente Asia, quàm monstrorum feraci Africa, & ipsa denique populosa Europa, non Mahometani, sed Christiani populi, qui Deo Opt: Max. hoc nomine redderent quotidie laudes, nobis auctoribus lætarentur. Nam quid ego Ægypti fertiles agros, quid felicitatem Arabiæ, quid nobilissimas Turcici Imperij vrbes, Damascum, Tripolim, Memphim, Alexandriam, beatissimis locis conditas & explicatas, commemorem? quid Asiæ percelebres tractus, mirificam prouinciarum speciem, regionum pulcherrimam formam, oppidorum frequentiam, portuum multitudinem & opportunitatem, percensem? quid denique pinguis-sima Bythinia rura, herbidos Cylicum & aquosos campos, frugum Assyriæ copiam, Græciæ amœnitatem, Thraciæ proferam vbertatem? Quarum prouinciarum captos olim specie, auitas sedes constat barbaros reliquisse, & Christianas inuasisse. Quod & illarum pulchritudinis, & barbarorum argumentum est vilitatis. Rarò enim aliquis à patrio, quod dulcedine sua eum inuitat solo, in exilium abit voluntarium. Quæ ego iccirco commemoro, vt qualis & quantus huius victoriæ futurus esset fructus, sciamus; & ciuiles istas, quæ eam remorantur discordias, omni studio & contentione fugiamus. An enim non videmus, quantus vbiq; Christianorum egen-tium numerus? quanta miseria? quantus & quàm miserabilis in Turcia est luctus aut potius laniatus? Iudæos vel in suis non iuuare pudet pauperes; & nos Christiani nostrorum non misereamur? At subleuare tot & tantos vix aliquando poterimus, nisi cum Turca fuerit debellatum, vt aut profeminatæ in immensum nostrorum familiæ per colonias deducantur, aut debellatorum hostiū spoliis reficiantur, aut alio aliquo modo, & ratione sustententur. Quæ omnia, cum Christianæ pietatis fuerint officia, tum nimirum illud etiam euitabitur mali, quòd præ desperatione integri, vel nonnun-quā ciues quieta non mouebunt: raptu inter suos multi, vt faciunt non viuent: prædonicam rem infamem & nefariā milites non exercebunt: itinera, quæ debent peregrinantibus esse tuta, non infestabunt: deniq; tot transfugia suorum, & proditioes patriæ non videbunt, & in orbem Christianum tantum calamitatum non ampli-

us con-

us congerent & importabunt. Plures enim natiui proditores magis nocuerunt suis; quàm si infestati fuissent ab exteris & alienigenis. Quid? An & illud certissimum non fuerit, magnos passim & ubiq; bella inter Christianos ciuilia absorbuisset thesauros? qui absorpti non fuissent, si cum Turcis eorum magna ex parte auctoribus debellatum iam fuisset. Hi enim, vt à se arma nostra longius amoueant, nunc hunc, nunc illum, nostrorum principum, in alterum concitant & extimulant; & adeò visi sunt alicubi, quanquam id rarius faciunt, auro suo bellorum nostrorum fomites & incendia aluisse. Quo tantùm abest, vt aut meliores, aut ditiores facti nos simus, vt præter diuinum numen impiè à nobis offensum, tum vel maximè, cùm in Turcas arma capienda essent, ab omni re simus & habeamur imparati. Duabus enim partibus de orbis imperio secum contendentibus, quantum vni accesserit, tantùm decesserit alteri plus potestatis. Quas res, si maturè intellexissemus, & his nostris armis in hostes, quàm in nosmetipsos potiùs vertendis, Turcarum potentiam crescere non permisissimus; quot & quanti thesauri inutiliter & impiè à nobis dissipati, Turcici belli seruirent nunc vsibus? quàm magnis abundaremus vectigalibus? quot regna, quot prouinciæ nobis ademptæ, Turcarum verò potestati iam mancipatæ, exterarum gentes & nationes vltro ad nos postlimio reuerti, & in societatem consilij, belli contra Turcas gerendi, ingredi proculdubio effecissent? Ægrè enim egentibus & spoliatis fidimus, copiosis verò & victoria exultantibus, vltro nos associamus. Quæ quidem regna siue prouinciæ, à nobis auulsæ, & in Turcicam redactæ seruitutem, cùm nec iure, nec æquitate prætenso, nec denique succelsione regnandi, vel aliqua in speciem declarata, hic tyrannus possideat; eritne qui ambitiosè aliena, nostris eripienda, quàm à tali tyranno nobis erepta potiùs recuperanda non arbitretur? Videmus, quod quantum illi accedit, tantùm nobis decedit indies virium; & si paulò adhuc huic bello indormierimus, tantum accedet, quantum ne salus quidem ipsa, saluare nos amplius poterit, ac nec debet. Potest enim Deus Opt: Max: nostra causa præstare multa, sed non solet præter rerum & naturæ ordinem confestim facere violenta. Quorsum rex Hispaniarum Catholicus, cum Christianis Principibus aliis ineundo fœdere, Tunetum, Alligerium, & Tripolim, extra omnem aleam, & à victoria prædæ partitionem, voluit immunè semper fuisse; si nunc, cùm tempus & occasio est, cū Christianis aliis contra Turcā suū ius in ijs non persequatur? Quorsum erit Poloniæ æquitatis ratio in Valachiam? quorsum Hungariæ in

Croatiam & Slauoniam? quorsum Venetis, aut Sabaudia Duci in regnū Cyprium? Si videntibus, & volentibus nobis omnibus, non tantum illis, quas iam occupauit, rebus, sed adeo totius orbis imperio Turca potiatur? Solitus est ille, cum alicui nunc hoc, nunc illud fraude & insidiis eripere cogitat, semper aliquid, ut nihil eius sit, prætendere æquitatis. Sic olim Sultanum Ægyptiorū certæ pecuniæ maioribus suis non dissolutæ; sic Rhodios promissi patri & postea denegati tributi; sic Venetos olim Corone & Mettone illis adimendo; sic vel multo posteriùs Cyprio regno eripiendo, nunc huius, nunc illius infimulauit rei, & suæ recordari noluit interim fidei, & præstiti iusiurandi. Nos verò iuris humani prædonem, regum & regnorum hostem, labem pudicitia, diuinæ euerforem gloriæ, his tam iniustis & fraudulentis rapinis non exuamus? exutum, ex Europa non eijciamus? eiectum, in vltimos fines terræ non amandemus? Præstò solet esse afflictis multis multorum misericordia, etiam vllius oratione non euocata. Quid verò non iam preces, sed vicinorum nos non commoueat vulnera, non excitent miseriæ, non pungant clades & calamitates infinitæ? Multo quidem minori, immò nulla prorsus æquitate possident Ottomani ea, quæ nobis eripuerunt, quàm credibile immoderato in debellatos uti debere nos imperio, etiamsi vel ipsi iusti & legitimi eorum regnorum & prouinciarum deessent possessores. Quæ in quanta æstimatione esse debeant, vel illa lure consultorū vetus admonet nos sententia: Regna statera nō ponderari. Magnum quippè & inæstimabile est quiddam, quod regnum appellatur, quo adeo etiam potiundo, cum cæteris rebus pietatem coli debere dixissent, regnandi gratia violandum esse ius prophani affirmarunt sapientes. Quæ ut reuera prophana sit vox, & sententia, illo saltem, qui feceris secus, quominus regni tui iustum tueare titulum, & quæ intercepta sunt vindices & defendas. An enim tanquam alteri cuiquam Alexandro, multis triremibus armato, eum, qui vno myoparone infestabat mare pertimere licuit, nos quoque occidere impunè omnes Turcæ licebit? cum contra non modò imperio, sed & vita spoliare Tyrannum, sit fueritque semper gloriosum. Quis enim nescit, quàm non tantum Græci homines suis illis à Tyrannide liberatoribus, sed & Slauones suo Milossio, qui Amuratem Turcarum dominum occiderat, publicis cantionibus admirabiles laudes tribuebant? Et meritò id quidem. Non enim iam nostra, sed Christi Opt: Max: agitur hîc causa, & illius necessariò vindicanda est ignominia, cum Mahometani ipsius gloriæ & maiestati, ex instituto planè sint contrarij,

trarij, & adeò pestiferum alant & augeant dogma, vt omnes contrariæ religionis præ se contemnant, atque despiciant, nec alios quàm seipfos suosque acinaces iudices eius rei fieri patiantur. Ac simul atque regnum aut prouinciam aliquam occupauerint, confestim Mahometo variis artibus nos nostraq; templa iniiciant, eorum ornamenta diripiunt, aras diruunt, ossa martyrum disiciunt, religiosos compedibus vinciunt, & aliquando interficiunt; virgines & pueros stuprant, omnia diuina & humana violant, & nihil non quod in eorum potestatem venit, Mahometo illi suo impuro & sacrilego deuouent, & consecrant. quasi verò tanti apud ipsos esset illa ipsa, quæ eos incedit religio, cùm eodem illo Mahomete authore ea religione abutantur, & fidem à se datam violent quàm plurimis; & cùm denique hanc consuetudinem cum materno imbibant lacte, Ottomanosque suos, vel hoc ipso nomine, maximè venerentur. Quod inde ab ineunte ætate fundendo suorum sanguine imperium suum auspicati, non tam ouum ouo, quàm vnus illorum alteri est similior, & in quotidianis lustris, stupris, compositionibus, scortationibus, tanquam lutulenti fues perpetuò voluntantur, nec vllis parcunt pecuniis, libidinum cogitationibus adimplendis. Quo etiam fit, vt illa tam immensa, quæ memorauī vectigalia, non in belli tantum, sed rerum adeò multarum inanium vsu consumant, & noua quotidie tributa sciscant, & publicorum munerum, ac magistratuum nundinationes instituant, ac pro vno aliquando munere centum aureum numum millia accipiant, quæ cynedis & meretricibus suis dilargiuntur. Quæ omnia impune sic abire pati, quin imò in nostram patriæq; nostræ disperditionē, tantum tamque horribile in Europa monstrum, hac impia fouere indulgentia, an non crudelitatis & amentię est singularis? Non enim is tantum crudelis est, qui in proximi sanguine suas polluerit manus; sed quo adeò etiam indulgente seruituti alter fuerit mancipatus. Quid? An Christianos his tot tantisque, quæ Turca habet opibus ad Christi Opt. Max: gloriam, & eius pauperum vitæ non præstaret vti præsidia, quàm abuti barbaros, & iis non modò nobis seruitutem, sed adeò animabus nostris, quibus nihil est præstantius, interitum machinari? multi profectò in magnam reprehensionem sapè incurrunt, non modò rebus iis, quas committere fas nō est, perpetrandis; verumetiam illis, quas debebant fecisse, supina præuaricatione obmittendis. Quam autem non modò incredibile, sed adeò etiam debellasse Turcam fuerat facilè, tot de eo relatæ testantur victoriæ, quas animosè & scienter persequi, & vti non

abuti occasionibus si placuisset, pacem iam firmam & perpetuam haberemus; ut enim labor spe otij, sic bellum eadem illa spe & expectatione pacis sustentatur. Quæ, quàm non modò utilis, sed adeò etiam sit necessaria, quanquam vel ex his, quæ suprà dicta sunt, cognoscere potuistis; tamen adhuc pro mea tenuitate plura eius generis afferam, & ad hanc vnam solidam, qua sempiterna constaret quies, de hoste reportandam victoriam, vos studiosè cohortabor. Et quisquam dubitabit verissimùm illud esse semperque fuisse, quod vulgari sermone tritum, in prouerbij abiit consuetudinem? Quietem sterili regione pretiosiore esse, semperque fuisse. At vbi vnquam gentium futura est quies, hac tanta tamque omnibus in Europæ oris grassante barbaria? Nam, ut à maritimis incipiam, demùm ad terrestria, quæ ex eodem illo fonte incommoda manant transcam: estne vllus vel minimus Ionij, Thyreni, Adriatici, Ligustici, & aliorum marium sinus, vllus portus, vlla ora, vllaque regio, quæ Mahometanorum prædis & latrociniis non sit exposita? adeò, ut propter clausa interdum maria, nec priuata maritima res, neque publica possit obiri; & aut tempestatibus infestum nauigare mare necesse sit, aut in prædonum redigi potestatem. Quid verò de tot tantisque aliis regnis, & prouinciis loquar, in quas non modò mari, sed ipsa quoque terra barbaris aditus est patefactus? Quid? An vna illa Polonia omnium Europæ regnorum bellatorum maximè ferax & strenua, à continuis barbarorum incursionibus aliquando respirauit? an Hungaria vllam vel minimam quietem, tot annis à Turcis habuit? an Sclauonia & Croatia semel imposito iugo hætenus se liberauit? quarum miseri coloni duobus, & tribus dominis, tributa grauissima pendunt; & tamen eam, quæ illis promittitur pacem non referunt, ut vel momento temporis tandem quiescant. Quid Moschouia? quæ à Tartaris Turcæ emissariis toties vastatur & incenditur? Quid aliæ Christianæ gentes & nationes, Turcarum & Tartarorum oppressæ copiis, parum ne declarant, quàm dura & Reipub: perniciosa ratio Turcicæ sit vicinitatis? Christianorum namque filij, quod sæpè aliàs etiam dixi, aut leuitate aliqua animi in Turciam illapsi, aut terra marique captiui facti, aut quouis modo Mahometismo addicti, magis quàm Turcæ ipsi, seminarij instar eius sunt dominationi. Quibus omnibus malis & periculis, finem imponeret vna illa solida, quam tantopere optandam & prosequendam esse censeo, de Turcis relata victoria. Quæ si vel ipsa pararetur morte, ecquis non libenter eam oppeteret? modò, nobis in cælis æterna salus, posteris verò nostris certa pax & tran-

& tranquillitas tandem constaret. Magnæ res haud scio, si vnquam sine magnis adeuntur & conficiuntur periculis. Et quia non solum bellum, sed vel belli ipse metus communibus rebus inurit calamitatem, & armorum tumultuumque suspicio, redimendorum vectigalium nunc his eripit copiam propter publicam egestatem, nunc illis voluntatem propter timorem. Quid? nonné præstaret vel emori millies, quàm quidcunq; increpuerit barbarorum aduentum & incursiones esse factas in horas & momenta omnia sollicitè suspicari? Est enim suspicio morbus quidam animi, cui vel inuitus te subiicis, ob coniecturandi necessitatem, vel non subito liberas, ob intellectus humani imbecillitatem. Iam verò sit grauè, agros, prædia, possessionesq; perdere, negotiationes & cōmercia cum exteris intermittere, spoliari bonis, destitui fortunis, & omne genus infelicitatis pati. Quid dicam filios, & filias, barbaris, prostituendas dari? quid Christum, & eius religionem eiurare? Hic quidem dolor omnes superat dolores: huius rei vel fortissimum quemque exinanimat cogitatio: hic omnes animi & corporis exuperat cruciatus. Quare, ne in perpetuum doleamus, dolere præstat aliquandiu ære in belli sumptum dando, & seipsum stringere, hoste in perpetuas angustias restringendo. Magnæ adhuc Christianorum sunt opes, magnæ diuitiæ, magni exercitus, magni vnde quaque colligi possunt commeatus: sed si & tributis dandis, & militibus in confiniis alendis, nihil aliud assequemur, quàm vt detrimentis accipiendis, & ciuibus nostris expilandis, maiori turpitudine affici in dies videamur; quæ demùm hæc & quanta æstimanda erit victoria, qua non Turcica nostris ex spoliis gaza, non sacra & diuinis repleta ministeriis loca, non amœnitas regionum, non vbertas agrorum, non splendor & magnificentia urbium, non cōmercia & societates tot nobilissimarum gentium nobis restituentur? Quarum quidem omniū nomine antiquam illam Græciā, imperatoriæ maiestatis sedem, inuentricem frugum, humanitatis domiciliū, altricē & magistrā sapientiæ, Christianos alloquentem sic audire videreque videor mihi. Quid, ô Christiani, agitis? quid Trasylbuli illius mei legem non reuocatis vobis in memoriam? quid tandem reconciliatis animis, consopitis inimiciis, depositis armis, extirpatis odiis, me cuncti non adiuuatis? Vos ego, vos appello, misera, vos duces & assertores libertatis meæ voco, & inuoco, vestram fidem implo-ro, vobis me do & trado, vestra fidissima auxilia & præsidia concupisco, vobis tandem inspectantibus ex ciuium meorum pectoribus Christi nomen & reuerentia poenitus euelletur, extirpabitur, ex-

cindetur? Restant adhuc apud me modicæ Christianorum reliquæ, quas expedit vt conferuetis, summa certè omnia ab imperij vestri amplitudine, ab exaggeratis opibus, à præstantibus ducibus, ab exercitatis militibus vestris quotidie expectantur. Ponite vobis ante oculos vrbes sine mœnibus meas, testis nudata ædificia, pecoribus & stercorebus fœdata phana, violata sacraria, inuersa & permutata omnia, diuina denique & humana vniuersa apud me violata. Moueat vos misera plebs, & instar cadauerum mea non alteri nata rei, quàm ad nudanda verberibus corpora, & omnis seruitutis perferenda onera: coniugum & liberorum meorum omnibus libidinibus vita tributa, vestram mihi hodie conciliet fidem, vestram commoueat misericordiam; vt nisi quod amplum, quod gloriosum, quod omnibus salutare, quod laude & immortalitate dignum sit, nihil amplius cogitetis. Nihil habent Christianorum vires maius, quàm quod possunt; nihil viscera præclarius, quàm quod sciunt & volunt iuuare alios Christianos. Hoc videlicet, nisi prorsus fueritis ferrei, facturos vos spero, cùm libenter, tū verò etiam studiosè, & quidem nō modo mea, sed vestra etiam ipsorū causa, neque vobis aliquo saltem adiumento in occasionibus adhuc esse possem, deserta prorsus & excisa exitio sim sempiterno. Omnia autem sub & à vobis imposita mihi erunt leuia, omnia tollabilia: nihil graue aut difficile vnquam, nihil arduum, nihil incredibile factu, nihil vobis postulatisq; vestris aliquid aliquādo dene-gabo. Hem quàm carendo, quàm fruendo melius, quanta, & quàm dulcis, sit cognosco nunc libertatem. Quo magis ad pedes vestros me proiicio, vos oro, & obtestor; si non huic libertati pristinæ, at alicui tollerabiliori me restituite seruituti. Subiecta fui diu nephariæ huic, & parricidiali Ottomanorum familiæ: parui genti & nationi barbaræ: nullam non pertuli miserabilis conditionem seruitutis. Iam quidem illucescere deberet dies, qua vel aliquā vicissitudinem rerum & temporum rursus experirer. Quod vt vobis auctoribus consequi possim, vos idem ille, quem & ego antè, sed fortassè negligentius colui, adhortatur Deus: vos charissima mea & vestra admonent pignora, quibus hic immanissimus hostis ruinam & exitium machinatur. Hæc, taliaque loquentem, quæ in eādē illa cum Græcia posita est naui, excepit Palæstina; quæ & ipsa, cùm cæli & terræ dominus nostra causa non modò tot tantaque pati, sed vel per omnes acerbissimos voluerit interfici cruciatus, quid & nos eius sepulchro tantopere glorioso, è faucibus canum eripiendo alicuius difficultatis, vel laboris tædeat, excitat & inflammat.

Parum

Parum certè fuerit beneficio humano vices exsoluere, cum par sit diuino adeò supplicem se strare, & eo ipso aliud expectare. Nos verò quid dicto eius audiētes non simus? quid tergiuersemur amplius? quid sceleratè mutuis vulneribus cadamus? quid salutē & incolumitatem publicā prodamus? quid à tam pio, iusto, necessarioq; bello tandē abhorreamus? Ardet, arsitq; diu bellis intestinis Gallia, hoc ipso communis gauisus est hostis: tumultuatur Belgium: hoc commodius ipsi optatiusq; est nihil: Germania, germanitatis oblita, ægrè Hungariæ fert suppetias. hoc augurabatur semper Polonia, insidiosi eius fœderis laqueis irretita: hanc fraudem tyrannus tegit: & dum in vicinia prædatur; hanc vnam otiosè inspectare clades concupiscit. Quo tamen illo metuendus proculdubiò, vel ipsi est magis: Tranquilla enim flumina, occultas voragines, & taciti hostes maiores de se fraudis præbent suspiciones: Proferet cuncta pater veritatis in apertum tempus, & grauior erit veneni haustus melle illitus. Proinde quoad quidem vinci Turca potest persequendus armis est. Dum se huic fidum illi ostendit inimicum, par est Christianis omnibus eum esse suspectum, & ab vniuersis censeo opprimendum. Hæc vna apud Christianos omnes omnium Comitiorum sit ratio, hæc domi & foris deliberatio, hæc diurna nocturnaq; consultatio. Vna & altera de barbaris absoluta victoria, multorum annorum pacem & tranquillitatem nobis præstabit, tot gentes & nationes associabit, commoda & ornamenta maxima comparabit. Non erit, qui Turcis amplius opem ferret domi, non qui commeatum & supplementa foris. Tota ipsius iugum excutiet Asia, non volent Afri permanere mancipia: redibunt Græci ad pristina sua ingenia. & si olim duabus rebus seditione populi & libertate perierunt declamandi; quid hæc tempora non maiorem eis suggerant materiam, & tumultuandi & clamandi, & qui denique domesticis & externis malis ibunt Turcæ obuiam, si in eos vnde quaque fuerit conspiratum? Præesse, non subesse, Christianos Deus Opt: Max: voluit, vnigenæ sui filij sanguine sacrauit, æternæ hæreditati destinauit. Id ita habere se, re & veritate ipsa testemur: & pro patria, pro aris, & focis, pro domiciliis, coniugibus, liberis, fortunisq; nostris, immanissimos hostes, & publicæ pacis & tranquillitatis, violatores, quàm illi in nos nostraq; irruant, prius aggrediamur.

TVRCICA. XIII.



I EOS, QVOS NEC SPES NEC METVS MOVET, casus aliquis infestus erroris admonere debet, subuereor sanè, ne nostra omnium consilia, vel maximè etiam contra Turcam seria, tandem futura sint sera, & quotidie tempora experiamur duriora. Non enim peræquè semper solito illo pœnitentium portu, mutatione consilij, vel subitò fit aliquis tutus; sed sicuti nunc hic, nunc morbus ille grauior prænunciat funus; sic & hoc nostrum diuturnû cum Turca discidium, & iam pax, iam bellum, iam induciæ causâ nostræ ruinæ fuerint sempiternæ. Quis enim nescit his artibus & partibus, veluti quibusdam armorum fomitibus inter nos alendis, asylum latrocinij, & parricidiorum matrem, omniumque scelerum ac turpitudinis segetem, Ottomanorum familiam eò venisse iam potentiâ; vt non aliter, quàm in aliquo denso tecto, atrox incendium diu occultatum, in nos nostrumque omnium interitum, graue & tyrannicum eius imperiû sit erupturum? Nam, ne vetustiora commemorem, cùm vnus ille Solymanus Turcarum tyrannus, qui incredibili immanitate, & as simulata quadam æquitate multa bella gessit, domando subiugandoque Persâ, quòd tenere non poterat urbem eius primariam Tauris exussisset, Amurates eius nepos nuper mortuus longius processit, & vsque ad mare, vulgò dictum Caspium, progressibus factis, Amydam prouinciam præsidij firmavit & occupauit. Quæ ad Persicum sinum licet magis spectet, tamen Turcicum per se magnum sic auxit imperium, vt non amplius Babylone, aut Serusel in Armenia, aut verò Tharso in maiori, & aliis ad flumen Euphratem locis, sed nouis & multo magis remotioribus confinibus sit auctum & stabilitum. Noua enim confinia, noua multitudinis habent studia, & peculiaria promissa, quæ nunquam seruantur lenioris dominationis. Quæ quidem omnia, cùm terdecim annorum spatio, vni idque absenti, & homini nihili Sultan Amurati cesserint in prædam; verendum profectò est, ne & Mahometes iste, qui non solùm in longè lateque dominandi, sed etiam aliena prædandi maiorum imperium & hæreditarium institutû venit, sub nobis occupet adhuc plura, & ex oriente has in oras bello translato, in Christianarum ditionum penetret pœnitiora. Difficilius enim Turcis fuit Asiam, & magnam Europæ possidere partem, quàm vel reliquo tandem in ea (quod absit) potiri. Ac quanta quidem,

dem, & quàm sollicita Ottomanorum ambitio sit semperq; fuerit, quis non intelligat, qui saltem vel mediocriter in nostris Turcarúq; historiis aliquando versatur? Nam ne antiquiora repetam, & Mahometem illum (cuius nomen semper ominosum Christianis fuit) præteream, qui duobus Constantinopolitano & Trapezuntino imperiis, duodecim potitus est regnis, & demum Hydrunto capta, imperare voluit etiã Italis; quid nostra memoria Selimus molitus sit alter nobiscum ipsi recognoscamus. An Ioannē Basilidē, magnū Moscouiæ Ducem aggressus, flumina duo, Rha, Bog vulgò Moscouiticè dictū vnū, quod in mare Caspiū, & Thanaim, Wolha appellatū, quod in paludem Meotidem influit alterum, vix duobus miliaribus nostris à se distantia, diducto vtrinque riuo, hoc cum illo coniungere, si benè cessisset res non cogitauit? vt tandem in Asia eo bello confecto, in Europa Byzantio Theodosiam, Theodosia in Thanaim, ex Thanai in flumen Rha, ex hoc in mare nauigaret Caspium; & partim ad Persidem occupandam, partim ad reliquam Europam, ac Lithuaniam, Poloniamque inprimis debellandam, Moscouiam classibus aliisque rebus, ad bellum gerendum necessariis, apparandis haberet opportunam. Acuit enim cupiditas visum, & libido dominandi solertem & prouidum reddit tyrannum. Qua ipsa demollitione Turcica, si quis fortè dubitet, quærat sanè eos, quibus cū Leonardus Straschus, ex municipio Sendomiriē eques Polonus, Turca demum factus, ac in multis legationibus Turcicis versatus, gemens & dolens familiariter, vt fit, apud suos voluntate fortasse si licuisset ciuis, necessitate hostis argutè differebat, cū primum pro Bielscensibus Lithuanorum, mox pro Lublinsibus Polonorum Comitibus, ad Sigismundum Augustum regem aduenisset, exercitui Turcico per confinia Poloniæ in Moscouiam cundi peti- tum facultatem. Quam ad rem, nec regius ordinumque consensu, nec diuinitus successus Turcis est datus. Nemo enim Christianorum debet, neque Deus ipse Opt: Max: solet, tantum quantum optauerint barbaris in nos concessisse. Quo magis, quanquam id ridiculum, ac penè videbitur alicui incredibile, extra hostium tela ab Aquilonaribus muscis, & aliis bellonum incommodis, Turcicus exercitus minor dimidio ex Asia in Europam est reuersurus, & ille in Aquilone Turcicus iam spe conceptus, in nihilum abiit dominatus. Mortalium enim proponere, solius disponere fuerit diuinitatis. Ad ambitionem quidem Turcicam quantum spectat, prorsus est eiusmodi, vt haud scio, an maiori cupiditate & arte ad orbis terræ occupandum imperium, minori paulò, quàm olim Romani con-

citantur æquitate. Nam sicuti aliquando Romani regnis in pro-
 uincias redigendis, ipsorum prouincialium vsi sunt opera, & ex ci-
 uitatibus focis fecerunt sibi seruas, & hoc a mis illo vinciendo fœ-
 dere, tandem omnes subegerunt: sic, aut non multò aliter, & Tur-
 cæ hodie cum Christianis se gerunt: & qui illis fidunt, omnes tan-
 dem circumscribunt. Quid? an olim Romani per Campanos in
 Samnum, per Mamertinos in Siciliam, per Saguntinos in Hispani-
 am, per Malsinissam in Africam, per Ætolos in Græciam, per Atta-
 lum & Eumenum in Asiam, per Æduos & Malsilienses in Galliam,
 non sunt ingressi? Et rursus Turcæ, an per Cantacuzenum Pruziæ,
 per Palæologos Græciæ, per Despotas Mysiæ, per Sepusios Hun-
 gariæ, domini non sunt facti? Multa enim in exemplum multi, sed
 potissimùm bellatores proferendo imperio rapiunt nō inuiti. Age
 progrediamur: enimuerò obscurum fuerit, vt olim Romanos Vol-
 scis, Equis, Samnitibus, Malsiliensibus focis; sic & Turcas iugum
 imposuisse Græcis, Illyriis, Hungaris, & ipsis Cyprum eripuisse Ve-
 netis. Ac postremò, vt Roma Carthaginem diu olim spe amicitiae
 tenuit, vt Philippum Macedoniæ, Mythridatem Ponti, Antiochum
 Asiæ reges, antequam alios subegisset, fœderatos habuit; an non
 habet nunc Turca Galliam, Angliam, & alias prouincias Christia-
 nas fœderatas, vt subiugatis his, & illi tandem aliquando etiam ser-
 uiant seruitutem? Quid enim Ottomanorum æquitas aut modera-
 tio, hoc tanto malo nos prohibeat? qui, cùm non pepercerint suis
 Mahometanis, quid parcant nobis Christianis? quò redacti sunt
 Isphendiades Begi? quò Synopes & Castamone principes? quò
 Caramaniæ reges? quò Tombæus Ægypti Syriaque dominus? quò
 Alymbegus Dulgati que rex, & alij quàm plurimi? Quos si non tu-
 tata est communis lex, & fex Mahometana; quid nos tueatur, quàm
 illi tanto odio habent Christiana? An enim non intelligas, quot &
 quantæ, quas ille ferè nobis melius scit, & plusquàm suæ potentiae
 fidit, inter nos sunt discordiæ? & quàm infelicia passim & vbique
 sint ista tempora? & quàm denique vrgemus ipsi hæc, quæ tanto-
 pere metuimus fata, quibus non crederemus, si corda, vt dixit
 quondam ille, fatua non haberemus? Est enim fatum diuinæ effe-
 ctus scientiæ & prouidentiae. Qui igitur tollat, quàm hæc & illa
 permittit arbitrij nostri libertatem? Sed demus etiam huic opinio-
 ni aliquid, quæ tamen temerarios indagatores sui frequentius
 absorpsit, quàm cautiore reddidit aliquando. An non habuimus
 annum suprâ sesqui millesimum octauum & octuagesimum, variis
 cladibus menstruatim insignitum? & tamen nihil nos flores incun-
 tis

tis admonuerunt Veris, & tot ac tantos casus bellorumque exitus non putauimus prænuntios maioris adhuc tempestatis. Obseruatum est quidem multos annos variis mutationibus esse obnoxios; sed maximè centenarios, aut eis proximos, tam præcedentes, quàm etiam subsequentes. Quæ, vt ego minoris apud me habeam, & ad summum illum motorem omnium omnia referam; tamen circa annum sexcentesium, vereor multò adhuc maiores rerum & temporum conuersiones futuras; & post sexcentesium hæreses, magna ex parte spero & aueo cessaturas. Proinde quisquis tandem fueris, qui in tua alienaue fata inquiris, Deū potius Opt. Max: pro te & altero ores, vt in vniuersum omnes conemur effici meliores. Præpotens ac immortalis Deus, decreta sua mutat, si & nos in melius vitam nostram mutauerimus. Negatum est summis stare diu, dictū diu: tu vt voles ista interpretêre. Præstiterit quidē ex præteritis præsentia, & ex his quæ nos manent mala, collegisse. Abhinc mille annis, de quo maximè tractatum est, in ipso ferè Centuriæ exitu, natus est Mahometes. Quo eodem ferè anno proximoué tempore à Saxonibus è patria pulsi sunt Angli, qui antè D. Augustino ad præstandam Romano Pontifici obedientiam, eos adhortanti dicto, non fuerant audientes: qui enim Christi in terris Vicarium spiritualium non cognoscit patrem; hic nouercam experitur patriam, magis quàm matrem. Abhinc noningentis, Iustiniano amoto Cæsare, grauissimi motus tota Græcia extiterunt, & Hispaniæ vsque ad Pyrenæos montes in Saracenorum redactæ sunt potestatem. Abhinc octingentis, Carolus Magnus Imperator, à Leone Pontifice Romano, præter omniū expectationem, Cæsar Augustus est salutatus; qui à Constantino Magno, vetustate oblitteratam occidentali imperio summam restituit maiestatem. Abhinc septingentis, regnum Normanorum cepit, & Mahometes per suos Saracenos, Africæ & Siciliæ magnas calamitates importauit. Age progrediamur: anno à Christo nato, Centuria iam penè decima instant, an non legimus Gregorium Pont: Max. Ottonis Imperatoris propinquum, à Crescentio Consule Romano eiectum fuisse, & mox ab Ottone contra eum, qui ipsi successerat, Ioannem restitutum? Qua demùm ex causa, grauissimas omnium pœnas Romanus dederat magistratus, & ipsum Romanum imperium, ad Germanos est translatum. Pontifice Romano, quamobrem id fecisset interrogato, respondente. Caro, inquit, & sanguis mihi reuelauit. Etenim multa multis, sed haud scio, an sanguis dominetur vniuersis. Quid? an verò, vt Ottonis Cæsaris, erga Pontificem Gregorium,

beneficiū maximè memorabile fuit? Sic Henrici III. Cæsaris factū in reprehensionem, rursus grauem non incurrit? quòd altera annorum ineunte Centuria, Pasqualem Pontificem Romanū captiuum fecit, & suam illam, Petri & Pauli limina adeundi religionem, irreligiosam reddidit ad omnem perpetuitatem. Non enim par facere fuerit malè, suscepto aliquo itinere ex voto religiosè. Quid? anno post millesimum ducentesimo appropinquante, vt paulò antè noua regna in Asia condita, & Tartarorum regni initia, & Græcorum imperium authore Balduino translatum, non commemorem; an Innocentius Pont: Max: non eandem ferè, quàm & alij superiores Pontifices, subiit calamitatem? Quod idem seculum, variis procellis, peste, bello, incendiis, & alluione maximè laborauit: cū & in Galliis, quod ferè dictū est incredibile, innumerabiles corui per aëra volitassent, quibus domorum & oppidorum multorum incendia accepta ferebantur. Nihil enim sub sole est nouum, nisi tu ipse, qui hæc miraris, nouus videâre. Sanè & Almericus quidā, nefariam hæresi mexorsus; eidem Innocentio illi Pontifici Max: quantū facessiuerit negotij, quis ignorat? Quam paulò post hæresim, & Henrici Cæsaris mors in Germania subsecuta, aliorum etiā motuum præbuit occasionem: obitus enim regum, afferunt vicissitudinem temporum, & rarius letiorum. Postremò, cū annus tercentesimus, suprà millesimum, appropinquaret, vt multa memorabiliaq; alia, quæ eodem acciderunt tempore, præteream; nonné vnum vel maximum euenit miraculum, ad confirmandam in gentibus Christianæ religionis veritatem? Erat Cassanus quidā Tartarorum vulgò dictus Imperator, qui Catharinam, regis Armeniæ filiam christianam, sibi matrimonio iunxerat, & vehementer adamârat. Hæc enixa cū illi fuisset filium animanti quàm homini magis similem, quibusdam auctoribus, ob suspicionem adulterij, capitis damnata; antequam de ea supplicium sumeretur, sacrosanctam Eucharistiam percipere, & infantē sacratissimis vndis abluendum postulauit. Quo facto, vidisses incredibilem in modum partum illum mutatum: & non modò augustam saluam, sed & Tartarorum Imperatorem, Christianæ religioni propterea initiatum. Quantò enim rariora, tantò diuinitus profecta miracula sunt cumuliora. Quid verò de anno suprà sesqui millesimo quadringentesimo dixerò? circa quem Pontificia sedes rursus Aueniono Romam translata, & multa sunt variata. Et quid porrò de hoc quingentesimo, Caroli V. Cæsaris natali loquar? qui, antequam venisset Caroli VIII. Galliarum regis memorabilis, illa ad regnum Neapolitanum occupan-

pandum incidit profectio, & in orientis ac obeuntis solis, vltima veteribus incognita nauigatio patefacta; vt, quod & antè dixi, minimè mirum videri debeat, omnes annorum Centurias, præ cæteris esse fuisseque semper magis insignes, & hunc sexcentefimum futurum perinsignem. Quò enim vltèrius portu solueris, maius fundum; & quò plus vixeris, semper magis reperias mundū immundū. Sunt quidam, qui Mahometanam sectam, vel ante hunc ipsum sexcentefimum finem suum affirmant sortituram; propterea, quòd sicuti sub Gregorio Magno Pont: Max: Mahomete nascente, ingens quidam Cometes eius portenti apparuerat prænuntius; sic ab hinc viginti & aliquot annis, sub eiusdem nominis Pontifice, vt quidam autumant, Antichristo nato, rara quædam & admirabilis stella apparuerit, quam à Christo nato visam nemo literis prodiderit. Quàm hæc quidem futura vera sint, nescio. Multa alias antè Antichristum nascendum, desiderari adhuc animaduerto: sed interim, qui vult videre optata, vitet iis contraria & infesta. Extremo iudicio nihil incertius, nihil iudice seuerius, nihil iudicando timidius, nihil damnato est calamitosius. Intellectum profectò est cunctis diuinis mādatis, passim & vbique violatis, & politicam violandam libertatem: tot enim sectæ, tam inter se dissectæ, nihil aliud quàm vnus dominatum comminantur: & cùm non religioni, sed rebellionì studeatur; videndum est, ne duobus inter se contendentibus, tertius se præficiat regioni: & cùm denique ab auita religione discessum sit, & nunc hæc, nunc illa antiquarum renouetur hæreseos, ne tandem ad Mahometismum, qui claudat riuulos, veniatur. A summo namque ad ima grauis, sed facilis est delapsus. An verò non perspicimus, quòd non modò iam Græci leues illi, & temerarij aliquando socij, sed ipsæ adeò gentes nationesque quædam, quæ & non facile superari, & habere aliis videbantur plus firmitatis, eò iam sunt prolapsæ amentia, vt nihil apud eos antiqui moris, aut resideat disciplina; sed omnia torrentis instar præcipitata sint, & non modò animis, sed & castris iam inter se dissidere, principes ipsi coeperint, cùm, vt quidam aliquando festiuè dixerat; Qui victus est, liber esse cupiat: qui liber, dominus: qui dominus, Imperator: qui Imperator, adeò etiam vt tonare possit Deus, & omnes ferè sequestra pace Turcicis armis desiderant feriari. Quasi verò obscurū sit, nunquam Ottomanorum familiam, claro aliquo & veteri genere ortum, sub se impunè viuere, pati voluisse neminem. Cuius rei causa ad testificandam, quàm ex deuicta Meninge siue Gerben. insula, animi Solymanus perceperat voluptatem, in publicis numis-

matibus characteribus Turcicis inscribi illud curauerat: Imperium armis quæro, non religionem respicio. Ex quo tanè facile intelligas, quanta eorum sit ambitio, quam nec orientis gaza, neque Europæ regna & imperia potuerunt restinxisse. Itaque multo quidem consideratius periculo, licèt longiùs absunt præpotentes illi orientis reges, Magnus Chitainorum Tartarorum Chan, & Persarum Scachus, huic Ottomanorù dominandi inexplibili siti, decennio ferè antè, nouo inter se in eos inito fœdere occurrerunt; cùm perpetuæ coniunctionis ergo, cum Chanis filia Scachi Persici filij certis vtrunque promissis sibi auxiliis matrimonium contraxisset. Noluerunt nimirum expectare, vt illud Solymani numisma gestiente læticia, sparsum Ottomanorum imperio, de ipsorum principatu aliquid adiungendo, in ipsis quàm in aliis priùs effectum fortieretur: vinum namque, ira, gaudium magnum, ad confitendū verum habent aliquando equuleum. Nos videlicet ingeniosiores, hanc barbarorum elusuros audaciam, qui sint tibi sanè & videantur barbari; non tam quidem esculentorum, & poculentorum euacuandorum, quàm armorum tractandorum studiosi, à Caucaso progressi eò venerunt iam potentia; vt duobus imperiis, & quàm plurimis lætentur regnis, regionibus verò, vrbibus, ac vectigalibus infinitis; & quòd adhuc ab eorum rabie, reliquum nobis Deus fecit, spe & cupiditate circumscribant. Quibus, si maturè obuiam nō fuerit itum, subuereor equidem; ne hoc tantum mali, in venis & visceribus Europæ inclusi, non quod ante dixeram, tabida, sed pestilentis febris instar opinione conficiat nos celerius, aut saltem vires nostras ita atterat; vt cùm postea ad bellum ventum in eum fuerit, nec coniungere aliis intermedia ipso occupante nos possimus, nec si maximè velimus valeamus. Quis enim vel nunc quoq; arma in eum sumere audet? quis præ altero exercitum in expeditionem ducere? quis à se sepimentisque suis, longius eum amouere? Murium instar ferè omnes sumus, qui Catto alligare sonos semper vellemus. Sed dum hoc, dum illud causamur, maiora indies pericula ab hoste nobis metipsi conflamus. Et quis est nostrum, quem ille non penitus nouerit, cuius mores, ingenium, potentiamque, non perspexerit; cuius ditionum situs, populorum belli gerendi modos, momenta vectigalium, rationes ciuium, auxilia & opportunitates vicinitatum, non habuerit exploratas? Hinc ille de rege Viennen: hinc de Venetorum armamentario, hinc de Comitibus Polonicis crebrioribus & ferè semper discordibus voces: hinc de diffidiis & æmulationibus omnium Christianorum sermones: hinc de
appa.

apparatu & conatibus irrisiones Turcicæ audiuntur. Nimirû, quid inter nos quotidie fiat videt, vnde demum præsentia præteritis necit, ex præsentibus verò futura elicit, & de tota denique re coniecturam capit, minimè quidem ambiguam aut fallacem. Quo etiam magis non cunctos pariter, neque vno modo singulos; sed nunc hos, nunc laceffit illos, interponit spatia rebus, dat veniam aliquibus, seruit scœnæ & temporibus: iam vnum hunc vngit, & alterum pungit: cum hoc societatem init, cum illo abrumpit: & omnes nihilominus cogitat sub suam tyrannicam redigere potestatem. Quam & ad ipsam perficiendam rem, quid obsecro ei defuerit? num pecuniæ? quæ illi sunt maximæ: num exercitus? qui sunt numerosissimi: num consilia? quæ domi habet sanissima; à nobismet verò ipsis, in perniciem Reipub. quotidie suggeruntur. Actum igitur, actum, proh dolor, de nobis est, nisi prohibuerit Deus ipse Op-
Max: ac ut ne prohibeat quidem, scelera nostra impediunt, discordiæ tarditatem, spes fallaces, & inanes cogitationes, soporem nescio quem nobis afferunt; ut breui præsentium fructum, gaudio quodam inebriati, nihil ferè sentiamus, nisi viuum perstringatur, & interim aliorum è terra securi spectantes naufragia: nunc vnum hodie, nunc alterum postridie regnum pereat; & deniq; pluribus angulis, modico temporis interposito spatio corruentibus, tota machina Reipub. collabatur. Vincente enim semper vno, & vix tuente quod reliquum habet altero, quid tertium fuerit, quàm pati victorem? Iam enim sobrij hominis cogitationem, vel ad tempus suscipiamus, & seriò nobiscum consideremus ipsi; quid in his, quæ adhuc restant, Europæ reliquiis, contra hunc tam potentem hostem, nobis sit inexpugnabile: perinde, ac si nesciamus eum, qui ab oriente ultra Euphratem, ab occasu ad mare Ionicum, à meridie ad Æthyopiam, ab aquilone ad mare Euxinum imperat. Multò adhuc, nisi cuncti ei occurrerimus, longiùs latiusque posse regnare. Hem, quàm multò iam rectius, hoc tubarum Turcicarum clangore, quàm olim Romani illi Catonis ficuum odore ad bellum excitaremur. Alicubi diebus, alicubi horis, vel paucis ex hostico in nostra peruenitur, quæ nec commemorare libet singula, neq; quibus vicissim hostes facilius adhuc vinci possent modis, typis expedit peruulgare. Sed ut in reconditoribus, vel hoc vnum proferatur; an non prorsus stupidi & amentes sumus, quòd Christianos eos, qui Turcis subsunt, & nihil magis, quàm seruitute ipsorum liberari cupiunt, intra confinia nostra non recipimus; ut nos nostraque prædandi, animus hosti potentiaque minuatur? Aut enim magnis

gnis aut paruis, nos aggredierentur copiis: magnas amotis agricolis, quo sustentarent, non haberent, minoribus minori negotio se suaque dissiparent; sed hoc curamus scilicet. Qui tantum aliquando abest, ut eversa, conuersa potius, ut cupiamus in alios nostros, quos extinctos vellemus, barbarorum arma atque dominatum. Proinde, cum aliquid etiam ex visceribus nobis sociisque nostris excidit, non secus ac olim Græci verbis extenuamus fidentiùs, & nunc amphoram vini de manibus effluxisse, nunc porcorum stabula, vrbes & munitiones fuisse dictitamus, quasi momenti aliquid & consolationis habeat eiusmodi extenuatio, & vel minutis crebrius amittendis, magnus tandem detrimentorum non fiat cumulus, qui triduo non refarcitur. O fatuitatem! Hoc videlicet modo, perit olim quæstionum auida, & latinorum inuida Græcia: hoc præfidentis sibi Misia: hoc illa, quæ hastis etiam suis ruens cælum, in Sigismundi Cæsaris exercitu, sustinere volebat Hungaria. Maluerunt certè Græci, cum Latinis de S. Spiritu otiosis disceptare verbis, quàm multo antè, cum tempus fuerat, de imperio contra barbaros decernere armis. Itaque iusto Dei iudicio, eiusdem Spiritus S. festo, capta Constantinopoli illa acceperunt vulnera, quæ eorum dominationis extrema fuerunt funera: ut sicuti Constantinus primus, antè cum natus S. Helena mille annis, religione Catholica, & in Romanum Pontificem obseruantia, conditor Constantinopolis, nouæ Romæ dictæ, maximopere clarus; sic hic Dragases, Constantinus alter, Helena etiam natus, sed religionis Catholicæ desertor, & Pont: Romani inimicus Constantinopoli amissa, fuerit extremus. Noluerunt & Hungari in Catholica religione manentes esse liberi; liberi in hoc Euangelio nouo, facti eorum sunt serui, & illa experiuntur mala, quæ & aliis, qui illorum perfidiam sequuntur, sunt metuenda. Quandoquidem ob religionem, vel potius rebellionem ardet tam diu Belgium, otiosis syllogismis: Germanicum labefactatum est imperium: Gallia & Anglia, nescio nouonè dogmate, vel veteri instituto magis, à belli Turcici cogitatione facta est aliena: Polonia, seu quoddam hæresum receptaculū, & omnis licentiæ asylum est effecta: Moscouia schismate, à Romana ecclesia auersa: Suecia, & Dania, nescio cur disgregata: quādoquidē nō tam numerū Alkenciorum, neque robur Azaporum, neque disciplinam prætorianorum, neque fortitudinem Charitariorum, neque militandi vsum Beglerbegorum, neque consilium Purpuratorum, neque postremo suam ipsorum Ottomani felicitatem tanto adiumento habebant, quàm hæresiarchas inter ipsosmet Christianos, de quorū numero

mero & ætate, cùm Solymanus Turca aliquando quæsiuisset, & quæ annum ageret Luterus sciscitatus fuisset, legato quodam Germanicæ respondente, quòd octauum & quadragesimum ageret; dolere se, quòd ob imminentem senectutem, non in posterum tantum, quantum antea semper conatus suos posset adiuuare, clarè respondit. Quo adeò nomine ipso, in libro quodam Symposiacorum suo, Luterus est gloriatus, & Turcicum Cæsarem, omnem illi beneuolentiam detulisse suam, non dubitanter annotauit. Sic multi multis rebus prodendis literis, quando maximè aucupantur laudem, depidunt vel nonnunquã existimationem. Miseros interim nos, qui angues in sinu gestamus, & viperarum progeniem ventrem exedere matris impunè tolleramus. Vnus ille, vnus cùm labij Turca fuisset, vnus, inquam, Vrbanus, hoc nomine secundus, Pont: Max: & Bernhardus, Claraualensis Abbas egregius, infinita penè bellatorum millia, bello in Asia contra Saracenos administrando, potuerunt sociasse: nos tot hæresiarchis auctioribus, in Hungariam non possumus, quàm præforibus nostris ferè habemus? An non idem ille Deus Opt: Max: non eadem est religio? an non eadem, quæ olim istos imò & maiora pericula nos consociant? Dicam equidem quod sentio liberè. Pericula sanè eadem imò & maiora esse possunt: Deus offensus, religio mutata, aræ & phana prophanata, victoriam non dabunt. Quin & Mahometani quotidie plures, & regnandi libidine vehementiores, & nescio in quem furorem contra nos acti, & tot prædis, ac regionibus possessis, sunt locupletati. Quid? an non magna Tartarorum ante annum Pocutiam percurrentium, fuit audacia? Quantum animi & corporis robur, quàm penè incredibilia in barbaris omnia spectabantur? vt immanes quasdam belluas, non homines, syluas illas & Carpati montis iuga dixisses superare. I verò contemnito istos: & qui tua alienaque pocula siccas, maiora te præstare posse alicubi profiteri. At enim nō aliunde ista, quàm ex occupationum nostrarum contemptu, & sui viriumque suarum barbaris proficiscitur confidentia. Neque enim tacebo, quod de Henrico Valesio, Poloniæ rege, Cracouiæ in summa summorum virorum corona, chirothecis & cothurnis pretiosis induto, & seu quadam vnguentaria popina, in sella inaurata confedenti, legatus Tartaricus dixerat: Non videri sibi eum regem, qui tam esset delicatus, magnum aliquem futurum bellatorem: neque id iniuria. Nam per externa, non difficilè cognoscas & interna, & delicatos martyres non solere præstare admiranda. & quotus quisque apud nos fuerit, qui labore & negotio quàm

Z

otio,

otio; dignitate quàm voluptate, castris quàm rastris; magis occu-
petur? Age, an non ferè omnes ad clauum, rarissimi verò ad remi-
gium volunt collocari, docere non discere, loqui non audire, dis-
ceptare, & nihil horù quæ finxerunt verbis, re præstare? quàm de-
nique plures, gulæ non gloriæ, abdomini non nomini, priuatæ v-
tilitati quàm publicæ omnium seruiunt necessitati? Sed minimè
mirum, cum suo honore & præmio, virtus & scientia etiam desti-
tuatur; cùm non nisi ignaui adolescentuli, aut audaces hypocritæ,
aut quos subesse, quàm præesse rebus, magis expediebat ad altiora
euehantur; vt demùm sententiis eorum audiendis, dicatur alicubi:
Sapientes audiunt, & stulti garriunt, & venalia omnia pro se quisq;
inuerso ordine confectetur; & causidicus præfecturæ, milites vsuræ;
omnes inhient versuræ; & nemo in illa arte, quã didicit, non dicã se
exerceat, sed neq; eam profiteatur. Tedet namq; pudet pariter sine
mercede laboris, & sine honore pœnitet nauitatis. Quibus de re-
bus omnibus, quis dubiret hostem fieri crebrius hinc certiorẽ, &
partim struendis nobis insidiis, partim fidentius aggrediendis no-
stris, reddi quotidie animosiorẽ? namque bellatorem iuuant &
excitant multa; sed peræquè nihil, quàm cùm conatus, & consilia
hostium habuerit explorata. Est autem quæ hoc ei nunciet, pensi-
lis Iudæa: est & Armenipolonia: est denique hosti, vt dixi, præ-
dandi stimulis, nunc hic, nunc ille vicinus ab altero auersus, & aut
iners, aut imbecillus. Inferte oculos quò vultis, & vera hæc esse
deprehendetis. Quid enim aliud Baiazetem in Græciam, quid A-
muratem in Thraciam, quid Solymantum in Hungariam, quid Se-
lymum in regnum induxit Cyprium, quàm occasio, & nostrorum
principum discordia? Iam ergo & hunc imminentem sexcentesi-
mum, & qui cum aut proximè sequentur, aut antecedunt annos,
vobiscum ipsi animo intueamini. Et hunc Mahometem Turcam,
tanta crudelitatis exempla in suos non temerè putetis edidisse, nisi
quòd his adhuc maiora in Christianos edere velle videatur. Circa
hunc quidem sexcentesium, immanissimum quendam tyrannum
toti Europæ dominaturum, Hultenius olim aliquando minabatur,
& multò adhuc Hultenio vetustior Lactantius Firmianus hæc ver-
ba alicubi protulit: Romanum, inquit, nomen, quo nunc orbis regi-
tur, tolletur de terra, & imperium in Asiam reuertetur: & rursus, O-
riens dominabitur, & occidentis seruiet. His tamẽ ego non moueor
vocibus. Ac multò magis doleo, his prædictionibus contraria, vir-
tute nostra ostendere nos non potuisse, & Orienti aut Asiæ, quæ
semper imbellis est habita, præ Europæis militaris gloriæ principa-
tum

tum reliquisse. Viri certè cordati, seu quandam vim astris sæpè asferunt, & fortes se eximunt ipsi fatorum necessitati. Multò autem (vt mea opinio fert) si prædictionibus fides habere debet, certiora illa fuerint, quæ de Mahometano delendo circumferuntur império, non amplius ab exorsu suo quàm mille annos duraturo. Quamquam an millenarius iste ad annum natalis, aut ad initium doctrinæ referri debeat Mahometis, incertum est: Sed vt quod instituerã dicere, prædictiones istas ne tantopere timeatis, magisq; nobis quàm Turcis suffragaturas iudicetis. An verò à fide dignissimis non memoriæ etiam est proditum, circa hæc eademque tempora, maximum apparatus belli Turcam facturum, & terra marique Europam concussurum, cui Catholicos reges suas esse opposituros copias, & Turcam omnino debellandum: tum verò & ex oriente regem quendam oriturum, qui omnibus iis, quæ nunc Turca possidet, Christianis via in Asiam patefacta, facile potietur. Quanquã idem illud ad regem quendam Franciæ alij referant, & illum vnum vt primum in Christianis regem, sic & postremum futurum testificentur. Quibus Abbas Ioachimus de Ruppe scissa, qui & Venetis multa prædixit adstipulatur, & ait: Et tum gallus augebit cristam suam, & regnabit, & imperabit, & omnibus renouabitur. Sed de his & alijs alij viderint. Mihi quidem omnia modernorum vaticinia paruam fidem faciunt; sed illa minimam, quibus Christus Opt. Max. defuturus suis crederetur. Ac multò quidem mihi fuerit probabilius, quod crebris multorũ vsurpatur sermonibus, Ottomanicam familiam, non nisi certo imperatorum numero, qui haud scio an iam finitur, regnaturam: ac sicuti sub Rudolpho primo Austriaco Cæsare ortum suum habuit; sic sub Rudolpho altero extinguendam. Quod vt diuinitus optandum, sic illud vicissim confitendum est, non nisi perpetuam curam, cogitationem, sollicitudinem, vnãq; ac eandem omnium requiri voluntatem, hoc hoste debellando. Deus quippè est vnus, vniceque armipotens semper, qui præstat suis triumphũ. Verùm eius triumphi finem, consiliumq; rectum, & parando genus & institutum vitæ vult laboriosum. Et quisquam dubitabit, his tot atq; tantis, quæ nos ex Turcia manent, periculis, nullum opportunius remedium inueniri posse, quàm vt quot Christianæ Reipub. sunt ciues, tot Barbarorum essent hostes, & vnus alterius iniuriam suam duceret contumeliam; ac vel hoc demum ipso diuinam gloriam tueretur. Quod aliquando his verbis expressit Poëta:

Si iniuriarum auctorem vlcisceretur

Z 2

vnusquisq;

Vnusquisque nostrum, & vna propugnaret
 Æquè. Ac si propria sibi esset facta
 Iniuria, & Ciues vehementi studio mutuam
 Iungerent operam.

Non amplius nobis calamitas inciperet
 Improborum hominum, sed obseruati
 Et meritam pœnam luentes,

Vel admodum essent rari, vel prorsus desinerent.

Vt inquam Christiani, quotquot sunt, aut quoad eius plures maximè volunt (velle autem vniuersi debent) dextras in barbaros suas iungerent, fœdera percuterent, & in officio ac fœdere illo tandem perstarent. Id enim bellum est iustum, quod & necessarium: & ea arma gloriosa, quibus depositis, pax infida & insidiosa iurè timetur. Huic bello, iugera agrorum dimensa, & per dena aut plura equiti vno, in bellum profecturo, stipendia assignata, huic capita censa, huic prouentuum omnia minutatim expensa, huic bona tam publica quàm priuata, in communionem temporum collata, & ingeniosissima quæque imperandis pecuniis adinuenta; quid aut excogitatu superuacanea, aut præstita graua, aut obtentu videantur incredibilia, vt communis salus & patria defendatur? Felix ille est denarius, qui cautor est centenarij; & salutare bellum, quo maiora incendia tranquillantur. Quid? an & Sigismundus primus, Poloniæ Rex, licet cunctator vt in alijs rebus, sic & in hac haberetur, hoc bellum contra Turcam non censuit necessarium? vel ante Ludouicum, Hungariæ regem, à Turcis interfectum, cùm annis ab hinc octoginta Bidgostia comitia celebrasset. Quod idem septennio post, publico Comitiorum decreto, in eius belli vsum grandi ære imperato, non dubitanter Cracouiæ confirmavit. Age, an & ipse Carolus V. Cæsar, bellatorum sua ætate maximus, Tunetum versus contra barbaros profecturus, ad suos Arragonios Menzonum veniens, animi eorum ad ferendam sibi opem commouendi ergo, macilento equo vectus, & veste mutata non publicè apparuit? & an Ferdinandus Romanorum rex, eius frater, Hungariæ & Austriæ cladibus apud imperij ordines graui oratione exaggerandis in Spirensibus Comitibus & ipse nō fleuit, & quàm plurimis lachrymas non excussit? Sed proni, miserum me, ad vlciscendos ferimur socios: vix verò vel lachrymis aliquid damus principum maximorum. Sic videlicet etiam olim in rebus, quod dixi, maximè seriis iocabantur Græci: sic suis pereuntibus vrbibus, stabula porcorum amissa appellantes,
 pende-

pendebant omnia apud se flocci: sic postremò, quando quid Matthiæ regis tempore in Buden. Hungarorû Comitibus de Turcis nuntiabatur, ne pecuniæ imperaretur, Slauonica noua dictitabant Hungari: sic postremò quoties olim Petricouæ in Conuentu de Tartaris aduentantibus increpauerat rumor: Russica & Podolieñ. noua & aulica artificia ad emungendos ciues pecunia ipsi testabantur sæpè Poloni. Quò autem hæc reciderint, & recasura adhuc sint, dies docebit. Periit quidem tota Græcia, periclitatur magna ex parte Hungaria, non est sine periculo & Polonia: Vñ interim, quod plerumque fit, euenit; vti in seruitute sint abiecti, qui in dominatione fuerunt fastidiosi; & qui barbaris aliàs fideliores, his demû semper barbari infestiores. Quare demonstranda, non nisi pauca & recentia adducam exempla: & Deum Opt: Max: rogabo: vt nunc & in posterum videamus pauciora. Proditum est literis, cuius tamen rei penes auctorem fides esto, Venetæ classis præfectum, antè sexaginta circiter annos, Turcicæ classis præfectum alterum monuisse, Ambraico sinu educta classe, Ionio mari vel quàmprimum excedere ne grauaretur, propterea quòd Andreas Auria, Caroli V. classis præfectus, magno apparatu fretus, contra eû nauigaturus, & omnino victoriam de eo crederetur relaturus. Paruit præfectus Turcicus: verum Solymanus Turcarum ipse dominus, qui alienæ potentiae metus gratia, non suorum commodorum causa illa consilia data coniecturabatur, non ita multò post, leuissimis quibusdam de causis, bello contra Venetos decreto, Corcyra ipsorum Insula longè latèq; vastata, & Insulis Cycladibus direptis, negotiatoribusque Venetis, toto Turcico imperio, cum vniuersis eorum opibus & pecuniis in prædam datis, Nauplij & Epidarici concessione, & duobus denique in Dalmatia castellis, Nadino & Lubiana eos multauit. Quibus illi damnis nihilo cautiore facti, cum inito denuò cum Turcis foedere Barbarorû coluissent amicitia. En vidim⁹ Cyprio regno perfidiosè capto, quo eorum, quas tantas in illo regno habuerant opes, & ciues reciderint, lugere certè cum lugentibus Christianis, quàm gaudere cum triumphantibus de nobis, paulò antè Turcis proculdubio præstitisset: melius namque domum arida, quàm ex Turcica victoria virida folia reportare. Visi Cyprij quidam sunt proceres postremò in Genuen. quondam Colonia Theodosiæ, longè à patria amandati, qui veluti extra omnē aleam positi, ac Ottomanorum amicitiae spe, sibi ipsi præfidentes, inauratis stipati comitibus, equisque vecti spumantibus, tantum non in ipsa irruebant fana, ad valuas templorum humi iacebant proiecti, stipem poscentes

tes exporrectis manibus, & omnia quæ increpuissent circumspicientes tremebundi. O subitam rerum & temporum conuersionem! O conditionem mortalium miserandam. Nollem verò amplius eius generis commemorare plura, aut infelicitatis cum Turcis Christianorum exempla repetere antiquiora, sed identidem ad eadē recurrit oratio. Quis enim Palæologorū Græcorū? quis Comnenorum Trapezuntiorum imperatorū familiam? quis Despotum Seruix Bulcouitiorum, quis in Hungaria Sepusiorum Comitum domum propterea extinctam non dicat & sentiat? quod quantò Ottomanis fideliores, tantò vel eo ipso videri & esse volebant multis Christianorum formidabiliores. Nihil autem est debilius, quàm fama potentix non sua vi nixæ, & præsertim barbaricæ. Ac memorabile imprimis fuerit, quòd in Byzantina olim accidit expugnatione. Iussi sunt primùm qui nobiliores, nec scio si non & addictiores Ottomannis fuerant, conuenire in forum gregatim omnes, & à reliqua multitudine seipsos separare, quod omninò omnibus ijs rebus, quas vel antè habuerant, non carituri dicerentur. Ibi cum ut imperatum fuerat cōuenissent, contrucidati ad vnum sunt omnes, & bona ac possessiones ipsorum fisco Turcico applicatæ. Hem fidem & imperandix aequitatem. Nimirum intelligis, si nobilitatem suam asserentem, sub se viuere vel aliquem hi Turcici tyranni patiantur, qui vnum Deum in cælis, & vnum Cæsarem Turcarum in terris, coli, & neminem alium dominum dici vel agnosci debere, passim & vbique imperant atq; testantur. Quod cum ex multis alijs rebus, tum vel ex illis Hieronymo Lasco Palatino Siradiensi aliquando in Turcia datis responsionibus facillè est colligere. Is enim sine literis præsidij, sex vel septem comitatus annis ab hinc circiter septuaginta, cum à Ioanne Sepusio Hungariæ rege Constantinopolim aduenisset, ab Imbraim Purpurato, & Ludouico Gritti, Ducis Venetiarū filio, illa & plura superbissima verba, quæ non inuitus hoc loco asseram, toto integro mense Decembre tractandis negotijs sæpè audiuit: Vnus Deus, inquit, in cælis, & Soltan Soleimā vnus dominus colitur in terris. Montes Christianorum, vngulis eorum nostrorum in planiciem deducemus. Turcæ breuia habent dicta, sed longas manus. Non potest melior esse commoditas, tertio, quam cum inter se concertauerint duo. Facillè ex puteo aqua extrahitur, in quem non influit. Turcæ habent magis aduncos vngues, quam falcones. Ad hæc verò, & similia Illustri viro Lasco, liberius aliquid dicenti: Loqueris, inquit, tanquā tria capita in sacculo attulisses, respondebant. Quo tumore animi & confidentia sui, cum

cùm semper Turcæ fuissent, mirum est, fortunã, quæ sibi vna omnia vendicat respondisse, & hunc tyrannicum & loquendi & agendi Turcicum morem, & dominandi per omnia acerbitatẽ, in meliores præualuisse. Sed vasto & Tyrannico regendo imperio, haud dubiè crudelitatis quã exẽpla valèt plus lenitatis. Ac pulchre olĩ Carneades de regum & regnorũ iure & possessione apud Romanos differens: Si, inquit, semper iustitiam spectare Romani vellent, ad restim (quod aiunt) ad casus quidem certè res eis redituras. Quæ si Romanorum dominandi fuerat olim ratio, quid non sit hodie barbarorum? qui adẽ Mahometis sui lege, quò plures Christianos occiderint, eò plura sacrificia se præstare Deo ipsi opinantur? Malo enim fundamento posito, peius ædificiũ: & peruerso suscepto dogmate, infinita sequuntur monstra errorum. Itaque, quæ ex vna illa Turcia, nos nostraque omnia pericula manent, consideremus accuratius: & non illius Philippi Macedonis instar simus, qui magnam aliquando ex Italia in Græciam tempestatem aduentantem præuidere se testabatur, & nihilo tamen minùs, cùm maximè potuisset, non occurrebat tempestati. Et erit alicui dubium, si paulò adhuc ampliùs, huic tam feriò cùm Turca gerendi belli indormierimus negotio, quod Carneades dixerat ad casus nobis esse redeundum? Modica inclinatio temporis, quantã obsecro inter se parit commutationem voluntatis? Quo minus interposuerimus moræ & aliarum occasionum expectauerimus tarditatem. Res ipsa nos docuit, quã ægrè, quàm tardè, quanto cū metu, scrupulo, & suspitione inter Christianos fœdera ineantur; cùm vel vnum illud, sub Pio V. Pont. Max. quàm ægre percussum sit, recens sit memoria. Quòd adẽ ipsum nobili de Turcis triumpho insignitũ, nihilomin⁹ subitò est dissipatum. Et haud scio an interim Turca cautior, & potentior in nos steffectus; crudelior quidẽ certè. Ab irritatis namq; belluis, morsus sunt grauiiores. Nobis verò tam immensus sumptus factus, tam magnus sanguis profusus, tantus labor susceptus quæro, nũ vel vnica gleba terræ est compensatus? Et tamen rebus ad eum modum iacentibus, quid enim stantibus dixero? gloriabitur non nemo, cùm voluerimus fore de Turca nos semper victores. Egregiè sanè: vtinam saltem non eo modo atque ratione, quo Palæologus ille de Andrinopoli capta accepto nuntio olim est gloriatus. Præstare quidem aliquid possemus, si in communionẽ temporũ nos nostraque omnia alacriter conferremus. Et his fœderibus ineundis, tantum quantum par fuerit inesse vellemus firmitatis. Quæ dum percutiuntur, quàm plena omnia ambitionis, quàm fucata & ad tem-

ad tempus afsimulatæ sunt amicitia, perspicuū est : quàm persequē vicino nostro, quo cū nobis vel nimina aliquando intercessit offensio, quàm vel hosti iurato & hæreditario parum admodum fidimus, & nos nostraq; concredimus illibenter, & denique quàm inuiti & reluctantes & extrema tandem necessitate adducti in hostē, at qualem & quantum ? domo parumper egredimur, corporibus magis quàm animis sociati. Quidam enim bello sumptibus faciundis, arte exhauri viribus imbecilliores sinunt, & rursus alij ita perire hostes vellent; vt nec socij etiam nostri victores remanerent. Quæ cū stare non possint, sic his fœderibus tanquam quibusdam luditur fidibus, & priuata vtilitate non publica necessitate ea metimur. Age enim, illud ipsum, de quo sub Pio V. Pont. Max. dixi fœdus, quàm diu, quàm variè, quàm multipliciter tractatum fuerit videamus. Et quàm deniq; anxie, & quasi quibusdam ex scopulosis cotibus tandē ex ea consultatione est enauigatū. Petebāt Hispani, à regis sui nutu, & imperio pendentem eligi imperatorem. Et quidem his vel potissimis ad illud efflagitandum rationibus nitebantur. Primū quidem, quòd maxima omnium Philippi Catholici Hispaniarum regis futura essent auxilia. Deinde, quòd & illius imperium tam magnum & exaggeratum, & tot tantorūque regnorum gentium nationūque in eo magnitudo, vnum aliquem ex ijs quàm ex alijs eligi Ducē poti⁹ postularet. Accedebat, quòd in tanto tanti reges imperatore, summa futura esset auctoritas, qua magna & graua quæque bella gesta & confecta fuissent, præsertim cū ea fama constent semperque constiterint, & summæ rei clarissimi nominis & seminis aliquo præsidente, & ipsum potentissimum totius Europæ regem totis viribus bellum esse aggressurum, pro se quisq; facilius coniecturare posset & deberet. Non enim nisi magna magnos præstare oportere. Ex aduersus verò suum eligi, & renunciari ducem, Veneti impensissimè flagitabant: quandoquidē ijs & non alijs, tam graue & periculosum bellum, potissimum intentaretur: & omnia plena armorum & calamitatum in ipsorum regno spectarentur. Turca etiam ipse magis ipsorum quàm aliorum hostis esset grauissimus, qui toties abruptis cum ijs fœderibus, regnis, quæ hostilibus armis magis essent exposita, perpetuò eorū inhiaret. Quod satis superque non iam verbis sed rebus ipsis esset declaratum. posteaquam Nicosia præcipua regni Cyprij vrbe capta, ad consultationem de hoc ipso ineundo fœdere fuisset ventum, cum Christianæ Reipub. maxima gloria, ac proculdubio & incremento. Quid, quòd & in ijs partibus bellum geri oporteret, quarum

oras

oras, sinus, portus, Veneti quàm alij socij magis haberent exploratos, & quòd maior ipsa Venetorù, quàm aliorum classis futura esset sociorum. Qua ij, qui Turcis nunc parent, demum conspecta, ad arma excitari posse, & vexilla, sub quibus aliàs etiam militabant, sequi debere facilius crederentur. Noti enim notis alacrius aggregantur. Postremò commodius rebus maritimis præfici eos, qui in mari nati, & maritimæ militiæ assuefacti, & armamentarijs ad naualia prælia copiosis instructi, bonam & vtilem operam viderentur nauaturi. Exercitus enim seipso exercitâdo, & Respublicæ maritimas res, diu multumq; tractando, efficiuntur augustiores. Res demum tota, Pont. Max. iudicio & auctoritati permessa, scimus quem exitum fuerit sortita. Ego autem, non alia de causa vel hæc omnia hoc loco commemoro, quàm vt istam fœderum ineundorù difficultatē sciamus, & semel in ictis diutius persistamus. Nihil sanè est leuius, quàm sæpius pacisci & abrumpere inducias, nunc bellum, nunc pacem poscere, & summis decernendis rebus, vel de minutissimis quibusque diu inter se disceptare. Vnus, inquires, homo cunctando nobis restituit rem. Benè habet quidem: sed præter quòd fuerat vnus, tu si in omnibus & per omnia non fueris eū imitatus, & ipsum cū alijs, si nō iuuerit tēpus, & exitus cōsilio ipsi^o similis, qui tibi contingat vel maximè expetitus? Nihil est præceptum & lubricum magis, quàm exēpla sequi, si prorsus ea, quæ sequere assequiq; cupis, omnia nō simillima fuerint explororù. Vtile fateor, & quasi quodammodo est necessariū, dū de grauibus deliberatur rebus, in acré disquisitionē multa posuisse. Audire, sed nō exaudire perq; singulos, & rerù, temporù, personarumq; omniū momenta exactissimè ponderare. Multarum namq; rerù diligens indagatio, coniecturam & decisionē affert de rebus certiore. Verùm, vt quidem & consultes, & decisa exequare diu, hoc videlicet, non tã boni consilij amanti, quàm amentem te monstauerit. Hinc illud olim Budæ, in marmoreo incisum lapide, notabat non neminem, longum consilium vicinorum, perdidit florentissimum regnum Hungarorum. Et nescio quis eius regni procerum, ad externi auxilij rationem, similitudine aliqua effingendâ, catafractum equitem, cancro insidentem depingebat; & alter item mendicum cruentis pedibus stipem poscentem, penicillo volebat adumbrari, qui pecunia in Chirurgum, à prætereuntibus impetrata, in caupona consumpsisset. Quibus ego de rebus, rectenè vel secus factæ prolatauè fuerint, iudicium mihi non sumâ; sed illud vnum dicam, non oportere nos semper omnium moueri peræque vocibus, cū aulæ, castra, & infer-

nus, plenæ sint querelarû, & meminisse nos debere, Deum solû esse perfectissimum: nec omnia in inuidiam vocanda regû & principum maximorum; qui si non essent, nec isti, qui sibi in eos iudiciû sumût, fortè extarent. Noscere autem vel ipsos per se, tantû abest, vt admoneri aut certiores fieri de ijs debeât, errores nostros Mahometanos. Sed vel suos etiam sapius nō vsquequaq; habere exploratos. Cûm, (vt verbis poëtæ vtar) Ilyacos intra muros peccetur & extra: nec quidquam sit aut sub sole fuerit, omnibus numeris & partibus absolutum, præter quòd Mahometani vno illo suo obediant capiti; nec sit, quod aut ab instituto eos remorari, aut in diuersas distrahere partes, aut nostras in eos pertimescere artes magnopere faciat, quos sciunt sociari quidem aliquos aliquando potuisse, sed tandē in illo ipso fœdere non diu admodum & firmiter perstitisse. Præteritorû namque tenax memoria, nequaquam coniectura falsa sæpè est futurorum. Age enim: an fortè eorum, quæ nuper acta sunt, cepit eos obliuio? vt nesciant quàm lenti quàm tepidi fuerimus, his similibusq; fœderibus in nostros religionisq; nostræ hostes feriēdis? Dicem certè de die expectauimus: pactis conuentis non peræque semper nec ubiq; stetimus; & haud scio, si iusta aliqua de causa, illa rursus pacta violauimus impotenter. Vellem autem, vt rei tam odiosæ & aliàs defuissent exempla, quæ in omni memoria reperiuntur etiam opinione plura. Sed an & sub Eugenio IIII. & sub Pio II. & sub Paulo III. Pontificibus maximis, hoc idem factum non reperiatis? Ac postremò sub Pio V. quàm turpiter illud abruptum fuerit, de quo dixi, fœdus, quid nobis in memoriam non reuocemus? quod Franciscus Comendonus, S.R.E. Cardinalis, eiusdem Pont. Max legatus, præter Hispaniarum regē & Venetos, aliorû quoq; regû societate debebat auxisse. Verûm, cûm primû ad Maximilianum Cæsarem, & ad Sigismundum Augustum Poloniae venisset regē, tractâdo fœderi omnia opinione reperit duriora. Nam nec quidem Cæsarem ipsum Hispaniarum regis, qui in fœdere fuerat, patrum fratrem, ceptæ cladis in Hungaria memoria, neq; Giule & Segeti ammissio, neq; regem Poloniae, tot à Tartaris, Turcæ emissarijs, ac recens accepta detrimēta, neq; Bogdano Valacho in auitû principatum reducendo, Polonorum cûm Turcis ad Choczimû velitatio, neq; postremò tot tantaq; permouerūt alia; vt Reipub. laboranti auxilia dare, quàm nunc hoc, nûc illud causari potius viderentur, cûm aliàs facilè iniquis conditionibus proponendis, etiam iustissima eludere sit postulata. Quibus tamen ego conditionibus particulatim enumerandis non immorabor sanè diuitius: ne nostra nostrorûq; sociorum

ciorū vulnera velle videar refricare. Sat sit dictum, si hac veluti declinatione quadam, tam potentes illi principes tū temporis minus uti voluissent, & eos, qui maritimis copijs impetebant hostem, maturē adiuuissent, debellari cū importunissimo tyranno proculdubio potuisse. Ancipiti enim contentione distracti, & terra mariq; pariter tandē infestati, vel potentiores quiq; sunt collapsi. Verūm (ita plerunq; fit) ut consilium dare soleant plures, sumere periculū velint pauciores. Et ut olim, dum Romæ consultabatur, Sagunum fuit expugnatum: sic & nostrum foedus in nihilum sit redactum, ac regnum interim Cyprium Turcæ relictū deuorandum: & sicuti deniq; olim de diuinatoribus dicebatur Romæ, quod hominum illud genus semper improbare, & nihilominus in vrbe retineri multi consueissent; ita nescio, si non ad nostra quoq; id adaptari posset ingenia, qui imminere nobis, omnes & promiscue à Turca periculum ingens clamamus; at quo modo periculo illi occurrī posset, & parū, & pauci cogitamus. Nosse autem & non prospicere malis, summæ est fatuitatis. Quæ cū ita sint, & cū in bellis bellorumq; expeditionibus omnibus, quod minor iustitia, eò malorum quàm bonorū maior quædam animi sit contentio, dubitabimus; ut quidem necessitatē grauē, sic non minorē, his socialibus in Turcā foederibus percutiendis esse futuramq; semper difficultatem. Sed non propterea tamen abijciendum esse animum, imò ad vnum illum potissimum scopum, Turcæ ex Europa pellendi perpetuò collineandum. Quid enim est, quod omnibus omnium Christianorum regum & principum, animis & viribus simul iunctis, superatu sit incredibile? quid audita eorum concordia non maximè hostes metuant? quid non extimescant? quid non triumphum nobis de se, atque victoriam largiantur? Ferunt Ludouicum Bauarum Cæsarem creatum, contra suum imperiique sui æmulum Fridericum Austriacum, quem & prælio tandem vicerat, quoties in exercitu fratrem ipsius esse sciebat, dimicationis periculum subterfugere consueuisse, propterea, quod arcana quadam naturæ lege, fratrum concordiam perumpi non posse aliquando audiuiisset. Quid verò Turca non metueret, nō vno aut altero in exercitu fratre, sed congregatis contra eū pluribus, nec tantum sanguine sed religione, quæ à religando dicitur, veluti adamantino quodam nexu & societate copulatis; nec simplici aliquo, sed Deo Opt. Max. duce, non nudius tertius summæ rei præposito, sed antiquissimo illo & inuictis: bellatore, cuius aliquando in Alligeriana expeditione, inter duces ipsius de principatu controuersia orta, manu crucifixi imaginem gestans, & con-

scensa, classe in triremi stando nudus, & pelle quadam inusitata, inlta præcursoris illius & natorum in mulieribus maximi indutus, gerere vicem se, Carolus V. Cæsar non dubitanter proclamauit? Optata quippe in exercitibus veniunt multa, sed nihil vnquam præ senti numine fuerit optatius. Quid? nonne legimus, quomodo olim Bessarion ille, purpuratorum patrum sui seculi doctissimus, & qui magna eorum, quæ Græcia à Mahomete Turca tulerat, pars calamitatum fuit, Christianos reges contra Turcas animando, Turcæ lupo dicit esse similem, qui diucolores vel infinitos canes non metueret, vno pilo aliquibus conspectis fugam protinus adornaret? An igitur vno in hunc lupum canibus pilo, & vno non opus erit Christianis in talem tyrannum animo? & vna denique omnibus non expedit esse religio? Et qui deniq; vno cum altero sit societas fida, si infida cum Deo fuerit? & quæ in castris concordia, si domi nulla constiterit? Pius V. Pont. Max. quid nuper non fecit talibus fœderibus inter principes feriundis; & tamen vix tandem aliquid (quanquam & illud ipsum contemnendum non erat) effecit, ac ab vno illo Hispaniarum rege Catholico, cui de sua ætate demptis annos addi diuinitus voluit, & à Venetis plura quàm ab alijs omnibus auxilia obtinuit, & à reliquis Italiæ regulis & vrbibus duodecim perditum, & duo equitum millia impetrauit. Quid autem & hodie iam speremus, & quid ex aduersus, si vna mens vnaque esset religio, non expectemus? & quid denique à Pont. Max. non fieri eius rei causa debere iudicemus? tanto religionis zelo æruente, tanta omnium veteris sanctitatis exemplorū vestigia exprimente, tanta deniq; exitia Hungaria nobilissimo totius Europæ regno patiente? Habent suas laudes Pontifices multi, maiorem, quam sub quo aliquid contra religionis hostes geritur, habiturus est nemo. Præesse denique non subesse Romam Deus Optimus Maximus perpetuò voluit Romano Pont. Petro, & eius successoribus, magis quàm olim Romulo: nomen eius illustrauit Germania imperij maiestate, & rerum gestarum gloria perpetuò viguit: Hispania, post tot annorum centena à Mahometanorū seruitute in libertatem seipsam posuit: Polonia, id, quod antiquitus dicitur, re & veritate Christiani orbis propugnaculū esse semper cupiuit: Aliud postremò alio magis Christianū regnum, suis, maiorumq; suorum in Rempub. meritis, commendari semper desiderauit. Quid igitur obstitit, quò minus eodem in vnum fœdere sociata, bellum in Turcam moueant? quo minus se suaque defendant? quo minus ab imminente & extremo excidio ambustas istas reliquias & prouincias tueantur? Italos ad decus & digni-

& dignitatē nata excitauerint ingenia: Germanos veteris illius maiorū constantiæ & fortitudinis gloria: Hispanos Mahometanæ seruitutis memoria, Polonos auorum pietas & vigilantia, qui aliquando vel vna illa Theodosia Ligurum Colonia capta, ad arma contra Turcas toto regno clamârunt, & Rhodo expugnata, cum suo rege Sigismundo vestem mutârunt: Gallos, Anglos, Scotos, Suecos, Danos & Molchos prætereo; qui tamen & ipsi vident, & aliqui eorum experti iunt, Turcam apud eos regnare & in immensum dominari voluisse, & deniq; quantò plus occupare, tantò minus satiari. Anus namque & auarus, semper queruntur. Tenet Turca Orientem, Occidentem petit; habet Austrum, Aquilonem tendit; nec quiescit, donec æternū conquiescat: Regnum hodie vnum capit, cupit cras alterū: & alius alium hac in parte imitatur magis Ottomanū, licet interim suspectus pater sit filio, & hic insidias struat genitori suo, & omnia in eorū familia foeteant parricidio, & fratricidio detestando. Quò magis resistendum est Mahometanis armis, obuiā eundū expeditis copijs, infringendus eorū est conatus, iunctis simul viribus atq; animis; vt terra mariq; Turca petitus, sedes eius Constantinopolis, à Christiana classe, à Polonico, Hungarico, & Germanico exercitu Andrinopolis, ab Italico & Hispanico Epyrus, & Macedonia, vno eodemq; tempore concutiatur, & demum, tam ab externo quàm ab interno hoste, totum imperium euertatur. Facilius hæc dici quàm fieri inquires. Non nego: sed neque etiam factu incredibilia esse libere dixero, & multò difficiliora paulò post futura affirmabo. Præstat ergo serò quàm nunquam contra hostem aliquid agere, & quæ commoda esse debent, ardua & difficilia licet statim tentare. Publicum malum, priuato nascitur lucro: & rursus bonum publicum, priuato sustentatur incommodo. Ibant olim, minoribus moti periculis, tot & tanti Christiani in Asiam, & diuenditis patrimonijs suis, nullo fere præeunte duce, nullo subministrato com meatu certo, nullo delectu militum facto, tot tamque admirabiles res passim gerebant. Iam verò, si vetustiora repetamus, an vno illo prædandi & latrocinandi studio, Gotti Italiam, Hunni Hungariam, Vandali Hispaniam, Saxones Angliā, Slauones non inuaserunt Germaniam? & pro Christi gloria suaq; & suorum salute nihil facient Christiani? copijs fortibus aucti, ducibus eximijs freti, iustitia causæ nixi, ære & com meatu locupletati? Nunquam in barbaros defuit Christianis animus. Quid in tanta æquitate deesset & triumphus? Certum est dimidia Christianorum parte, Turcarum constare imperium, si imperium dixeris, quòd

omnis generis ex fugitiuorum grege, & prædandi concreuit impunitate. Quid? an in vna illa Constantinopoli, præter quatuor millia vicorum, in quibus Christiani tantum habitant, Græci & Latini ritus Ecclesiæ non reperiuntur plurimæ, in quibus publicæ ad populum conciones audiuntur, & omnia denique sacrificia atq; Cæremoniæ, quorū aspectū, non secus ac nocturnæ solis, nec quidē Spartaci ferunt ipsi, magna cū solennitate celebrantur. Ne enumerem non millena, sed multa millium eorum centena, qui partim ciuitata, partim etiam seruata religione, patrem, auum, proauum, Christianos habuisse se meminerunt, & ad vnā IESV CHRISTI nominis mentionem taciti ingemiscunt. Quorum tantus est numerus; vt in vna Epyro, Catholici ritus vltra centena Christianorum constet esse millia, tantundem verò in Slauonia, in Ducatu Sabæ & Herzegouina nuncupato. Mox verò & in Myſia inferiore atque superiore, & ad ripam Danubij, hominū millia pene ducenta, tanti roboris & proceritatis, vt non ambulare sed equitare eos diceret, & à paucis centenis millia hostiū profligari posse iudicaret. Daciam hoc loco prætereo, quæ ad ipsum mare Ponticum protensa, vnā cum Thracia, vix credibile est, quot & quantos habeat Christianos; & quæ semel commota, non est facile quietura; imò exemplo ad capiendā arma vel alijs futura, cū fama vulgata sit, vel quā plurimos alios in Turcam excitari. Vt enim ad incendium sic & ad tumultum, non tam vt extinguant, quā vt prædentur, certatim plures accurrunt. Nihil denique de Mahometanis ipsis, & eiusdem superstitionis populis, qui Turcico nomini & semini sunt infestissimi, loquor; de Cordis in Asia, de Turcomannis, & ex sanguine Gallico Drusis, in Africa de Arabis, Mauris, & id genus alijs, qui Christianis in Turcam arma capiētibus præsto essent, & quotquot in Turcia Christiani sunt, euestigiò se ijs aggregarent. Vos tantā vos expectant alios, vestram fidem, vestra auxilia implorant, vobis taciti ostentant, ad vos supplices manus tendunt, vestras dexteræ, tam in prælijs quā in promissis seruādis firmissimas, sibi iungi, sibi auent sociari. Nolite committere, vt tot tandem tamque diuersis & opportunis locis, temporibus, occasionibus, spe à vobis elati & frustrati sua, ea arma, quæ hætenus contra vos tulerunt, coacti tandem ad eò etiam acuant & stringant in vos desperati: & quibus renuitis lætari socijs, eos experiamini hostes: & quos non vultis participes esse libertatis, patriæ vestræ habeatis cuersores. Vereamini & alios, quos adhuc facta tectaq; conseruare videtis sua, quotquot sunt Christianos; ne aut desperatione fracti, aut necessitate aliqua
adacti

adaſti, aut victoria de Turcis potiti, & in vos tandem irruant, aut aliquid eiufmodi contra vos domiciliaq; veſtra moliantur. Diuturnū enim inter nationes odiū, iuſto aliquo dolore conceptū, excitat tandem belli & armorum incendium non ita facile extinguendum. Videtis, quæ rerum & temporum quotidie maior fiat inclinatio: quantalignorum ad ignem & magis aucta ſtrues, ſic malorum ad euertendam Rempub. congeries, indies grandior ſemper euadat. Huius Turcæ pater, planè erat ineptus ductandis exercitibus in expeditionem, quid bellum fuiſſet, vix ſciebat: progredi & regredi in eo ignorabat: Purpuratos prætorianos, & Spahos ſuos occultò metuebat: decies centena hominum millia, in Perſide contra hoſtem obtriuerat: magnum equorum armentorum, armorum, & bombardarum numerum, diſperdiderat: omnia denique tam domi quàm foris reddiderat ſuſpecta, & quodammodo ad interitum iam prolapſa. Quibus omnibus non obſtantibus, quanta nihilominus eo viuente Ottomanico imperio facta ſit acceſſio, quot & quanti coaceruati theſauri, quàm longè fines prolati, quis ignorat? Iam verò ſucceſſit ei alter, & ſucceſſit quidē, non ſolū in dominationis, ſed etiam in Ottomanicæ crudelitatis hæreditatem: qui vel Nerone ipſo immanior, & Saracenis crudeliør, à matris & fratrum nece imperium ſuum auſpicatus, circiter triginta homines diuerſi ſexus, vna fere die crudeliſs. ſuſtulit. Feratum ſuum præcipuum purpuratū, & duos Beglerbegos, Natoliæ vnū, Romanicæ vulgò dictæ, alterum interfici curauit. Præfectum prætorianorum tam præclare de ſe meritum, & nescio ſi non ſanguine ſibi iunctum, iugulauit: & deniq; ſummæ ſpei adoleſcentes duos, in Valachiæ Ciſalpinæ vnum, in Tranſalpinæ alterū principatum, ius nescio quod prætendentes, naribus & auribus mutilari iuſſit; ne amplius ad eam dignitatem aspirarent, quòd ob mobilia eorum totiuſque gentis ingenia, illis prouincijs, tanquam quadam Traciæ cella, priuatum ſe eſſe quereretur. Negociatores poſtremò externos Italos, Armenios, Iudæos, & diuerſi generis alios captiuos fieri, & in duriffima vincula coniici fecit, atque magna prætia redemptionis ab ijs extorſit, in vſus bellicos conuertenda. Cuius quidem belli apparatus maximos fieri nemo dubitauerit, & non iam alios, ſed ipſum Cæſarem bellum geſtutum, ac exercitum ductutum in expeditionem. Qui tamen idem, vt omnium tyrannorum mos eſt, ad cuncta, quæ increpauerint ſe ſuoſque vertit: metum non fidum nec diuturnum magiſtrum officij eſſe meminit: Mahometanæ legis finem inſtare iam audit: miracula quorundam anguium, & alia alij generis edita vidit,

vidit, & deniq; suum suorumq; omnium finem & conuersionē cum horrore circumspēctat. Adeste igitur Christiani animis, & mutuam omnes nauate vobis & Reipub. operam: imploretis diuinitus opē, & sperate victoriam, aderit ille certò vobis, qui nunquàm defuit, nec defuturus est suis: redibunt illa felicissima tempora, quibus aliquādò in Asia condebātur à Christianis regna: redibūt, quibus lup' cū agno habitabit secula: omnia perpetuò metu & suspitione liberabūtur nostra: auertētur quæ animus meminisse horret, Reipub. funera; cū pro se quisq; patriam iuuerit, ornauerit, auxerit, & secus agendo, suum interitum certum certò venturum sibi persuaserit, nec deniq; ab eo, qui fraude & insidijs omnia aggreditur, feciale duxerit expectandū; qui Venetis, Corone, Metone, Cipro ereptis, Despotis, Rascia & Bulguria ademtis, Pallæologis Græcia, & alijs alia re & possessione spoliatis, Austriacis quoq; regib' Hungariā eripere astu & vi cōcupisci. Quæ iura, libertas, si nihil vos permouerint, peribūt quidē, quod absit Hungarorū reliquiæ, sed pariter quoq; sedes, fortunę, liberi, & coniuges, periclitabuntur vestræ: Turca externis auxilijs excludet, & adoriētur vos vndequaq;: & vereor tandē, ne fera illa imprudentium excusatio, in ore vestro tandē versetur: Non putāram. Quæ si nihil Græcos, nihil Illyrios, nihil Epyrotas, nihil Cyprios, nihil iam adiuuat Hungaros; quid iuuaret & Christianos alios, qui veluti partim vi tempestatis, partim incuria gubernatoris naufragi facti, amentiam & discordias suas serò admodum deplorarent, & nihilominus vellent nollent Turcicam seruirent seruitutem; quæ nec cum Romanorum in exterarum gentes imperio, neque cum Assyriorum dominatione, neq; cum Græcorum principatu potest conferri? Proinde misereamini tandem Reipub. misereamini conditionis vestræ futuræ, misereamini vestrarū sediū & domiciliorum, misereamini sociorum, diminutionem Christiani imperij factam, tot Regum regnorumq; ruinam, vastitatē vrbium, excidium ciuium, animo contemplamini, & maiora adhuc Reipub. funera atq; exitia, nisi his malis occursum citò fuerit, propediem expectate: foris, non domi, in acie ad dimicandū parati, nō velata facie ad risum commouendū personati, in hostes nō in conciues vestros arma induite: & deniq; non ad diffundendum, sed ad defendendum Christianum sanguinē enses vestros dstringatis: Satis superq; est lusum, si modò dici debet lusum, & nō fusum, sanguinis potius est Christiani. Quid restat, quàm vt hæc tandem aliunde retexatur tela, & ab hac tam præpostera velificatione aliò vertantur mox vela. Sera & seria sunt ista secula: concurrunt vndiquaque omnia, ipsi ea si quæ.

quæ sunt vrgemus, de quibus conquerimur fata, fatua, quæ obdu-
 rauimus corda ad Deum non conuertimus: tot sectæ tam inter
 se dissectæ, tot tantæque hæreses robustiores factæ, tot tantæque
 clades ab hostibus nostris acceptæ, tot ciuiles dissensiones passim
 inter nos excitatæ; quid aliud nobis, posterisque nostris, quàm iu-
 gum, flammam, ferrum, excidiumque; Turcicum comminantur? cùm
 gloriæ Dei & salutis nostræ hostis, nihil non apertè, tentet & mol-
 liatur Sathan: & quod à mille annis per Mahometanos non potuit,
 hoc denique per hos, & hæreticos, conatur iam efficere, & veræ re-
 ligionis luce, nos, nostraque omnia spoliare. Nostrum verò fuerit,
 vel opponere se animosè omnibus, vel dare vtrique aut alterutri
 manus, ciuium cruore oblitus, & sempiternis cruciatibus expian-
 das. Multa quidem bella aut ratio concordia sustulit, aut prose-
 quendi difficultas restrinxit, aut tempus & necessitas ipsa miti-
 gavit; hoc vnum Turcicum bellum nec sine periculo potest,
 neque sine Dei hominumque iniuria debet vel segniter
 geri, vel ad aliquod tempus intermitteri, vel si-
 cuti grando aliqua in alieno agro
 pereuntibus focijis ociose
 inspectari.





CHRIS. VARSEVICH,
DE CONCILIO
ET CONSILIARIIS
PRINCIPIS LIBER.

EX F. FVRII CERIOLE
HISPANICO IN LATINVM
VERSVS, INQVE LVCEM
EDITVS.



ILLVSTRIS.

CHRIS: VARSEVICII,
DE CONCILIO ET
Consiliarijs Principis Liber,

*Ex Friderici F. Ceriole Hispanico in latinum ver-
sus, inque lucem editus.*

CAPVT. I.

PRINCIPIS CONCILIUM, HOMINVM
selektorum est conuentus, seu quædam con-
gregatio ad consilium, in omnibus ei præ-
standū: qui tam bello incidunt, quàm etiam
pace; vt tanto quidem facilius recordetur
præteritorum, & futuris prospiciat, & in re-
bus deliberationibusque omnibus, prospe-
rum exitum sortiatur; vt aduersa interim vi-
tet atque fugiat, aut si euitari non possunt, quod ad eius fieri ma-
ximè potest, in id incumbat, ne quid detrimēti patiatur. Quem eun-
dem conuentum, propter finem, ad quem est excogitatus, placuit
non nemini Consilium appellasse. Nobis verò iustis quibusdam de
causis, quas ne prolixi simus, consultò præterimus, Conciliū dicere
videtur non ineptum. Quo tamen non obstante, pro se quisque, vt
rectius existimabit, loquatur & scribat, cū hac in parte, Cōcilium
vel Consilium dicere, perinde fuerit. Qua de re omissa disputatio-
ne, ad propositum reuertamur. Est ergo concilium Principi idem,
quod omnes ipsius sensus, ipsius intellectus, ipsius memoria, ipsius
deniq; oculi, ipsius aures, vox, atq; manus ipsius. Populo verò est pa-
ter, est tutor, est curator: idem & vterque tam Princeps, quàm &
illud eius concilium, personam in terris referunt diuinitatis. Quo
fit, vt bonum consilium, quandam veluti integram perfectionem
& auctoritatem tribuat ipsi Principi: sustentet & augeat populum:
& vterque, Princeps inquā & Concilium, boni, fideles & verè sint
ministri Dei. Ex aduersus verò malum concilium obscurat, & in
nihilum ipsum Principem redigit, & ceu quoddam saxum reddit.
Quo olim aliquando veteres Romani suo Deo termino effingendo

vtebantur. Populus ipse dissipatur, & tam Princeps quàm & eius conciliū, fiunt Deo Opt. Max. rebelles, & mancipia Sathanæ. Quæquidem tales ac tantæ sunt res, vt nesciam, liceatné in hac vita spectare grauiore. Quo magis etiam dies noctesque ipsis inuigilandum est Regibus; vt tale exquirant & habeant concilium, in quo nec vel minimum desiderari posse videatur. Mihi quidem, cui rationem & experientiam, & regulas maximorum rectorū sequi placet, hæc stat sententia: Quòd etsi consilium Principis, non nisi existat vnum, in quantum habeat caput, qui est princeps; disternari nihilominus in partes multas illud oportere, quæ ipse non minus quàm pedes, brachia, & alia membra Principi respondebunt: quæ, licet loco, forma, & officio disparia sint, vnū constituunt hominē; sic & concilium, quàmlibet, vt necesse erit, in multas diuidatur partes, non plus quàm vnum referet corpus, & declarabit vnā videlicet & bonā administrationem, & defensionem, cuius caput est Princeps, & eius membra diuersitas consiliorum. Vnde, qui assignare voluerit regulas, & ordinem alicuius boni concilij, cuiuscunque Principis; ante omnia explicare debet, quot consilijs indiget: & in quolibet ipsorum, quot consiliariis, quot præfectis, quot à secretis, quot scribis opus habere videatur: quas porro prærogatiuas, & quantum habere debeant auctoritatis: quomodo conueniendum eis sit, quo loco, & tempore, qua hora, quomodo proponenda negotia, quibus reddendæ Schedæ, quæ vulgò appellantur memorialia: apud quos requirenda responsa, qua ratione dicendæ sententiæ, & alia quàm plurima: postremò necesse est, vt ostendatur, quo modo ipsa etiam concilia se mutuò ad euitandam negotiorū confusionem intelligant; & quo pacto tandem concilium in extrema determinatione, antequam sequatur conclusio, informare ipsum Principem debeat, ad quem omnia necessariò referuntur. Me quidem hunc ordinem secutum, par erit à prima parte sumere exordium, qua planum fiat, quot principi concilia necessaria sunt futura. Quod quidem iam dico, nec pluribus quàm septem, nec etiam paucioribus esse necesse: & vt deniq; disertè explicè omnia, repeto identidē instituendū & seruandū septuplex Principi esse conciliū, pro toto & integro eius imperio, negotijs, ministris, munere & auctoritate, si vult bene & citra difficultatē administrare principatum. Quorū eorundē conciliorum, erit ærarij primū, & ita quoq; Concilium Ærarij nuncupetur. Cui cura incumbet omniū prouentuū Principis, tam descriptorum, quàm extra ordinariariorum: & quomodo congregare, custodire, tueri, amplificare ipsos

ILLVSTRISSIMO PRINCIPI
ET REVERENDISS: DOMINO,

DOMINO GEORGIO,
MISERATIONE DIVINA, TITVLI

S. SIXTI, S. R. E. PRESBYTERO CARDINALI,
Radiuilo nuncupato, perpetuo Administratori Episco-
patus Cracouieñ. Ducatusq; Seuerieñ. nec non Olicæ &
Niesviez Duci, &c. &c. Dño semper colendissi°.



*Vi non modò suo Marte edendis, verùm etiam aliorum
bonis conuertendis desudant libris, nã haud illi in-
eptè fecisse, & oleum (quod aiunt) operamq; videntur
mibi amisisse. Alienæ enim lucubrationis versio fide-
lis, cum utilis est multis; tum tuæ ipsius opinionem præ-
bet omnibus, & argumentū nauitatis. Quo magis hunc
Ceriolam Hispanū, Latine à me versum, & sub tuo, Illustriss. Princeps,
prodeuntē nomine, si non omnibus, sanioribus saltem probatum iri spero,
opto quidem certè; verbum enim verbo redditum est, quidquid in materia
tam graui & ardua, breuiter & succinctè ab eo est exaratum. Quod sa-
nè, multis multorum; vel longissimis commentationibus est præfere-
ndum. Sic enim respondet acumen ingenij pectoris candori, & dispu-
tandi subtilitas, sententiarum grauitati; ut tales Ceriolæ consiliarij,
omni æuo optari, quàm sperari videantur mihi magis potuisse. Sed
vtinam quidem, vel aliqua aliquando extet eorum similitudo, cum Ca-
tones præturis, & non hæ illis, sint fuerintq; semper magis quæren-
dæ; minus fortasse his moribus & temporibus Respub. laboraret. Quod
tamen ego, asequi si vellet, velle autem debet, principum posse dice-
rem non neminem, vel hoc vno Ceriola per otium lectitando. Est enim
rectus & rectus dandis consilijs, sic vt, licet ab alio quodam etiam conuer-
sum audierim, viderim quidem nunquam, non pœnituerit me in eo
vertendo laboris, & obitæ, si quæ fuit, difficultatis: vno illo excepto,
quòd in Polonicis quibusdam hallucinatus est rebus, & nimis mag-
nam in candidatos dedisse licentiam, aulæ pesti videtur, obrectato-
ribus. Quod tamen ipsum non maligno animo illum fecisse, & hos, si*

qui fuerunt, nœuos, præclaris aliis consiliis obscurasse, & ab Hispanico nomine tyrannidis suspicionem falsam, quam alienæ felicitatis comes inuidia, & ciuiles, inciuiles admodum, inter Christianos discordiæ gignere consueuerunt, quantum in eo fuit amouisse, quis ignorat? Quæ una pace aliquâ dixerim) natio inter tot tantasq; alias, haud scio si obtinuerit in multis principatû, siue imperij quam habet amplitudinem, siue religionis spectes constantiam, siue denique morum præ aliis firmitatem, & monet. (licet minimum id fuerit) non suspecte cudende intueâre rationem. Quæ per. eque omnia non ita ubique inuentu sunt facilia, & vel ipsa adeo monimenta, qualia ex Hispaniis prodeunt scriptorum, afferunt nostro seculo lucem, & nomen genti existimationemq; singularem. In quibus hunc vnum Ceriolam, Illustrissime Princeps, dedicare potissimum placuit tibi, quod & Hispanicæ linguæ gnarus, & in omnibus Hispaniarum regnis summa cum pietatis tuæ & sanctimoniarum laude versatus, proptereaq; & in aula illa à summo regum imprimis honoratus, & à me, antequâ hæc ederem, quasi alter Ceriolæ Consiliarius semper fueris existimatus. Quem Deus Opt. Max. florentem, & quàm diutissime seruet incolumem. Ego, quod reliquû fuerit, me, seruitutemq; meam offero, & commendo tibi sempiternam. Vale. (Macouia xxvii. Iunij. Anno 1595.

D. Vestræ Illustris: & Reuerendis.

Addictis: Seruitor.

C. Varsenicus.

ipso prouentus oporteat. Quomodo etiam extraordinarij sunt exigendi, unde, quo tempore: postremò, qua ratione tributum ipsum imperandum sit, & quo pacto imponi, augeri, & promulgari sine damno & querela populorum queat. Nec verò non & illud animaduertendum est, ut etiam ea, quæ aut superflua, aut iniusta, aut nociua, & odiosa sunt, abrogentur. Huic eidem concilio, omnium, tam belli quàm pacis tempore, sumptuum Regionum incumbet cura: & ita quidem, ut modice auferantur sumptus; alij autem qui fuerint necessarij, augeantur: regum namque opes, non solum conquirendo ære, sed immoderato etiam demendo sumptu continentur. Sic, ut hoc concilium Thesaurus sit Principis, aut ærarium, sicut olim Romanis antiquitus dicebatur. Sine quo, in quocunq; tandem Principatu, Princeps egebit semper, & debita contrahet, & erit subiectis imperanda pecunia grauis, qua & ipsa sensim minuetur, populi vestro exarescent, & instar mortuorum penè reddentur. Alterum concilium est pacis, quod erit illud, quod vulgo concilium, status seu administrationis appellatur: continet quippè gubernationem vniuersam. Quod unicuiq; pro eo, ut placuerit, appellare licitum sit. Ego Conciliū Pacis nuncupabo: cuius erit propriū, circa ciuiles, & legum res siue actiones occupari, inspicere proreges, & rectores, correctores, duces turmarum, quos vulgo campiductores nuncupant: castellanos, præfectos, consiliarios, & reliquos omnes principis, tam belli quàm pacis administratos, si rectè suo aut verò secus funguntur officio, si tempus eorum administrationis finitum est, qui eorum surrogandi sunt loco, & qui etiam excludendū: postremò, ne vel prouisiones quoque & expeditiones surrepticiæ fiant, est prouidendū. Hoc idem concilium, ordinariorum & extraordinariorum sumptuum subducet rationes, si suo subministrantur tempore æquè bello atque pace. Quo magis dabit etiam schedas, quarum ratione apud ærarij, de quo diximus, concilium tandem præstetur. Quod ipsum instar vasis erit alicuius, ad recolligendā in se seruandamq; pecuniam, & ab hoc fiet distributio, mandato, & potestate concilij pacis, sine quo, ne vnus quidē teruntius est absumendus. Hoc deniq; idem expendet, & perponderabit secum concilium, quo cum ineunda & quo cum sit abrumpenda pax, seu bellū ordiendum: à quo alienior, & cum quo princeps debet esse coniunctior: quo cum bonis verbis, tantū demptis rebus, & quibus cū rebus ipsis uti expedierit: & in his omnibus, quomodo, quantum, quando priuatim, & quando publicè est progrediendū. Quo ipso erit hoc concilium tanquā caput quoddam omnium reliquorum.

quorum. Tertium est consilium bellorum: & sic omninò est appellandum. Huic intererit, quomodo arces rectè muniendæ, erigendæq; munitiones, quomodo tuenda sint confinia, quibus tam bello quàm pace præsidij sarta tectaque conseruanda, & alia eius generis plura habere debet explorata: idem & exactè sciet arma, armorumque genera, exercitia, & omnem antiquorum rationem præliandi. Quæ nimirum cum præsentis rerum temporumque statu & conditione comparabit. Intelliget vnus & alterius discrimen: equitum turmas, & peditum cohortes suo ordine disponet: & quæ gens aut natio, quauè in re præstet alijs, & quæ denique his vel emendandis vel immutandis via inueniatur, non ignorabit. Noscet egregiè sui Principis vires, & eius hostium siue aduersariorum: & utræque quantæ futuræ essent, si sociorum adiungerentur potentia, aut quantæ rursus, si illa destituerentur. Quid postremò in præsentiarum valeant, & quid progressu temporis valere queant, circumspiciet animo, tenebitque memoria præterita sui principis, & eius maiorum bella, & prælia vniuersa, quæ videlicet principia, progressus, consecutionesq; & euentus sortita sunt, & quid qualesq; res, & causæ, ad dandas & accipiendas vtrinque conditiones, eos traxerunt. Hoc idem concilium sui principis hostium circum vicinos cunctos, socios, confœderatos, & qui inimici esse possent, intelligendo assequetur. Nam demum eo modo non difficile erit iudicare, si maiores hostium fuerint vires, vt potius quàm bellum poscamus pacem: & si erit secus, vt item contrarium experiamur. Et si fortè hostibus sumus inferiores, quibus rebus, an armis, an verò vsu & exercitatione bellandi, an ducibus, an præfectis, an pecunijs, an opinione & fama, an amicis & socijs, an comitatu, an rebus similibus, disquirendum. Omnibus autem his, ritè examinatis & perspectis, acutè & prudenter inuestigabit, quo pacto fieri posset; vt non solum nos ab hoste tueamur, sed adeò fatigemus atque debellemus ipsum hostem. Est enim certum, viribus & potentia præstare intellectum. At verò in principatu, vbi horum repetitur nihil, errat princeps perpetuò, quascunque tandem persequi res habet apud se constitutum. Bellum extra tempus & rationem mouet: administrare illud nunquàm & multò minus scit terminare: ad fortunam refert omnia, & casus in ipsius consilio dominatur: ac vt denique aliquem vincat aliquando, vt nescit victoria. si autem vincatur deijcitur animo, ac quo se vertat ignorat, & mulierculæ instar, si non in hominum turba, saltem priuatim secum ipse colluctatur. Atque
vt id

ut id quod ei reliquum fortuna fecit tueatur, & suam debilem & mancā quoquomodo sustentet siue famam siue dignitatem, ad turpes condescendit conditiones, aut induciarum, aut verò ipsius pacis. Quo loco risum mouet audire voces inscientium, qui de fortuna conqueruntur, & non intelligunt, exiguum ibi fortunæ restare locum, ubi viget prudentia. Alij verò, ita visum fuisse Deo Opt. Max. testificantur. Interim autem ego de diuina prouidentia non disputabo: verum si licet, cum Paulo loquar. Si tales non sunt Deo à secretis, aut à sancta Trinitate non acceperunt literas, quā habituri sunt certitudinem, ita habere rem se, quemadmodum ipsi asseuerant? Nonnulli, nostra causantur scelera, & hæc quidem veritas est ipsa. Nam errores principum, & eorum peruersorum consiliariorū, illa ipsa sunt scelera, quibus ad nostrum & eorum exitium præcipitāmur. Sed ne multa, iterum dico, quòd quandoq; tale, quale superius demonstraui, nō habebit deinceps concilium; non mirabitur aduersa & infelicia omnia in bello sibi euenire. Quartum est de commeatu & prouisionibus, & ita illud nuncupabo, Conciliū Commeatus. Huic cura incumbet prouidendi & paciscendi de victu & commeatu, pacis & belli tempore, pro toto & integro principatu: & idcirco oportet, in numero, descriptaq; habere eum omnia ad suum munus pertinentia & principatum. Quantum nimirum habeat commeatus: quantum eius super sit, & quantum desit, quantum terra mariq; importetur & exportetur, & vnde promitur, quo itinere, & quomodo, & quando affertur, & his similia. Quisunque autem à Principe exportandi cōmeatus postulabit facultatem, sine huius concilij scitu & voluntate eam non assequatur. Reuera, si tale concilium, ut expedit, constitueretur; neq; bello, neq; pace, deessent nobis necessaria, ad vitæ humanæ sustentationem: & suppeditaremus adeò ijs nostra, quorum amicitia & beneuolentia indigemus. Iam verò dum illud desideratur, confunduntur omnia, & quælibet prouincia plurimas patitur difficultates. Malitia aut avaritia paucorum, necessarias surripit res, desumusq; amicis, inimici verò magnitudine pecuniæ ijs rebus aliquando potiuntur. Vnde nostri languent, & à nobis ab alienantur. Ac denique illud etiam experimur, ut ob talis concilij penuriam, in ijs regionibus exoriantur bella, ubi neque equis neque hominibus certa vitæ præsidia amplius relinquuntur, & vix in bellum egredimur ipsi, ut nos deficiunt omnia, redeundum est domum necessariò, aut præter tempus turpis ineunda pax, siue induciæ cum principis infamia, & erga eum offensione populorum,

rum : duo namq; subiectorum beneuolentiam Principibus conciliant : Vnum cum à potentioribus tuentur, & vindicant suos : Alterum, cum illis benè cum ijs conueniet, sine quibus commercia & negotiationes ipsorum ægrè & cum difficultate peraguntur. Quintum est Legum, & ita appellandum est Legū concilium. Huic incumbet curæ, audire, quibus functionibus, quibus magistratibus, quibus rectoribus, & cum quali & quanta potentia vel auctoritate Principatus indigebit. Illud adinueniet, qui desiderabuntur novos, veteres verò vel superfluos abrogabit. Habebit præterea onus condendarum, declarandarum, mutandarum, & delendarum legum, & instituendarū, vt dixi necessariarū. Hoc Concilium erit ceu Pater & defensor legū, omnemq; animi seu mentis suæ in id intendet aciē, vt sine vlla exceptione, re & veritate eis satis fiat. Propter talis Concilij inopiam, videmus in multis regnis & vrbibus, minus magistratuum quàm Reipub. expediret; ex aduersus in alijs plures, & quod omnium est pessimum, alicubi reperiuntur illi ipsi sibi inuicē contrarij, & repugnantes sunt magistratus. Quòd si non in rebus peræquè omnibus, saltem in aliquibus. Vnde infinita mala, simultates, odia, hostiles ciuium erga se animi, contentiones, & litium controuersia enascuntur. Quæ demum coniurationibus, & effusioni sanguinis, vel ipsius principis, aut imperij illius ruina & in alios conuersione terminatur. Multi autem ista non considerant. Et quæ malorum semina vno anno iaciuntur, eorum messis superuenit in sequenti. Apparet igitur, quantum sit positum in condendis emendandisq; legibus, liberè vt audeam affirmare, in centum nonaginta quinque erroribus vel defectu vel absurditate legum exoriri. Quæ ipsæ his moribus temporibusque nostris, nullo amplius sunt vsui, neque possunt aut debent custodiri : & quia non habetur tale concilium, neque mutantur, neq; emendantur, neq; etiam abrogantur; sed seruiunt tantum causidicorum ambitioni & avaritiæ; vt iniquè, & falsò ferendis litibus, sumptus cupiditatum per eas consequantur. Sextum erit poenarum, & ita appello poenarum Concilium. Hoc omnia criminalia in se vno continebit, quantum spectabit personam ipsius Principis, pro re & occasione, aut via aliqua incidente. Feret etiam sententiam in & de omnibus criminibus, secundum illius vrbis leges, vbi committuntur. Septimum est præmiorum, & ita Concilium Præmiorum illud vocabo. Huic intererit benè vel secus merita omnium & singulorum non ignorare : vitam, & mores, virtutes, gestasq; res habere exploratas; adeò etiam illorum, qui vt non petant, propter
sua

sua rara & excellentia merita, præmia meruerunt. At verò maximè eorum, qui adeò etiam vt eorum ratio habeatur instabunt. Nam si infligendæ poenæ sunt malis; suo honore & præmio minimè etiam defraudare ipsam expedierit virtutem. Omnia autem præmia, quæ Princeps distribuit, ex consilio ipsius cōcilij id faciet; nec sine ipsius scitu, & conclusione, hac in parte aliquid aggredietur, aut terminabit. Interim tamen, quod tale desideratur concilium, virtutem passim in aulis videmus, vt plerunq; fit, viluisse. Omnia cædunt fauori aut nundinationi. Idoneus, & paulò obscurus vel pauper homo in angulo delitescit, aut tardè & ægrè admodum virtutis suæ refert testimonium. E contrario homines nihili, hypocritæ, sycophantæ, adulatores, plus experiuntur beneficentiæ, fiunt Principum familiares, aucupantur, & assequuntur facultates. Quid igitur sequitur? Boni aguntur in furorem, nonnulli molliuntur vindictam, vindicta mouet factiones, pariunt turbas, cædes, tumultus, & Principis ipsius ac imperij eius euerfionem. Atq; hæc quidem concilia sunt septem, ad quemlibet gubernandum necessaria principatum: & id cum propter alias multas & iustas causas, tum verò ideo maximè, quòd in tali distinctione, seu conciliorum diuisione, melius & facilius expediuntur negotia, & Princeps ipse non tantoperè occupatur, & distinetur, cum caruerit, tot tantisq; curis rerum à se petitarum, aut petendarum. Ipsi etiam subiecti, non tantam valetudinis, pecuniæ, facultatum patiuntur iacturam, dum expectant decisiones causarum, etiam minimarum, & consiliarij non habebunt tantum quod agant, distributis ipsis negotijs, & ab inuicem inter illos separatis. Video quippè laboriosum instar mortis esse, tribus aut quatuor, aut etiam sex omnem mollem imponi negotiorum, tam belli quàm pacis, & poenarum, præmiorumque, & nunc Reipub. curam, nunc ipsius commeatus, & sexcenta tam parua quàm magna, tam leuia quàm graua, tam iocosa quàm seria, diuitum æquè & pauperum, quæ vel ipsa magistra experientia, ne mediocriter quidem curari possunt omnia; vt omnino, qui hæc Consiliariorum sui Principis non perspiciat, cæcus esse videatur. Qui autem perspiciunt, & non occurrunt, neque vt plura concilia constituentur, principi suo fiunt auctores; vt eo ipsius negotijs melius atque facilius prouideant: tales sunt auari, sunt ambitiosi, sunt vani, sunt damnosi Reipub. Etenim nihil aliud propositum magis habent, quàm vt adorentur, quàm vt se suosque ditent & extollant; etiam si interim Respub. detrimenti aliquid patiatur. Materia hæc reuera est grauis & ampla, sic vt ea fusius ex-

plicanda, me oporteret esse longiorem. Sed hæc interim, ex quibus reliqua possunt comprehendere, dicta sufficiant. Illud autem potissimum considerare Principem par fuerit, ut unus aliquis consiliarium, concilij alijs nec se ipse ingerat, neq; ab alijs misceatur. Exempli causa: Consiliarius qui erit ærarij, omnino ad reliqua alia concilia sex non admittetur: & quod de vno concilio, hoc & de alijs dictum volo, prorsus, ut liceat nisi vnius concilij agere res consiliario nemini. Alioquin plura concilia in vnum redigerentur, & nihil eis aliud quam nomen vanum & otiosum restaret, & ipse deniq; infinitis difficultatibus & periculis, de quibus alio loco mentionem fecimus, exponeretur Principatus; unde maiora quotidie & grauiora damna exoriri oporteret, quibus commemorandis, nolo esse prolixus. Consequens proinde est, ut ordinandis his septem ritè concilijs, à primo ad extremum considerentur, omnia minutatim, in suis partibus, ponderibus, & circumstantijs, de quibus in istius capituli exordio est disceptatum. Quod ut adeò lucidius declararetur, in libros septem diuidi illud oportebit, & vnus quisque liber declarationem concilij vnius continebit, in quem etiam adiumenta pro se vniuscuiusq; consiliarij includentur, & (ut aliquod in ijs discrimen fuerit) consiliarijs ferè omnibus conuenient; diuidere autem adiumenta illa, errore non careret. Dicemus igitur partes & adiumenta boni consiliarij generatim. Atq; hoc ipso tandè huic libro finem imponemus, qui erit primus de Concilio & Consiliarijs, & cum alijs septem communis. Quos, quando Deo Opt. Max. fuerit visum, eo duce & auspice prosequemur.

DE CONSILIARIO.

Et Primum quidem, de ipsius quoad
animum adiumentis.

CAPVT. II.



CONSILIARII PERSONA EST IDONEA MVNERI & effectiõni vni ex supradictis concilijs electa. Quo magis considerandum est, in Consiliario duas requiri potissimum res; ut idoneus & par functioni sit obeundæ: altera, ut ritè legitimeque eligatur. Quod

Quod propriè quidem ipsi Principi incumbet: sic ut esse & haberi idoneum, sit consiliarij. Prudentia verò consiliarij eligendi, ad ipsum pertineat regem. De vna tamen & altera re scripturi, ab ipso consiliarij munere, exordium capiemus. Virtus, & præsidia viri, duabus maximè rebus ponderantur: animi, & corporis adiuventis. Verùm in altero corporis, in hoc porro capite animi præsidia intueamur. Quæ his sequentibus partibus quindecim faciliè constiterint. Primum quidem, ut consiliarius rari & excellentis sit ingenij. Etenim rarum ingenium, principium, medium, & finis, magnarum & plusquam humanarum est actionum. Cunctæ, quæ in homine inveniuntur & inueniri possunt virtutes, nisi magnum habuerint ingenium, sunt humiles, vires suas perdunt, & quasi nihili æstimantur. Experientia ipsa docet. Omnes artes, omnes magistros, omnes libros, omnes admonitiones, & consilia, exiguum facere profectum in ijs, qui ingenij sunt tardioris. Sic ut ij eorumq; similes, multis admonitionibus, continuo studio & solitudine, diuturno item labore, parum aut nihil assequantur. Magnum contra ingenium, paucis admonitionibus, minori labore, breui tempore, eò quò tendit peruenit. At breuiter; tardius ingenium, est instar alicuius campi sterilis, qui quantumvis licet multum colatur, alijs non respondet bonitate, nec tantum frugum, nec tam citò, neq; tam bonarum afferre consuevit. Itaque, ubi magnum defuerit ingenium, ibi nulla virtus potest esse solida, & omnibus partibus numerisque absoluta. Quo etiam magis hoc primum præcipuumq; esto, quòd idoneum, quoad quidem ad animum, consiliarium testificetur. Et hoc rarum magnumq; ingenium, volo, ut Princeps exploret ipse, nec aliorum sermoni aut testimonio de eo acquiescat. Cuius cognoscendi præscribam adeò certas notas, ut nisi prorsus cœcutiat, tanquam solem in meridie deprehendat, & hoc idem seruabo in reliquis etiam adiuventis, eiusdem consiliarij exquirendis. At quod ante dixi, ipsa experientia duce, quæ in dictis factisque per se cuique fuerit, vis facile assequetur. Dicta namq; rarioris ingenij non sunt in usu & consuetudine posita communi: & quemadmodum animo concipit res, ab alijs magnoperè separatas; ita eas eloquitur, cum magna & perillustri sermonis; & ratiocinationis differentia. Est enim certum talem verbis & sententijs alijs uti, quæ quæ cadunt in multitudinem, sic ut discutiat & dispiciat, melius & solidius res, præter opinionem & expectationem permultorum. Est talis sermone acutus, in responsis promptus, facilis ad intelligendum, in instruendis alijs expeditus & clarus in

facetijs iucundus, in serijs circumspēctus, scit se ijs, quibus cum habet aliquid negotij, accommodare, siue illi boni, siue sint mali, semper tamen salua ipsa virtute. Nunquam verò is auræ seruit populari, neque ad fauorem vulgi loquitur, neque os habet aqua repletum, non est vlli molestus, non stomachatur, non est confusus, neq; infestus alicui genti aut nationi. Inter alia autem turpis ingenij argumentum est euidentissimum, de suo aduersario male, & cum quadam animi perturbatione loqui, tum & de hostibus sui principis, aut denique de ijs, qui alterius sectæ sunt, vel externi vel alienigenæ; siue illi Iudæi, siue sint Mauritani, siue gentiles, siue Christiani. Magnum quippè ingenium in omnibus tandem regionibus, septem malæ viæ miliaria cernit, & malis bonos intermixtos semper & vbique esse locorum: quod bonum est, laudat & sequitur: quod malum, & condemnat & auersatur, idq; sine nationis eius probro, in qua simile quid intuetur. Opera ingenij magni sunt viua, sunt efficacia, assidue est occupatum, vult videre omnia, audire omnia, tangere omnia, prætermittit nihil, legit quàm plurima, confabulatur cum omni genere mortalium, scire auet præterita, intelligere præsentia, assequi futura, vel ipsa etiam coniectura. Multarum artium homo talis est gnarus, non vna & altera, ac ne tertia aut quarta est contentus; sed appetit, scire, & discere alijs plura & subtiliora. Proinde plus etiam alijs ponit in qualibet re studij & vigiliarum. Hic eiusmodi in sua iuuentute, habet aliquid semper viriditatis, & omnis generis profert fruges, & (quemadmodum rectè alicubi dixit Maro) instar fertilis est campi, in quo, propter nimiam vbertatem, generantur aliquando herbæ, inter bonas non omnium optimè, cùm nusquam aliquē insignē belli Ducem, Principem virum, aut Philosophum alicuius nominis legamus fuisse, cuius præclaris virtutibus, aliqua aliquādo vitia & vel notabilia inspersa non fuissent. Cùm autē tale ingenium maturuerit, quòd circiter trigessimus ipsius ætatis annum plerunque accidit, profert tandem fructus omninò salutares: at vt vno verbo dicam, planè est diuinum. Ex aduersus homo remissus & debilis, piger, & dissolutus, non nisi abdomini videtur esse natus, vt bibat & comedat, ludisq; & ineptijs occupetur. Hic nihil scit. Nullas artes & secreta naturæ discit: magis ardua negotia non intelligit, externorum familiaritatem refugit, & aut turpiter viuit, aut saltem ingenij, quod minus quàm mediocre sit semper notatur. Secunda nota est, quæ quoad animum idoneū monstret consiliariū, vt artem calleat & facultatē benè & appositè dicendi.

Quemad-

Quemadmodū enim non vlla alia magis re, quā intellectu & sermone à brutis animantibus homines differunt; sic tanto quidem alij alijs antecellunt, quāto bene dicendi adiumentis maioribus fulciuntur. Expedi igitur consiliarium instructum & exercitatum esse in Oratoria facultate: tantumq; adeò in hoc studiorum genere ponet operæ, & industriæ; vt emineat præ cæteris, & vel eò admirabilis maximè videatur. Quotidie enim offerūtur occasiones Principi, consiliarios suos aut ad externos, aut verò ad subiectos ablegandi, siue illi Regni, siue Prouinciæ, siue vrbs alicuius nomine & ambitu continentur. Hic debet suadere aut dissuadere, accusare aut defendere, laudare aut vituperare, boni aut mali aliquid exaggerare verbis, & his similia. Quæ omnia rectè, & sciēter, fieri necesse est, ad commoda, & principis, à quo mittitur, dignitatē. Quæ dum præstare nescit, periculo & vituperio, imò & exitio aliquando se exponit. Quo plus Reipub. quā vlla alia re inuritur calamitatis. Quò autem dicendo erit exercitator, eò tumultus exorientes facilius tranquillabit. Sic idem ille consiliarius magno erit vsui scripto vel voce, responsionibus dandis, legatis vel oratoribus externis, qui negotia tractatum ad eius Principem allegantur. Hoc autē modo idoneum ipsa experientia duce, suum cognoscet princeps consiliarium. Primū quidem ratione verborum, cū acutè obseruabit, quomodo animi profert sensa, in colloquutione familiari. Accerset nimirum ad se ipsum, & per horam vnā cum eo sermones miscebit, in sequenti per duas per tres, tertia, plus vel minus. Interim recitare eum etiam faciet historias, vt videat, quo pacto protrahit & includit ductum ipsum materiæ: quomodo proponit, quo modo diuidit, quomodo prosequitur, & quo pacto tandem etiā terminat & definit, qua porrò cum venustate, grauitate, & proprietate verborum. Quæ etiam ipsa interdum cognoueris à consiliarij magistro & præceptore, tum quantum in ijs studijs posuerit temporis, qua diligentia vsus sit, & si fortè aliquid in lucē monumentorum edidit, illa omnino examinanda erunt diligenter. Postremò & in palatij ipsius penetralibus, nec quidem opinantē scribere aliquid de aliqua re curabit ipse princeps ex tempore; vt re oculis subiecta, incorruptius de eo fiat iudicium, & penitus cognoscatur. Tertium adiumentum, quod idoneum monstret consiliarium, multarum linguarum est cognitio: præcipuè autem illarum gentium, quibus imperat princeps, vel qui hostes, socijue eius habentur. Exempli gratia. Sit vnus aliquis consiliarius Regis Hispaniæ &c. Hunc quidem, Latinæ, Italicæ, Arabicæ, Gallicæ & Germanicæ
linguæ

linguæ non ignarum esse expedit, propterea, quòd ij, qui subiiciuntur ipsi populi, intelligere eorum sermonem, & ab ipsis rursus volùt intelligi, propter multas & varias inter se tractationes: exactius quippè sua ipsius sensa homo explicat, & cum maiori auditur gratia, ab ijs, qui eadem lingua vtuntur, quàm si semper & vbiq; interpretes adhiberentur. Hinc & suos casus, ærumnasque narrare, & magnorum Principum (quod sæpè vsu venit) arcana pro se quisq; tali consiliario non dubitabit potius enunciare. Declinat non raro tertium, quem noluerit esse conscium secretorum. Legationibus item vicinorum audiendis, tam ratione officij quàm occasione ipsius belli, quantam idem afferet adiumenti? Si amicus aliquis est, multò magis sua quàm aliena lingua in ore Consiliarij adinuenta delectatur. Quid & quod pollicebitur sibi ab animi quadam erga eum beneuolentia, id adeò proficisci. Qua in re, vt spe sua cadat, error ille ipsius, non incommodabit, præsertim si inimicus fuerit, imò vel aliqua in parte illius conciliabitur fauor, aut tandem id commodi subsequetur, quod ex sono ipsorum verborum, nostraq; ea proferendi, ex contractione frontis, & eleuatione supercilij & alia re hostilis animus magis patebit: quàm si hæc omnia adhibitis fierent interpretibus, proprietate non intellecta sermonis. Adde, quod rarissimos interpretes reperiās, qui vsquequaq; omnibus numeris absoluti videantur. Circumducunt demum, & implicant quàm plurima: venit postremò explorator, in cuius fide & dictis, regni vnus consistit nunc honos, nunc salus, & interdum res non patitur moram, eritne semper interpretæ inuentu facilis? Quid si verò caueat exploratorem, aut ab ipso exploratore timeatur, vt tot tantaq; præteream alia, quæ impedimento sunt infinita? Iam & ille, qui multarum linguarum gnarus est, fidem omnibus facit, vidisse, legisse, adijse se quàm plurima, & populorum, quibus cum versabatur, mores, consuetudines, & instituta didicisse. Quod apprimè consiliario est vtile & necessarium, propter omnes res, quæ veniunt, aut venire possunt in consultationem. Prætereo verò alias causas & rationes, ne earum enumeratione sim molestus, cùm hæc nuda tantum sit admonitio, omni ornatu & congerie detracta exemplorum. Hæc verò ipsa experientia duce, in suo consiliario princeps deprehendet, quoties eum coram se ipso loqui & scribere faciet, & aliorum dictis, quæ (vt plerunq; fit) fallacia esse solent, fidem non temere adhibebit. Quartum indicium idonei Consiliarij fuerit. In historijs admodum esse versatū, quas quidem ille, tam antiquas, quàm & recentes, accuratè leget, examinabit & euoluet.

Maximè

Maximè autem eas, quæ ad suos sui que principis spectant maiores, & tum eius etiam hostiū atq; vicinorum. Etenim, qui consiliarius magnus fuerit historicus, & qui fructum ex historijs elicere non ignorabit; is certè perfectissimus poterit æstimari. Nihil quippè in eo desideratur: in omnibus sui principis negotijs est versatus & exercitatus, imò vsus rerum & experientia est ipsa. Nam historiæ non aliud sunt, quàm congeries, seu congregatio quædam, variorum & diuersorum vsuum, omnium hominum, & temporum, cuiuscunq; tandem naturæ, professionis, & conditionis fuerint. Da mihi aliquem historicum perinsignem, qui fructum ex historijs elicere sciat: hic quidem tanta rerum in omni genere negotiorum pollebit experientia, quanta vix aliquis alter reperiatur: vt etiam illa ipsa sit ars, in qua viginti annorum spatio, aliquis fuisset versatus & exercitatus. Atque vt à re bellica exempla capiamus: Miles veteranus, siue ille summus belli dux, siue militum præfectus, siue alius fuerit, in fine & decursu annorum viginti, ad minimum in quatuor prælijs versatus est; in centum verò leuioribus conflictibus, in quinquaginta oppugnationibus, in duodecim assultibus, in quinque motibus belli, & totidem pacificationibus. Verus autem historicus habet experientiam, immensarum pugnarum, innumerabilium conflictuum, infinitarum oppugnationum, infinitorum motuum belli, & compositionum pacis. Quæ est ergo proportio finiti ad infinitum? Adde, quòd iste experiens annorum viginti, nouit tantum naturam & ingenium, & rationem bellandi, vnius aut alterius, aut etiam trium vel quatuor nationum: historicus verò propemodum omnium. Huc accedit, quòd viginti annorum experiens, non potuit intellexisse eorum partem vel decimam, quæ munere, & nomine militiæ continentur. Nam in viginti annis non offeruntur æquæ occasiones, omnium vsu & tractatione discendorum. Historicus contrà omnia scit & intelligit: & nihil, quod legi, & in questionem venire potest, prætermittit. Ille vt etiam viginti annis, foris & militiæ se exercuerit, non potuit causas ipsius perspexisse vniuersas, originem eius, & quomodo processerit, & ad quem finem directa fuerit: ignorat strategemata cuncta, euentus, difficultates: & despiciat, quem pati oportuit, non est affecutus: prætereūt eum vtrinque; prætenfa postulata, vtrinque profusæ lachrymæ, simulata & dissimulata vtrinque multa; & nunc huic nūc illi parti, in specie ostentata propensio voluntatis: postremò necessitas ipsa, qua ad pacificationem vtrinque est deuentum. Historicum horum latet prorsus nihil. Quod adeò instar animæ (vt ita dicam) belli ipsius est gerēdi, & illud quasi

quædam corporis particula. Quod autem de militia hoc loco afferro, hoc de alijs omnibus negotijs, & ipsa etiam defensione dixero principatus. Quæ quidē omnia, si fufius à me explicarentur, viderer facere contra eam, quam aliàs sum pollicitus, breuitatem. Quare, vt verbo, quod sentio, complectar vno, vel ipsæ etiam leges nihil aliud sunt, quàm historia, quæ continet sententias, & opiniones antiquorum, & prudentium legislatorum, quibus vrbes, & ciuitates, ordinârunt, & suos ciues, iuris & iustitiæ æquabilitate, in tranquillitate & concordia conseruârunt; & iam quidem demonstrant, quo pacto nos idem quoque faciamus. Et hoc ipso etiam modo, medicina est experimentorum historia, quæ antiquitus obseruârunt Physici, quorum ratione nostri medici iudicia ferunt, & curationes suas prosequuntur. Proinde instituenda Repub. gubernando Principatu, gerendo bello, tuendo imperio, amplificandis iuribus, sequendo denique bono, & fugiendo malo, quid magis conducit quàm historia? Verùm similia intelligunt paucissimi. Quo fit, vt paucissimos etiam rectè gubernantes deprehendas. Quod non aliunde venit, nisi quòd legendis non occupantur historijs. Et si horum legit aliquis, fructum historiarum non percipit: varietate tantum casuum, qui ea continentur, delectatur: & non considerat, quo pacto domi, forisq̃ue, in omnibus deliberationibus, & consilijs, eos sibi proponendo, ipsi essent adiumento. Non est historia fallendi temporis causa, sed lucrandi euoluēda gratia: vt vna die perfectè quis discat, quod experiundo toto suæ vitæ tempore vix apprehendat. Nam etiam si trecentos complere posset annos, aut malè, aut tardè id quod sequitur, assequeretur. Est historia imago vitæ relicta, ex moribus & ingenijs hominum, recordatio ingeniorum omnium, certa & infallibilis experientia actionum humanarum: consultrix fidelis & prudens in omni deliberatione, magistra in tranquillitate, in bello Dux, in mari nauclerus, portus & perfugium hominum, cuiuscunque conditionis. O quàm pulchrè hæc dicuntur, & tamen paucissimi similia amplectuntur. Sit igitur Consiliarius insignis historicus. Atque hoc potissimum volo, vt in eo Princeps spectet: & experientia ipsa Duce, eo modo assequatur. Sciscitetur in primis res in historijs passim contentas, & inter alia diligenter ab eo perquirat, quoties Regna Hispanica (libet enim eiusdem nationis exemplis perstare) aliquas subierunt mutationes: aut item Gallicum & Anglicum Regnum, à quibus porro fuere possessa: & quo iure, quauē iustitia, quā diu, & cur conuersionem sint passa, qui ex quaq; familia in ijs regnauit.

Hi. f. v. l. l. a. u. s.

gnauerunt:& in his, quis illustrior, & qui nominis minoris habebatur: eorū quot bella quisq; gessit: quibus cum, & quo tempore: quae de causa, vnde ortus inimicitiarum: & quae ratio aut necessitas pacis rursus fuerit ineundae. A mille quingentis annis, quot praelia confecit Hispania, & quot Gallia; & quanta haec aut illa, secunda vel aduersa fortuna: quibus deniq; consilijs & artibus, his vel illis cessit victoria: & cur nunc ab his, nunc ab illis infelicitur est dimicatum. Ab hinc bis mille annis, quantae communionessunt excitatae in Hispanijs, Gallijs, & Romae: & quae suscitandarum extitit causa: quid porro boni vel mali inde est subsequutum, & quomodo haec omnia tandem fuerint tranquillata. Qui quidem ad has, earumque interrogationum similes recte responderit; hunc tu historicum habeto optimum, qui pro re, & occasione in publicis deliberationibus suae lectionis fructum egregium fortietur. Quintum adiumentum, quo aptus demonstretur: quod ad quidem animum, consiliarius est, ut bene & perfecte sciat finem & materiam, & quomodo, quando, quatenusq; se extendunt ipsae virtutes: nam in eo potissimum peccatur: & si consiliarius ipse nititur multitudinis opinione, ista toto caelo, quod aiunt, semper errabit. Etenim earum rerum ignorance, (ut plerunq; fit) plurimi, ne dicam prope modum cuncti, hominem compositum meticulosum, astutum proditorem, rudem & ineptum, bonum abiectum, mansuetum desidem, & subtiliorum rerum non capacem, hominem via Regia & simpliciter ambulantes appellant: iracundum porro candidum, superbum magnificum, furiosum fortem, prodigum liberalem, auarum prouidum, sanctum superstitiosum, doctum curiosum, & omnibus denique tam vitijs quam virtutibus contrarijs nominibus dandis, conscientia hominum aut saltem prudentiorum abutuntur. Quod maximum sane est vitium: & si forte illud consiliario inerit, (ut inesse oportebit, si autem nesciuerit aut noluerit virtutum proprietates nosse) manifestus ipsius Principis, & totius Principatus est interitus. Caput namque est consilij, in omnibus ijs, quae in deliberationem veniunt, dispicere, si est, vel secus, contra honestatem, omnibus circumstantijs consideratis & expensis. Mandandis muneribus publicis hoc idem sciendum est, ne nigrum pro albo accipiatur. Iam & praemij distribuendis, si hoc eodem illo destituatur adiumento, perpetuo hallucinabitur, & impinget. Ac ut tandem faciam finem, hoc tale in consiliario lumen, volo, ut experientia ipsa duce, hac ratione princeps deprehendat. Primum quidem ex ipsius verbis, cum eum ad hunc modum aut perquiret

similem: quot videlicet egeat homo rebus, ad culmē gloriæ in hac vita consequendum: quot & quibus rationibus vtendum illi est, fauore populi sibi conciliando: quibus interdum artibus, vt fides vulgò ei habeatur: quid denique moueat populum ad honorem alicui deferendum: quot vijs & rationibus in fortitudinem peccatur: quot & quales res requirit iustitia: & multa alia generis eiusdem, quibus iudicium expiscabitur consiliarij haud sanè difficulter. Verùm & ab actionibus ipsius coniecturam capiet, quos habuerit institutores sciscitando, quæ coluerit Gymnasia: quibus cum vixerit & viuat: quos libros legat: quid inde fructus in lucem proferat, & quibus rebus occupetur. Sextum est argumentū, quod idoneum arguat consiliarium. Vt sit Politicus. Hoc autem est, vt sit experiens in tractatione artium tam belli quàm pacis, & rerum, quæ eò spectant, aliarum. Etenim cū munus, & seu quoddam principis vinculum, duabus maximè contineatur rebus: Gubernatione, & Defensione populorum: & tam quidem vnum, quā alterum ad bellum pacemque referatur. Quanquam gubernatio magis sit pacis; armorum verò defensio illis non intellectis, vix factu est credibile, boni aliquid consiliario posse præstare. Quocirca expediet consiliarium nosse Rempub. hoc est, cœtum & congregationē hominū vniuersam, vita communi sociatam, compositā (vt ita loquar) ex corpore & anima. Corporis nomine habitationes continentur. Quo loco cœlum potissimum spectatur, si est calidum, frigidum, aut temperatum: situs si est in continenti, si est mari proximus, si aliquod flumen, aut stagnum habet, si est decliuus, aut verò sublimis, si siccus aut lutosus, si fertilis aut sterilis, si in vicinia, aut ab hostibus remotus, quibus deniq; ventis vt plerunque sit expositus. Nam harum rerum respectu & ratione habita, extruenda vel secus sunt ædificia, & plateæ siue arctiores siue ampliores erigendæ: videndumque, num vni apertæ vento, & reclusæ ab alio: num altæ vel humiles habitationes: & omnia quidem ad vsum utilitatemque publicam sunt dirigenda, dando ijs magis conuenientem formam, quæ videbitur expedire, siue illa rotunda, siue triangularis fuerit, siue etiam quadrata, aut multorum punctuum, prout ipsæ res, eorumque circumstantiæ, magis requirent. Quarum rerum, quoniam non exacta est intelligentia, ideo multa ædificia casu fieri cernimus, & loca infirma aut malè dispartita, aut inepta reperiri quàm plurima, quæ indies tandem minus redduntur populata. At vidi ego ipse in multis publicis ædificijs impendisse viginti aut triginta aureorum numorum millia non neminem.

Quam

Quam circumactō anno apparuit pecuniam pessimè fuisse collatam, propter non obseruatas superiùs dictas circumstantias. Quæ procul dubiò non essent, si consiliarij eius partis Reipub. quam appello corpus, maiorem vsum & experientiam, sibi adiumento compararent. Anima verò est gubernatio, quæ primùm in sua forma spectatur, si videlicet in vnius administratione est posita, quem Regem appellamus. Ego interim voco Principem, qualis est in Hispania, Lusitania, & Regno Castellæ: aut si est nobilium tantùm gubernatio, quemadmodũ est Venetijs, & antiquitus Spartæ spectabatur: aut si est populi, vt nostris temporibus sunt Heluetiorum vrbes confœderatæ: vel si Regis & nobilium est administratio, quale est Regnũ Daniæ, & aliquando fuit Roma in suis Regibus vsq; ad Tarquinium: aut si Regis & populi, quale fuit olim diu Regnũ Persarũ: aut si deniq; Nobiliũ & plebeiũ, qualis fuit Romę exactis Regibus, status; aut Athenis & apud Lacedæmonios, vel nostra ætate apud Senēses, & Florentinos, & quẽdã Respub. alię, quę in hunc diem manēt in Italia: aut si est gubernatio penes Regē, Nobiles, & plebeios, quale est imperiũ Germanicũ, Regnũ Polonię, & Regnum Arragoniæ, in Hispanijs. Est & illud consiliarium necesse scire, quomodo acquiritur, crescit, augetur, & perditur principatus: quibus periculis est obnoxius: quomodo ijs possit, & debeat occurrì, ne capiat detrimentum: quomodo & quibus est vincendus legibus: qualibus eget magistratibus, vt rectè & scienter gubernetur. Consiliarius autem qui hæc ignorat, factu est incredibile; vt disquirat & inueniat remedia omnibus & singulis rebus, difficultatibusq; Principatus. Nesciet deniq; opportuna suo principi consilia suggerere: quo pacto, cum hoc amico & socio illo viuendum illi est, quo pacto occurrendum hosti: & quomodo ab vno aliquid capiat commodi, effugiat ab altero damni, & alia his similia infinita. In altera parte politicæ expediet bellica, & militaria cuncta habere eum explorata. Vt nimirum intelligat, quibus præsidijs instructum esse oporteat militem: quibus Centurionem, quibus Ducem, quibus armis debent indui: quomodo colligendæ sunt copię, quomodo ductandæ, quomodo metandæ castra, quomodo configendũ, quomodo canendum receptui, aut verò hostis fugiens persequendus. Et in his omnibus, à recta via & tramite, quo pacto etiam aliquando aberratur. Nam alio modo nescio, quid daturus consilij sit ipse consiliarius: & hunc necessariò magnum politicum esse oportet. Quo nomine, num idoneus sit, ipsa Duce experientia, hoc modo Princeps in eo

perspiciet: interrogabit ipsum, nunc de hac, nunc verò de illa re ad gubernationem pertinente: num præstet, in sterili an fertili solo ædificare: quibus porrò ventis in habitatione est obsistendum: quot modis amittitur Principatus: quot vijs negotium inficitur gubernandi: quomodo populi oriuntur seditiones, & quot modis vicissim opprimuntur: in quo consistunt principis vires, si in diuitijs, vel virtute militum: quot modis cum colore & prætextu aliquo contra eum arma capias, qui adeò nullam magnam causam hostilitatis præbuisse: quid postremò, præsterné expectare aduentantem domi, an in hostico aggredi hostem: quot res expediat considerasse prius, quàm ad arma, & bellum apertum veniatur: quot demù exorto bello, quot antè & confecto prælio, siue vincas siue uincare. Ex his, & alijs, ad interrogata consiliarij responsionibus, quàm bonus politicus sit, & haberi possit, coniectura demum capietur. Septimum verò adiumentum, quod cum aptum, quòad animum declaret, illud habeto: si nimirum multorum populorum viderit mores, & vrbes, maximè principis sui, atque eius hostium, aut etiam sociorum, aut qui omninò principi sunt viciniore. Et quidè curiosa & prudens debet esse ista peregrinatio, non ignaua aut iners, qualis ociosorum & vagabundorum esse consuevit: qui non secus, ac in nūdinis, pascentes tantùm oculos, diuagantur. Peregrinatio, quæ propriè ad consiliarium spectat, eiusmodi est; vt omnia, quæ ad bellum pacemue pertinent, exactè exploret: ordinarios & extraordinarios prouentus sciat: amorem & erga principem, subiectorũ reuerentiam, omnia deniq; tam bona quàm mala, munitiones fortes, hominũ mores & ingenia, & id genus alia penitus habeat explorata. Eo quippè prudentia comparatur, & homo locupletatus & consideratus domum suam redit, multumque conquirat suppellectilis pro consilio dando, & principis sui augendo imperio, omni loco, tempore & occasione. Secus verò qui facit, tempus inutiliter terit, facultates dilapidat, corpus affligit, & vitam suam mille exponit periculis, sine spe profectus alicuius. Narratũ mihi est aliquando de Principe Neapoleos quodã, homine aliqui considerato, quid cuidã nepoti responderit suo, qui potestatem sibi ab eo fieri, excurrere, & externos videre posset, postulauerat. Primum quidem, vt Romam proficisceretur, dixit; demum tandem rediret: atque si ita videretur, denuo iter ingrederetur. Paruit, & fecit ita adolescens: & cùm princeps ipsius tarditatem animaduertisset, cuius gratia exiguos profectus fecisse videbatur, ad eum modum illum est allocutus: Fili mi, tu vidisti, inquit, prata, planiciem,

ciem, montes, colles, valles, agros consutos, vastos, & inanes, sylvas, pinnas, fontes, riuulos, arbores, pagos, villas, vrbes, quadrupedes, viros, & mulieres. Non est amplius, quod in mundo spectes: proinde, quiesce, & domi tuæ te contineto. Egregiè verò hic tantus & dixit & sensit vir: hoc eiusmodi casu, & nobis, quasi quandam peregrinandi regulam præscripsit: & tacito quodam modo abusum communem reprehendit. Consiliarius interim posteaquàm ut par est peregrinatus fuerit, accuratè & scienter extra regna, hæc & illa perlustrando, & omnia cum suo comparando, hunc referet fructû, quòd omnia mala & bona, quæ domi sunt suæ, faciliùs assequetur: & vsum atq; intelligentiâ meliorum tandem sibi comparabit: fugiet verò contraria: & moris corrigendi auctòr erit deprauati, & introducendi probatoris. Iam neq; expers erit humanè & scienter excipiendorum hospitem, amicorum & inimicorum, aut qui neutrarum sunt partium: melius intelliget condiciones: & quemadmodum negotia poscent, sciet se accommodare verbis, scripto, & factis, ad ea, quæ tam illorum, quàm ipsius temporis, & principis necessitas postulabit. Non deniq; opportunitates & difficultates temporum & regionum ipsum effugient, falsis narrationibus non ducet concilium, aut saltem alieno decerpendo pilo, non admodum se exornabit. Tale lumen siue præsidium animi, experientia Duce, princeps in consiliario sic inuestigabit. Nempè queret ex eo, quot miliaribus in longitudinem constat Gallia, quot verò in latitudinem, quot in circuitu: quas munitiones habet firmiores: à qua parte est facilior aditu: quot flumina habet, quæ vado transiri nequeant: qua virtute excellunt magis Galli, & quo vitio magis laborant: quibus rebus maximè tenentur & capiuntur: quod inter Gallicam & Hispanicâ nobilitatē est discrimē, quæ differentia inter nostrā & illorum ædificandi rationem: quis horû regum magis imperat absolutè: qua via suo Regi resistit populus, & non prohibito, agere semp ipsum permittit: quot rebus noster à suo vasallus differt: quomodo suum exercitum colligit: quomodo instruit & exercitat: quomodo in expeditione prouidet bellica, ne coloni opprimantur. Iam verò, quod de vno populo, hoc de reliquis omnibus, hunc eundem interrogatum volo consiliarium: & hoc quod de Gallijs & Hispanijs posui exemplum, pro se quisque principum transferet ad exempla alia, suo principatui magis accommodata. Sicuti faciet & in reliquis omnib⁹, quæ toto hoc opere continentur. Sufficiat tantùm dixisse, hanc esse certā & veram regulam, profectus peregrinātium cognoscendi. Quamquam vel in familia-

ri con-

ri conuictu & confabulatione, multa deprehendas similia, demptis
 etiam interrogationibus, ut videlicet, si statim aliena vituperat, sua
 verò laudat. Animi enim id est argumentum impotentiae, & talem
 aut inertem, aut dissolutum, aut fatuum esse oportet. Nam in ta-
 lem hominem, non rerum cadit distinctio, non delectus, sine quo
 nulla est prudentia; qua demum exclusa, nihil restat quod probari
 posse videatur. Octauum animi adiumentum est consiliarij, ut ex-
 actè vires, & potentiam sui Principis sciat, & tam hostium quàm
 sociorum illius aut etiam vicinorum. Nam ut medicus in humano
 corpore, temperamentum & virtutem, quanta sit, naturalem, pri-
 mum est quod considerat; hoc eodem modo quantæ sint, & quo
 se extendant principis sui vires, eiusque hostium & sociorum, scire
 consiliarium expedit; alioquin consilio dando vehementer à sco-
 po aberrabit. Harum rerum ignorance consiliariorum multi,
 principibus suis fiunt belli contra eos mouendi auctores, qui-
 bus cum colere pacem multò magis præstitisset. Et idem rursus e-
 uenit, ineunda cum alijs societate, cum in perpetuis tenebris sine
 vlla luce & claritate versantur. Bonus autem consiliarius vtramq;
 partem expiscatur: tam principis ipsius, quàm eius hostium & so-
 ciorum. Quibus prouentibus gaudeat, vnde eos promat: quo de-
 niq; modo & tempore, quantūq; cōscribi possūt milites: quàm diu
 alere, quomodo armati & exercitati sunt, & quæ capita sortiuntur:
 qui socij eorum sint, quibus nitantur clientelis, quàm debilibus,
 aut firmis; quibus rebus in regione sua abundant, & quibus de-
 stituuntur; ut hoc modo colligi & expendi vires possint, & poten-
 tia Principis vniuscuiusque. Hoc verò adiumentum sic perspiciet
 Princeps in suo consiliario: de his nimirum rebus, de quibus iam
 dixi, diligentius eum examinando. Est hæc omninò generalis & in-
 fallibilis regula. Etenim, quicumque tandem mortalium, in dictis
 & factis suis, hostes sui principis aspernatur; sua verò extollit, & su-
 spicit ipsum; hic nequidem consiliarij nomine dignus est iudican-
 dus. Quòd si in scientia labitur, quàm sit idoneus, vel hoc ipso red-
 dit testatum, cum consiliarium prudentissimum esse, & ea quæ præ-
 manibus sunt, nosse & intelligere necesse sit: si hypocrisia facit, est
 assentator, & nihil ab eo expectandum boni: suis namq; tantum
 seruit cupiditatibus, & ad principis loquitur placitum, non ad cō-
 modum, aut verò dignitatem. Nonum præsidium, quod aptum
 ostendat consiliarium, habetur. Ut non solum amet, sed etiam pro-
 curet commoda publica: sui autem commodi & splendoris obli-
 uiscatur. Ita quidem, ut vbicunque iuuare possit Rempub. in eo a-
 nimi

nimi sui intendat vires, & omnem operam atque industriam ponat. Quanquam interim in fama, bonisque & fortunis priuatis, damni aliquid ei esset subeundum. Et hoc videlicet adiumentum est præcipuum, quod commendat Plato in Consiliario, siue in quolibet altero Reipub: rectore, & gubernatore. Est enim illud certum, quod verus amor semper est sollicitus & diligens; sollicitudo autem nunquam quiescit; omnia rimatur, omnia peruestigat, nullius rei obliuiscitur, & omnibus semper prouidet, quæ necessaria arbitrat. Quocirca amor, primum & præcipuum Consiliarij est adiumentum, inter alia vniuersa. Qui, si verus fuerit, procurabit bonum publicum quam priuatum magis, quippe omnem suam spem, omne emolumentum, omnem honorem, in publicis ponit commodis & ornamentis. Quibus, si quid ornamenti afferatur, necesse erit & priuatas res tandem perire: & ideo & ipsum se, & bona sua, desiderant potius pati aliquid, quam rem publicam venire in discrimen. Interim autem dum his rebus occupatur, parua crescunt, parua conseruantur, & viuitur sine aliquo incommodo aut difficultate, & secus contraria experimur. Quæ ipsa patent ex omnibus mundi historijs: & nullum imperium in hunc usque diem auxit magnoperè vires, aut in auctis se conseruauit, quam hominibus hoc nono de quo tractamus adiumento, præditis & exornatis. Ex aduersus illa ipsa die, qua ab hominibus contrariarum partium & artium gubernari sunt cæpta, continuo usque ad extremam perrexerunt semper ruinam. Quo loco exempla duo reperio. Quibus citandis, ut contrarium agere videar, quam sæpius professus & pollicitus sum, breuitati; tamen cum rara & doctrinæ sint plena, merebor fortasse excusationem, præsertim cum magnorum Principum exemplis citandis magni errores raro committantur. Callicratides bello Peloponesiaco, Lacedæmoniorum Dux, cum classem suam, si tantum Arginusis discessisset, seruare potuisset, facere id noluit, affirmans; quod Lacedæmonij amissa classe aliam parare possent, se discedentem ignominia liberare non possent. Vnde cum postea initum esset prælium, fusus est turpiter, & ipsa classis demersa, & Lacedæmonij memorabilem cladem perpepsi. Cui omnia ex opposito, Q. egit Fabius, Dux Romanus, & patieñter iniurias sui proprii exercitus suorumque æmulorum perferendo, qui eum appellabant tardum, & habebant desperatum; ita postea Hannibalē fatigauit, & redegit in nihilum; ut fuerit haud dubie auctor & conseruator patriæ libertatis, interitus verò causa Carthaginensis. Vnde Magnus ille Poëta de ipso canit Ennius: Vnus nobis homo restituit rem & reliqua.

Callicratides ne semel quidem referre pedem voluit, ne ullam vel minimam iacturam existimationis suæ pateretur. Fabius se recepit, & dedit fugam sapius, nihil respectans hac in parte existimationem. Quo ipso magnoperè iuuit Rempub. Callicratides voluit potius cum periculo conferere manus, quàm famam suam adducere in discrimen. Fabius potius cum infamia fugere habuit (loquor iuxta opiniones inscientium) quàm committere rem prælio cum omnium exitio. Callicratides subiit aleam pugnae, victus est, nocuitque per id patriæ, imò & honori atque famæ suæ, nomen in morte temerarij relinquendo. Fabius semper prælium vitauit, & ideo patriam conseruauit.

Quo post modum tantum laudis meruit, vt Maximi etiam appellationem sortiretur. Quapropter, quod in magnis rebus & deliberationibus volo seruatum; hoc idem in minoribus, aut verò in mediocribus. Consiliarij autem discant, quæ & qualia Principi suo consilia suggerere in omnibus publicis negotijs debeant. Et Principes vicissim obseruēt diligenter, num hoc adiumentum nomen eorum habeant Consiliarij. Quod quidem cognoscent hac ipsa ratione. Fingant se petere ab ipsis consilium, in rebus, quæ bono publico prorsus fuerint contrariæ, causati quòd quanquam re ipsa essent eiusmodi, nihilominus tamen expedire principi, vt interim perfruantur. Verbi gratia: violare leges veteres, maxima ciuium priuilegia, imponere graua tributa populis, & his similia. Et mox ex ipsius consiliarij responsionibus, quo animo sit in Remp. facile cognoscetur. Alias interim vias & rationes, quibus hæc eadem ex dictis factisq; Consiliarij peruestigare liceat, prudens prætereo: partim, quòd intellectu difficiles non fuerint: partim quòd forsitan, sed & certissimè, alios pungerent. Atq; ideo, qui habet aures audiendi, audiat. Regula illa certa, & sine vlla est exceptione: quòd omnis avarus & hypocrita, est boni publici hostis; & adeò etiam illi ipsi, qui omnia dicunt esse Regis, & quòd Regi fas sit prohibito omnia gerere, & tributa imponere quotquot sibi placuerint: & adhuc quòd Rex nunquam potest à recta via aberrare. Adiumentum decimum est, quod idoneum facit consiliarium; vt totum & integrum corpus curet ipsius Principatus, ne curanda parte vna, relinquat alteram. Quod esset instar medici illius, qui remedium afferendo vni membro, causa destructionis est aliorum. Proinde integer consiliarius ita sit compositus, vt prorsus se spoliet omnibus commodis amicitiae, agnationibus, personarum acceptatione, factionibus, & alijs quibuscunq; respectibus: & vestiatur se firma & prudenti

prudenti bonitate, quæ nec scit, neque potest, neque vult, nisi virtuti & iustitiæ patrocinari. Hanc accipit pro suo sanguine, pro iua agnatione, pro sua amicitia & necessitudine: hanc vnā reueretur, & aliud præterea nihil. Ad eum modum oportebit ipsum cunctorum consiliarium, audire omnes: & propendere animo & voluntate in vniuersos, sine aliquo vel minimo alicuius discrimine: nisi quantum ratio seu virtus pro se vniuscuiusq; plus vel minus postulabit. Est bonus & virtute aliquis præstans, & quàmlibet etiam non sit, petit iustam rem: & sit quo velit tandem genere, aut ortu, inter Garamantas & Indos natus; hic verò talis est eiusdem nationis, eiusdem prouinciæ, eiusdem ciuitatis, eiusdem factionis, eiusdem agnationis, eiusdem familiæ & sanguinis, cum ipso consiliario: & vt tali oportet fauere ipsi consiliario, cum omni charitate, viribus & diligentia. Est alter malus homo, vel etiam si malus non sit; petit tamen iniquam rem, & fortassis, est propinquus amicus, aut cognatus ipsius consiliarij; hic verò nec est nationis, neque est prouinciæ, neq; amicorum, neq; cognationis ipsius consiliarij: atque ideo non solum non debet consiliarius patrocinari ipsi; sed adeò etiam eum reprehendere, atq; mulctare. Nam aliud est agere publicam, & aliud priuatam personam. Non sunt, nisi duæ in mundo regiones. Bonorum quidem vna: Malorum altera. Omnes boni, licet Indi, Mauri, gentiles, Christiani, aut alterius sint sectæ; certè eiusdem sunt vrbs, eiusdem familiæ, eiusdem sanguinis, & agnationis. Et cuncti rursus mali in contrarium numerum sunt & erunt referendi. Sed interim tamē vt obseruetur, æqua lance ponderata prius re, amicus, agnatus, vicinus, eiusdemq; vrbs, aut nationis, ne exterior sit inferior. Hoc enim volunt diuinæ & humanæ leges, vt potiore illorum habeamus rationem, quàm illorum, qui fortè à nobis sunt remotiores: verum præualente interim externo, quàm omnes propinqui & affines, primo loco habeatur. Itaq; inter multa alia, hoc etiam, de quo loquor ipsum, magnum est consiliarij adiumentum. Quod experientia duce sic Princeps cognoscet. Primùm quidem, si petit aut comparat amicis suis peculia, aut focijs, aut cognatis, aut familiaribus, & id genus alijs, etiam si minus id meruerint, diligenter perquiret: aut si eorum causa illorum beneficiorum digniores, quo minus illa impetrassent, impediuit. Nam qui hæc facit, peccat in hoc decimum consiliarij adiumentum. Idem ex ipsius animo & beneuolentia, qua in hunc, qua in alium propendet magis, exactè etiam cognoscetur. Aut si aucupando fauore procerum, odium sibi conflat nobilium: vel si rursus his

sibi adiungendis populo est iniurius & infestus. Multi ordinem & statum complectuntur Ecclesiasticum, & cum iniuria aliorum adiuuando ipsum, sæpè in Regno causa sunt seditionum. Tales aliquando periculo non carent consiliarij, & destruunt non rarò principatum. Quo magis consiliarius nulla ratione, qui (quod vulgò dicunt) caput est partium, admittendus est: aut qui gerit apertas cum aliquo regno, seu prouincia, aut vrbe, inimicitias, eius principis, cuius agere debet consiliarium. Omnes namque homines sumus, & talem conscientiam habemus; vt cum fieri possit, & gubernaculis rerum potiamur; non videamur prætermisuri, cum aliqua æquitatis specie perturbationibus animi nostri indulgere, & armis publicis priuatam prosequi vltionem, & denique quod oppressi, non contra consiliarium eorum aduersarium, sed contra ipsum principem, concipiunt odium; quasi ipse contrariarum partium caput, & promotione, eorum hostibus, concedendo in eos potentiam, & auctoritate se constituerit. Hinc multos principes interfectos fuisse proditoriè legimus, ipsius consiliarij, aut alterius ministri odio, cui nimirum princeps ille tribuebat. Vndecimum præsidium, quod, quoad animum idoneum faciat consiliariũ, est: vt bonus & iustus sit. Nam talis cupit pro se quemq; quod merita ipsius exigunt semper referre, bonos videlicet præmia, & malos supplicia, & in vtroq; videt, ne peccet aliquo extremo; neuè benè meritis ea conferat præmia, quæ sunt superflua, aut rursus exilia & modica, virtutiq; eorum minus respondentia. Et deniq; ne pœnas irroget eas, quæ crudeles aut admodum indulgentes videantur. Hic iste talis homo est iustus, est amator belli & pacis, iuxta loci & temporis opportunitatem, & homo iustus & fidelis, quod concilij ipsius est fundamentum. Talem ergo videmus vbique amari, cuiuscunq; tandem conditionis, sexus, ætatis, gentis & nationis fuerit; & is communiter ab omnibus optimus iudicatur, vt reuera (vt plerunq; fit) est perfectus & absolutus. Huic securè bona, fortunas, coniuges, liberos, vitam, honoremq; nostrum concedimus; & vna omnium virtus est iustitia, sine qua parum reliquæ valent; ipsa verò sola se ipsam sustentat. Itaq; providebit Princeps diligenter, vt ipsius consiliarius re & veritate sit iustus & bonus. Quod ipsum sic in eo deprehendet. Oratio iusti habet in se pondus & grauitatem, contermina est virtuti, & loquitur veritatem: talis præsens & absens est: idem in ore quod in pectore habet: in suis negotijs apertus est: mala animi, mansuetudine & charitate reprehendit: laudat, extollit bona: totus amor, totus dilectio est: & nec spe, neq;

neque metu sententia dimouetur; quo minus, id quod sentit, elo-
quatur: non petit, neq; querit aliquid amplius, quàm ipsius postu-
lant opera: prosequitur beneuolentia & patrocínio bonos, admo-
net verò & dehortatur ab instituto malos; & in omni deniq; re atq;
actione colit & tuetur æquitatem. Talis non est nec dici potest lo-
quax: nihil extra propositum loquitur: non est mendax: non loqui-
tur contra conscientiam: non aliud præsens, aliud absens profite-
tur: hypocrita non est, nec duplici corde, nec susurro. Nam
præter, quòd non nisi in homines vilis & angusti animi cadit susur-
ratio, est certum infidelitatis argumentum, cum susurro in hanc vsq;
diem nunquam fidelis sit repertus. Idem non aliorum mores aut
vitia absentium reprehendit, cum id coram facere possit; nec vn-
quam quod ipse non vidisset, aut manibus non palpasset certò te-
stificatur. At breuiter nunquam talis aget assentatorem; ac nec
audire quidem assentatores poterit, aut maledicos, aut susurrones.
Opera iusti facilia sunt cognitu: in pace & tranquillitate viuit: suo
contentus est, laborioso genere vitæ sibi suisq; peculij aliquid pa-
rare studet: domum habet benè moratam: familiares modestos:
viuit in luce hominum: æs dissoluit alienum: rixas & litium refugit
controuerfias. Non potest verò vlla ratione esse iustus, qui con-
tentiones quærit, iurgia, pugnas, & partium inter se dissidia: non
potest esse iustus, qui suo non est contentus; sed quærit vias & oc-
casiones per fas & nefas tam bonis quàm malis artibus ditescendi;
& vt tam ipse quàm sui potentia augeantur. Non potest esse iustus,
qui die nocteq; non inuigilat; vt potius virtute ipsa duce & admi-
nistra honoretur, & locupletetur. Non potest esse iustus, qui cum
propter virtutem honoratus esse possit, negligit testimonium &
mercedem virtutis. Nam hoc modo, & sibi & suis est iniurius; lan-
guidam reddit virtutem, & nocet admodum Reipub. Hoc nimi-
rum congruit legi Diuinæ, & præceptis omnium Philosophorum,
ne admittatur illa turpis impostura, hominum quorundam stul-
torum, qui sub specie cuiusdam humilitatis, id de quo ego admoneo,
vocant ambitionem. Etenim propriè illorum dicitur ambitio, qui
vt inepti, & nulla virtute sint freti, vnico tantum fauore, aut pa-
tronorum, aut malis artibus innixi, fidenter petunt præ digniori-
bus se conditionem meliorem. Qui autem sua virtute, scientia,
sudore, vult honorari, & opibus augeri; hic est iustus, est magnani-
mus, est generosus: & si fortè non petit debitum virtutis suæ testi-
monium; tum est iniustus, est vilis, & pusillanimus. Ad propositum
autem vt redeam, erit aliquis, qui malè moratam suam habuerit

domum, pueros & familiares dissolutos & proteruos, qui viuit sudoribus alienis, qui debita contrahit, qui delectatur litibus & tumultibus, qui interfecto crudelis, & ingratus existit; hic quidem iustus dici vel haberi nullo pacto potest.

Duodecimum adiumentum consiliarij est, vt sit largus & liberalis. Namq; populus largitione maximè delectatur, & hanc vnam amat & veneratur: auarum contrà auersantur vniuersi. Qui vt cupiditatibus satisfaciatis suis, omnia habet venalia: nihil sine aliqua commodi spe loquitur: & à quo aliquid aliquando speret, admittit ad se neminem; & ita suas apertas tenet cuilibet proditori, modò fiant, se tantùm saluo. Qui dum in concilio est, alienorum bonorum, iurenè an iniustitia, non curat expilandorum, præstat se auctorem; vt tantùm partem aliquam eorum ipse etiam sortiatur. Vnde grauissima & periculosissima quæq; in Principatu oriuntur. Decoctor verò & prodigus, sensim absomit semetipsum; & postea decem millibus errorum est obnoxius: & inde splendor & existimatio eius imminuuntur, & hoc in maiores adhuc labyrinthos. Expedit igitur, vt consiliarius sit largus & liberalis, & vt media via inter hæc duo insiltat extrema. Quod quidem consiliarij adiumentum, sic princeps assequetur liberalis. Pauperum, virginum, & viduarum iuuat connubia: egentioribus subuenit: captos redimit: honestorum suorum amicorum æs alienum dissoluit, & viris ingenio & intelligentia rerū præstātibus omni ratione auxiliatur. Quod ipsum magnum argumentum in Rempub. ipsius erit voluntatis. Prodigus porrò in immoderatis & plurimis epulis cognoscitur præbendis & subministrandis, in superbo & luxurioso vestitu, in hastiludijs & choreis, in venationibus, in histrionibus alendis, & adolescentibus sine aliqua necessitate, & in rebus alijs generis eiusdem, in quibus nec modus neque obseruatur tempus, neq; ipsum discrimen. Auarus verò vel eo agnoscitur ipso, quòd sordide viuit, & tam in vestitu quàm domi suæ, plena sunt omnia mendacitatis. Qui deniq; magis ipsum se, quàm principē respicit suum; & omnia omnium actionum suarum refert ad priuatum emolumentum. Iam verò & petax perpetuò est; & nihil ferè aliud agit, quàm supplices libellos perpetuò porrigit, & vrget sua & suorum. In quo magnū committit errorem; cū is, qui consiliarium agit Principis, obliuisci quasi deberet sui; dirigere autē omnia ad comoda sui principis, & nominis immortalitatem. E contrario autem, vt concilium suum bonum, candidum, & prouidum, princeps retineat, vicissim in eo omnem curam & sollicitudinem suam ponat; vt consiliarios

quam

quàm maximè honoratos, & opibus dignitateque efficiat auctos, cum credibile sit, omnes & singulos, principe suo iuuando laboraturos, à quo diuitias, amplitudinem, salutem denique suam pendere intuentur. Tredecimum consiliarij adiuumentum est, vt beneficus sit: hoc autem est amicus benefaciendi. Quam virtutem Latini dixerunt beneficentiam: & non refertur, neque consistit in prædiorum aut pecuniæ donatione, sicut ipsa liberalitas; sed in adiuuanda Repub. & vtilitate communi, & eiusdem membrorum admonendo, laudando, vituperando, reprehendendo, consolando, vires & robur adaugendo, prouidendo, fauore, & auctoritate prosequendo, nō modò eos qui id postulent, sed qui adeò etiam videantur meruisse, etiamsi nihil petant omninò. Itaque homo beneficus, videns vias regias, fontes, flumina, pontes, & alias res publicas aut extruendas, aut meliores faciendas, ponit in eo omnem suam operam apud Principem, & omnes suos ministros vt efficiantur alia: quæ sunt malefacta, vt diruantur aut reficiantur & efficiantur. Hic porrigit manum lapsis, erectos facit ire, euntes currere, currentes gradum sistere in lætitia & animi tranquillitate. Hic in aula principis inanimat semper aliquid agentes præclare, facit eos cognosci, in principis deducit notitiam, & aliquid pro ipsis impetrat stipendij, aut mercedis, denique omnes omni adiuuat ratione, qui laborioso genere vitæ ad decus & gloriam solent contendere. Et rursus eos deijcit, qui malis artibus, ad opes, dignitatesque connituntur. Idem ille malis iudiciis obstat, & operam bonis legibus promulgandis nauat: quas easdem vult strictissimè obseruari. Postremò, qui habet illam virtutem est patronus iusticiæ: est defensor populi, est magister nobilitatis & nauclerus consilij, est pater patriæ, est honos Principis, & quasi alter in terra Deus. Nam damnum facere pro se quisque facilius potest. Tali verò eminere virtute, instar est diuinitatis. Quocirca, vt dicendi finem faciam, consiliarius hanc virtutem debet maximè profiteri, & re ipsa exercere. Quæ quomodo cognosci à principe in ipso debeat, ex ijs, quæ de beneficentia sunt allata, non admodum difficilis res est intellectu. Quatuordecimum est adiuumentum, quod aptum ostendat consiliarium, est illud, vt mansuetus & affabilis sit; nam hic aditum magnis æquè & paruis, pauperibus & diuitibus ad se præstant: omnes læta excipit fronte, audit omnium postulata attentè, respondet beneuolè, promissis stat cum grauitate, negat sine morositate, reprehendit absque iniuria, expedit absque superbia: ita nimirum, qui aliquid præmij aut beneficij à principe sortiuntur, rem verbis amplifi-

amplificant, & millies magis, quàm per se est ipsa, laudibus in cælum efferunt. Qui verò id quod petiuit, non obtinuit, saltem in ipsius consiliarij mansuetudine acquiescit, & aliqua ex parte lato eius aspectu, suauibus responsionibus, eius candido pectore est contentus. Quæ ipsæ res ad eum modum sunt comparatæ, ut generosi animi magis aliquando ijs, quàm vel ipsis opibus & diuitijs capiuntur. Sic legimus & audimus quotidie multos inductos fuisse, ut bona, & facultates, vitam deniq; perderet ipsam, indignatione quadam potius, quàm vel iniurijs infinitis. Expedit igitur, ut consiliarius valuas suas apertas fieri cunctis patiatur, & non moueatur auditionibus: nemini etiam desperationis præbeat causam, si id, quod aliquis ab eo petit, præstare non potest, excuset id cum quadam affabilitate, quæ ipsi vel in primis debet esse commendata. Hoc adiumentum sic princeps cognoscet in suo consiliario. Affabilis homo, est iucundus, statim colligit se, & non est præproperans, circumspicere incedit, eleganter vestitur. Amicus est familiarium conuentuum, & colloctionum, partium non tenetur studio, cum omnibus omnium generum tractat hominibus, facit dicto factouè iniuriam nemini, prius rumpet caput alicui, quàm ut aliquid iniurium ei loquatur. Est amicus acutè & quadam cum venustate dictorum, amat honestam libertatem, abhorret verò ab omni genere hypocrisiæ, & simulationis. Homo interim præceps & iracundus, nulla ratione potest esse affabilis. Morosum & Melancolicum se ostendit: omnia illi molesta sunt: non admittit ad se petentes faciliè: audit & loquitur paucissima, & malo tandem fine terminat cuncta: patientissimum etiam quemque fatigat & offendit, & omnia ab eo pessum eunt negotia: inimicitiarum inter suum principem & subiectos, est ceu quædam seges, & materia perpetua. In quem eundem errorem seu viciu incurrat arrogans & superbus, qui omnes ad consiliarij munus prorsus inutiles habentur. Quintumdecimum & vltimum, quod idoneum testatum faciat consiliarium, est adiumentum, ut sit fortis, & ista quidem non est corporis ipsius fortitudo, propter quam nonnulli herôes appellantur, quasi plus quàm ipsi homines. Nam hæc corporalis etiam inter baiulos, vel corpulones reperitur; qui vitam suam pro quatuor regalibus argenteis venalem non inuiti exponunt. Sed nimirum illa, de qua mihi institutus est sermo, non nisi in studiosissimis est veritatis fortitudo, & qui manibus pedibusq; semper illam tuentur, nec vllum vel minimum hac in parte respectum retinet personarum. Qua defendenda pro nihilo ducunt ea, quæ alii maximopere admirantur; videlicet,

delicet, habere familiaritatem cum principe, aut secus lætari: vel non eius patrocínio & paupertatem aut diuitias consequi: habere dominatum vel subiectionem: laborem aut requiem: vitam vel mortem, & tam cum prospera, quàm cum aduersa fortuna colluctari, vnaque & altera æquè esse contentum. Nulla autem in aulis domibusque principum pestis est capitalior, quàm quòd rarissimus cultus, & studium in hominibus est veritatis. Quam vt aliquando in apertum proferri necesse sit, adornatur nihilominus blanditiis & lenocinio verborum; sic vt difficillimè dignosci queat ab ea, quæ omnium odiosissima nocentissimaque est falsitate. Verè & acutè quidam dixit Philosophus: Vnam tantum rem principibus cognitam esse, vt videlicet, benè equo insideant, reliqua non admodum esse perspecta. Etenim cum nesciat assentari equus, sine vllò respectu personarum æquè excutit regem, ac quemlibet alium inferiorem. Quo ipso innuebat assentatorem, & quam parum principes delectarentur veritate. Quocirca consiliarius fortis, non solum vera ipse principi loquetur, sed amouebit etiam eos qui ipsius iudicium assentatione, atque mendacio adulterant. In quocunq; tandem statu fortunæ, & tam bonorum oppidorum & regionum, quàm etiam coniugum & liberorum amissione, ipsius etiam famæ, & aliarum rerum iactura, est fortis & penè immobilis, non turbatur: est sui ipsius & rationis dominus, & propterea potest statim præcurrere & prouidere rebus, quæ ad sui principis spectant dignitatem. Audire, loqui, respondere, præcipere, animare, erigere, tam principem ipsum, quàm & eius populū potest sine retardatione. Iam & illud perspicuum est, quòd talis non à ratione, non à fide, non à sui principis amouebitur amore, auro, amicitia, prece, vel precio, nec vlla vi, aut aliqua re, quæ in hac naturæ nostræ reperitur mortalitate. Quod quidem adiumentum sic cognoscet princeps in consiliario. Vir fortis cultor est & amator veritatis: hostis verò assentationis, non optimè omnium illi constat cum iocosus, non variatur conditione, odio magno habet susurriones, non ridet, liberè loquitur, non est superstitiosus, dicta ipsius habent pondus: peræquè principi ac cuiuspiam alteri suam aperit sententiam, nec scit vel tantillum dissimulare. Interim ab amicis hypocritarum & assentatorum, & qui occultant veritatem, caueant sibi principes, caueant à consiliario qui se dedit pecuniæ, non modo suæ libertatis, sed & alienæ is aget venditorem: caueant à consiliario qui bonorum coniugum, aut liberorum interitum ad lachrymas vsq; prosequitur. Lamentatur, qui se ipsum conficit, &

magnitudine doloris agitur aliquando in furorem. Nam eiusmodi nō est fortis, sed potius effœminatus & prorsus ineptus, qui consilio adhibeatur. Atq; hic quidem finiunt adiumenta quindecim, quæ bonum & idoneum testatum faciunt consiliarium, si animum eius intueamur. Qua ipsa in re diligens fiat inquisitio, ut omninò aptus appareat is, qui aggregari concilio debeat, & interim qui adiumenta omnia quindecim habuerit aptissimus censeatur. Qui verò plus vel minus, eodem modo plus vel minus aptus omninò erit habendus. Illud autem certò certius futurum est, in quem suprâ dicta adiumenta concurrent vniuersa, illum omninò rerum intelligentia assequendarum fore capacissimum, & rursus ab omnibus intelligendum; is haud dubio etiam sequetur bonum, & fugiet malum, & in omnibus tam consilijs quàm actionibus suis, retinebit firmitatem. Nam eundem oportebit esse prudentem, bonum & fortem: bonus autem non fallit, & prudens non fallitur, fortis verò peruincit omnes difficultates. Idem ille amatur à populo, propter liberalitatem, beneficentiam, affabilitatem & conceptam de eo bonam existimationem. Hic habet in omnibus quæ dicit, & fidem facit: nam illis quidem nos nostrâq; credimus omnia, quos ea quæ tractant probè intelligere intuemur, & quos moderatè & iustè imperare non ignoramus. Hic orbis totius iudicio omni præ cæteris honore est dignissimus. Nam res planè diuina & admirabilis est ingenium, quòd tot diuersarum artium & scientiarum sit capax. Hic harum in vita rerum contemptor est, & nihili ducit ea, quæ alij tantopere admirantur, & in eo felicitatem suam omnem reponunt. Sic ut talis, quisunque tandem fuerit, verè sit nobilis & honoratus, sit illustrissimus, sit excellentissimus, & sit adeò serenissimus, ut cum quibuscunque tandem orbis terræ principibus possit conferri.

DE ADIVMENTIS IN Consiliario, ratione corporis.



Homo quisq; pro se, qualis quantusq; sit, & quantum adeò valeat (ac quæcunq; tandem alia res) duobus maximè experientia & coniectura peruestigatur. Illa quidem maior certiorque est, atque adeò etiam magis necessaria; quam obrem & principem occupare debet locum. Coniectura ducis
instar

instar & argumenti est, quæ ut vel nonnunquam fallat, sæpius tamen elucet ipsa, & confirmatur veritate, quo etiam contemnenda, & abijcienda est minus: quanquam non ut per æquæ certa, secundarium locum obtineat, & ipsa experientiam proximè comitetur. Iuxta autem hanc institutionem, ut quo pacto idoneus eligendus sit consiliarius planum fiat. Primum quidem cognitum esse volo ab experientia, quæ in dictis factisq; consistit vnius cuiusque: quæ quoniam ab animo proficiscuntur duo, & sine eo nec possunt, nec debent deprehendi; propterea hæc ipsius animi appellavi adiumenta, quæ quindecim his præsidij ut apparet continentur. Sequitur iam porrò coniectura, quæ per quædam externa idoneum consiliarium reddit testatum, quæ est pars altera nostri de consiliario instituti sermonis, in quo ipso multum esse me, aut oratione non expedit diuagari. Quantum videlicet ipsius adiumenta valeant corporis, & vnde, & quomodo oriantur, & alias, quæ vltro citroque moueri possunt disceptationes, silentio prætereo: sufficereque scire, quod, quomodo prout, si sunt vel secus fertilia, equum bonum vel malum cognoscas: sic esse & notas quasdam hominibus ingenitas, & in ipsorum apparere corporibus, quæ plus vel minus idoneos, si vel adeò animum ipsum spectes, testificantur consiliarios. Qua de re verbis non vtemur pluribus, sed ad ipsas notas, seu adiumenta corporis in consiliario demonstranda veniemus.

Primum adiumentum corporis, quod idoneum monstrat esse consiliarium, est, ut non minus quàm triginta annos habeat, & non excedat sexaginta: nam intra triginta annos intellectus non vsque quaque est tranquillus: experientia verò est modica, arrogantia nimia, ardor grauis, cogitationes elatæ, infirmitas naturæ multiplex, neq; eam, quam par est retinere licet grauitatē, cui nec populus satis fidit, neq; sine murmuratione eā prosequi permittit. Cum autem ætatis annum sexagesimum fuerit præteruectus, amittit memoriam, vacillat intellectus ipsius, experientiam in obstinationem vertit, vigorē animi perdit, & elabi patitur sibi occasiones opportunas, corpora denique necessariò eneruantur senum, itinera non amplius facere possunt, & quasi quædam perpetua aulæ redduntur impedimenta. Quanquam interim non inficior omnes regulas, suas habere exceptiones, & infra trigesimum, atq; etiam post sexagesimum ætatis annum, idoneos nonnullos huic muneri reperiri, paucos tamen illos, & tempore admodum rariore. Et ego de eo, quod magis certum & obseruatum est loquor; quo magis intra triginta & sexaginta ætatis annos, consiliarios eligi iudico oportere,

utpote qui (si fortè aliud quid non intercefferit) totis triginta annis suam nauare operam poterunt Reipub. qui sicuti inter viride & sterile sunt medij ; ita & animum magis habent temperatum , & sunt magis graues : pollent vsu & experientia rerum , valent memoria , præstant viuacitate , natura ipsa eos corroborante , recto gaudent iudicio , non laborant peræquè perturbationibus animi , nituntur ratione & consilio , imbecillitas non admodum est eis nocens , tuentur semper cum dignitate grauitatem , ire & redire non incommodè queunt , obseruat eos populus , & fidem ipsis habet quam meritò debet. Ac postremò non alterius ætatis suos eliget princeps consiliarios , ut ij qui infra hanc ætatem sunt , dent literis in gymnasijs operam , peregrinentur , exterorum mores , & vrbes videant , linguas discant , sequantur militiam & aulas , & omnia illa assequi conentur , quæ ego in hoc secundo capitulo comprehendi. Qui verò ætatis suæ sexagesimum superuenerint annum , domum redeant , quieti se dent , suas exonerent conscientias , & discant tempestiuè mori. Quibus princeps , quod aliquando olim Romani suis emeritis dabant , largiatur , ut videlicet honores , dignitates , & excellentiora priuilegia , & annuos redditus , pro vnius cuiusq; meritis atq; virtute. Secundum adiumentum , quod quoad corpus idoneum monstret cōsiliarium , quam vulgò appellant complexio est ; nam certa quædam temperamenta habentur , quæ natura aptos quosdam & illustres faciunt : & ex aduersus ineptos & obscuros alios , qui ut etiam diu noctuque in eo quod illis ingenitum est , emendando perpetuò elaborent , vix proficiunt aliquid aliquando. Illi verò priores exigua arte & diligentia nixi , quod volunt assequuntur : & in horas redduntur aptiores. Ac proinde bonum consiliarium sanguineum aut colericum , neque alterius complexionis arbitror esse oportere. Nam ut plerumque fit , istius & non alterius commixtionis , sunt ingeniosi : & habent præterea memoriæ satis , de quæ rebus rectè & scienter verba faciunt : clarum habent iudicium , sunt iusti & benigni , affabiles , candidi , magnifici , benefici , & magnanimi , natura fortes , corpore agiles , & vel minimum valetudinarij. Modus tales non est difficilis cognoscendi , præsertim cum principi non desint medici , quorum vel hac in parte consilio vtatur. Videat autem in primis , ne consilio suo phlegmaticum aut melancholicum adhibeat. Nam ad omne genus gubernationis eiusmodi ipsa natura sunt inepti , præsertim si munere consiliariorum perfungantur. Etenim melancholicus , ut est natura siccus & frigidus , terrestris est , hoc est eiusdem quæ & terra comple-

xionis:

xionis: itaque humi semper repit, & vix à terra eleuatur: est morosus, tristis, sordidus, vanus, expers, & quasi hostis illustrium cogitationum, malitiosus, & ceu quodam veneno vas plenum, est superstitiosus; sic vt huius complexionis homines, religionem suis somnijs, & ociosis quæstionibus corruperint. Hic idem aliqua ex parte est & suspiciosus: & quo magis se nescit, eo minus habet intellectus: ipsa est inuidia, statim excandescit, & manus temerè cōserit, perpetuoque iurgatur, ac denique infinitis contumelijs, & iaciendis in alios maledictis est iniurius quàm plurimis. Quid multa? melancholici Saturno sunt subiecti. Mira autem est res, quantopere philosophi omnes saturninos auersentur; sic vt certū habeatur, Apolonium Thiancum Ephesi melancholicū quendam inuenisse, qui sua sola præsentia urbem totam corruperat, vnde postea pestilentia lues grauissima est sequuta. Phlegmaticus porro est turpis, tardus, simplex, ignarus, neque vlla in eo reperitur virtus, sed omnes sunt minores quàm vel mediocres. Tertium adiumentum, quod consiliarij ostendat virtutem quoad corpus, ipsa corporis est habitudo, quæ omnium optima, si mediocris fuerit semper habetur; nam hac in parte extrema omninò sunt vitiosa, & adimunt, quæ eius est anima, consiliario auctoritatem. Proceræ namq; admodum staturæ aliquem omnes astrologi non bene esse compactum testificantur; & sic demum rarò esse affirmant sapientem: præsertim si fuerit debilis, & colli paulò altioris, quo etiam minus verentur parum idoneum, & prouidum ipsum appellare. Vnde cōmuni eorum sermone tritum, natum est prouerbium: Subtilem & longum plerumque esse stupidum. In paruo verò non peræquè tot vitia gubernationi infesta, quàm in longo licuit obseruasse, eo duntaxat excepto, quòd parui soleant esse iracundi, arrogantes, & vulgus eos ridet, neque vnquam magnopere æstimat & admiratur. Quæ quidem natura ingenita nullo pacto excusari queunt, adeò vt principi necessarium fuerit, quoad eius fieri maximè potest curare, ne in consiliario contraria bonæ reperiatur habitudo; etenim risu publico postea facile exagitur. Cum autem nimis pingues quasi dolium, aut subtilis vt congrus insolatus, qui in quadragesima comeditur spectantur, vt alia incommoda, quæ ex humore, aut pingui, aut tenui eis obueniunt, præteream: qui quidem humor planè ad gubernationem reddit eos ineptissimos: quorum vitandorum causa, corpore & statura mediocri expediet consiliarios elegisse. Quartum adiumentum, quod idoneum quoad quidem corpus, monstret consiliarium, naturalis ingenita est proportio, in

qua vnum alteri membrum respondet, vt nec demi neq; addi posse aliquid videatur. Etenim, vbi in aliquo horum peccatum deprehendas; magnum argumentum est & animi ipsius vitiosi, & offenduntur haud dubie spectatores. Proportio verò in omnibus corporis partibus, est quidam ordo non magis mirabilis, quàm & delectabilis: cùm videlicet neque minus neq; maius est caput, quàm reliquum corpus requirat. Quod idem & de alijs membris statuemus: ne vna manus sit longior, contractior altera, humerus hic eleuatus, ille depressus, & alia generis eiusdem. Integritas quoque partium est pernecessaria. Luscum, gibbosum, aut sine pede, manu, brachiouè nasci aliquem, monstrosum est: & aut superfluitas, aut defectus materiæ est causa. Et talis omnium ferè physicorum est opinio, præsertim Galeni & Hippocratis, cunctos ad eum modum generatos (nisi fortè successu temporis aliunde id euenerit) habere infinita, quibus tam in intellectu, quàm in vita & moribus impediuntur. Et dicunt Aristotelem crebris illud vsurpasse sermonibus: Libera me Deus à natura signato. Quibus de causis omnibus, inprimis autem ne homines eos refugiant & auersentur, in ea prorsus sum sententia. Eos qui horum vitiorum aliquo laborauerint, in reliquorum consiliariorum numerum non esse afficiendos. Quintum & postremum quoad corpus eius, qui consiliarium agere debet, est adiumentum, vt pulchra & venusta sit facie, propterea quòd ijs, qui hoc naturæ habent beneficium, honor præ alijs defertur, & summopere diliguntur: & nescio quomodo præ cæteris multum in vulgus habent authoritatis. Ideò consiliarius mediocre & rotundum, neque cacuminis instar habere debet caput, faciem quidem longiorem quàm rotundam potius, non paruam neq; minus etiam carnosam: frontem eleuatam, aut mediocrem, non paruam aut tristem: oculos porrò mediocres, viuos & tranquillos, non omnium maximos, neq; etiam admodum paruos, aut turbidos, non sine grauitate: nares longiores & delicatas, non breues, neque crassas, neque depressas: labia mediocriter crassa, non minus subtilia, neque etiam crassa, neque pendentia: & sit deniq; venustus ad insinuandum se, hominum beneuolentiæ accommodatus. Atque hîc quidem finem adiumentorum faciam, quæ consiliarium corporis ipsius ratione aptum declarant. Interim autem meam hanc diligentiam, quòd minuta etiam ista de adiumentis consiliarij adeò tractauerim, reprehensuros esse quosdam non dubitabo. Verùm ego istis haud ita dubitanter vicissim respondebo, eum qui aliquid bene tractare & discutere cupiat, per omnia sermo-

ne & co-

ne & cogitatione nulla penitus prætermiffa re diuagari oportere, & magis aliquando ista, quæ minuta, videntur esse obseruanda; cùm sine illis, nec possint neque debeant vlla ratione stare maiora. Videmus, cùm ad domus alicuius venit emptio, quanta vtamur diligentia, non solum fundamenta & parietes, sed ipsa etiam stabula, & illa loca, quæ honestè dici non possunt, solertissimè scrutamur, & peruestigamus. Quantò verò magis acutè in eum introspicere par fuerit, qui regna & prouincias gubernabit, empturi equum pro decem, quinquaginta, centum, vel ducentis aureis, quid non faciamus? iubam, buccam, ossa, oculos, aures, pedes, crura, pilos, formam, & id genus alia, acutè rimamur vniuersa, iubemus vt currat, vt gradum listat, vt redeat, vt in gyrum vertatur, & vt lentò inambulet, quomodo denique vel bibit, vel comedit, inquirimus diligenter. Princeps ipse, vt dentes equi videat, vel suas in eius buccam manus ingerit aliquando. At nobis quid minutam in eo cognoscendo videatur, quem nostris præficiamus facultatibus, cui honorem vitamq; nostram concedamus, & qui curam gerere debeat totius nostri principatus.

DE ELECTIONE

Consiliarij.



Væ tantùm sunt res (quod secundi capituli principio superius est dictum) quæ in consiliario potissimum spectantur deligendo. Vna est, verè dignum & tanto muneri esse idoneum, quæ ipsa in præcedentibus capitibus duobus satis superque est explicata, rita & prudens: de qua nunc loquar, electio est altera, quæ non nisi penes ipsum consistit principem, vt nimirum intelligat, quo, quando, quomodo, quis egeat, & sibi suisque consulat, consiliario. Neque enim mihi est dubium, consiliarij electionem tanti ponderis & momenti esse rem, pro se quenque principem cogitare oportere, vt ex vna quidem parte, honos, & commoda ipsius consistant in eo omnia: ex altera vituperium & interitus tam eius, quàm populi consequatur. At vt breuiter multa complectar, alijs quæ in hanc sententiam dici possunt pluribus præteritis, vulgo videmus primum & præcipuum iudicium de principibus & eorum virtutibus à consiliarijs proficisci, qui si idonei & sapientes fuerint, haud dubiè & princeps ipse habetur sapientissimus. Hic
verò vt

verò vt quales idonei sint, intelligentia assequatur, eosdemque sibi fideles & synceros reddat; id potissimum spectet, ne hac vna in re erret aliquando vehementius, in qua semel lapsus, facile in reliquis etiam semper impingat. Etenim vt riuulis fontis infectis tota aqua corrumpitur; sic consilio deprauato regis, reliqua etiam in administratione publica defœdantur. Hinc audimus, cùm vna omnium voce solet laudare populus principem, tum nimirum eam inde laudem potissimum exorditur, quòd præstantes consiliarios habet: & in his demùm, si quis adeò antecellit, tum ait: Hic aut ille, tali præstat virtute, & hoc aut illo nomine populo satisfacit. Iam verò mox vicissim murmurat, & pessimè contentus est, si defuerint; maximè autem, si bellum gerendum est, statim acclamant: Defunt nobis boni consiliarij: hic & ille rex, tales habet ad tractationem pacis viros, & alias pactiones aut conditiones ineundas. Vniuersus deniq; populus sibi metuit, & vociferatur: Nos, inquit, decipiemur, & in discrimen rerum nostrarum veniemus; quia nobis deest bonum consilium. Non est igitur dubitandũ nos à recti cõsiliij viribus & authoritate & omnia dependere. Quod rectè aliquando regius Propheta intellexit, cùm in bello, quod ei cum filio Abololon intercesserat, non alio nomine Deum Opt. Max. precabatur, quàm vt consiliarium eius primarium excoecasset: nam magis sibi ab Achitoffel, quod erat nomen consiliarij, metuebat consilio, quàm ab armis, bellandiq; vñu, & artibus omnium reliquorum. Habeat princeps consiliarios bonos, hi vt aliquando errent, non erit cui is facile fidem faciat. Si autem secus fuerit, & res vel aliquando succedant benè, tribuitur casui; & errore aut negligentia aduersariorum, præter omnem expectationem dicitur euenisse. Certissimum igitur est, à concilio & consiliarijs bonis, non solum prosperum rerũ successum, & ipsum honorem ac famã principis proficisci, & tam quidem apud suos, quàm & apud externos ipsum magni fieri, & retinere vbique auctoritatem; vt videlicet ament eum sui, & reuerentur exteri; & vna omnium voce passim & vbique prædicetur. Quare primum & præcipuum eligendo consiliario id princeps habeat; vt meminerit & sapius seu consideret ea, quæ hoc capitulo continentur. Secunda sit admonitio, vt princeps etiam atque etiam cogitet tali consiliario magis egere se, quàm ipso, quem comedit, pane: & hoc ideo maximè, vt audire possit & admittere apud se veritatem. Etenim vix est credibile, nudam veritatem, ad aures principis, propter adulatorum multitudinem, quibus vndiquaq; semper circumseptus est, peruenire. Audienda quippe ab vno quoq;

sine discri-

sine discrimine, veritate, admittendæ autoritatis suæ periculo non caret; vt ad extremum tandem nihili & contemptui habeatur: neque expedit omninò, vt velint eius veritatis enunciandæ concedere omnibus facultatem. Sed suos principem habere consiliarios necesse est ijs præsidij, de quibus in alijs capitibus diximus, instructos & locupletatos; qui & veritatem intelligere sciant, & suo loco & tempore velint eam proferre: & istorum quidem id propriè incumbet muneri; vt in omnibus, & per omnia obseruent & loquantur veritatem. Atque hæc vnica erit via illius audiendæ, & assentatoriæ cognoscendæ, & penitus explodendæ falsitatis, quæ vix crediderim, meliorem aliam posse reperiri rationem. Tertia admonitio est, vt princeps, qui in multas habet partes dispartitum imperium, eligat ex omnibus & diuersis partibus, aut prouincijs sibi subiectis, consiliarios, non tantum ex vna aut item altera. Cuius rei ergò facilius declarandæ, exemplo, & quidem domestico, regis catholici Hispaniarum vtemur. Inter alia plura ille dominatur Arragoniæ, Castiliæ, Siciliæ, Neapoleos, regnis, Mediolano, & inferiorum prouinciarum, Burgundicæ familiæ possidet principatum. Debet igitur habere consiliarios, non solum Arragonenses, aut ex Castellæ regno oriundos; sed etiam Siculos, Neapolitanos, Mediolanenses, & Burgundos. Et quæ hoc loco de Hispaniarum rege diximus, hoc de omnibus principibus dictum esto generatim. Expedit quippè rebus, vt hac vnica insistant via, si populos suos rectè gerere, & reddere sibi non infestos volunt: nam alioqui pessum eunt vniuersa, ægerrimeque à publicis gubernaculis gentes & nationes amoueri se patiuntur, & quasi in furorem aguntur, cum suæ gentis vel agnationis vident in consilio neminem: existimant namque non sine causa id fieri, & aut à principe haberi despiciatui se, aut seruorum instar, aut deniq; indignos quibus se concredat, arbitrantur. Ac primum quidem ingenerat odium: alterum quærit & concupiscit libertatem, vnde in principem coniurationes oriuntur, & externorum arma euocantur: postremum inflamat & obdurat corda subiectorum, ad quamuis prodicionem in suum naturalem principem prosequendam. Iam & illud perspicuum est, quòd illarum regionum, in quibus nati & educati sumus, omnes omnium mores, ingenia, desideria, virtutes, vitiaque hominum, ac denique ipsas familias, ac earum merita, maculas, commoditates & difficultates, vtilia deniq; & damnoſa cuncta, rectius cognoscimus, quàm externarum. Quo etiam magis, si ex omnibus, quæ illi subiacent prouincijs, rex elegerit consiliarios, natos, inquam, & in ijs

educatos, poterit rebus commodius providere. Et quidem natura ipsa duce ita est comparatum, ut nostros magis amemus semper, quàm externos & alienigenas: multa namq; nos consociant & obligant nostris, sanguis, societas, amicitia, obsequia, merita, vicinitates. Ac quo maximè tenentur boni, sub iisdem legibus esse natum atque educatum plurimum interest: earum enim rerum nulla cum externis nobis est communitas. consequens ergo est in & extra consilium, citius & melius, & maiori cum diligentia, domesticorum negotia tractari, quàm externorum; qui quando consequi aliquid nituntur, oportet eos sudare guttas sanguinis, summo labore, & (ut ita dicam) brachiorum contentione parant omnia; aut verò quod boni mercatores facere solent, numeratis pecunijs emunt quæ concupiscunt. O quàm autem infelix est illa provincia, quæ in principis sui consilio, ne vnum quidem suæ nationis consiliarium intuetur. Iam verò & princeps ipse, qui ex vna tantùm gente eligit sibi consiliarios, ut mihi quidem videtur maximè animi laborat impotentia, & partium sectarumque se ostendit amatorem. Etenim cum nationi vni tribuuntur omnia, aut saltem maxima, necessariò illa tandè insolescit: quod cum aliæ indignius ferant, inflàmatur tandè invidia, & in ipsos principes iaciunt maledicta, & deniq; perditos eos cupiunt, & varias concitant in eos seditiones, unde postea ad bella & tumultus deuenitur. Iam & quælibet sua vitia & virtutes habet provincia, habet bonos & malos, doctos & indoctos, fidos & infidos: quam ad rem non multis mihi opus est verbis: qui potest me intelligat, ego quidem satis me ipsum intelligo. Princeps pro se quisq; publica iuris ipsius ratione persona est: nolit ergo contra rationem partium ostendere se fautorem: est omnium ciuitatum suarum & regionum ciuis, nolit esse alienigena & externus: est pater omnium, non expedit ut vitrici loco habeatur. At breuiter, cum consilium principis omnes ipsius debeat regere provincias, ex omnibus ijs consiliarios operæpretium ad illud erit quæsiuisse. Quarta est admonitio, ut princeps eligendo consiliario, non modò eorum numero, quos in aula sua habet, aut aliquando eos vidit, vel de ijs audiuit, & ut vel ipsa re idonei reperiantur, sit contentus; sed ut adeò etiam omni via & ratione, quoad eius fieri maximè potest, de ijs perquirat, suisque præfectis, vel prouinciarum mandet rectoribus; ut omni adhibita sollicitudine & cura diligenter peruestigent, qui ad hoc consiliarij munus, plus vel minus apti videantur. Quorum trium aut quatuor nomina mitti debent: & ille ad se proficiscentibus viatico non desit, si ut cognoscantur in

tur in aulam euocarentur. Vix autem percenseri tot ac tanta com-
moda possunt, quæ ex hac vna admonitione, si rectè obseruaretur,
proficiscerentur. Interim sufficiat sciuisse, inter complures aptos,
quàm inter paucos facilius inueniri excellentissimum, & populos
gaudere, magisque amare principem, cùm paterna cura illum affici
omniũ, & æquè procurare comoda & ornamenta omniũ depre-
hendunt. Iam & homines nobiles magis inuigilabunt artibus, gu-
bernationis addiscendis, & vt benè scienterq; inter alios viuant, ci-
tra omnem infamiam seu reprehensionem leuitatis. Hinc missa fa-
cient vitia, persequentur virtutes, fugient scandala, & alia quæque
turpiora; vt tantum nomen sibi concilient, & in eum numerum re-
ferri possint aliquando. Hæc eadem postremò in suis prouincijs
via cognoscet princeps suos exactius, quales, & quanti sint, & quid
pro se quisque ipsorum mereatur. Atque ita pro re & occasione,
pro diuersis periculis, negotijs, & muneribus publicis, quo loco
quid promere poterit & debebit, non eum præteribit. In numero
quidem ipsorum, qui apti esse censebuntur, vnus tandem aut alter
restabit: verùm non restet princeps ipse consolari sua affabilitate
cunctos, laudando illorum mores, atq; adeò vitæ ipsius institutum,
in quo & perseverare, & cursum gloriæ continuare velint, spe præ-
miorum proposita eos hortetur, & tandem aut in aula seruabit sibi
aliquos, aut publicis præficient muneribus, aut domũ reuerti patien-
tur. Et hac nimirum ratione pro vniuscuiusq; meritis & autoritate
dicetur rectè omnes tractauisse, & reddet haud dubiè contentos, &
ipsi consilio optimè prouidebit. Quinta est admonitio, vt in eligēdo
consiliario princeps celeritate nō vtatur nimia rationi & diligentie
inimica; sed sensim & pedetentim ad eos, qui nominati fuerint mu-
neri consiliarij præficiendos, progrediatur: & interim detur facultas
omnibus omniũ vitiorum, tam scripto quàm voce proferendorum
candidati, eiusq; rei commodius exequendę gratia, immunes accu-
satores sunt; sed tamen ita, vt via obsepatur falsitati: quod fiet, si
talionis, quæ dicitur lex omni seueritate animaduersionis suũ effe-
ctum sortietur, incurrentq; indignationem principes, qui tales fu-
erint. Iam & illud grauibus pœnis cauendum est, ne quis ea, quæ
de ipso principi referri debebunt, tam per se quàm per alium, vllò
modo impediat. Hinc enim tam vitia, quàm virtutes candidato-
rum magis erunt exploratæ, & portæ calumnijs obstruentur, & qui
idonei fuerint, consilio subministrabuntur: qui verò minus idonei
erunt, saltem non audebunt esse petaces, ne cum infamia repellan-
tur. Hoc idem aliquando in eligendis magistratibus obseruaba-

tur Romæ, pœnis & præmijs in vtramque partem propositis, quæ executioni strictissimè mandabantur. Quæ, quoad duravit consuetudo, floruit semper Roma: vt desita est obseruari, eò tandem quò videmus res deuenit. Sexta admonitio est, vt attentè & alacriter tam accusationes, quàm commendationes omnes candidati princeps audiat; sed interim tamen facile fidem habeat nemini, si infames accusationes erunt, cogitet & veras & falsas esse posse, & quàm multi malitiosi, inuidi, ignari, animo impotentes, reperiantur. Neque verò dicat: hoc mihi dux aut episcopus ille, sacerdos, doctor, pater sanctus, aut denique hic vel ille narrauit: nam vel inter ipsas cruces, quod dicitur, diabolus est medius vel nonnunquam: hoc autem est, quòd omnes homines sumus, & fallere atque falli possumus. Qua de causa princeps non facilè alicui credat, antequam recto iudicio & inquisitioni sui tribunalis id commiserit, atque eodem etiam modo, si vel in fauorem candidati, multa sortiatur testimonia, ne ijs quidem habeat perfacile fidem: non enim sufficit dixisse talis cardinalis, talis marchio, talis miles, talis religiosus, bonus & sanctus, hoc vel illud mihi confirmauit. Equidem nos omnes homines esse memini, qui aut alios circumscribimus, aut circumscribimur metipsi. Atque vnum illud tandem est certissimum, qui de his rebus testimonia dant, nunc rectè, nunc sinistrè multa referre quamplurimos; & interdum partim cupiditate moueri aliqua, partim inuidia, partim commodorum spe, partim etiam vanitate. Quæ vt omnia non subito dignoscantur, est quod latent sub quodam seu integumento studij erga principem, & desiderio ipsius dignitatis; & sunt tanquam bolus quidam medicorum inaurati, in quo exterius non apparet, quæ intus recondita est amaritudo. Credere interim facilè, quòd experientia magistra, num ita se vel secus habeat possis scire, nunquam fuit sapientis. Velim igitur principem cum S. Thoma loqui, & non nisi ea credere, quæ aut oculis cernere, aut manibus potuerit ipse palpare. Septima admonitio est, vt nullo modo, non præcedente examine, consiliarius eligatur, quòd si dignus vel secus fuerit, possit constare. Memini probè, quid superioribus diebus eligendo pistore regis Hispaniarum dulciario acciderit, res haud dubiè eò deducta est; vt is potissimum eligeretur, qui quibusdam confectis ex sacharo, sciebat sibi melius conciliare fautores. Iam & illud in mentem venit, quod aliquando Cardinalem Ludouicum Borbonium, cùm ex regno Galliarum ab eo postulans discedendi facultatem alloquerer, cùm ad arma vtrinque spectarent res, anno à Christo nato suprà mille quingentos

gentos primo & quinquagesimo, cuidam, qui canes venaticos volebat ipsi donare meminisse dixisse : Fac , inquit , vt venandi periculum primum ijs faciam: tum si mihi vsui secusue fuerint, facilius iudicabo. Hoc quidem , vt rude hoc loco adduci argumentum videatur, certissimum tamen est, nec pistorum dulciarios sine examine, neque canes sine venandi exercitatione , posse spectari. Examen autem erit illud, vt princeps semel atque iterum , sedulo inquam & accurate perquirat, an candidatus habeat adiumenta illa , quæ ego in secundo & tertio capitulo annotaui , & vt eo modo, quo ego monui cuncta peruestiget : nam qui illis adiumentis carebit, prorsus erit inutilis ; qui cuncta habebit, erit haud dubie perfectissimus ; & qui plus vel minus , eodem modo plus vel minus idoneus erit existimatus. Vt igitur hæc omnia adiumenta metiatur princeps, vnam vnam quindecim palmarum, hoc est quindecim adiumentorum animum concernentium, & quinque palmarum alteram, hoc est quinque adiumentorum, quæ corpus spectant, adhibebit. Qui omnes , aut saltem habebit plures , is postpositis alijs, ad consiliarij munus rectissime eligetur; ita quidem, vt si vnus habuerit decem, alter verò octo aut nouem, ille qui habet decem cunctis præponatur, nec vllum sit in hominibus discrimen, siue ille diues, siue pauper fuerit, siue paruus, siue magnus, siue ignotus, siue familiaris. Nam si potens dux, aut nobilis prædiues, aut intimus aliquis familiaris, simul & semel ambiret consiliarij munus, cum eo qui nec principatu, neque diuitijs, neque gratia ipsius principis comparandus ijs esset, superior duntaxat illis de quibus diximus adiumentis euaderet, citra vllam dubitationem præ cæteris eligendus, reliqui omnes essent repudiandi. Et quidem hoc intelligitur, de ijs, qui elucet clara aliqua & illustri virtute. Munera quippè publica debentur virtuti potissimum, & non aut beneuolentiæ gratia, aut præstitorum obsequiorum causa, aut etiam diuitiarum ergò sunt distribuenda. Interim certum etiam illud definitumque esse, & fauorem, & diuitias, & obsequia tum haud dubie valere, cum in vtramque partem virtutis, paria sunt adiumenta. Exempli gratia : si competitores duo æqua lance ponderandi essent, tum princeps suæ in aliquem tribuere posset aliquid voluntati, & obsequiorum ipsius recordari, concedere etiam nonnihil potentiæ, & non obliuisci præstantium in Rempub. meritorum, aut suæ regali maiestati præstitorum. Etenim certissima hæc est regula, munera non nisi ex his causis tribus, vnius causæ concedi gratia, videlicet, aut propter merita, aut propter fauorem, aut

propter potentiam. Primus modus, ut ita dicam est ipsius virtutis, postremus abusus, intermedius ut etiam abusus sit, postremò tamen non potest comparari. Ut ut autem habet se res, illa quidem boni principis & tyranni est nota, quod princeps virtuti tribuit, quæ tribuenda sunt omnia, honores & magistratus: tyrannus propter fauorem & potentiam largitur vniuersa, qui quidem in tertiam generationem vix suum tuebitur principatum. Præterea multas alias & graues rationes, quæ hoc loco commodè adduci possent & deberent: eo tantum finem facio, identidemque moneo, examen ut diligentissimum adhibeatur, & is præ cæteris eligatur, qui præscriptis regulis, secundi & tertij capituli accedet quàm proximè semper, & denique ut illud examen ipsum ab illo principe, & non à quopiam fiat alio vllò modo aliquando. Octaua admonitio est, ut posteaquam examen factum & subssecutum ea ratione, quam proximo præscripsimus capite fuerit, sine vlla vel minima priorum præceptionum, aut in hanc vel in illam partem interpretatione, tum demùm duobus tribusue diebus post, vocet ad se princeps eundem consiliarium, & præsentibus audientibusque; aulæ suæ cunctis, portis apertis, breuibus verbis ei demonstrat; quomodo sit electus virtutis & meritorum suorum causa consiliarius, pro ea spe & opinione, quam omnes de ipso conceperunt. Videret igitur, ut virtute, integritate, & morum vitæque constantia in omnibus eam opinionem tueatur: demum principatum suum & omnia ipsius commoda & ornamenta diligenter ei commendabit; eo etiam adiuncto, ut pro re & occasione, cum ea quæ par est modestia, liberè eum hortetur & dehortetur, & suggerat cuncta, quæ ad ipsum pertinere maximè iudicabit. Ac nimirum dicet, ut nulla nō animaduersionis grauitate, in eum vsurum se esse, si quid cōtra officiū fecerit: sic rursus & libenter opibus & honoribus eum aucturum, si de se semel expectationē excitatam virtute & industria fartam tectamque cōseruauerit. Hæc tali & tam necessaria admonitione in effectū deducenda, princeps sibi deuinctos reddit populos, ad virtutem & gloriam accenduntur boni, terror & desperatio iniicitur malis: consiliarius postremò ipse non solum similis esse sui; sed adeò etiam ipsam expectationem de se semel excitatam indies vincere, quàm maximè poterit semper contendet. Nona & extrema est admonitio; ut his omnibus, quæ antea dicta sunt ritè peractis, solenne à consiliario iusiurandum princeps exigat ipse, in quo Deo Opt. Max. bonum & fidelem consiliarium se eius futurum esse, & commoda dignitatemque principatus diligentissimè

tissimè curaturum, & quod deniq; nec vitæ, neque sanguinis, neque bonorum, aut vtilitatis alicuius spe, vel ratione à iustitia & æquitate, se dimoueri patietur. Exacto ad eum modum iuramento, non est quod adhibeat ipsum alijs negotijs. Dicitur autem vix potest, quantum inde proueniet commodorum. Etenim, si tum forte officio & iuramento suo consiliarius non satisfecerit, princeps in ipsum iustam habiturus causam indignationis, tanquam in eum, qui fidei & conscientiæ suæ obliuisceretur. Ipse verò consiliarius magis reddetur circumspectus, ne officio & functione sua abutatur: iis etiam, qui contra ius & æquitatem ab eo precibus obtinere volunt, sanguinis & necessitudinis colore alicuius, facilius, & cū maiori æquitate se excusabit. Populus deniq; rebus iniustis postulandis, erit moderatior, & assuescet honesta à consiliariis regis postulare; & si quid in contrarium fecerint, fidentius eos deferret & accusabit.

OPERIS CONCLUSIO.



HOC illud est totum, quod in hoc primo octo librorum dixisse libro occurrebat, in quem materia de concilio & consiliario principis debet inferri. Iam verò satis superque quid sit concilium, est declaratum. Et quomodo pro se quemque principem (si aliàs benè gubernare cupit) concilia differentia septem, in omnibus & per omnia, in munere & administratione tota, in ministris, in mandatis, & authoritate, expediat ordinare. Est denique illud etiam ostensum, quid sit & dicatur consiliarius, qui, ut ad eum aptus & idoneus habeatur, adiumenta viginti eum habere oportere, quindecim ratione animi, corporis duntaxat quinque. Iam & principi notas & admonitiones nouem, quomodo & quando eligere consiliarium debeat suggessi. Hoc quidem est totum, quod apud animum proposueram meum, & quod vel initio istius libri me facturum esse promiseram. Quam ipsam ad rem diuinæ & humanæ induxerunt me leges, quibus, ut quo & quando maximè potest, vnus alterum iuuat, obligamur; præsertim in rebus, quæ ad publicam maximè spectant salutem & vtilitatem. Quales concilium & consiliarij ipsius sunt principis. Quod si in me esset formare, quale fieri expediret concilium, sicuti quidem scripto est comprehensum, prius boni concilij proponerem exemplum, quàm illud stilo adumbrarem: sed quando vnum non datur


datur, præstemus saltem illud, quod nostræ est potestatis. Illis incumbet reliquorû perficiendorum cura, qui ad voluntatem afferre pariter poterunt facultatē, quo profectò & maioris quietis suæ causa, & tam honoris, quàm vtilitatis gratia debent præstare. Ego interim, quoad vixero, duo illa diuinitus precabor: Vnum, ut principum aperiat oculos, ut quid eorum conciliis & consiliariis desit videant: aut ut tandem aliquando seriò secum, quomodo his tot ac tantis malis occurrì possit recognoscant: dimidium certè itineris confectum iudicarem, si vel saltem an bonum vel malum eis est consilium cogitarent: Nulla quippè infirmitas, quàm ea, quæ non cognoscitur, maior habetur. Alterum est, ut ij, qui sunt consiliorum apud principes directores, omnibus perturbationibus animi semotis, salutaribus monitis, viam demùm patefaciant, & Reipublicæ suiq; principis, quàm suæ priuatæ seruiant potius dignitati: neque falsis perturbationibus, album pro nigro, & nigrum pro albo ei obtrudant. Etenim illi sunt, qui perditum volunt & faciunt principem. Illi, inquam, bonis & virtute præstantibus crura succidunt, ne vltèrius altiusq; progrediantur: Illi oculis principis tenebras offundunt densissimas. De malis quidem, non de bonis, hoc loco loquor. De bonis satis persuasum mihi fuerit, quòd hoc eiusmodi opusculum semper probabunt; non quòd meum sit, qui minus quàm mediocris sum, sed quòd proculdubio re ipsa est salutare. At quid iam porro non clamabunt mali? Affirmabit quidem ille, ut princeps in tam subtili consilij electione tantopere laboret, non expedire. Cui ego respondeo, non esse hunc laborem, sed laboris potius alleuamentum: Nam eò minus bello & pace habiturus est occupationum. Mox dicet ille, principem esse liberum, & eius arbitratu distribuendas functiones. Iam & huic vicissim hoc responsum dabo: Libertatem principis, expertem rationis nò esse libertatem: Nam tum demùm abusus est, & nescio quid eiusmodi instar ipsius seruitutis. Et ille verè est Rex, qui rectè facit; & liber, qui moderatè vtitur libertate: Nam aliter, qui tyrannus non habeatur, concedere autem id principi, ut pro libito distribuat magistratus, est exagitare ipsum risu publico, & tyranni loco habere. Erit præterea non nemo, qui viros nobiles, præmiis & dignitatibus, ratione antiquitatis, & splendoris familiæ, præstantiumq; in Rempub. meritorum afficiendos iudicabit: & hoc quidem ego etiam sentio: verùm non vnum & idem est, aliquem aliquo præmio vel honore æstimare dignum, & pati esse consiliarium: Nam non desunt quidem viæ præmiis afficiendi multos, consilij licet

nō euaserint quā plurimos. Quid verò est, quòd & eos postremò videas, qui, quales volumus, cōsiliarios in orbe terrarum reperiri nusquā, non dubitabūt affirmare. Quibus ego sic respondeo, quòd etiam multos, & idoneos, & spectatos in omnibus partibus reperiri. Sed vnum illud deesse, vt virtutis causa, non beneuolentiæ, aut potentiæ gratia, princeps eos eligat, & vt maximè desiderarentur, præstare illos velit pro eo ac debet. Ex lapidibus homines excitabit. Cùm est princeps poëta, omnes versus pangimus : cùm est musicus, omnes cantamus & choreas ducimus : cùm est bellator, tractamus arma : cùm est assentatorum amicus, omnes lepidis delectamur : cùm studet astrologiæ, circa sphæras versamur, & id genus alia instrumenta. Si verò talium consiliariorum quales depinxi est fautor, caput mihi amputari patiar, si intra quadriennium, præcipui quique procerū ad hæc munera idonei non reperientur. Serio hæc tantum aggre-diatur princeps, & semel reipsa quod consului præstet, tum demum opinione celerius, & aulam, & totum principatū suum immutatum experietur; mutatum dico, imò etiam quodammodo nouum effectum. Omne hoc tempus, quod datur otio, aLEX, blasphemix, adulterijs, & alijs mille vitijs, dabitur virtuti & honestati, & ijs artibus, quæ sunt erūtq; maximè Reipub. necessariæ; aula postremò virtutis & sapientiæ reddetur officina. Alijs autē interim quæstiunculis, nec libet quidem respondere, cùm sint plenissimæ vanitatis. Redeo ergo ad ipsos principes, & illis hoc confirmo : si hoc, quo præscripti, suos consiliarios eligent modo, quoad viuent, fortituros eos quietem & voluptatem maximam; & non solū defensuros, verum etiam aucturos esse principatum. Pacis denique & belli tempore erunt semper domini, amabuntur à suis subiectis, timebuntur ab aduersarijs, & ab omnibus euadēt laudati atq; celebrati. Posteris etiam suis, firmum & diuturnum relinquent imperium, & magnorum bonorumq; principum nomen vel ab ipsa morte omni quo sortientur.





CHRIS. VARSEVICH,
DE LEGATO
ET LEGATIONE,
LIBER.



ILLVSTRISS^o DOMINO,
D. STANISLAO MINSCIO,
PALATINO LANCICIEN: CAPITANEO
LIVEN: &c. &c.

Domino suo obseruandissimo: S.P.



Itto tibi librum de legato & legatione meum, cuius tu quidem lineamenta (quod aiunt) omnia, non verbis, sed rebus expressisti ipsis, inq; ipso docuisti te virtutis quam ætatis cursum esse celeriore. Quo nomine, ut debeo, gratulor vel plurimum tibi, & hæc quantulacunq; ingenij mei monimenta, dico consecroq; lubens, non tam ex aliorum eruta libris, quam ex usu prompta obseruationeq; communi. Quo etiam magis utilitatem vel aliquam alicui, tibi certè vni, qui quæ & quomodo gesseris ipse in ijs, tecum recognosces, legenti voluptatem spero allatura. Cui quidem pro tam præclare nauata Reipublicæ opera, nulla ferè digna à nobis gratia referri facile potest, nec vlla non debet. Multa ego multarum video ornamenta gentium; sed illud vnum vel maximum, legatorum & legationum, cum publica totius regni dignitate: alia enim aliorum in nostro corpore membrorum; soli illi legati in imperio similitudinem referunt oculorum. Quibus cum non in aliquo alio theatro, sed in oculis orbis terræ, et sacratio religionis Romæ, in omni genere laudis, de principatu certauisti, & illud nimirum in tot tantisq; aliis consecutus es, ut beatus Hiacyntus, à Clemente octauo, Pont: Opt: Max: diuorum in numerum referretur, summa cum tua Poloniciq; nominis laude, & Ecclesiæ Dei, religionisq; Catholicæ splendore & maiestate. Etenim nihil quam sanctitas & Pont: Max: vera illa & legitima ab Apostolorum principe profecta successio, & quæ semper et ubiq; & ab omnibus vno ore & pectore culta est religio, demùm verò mimula in ea edita, Christi Opt: Max: Ecclesiam firmam & insignem magis reddiderint. Cui rei & orthodoxæ doctrinæ notarum claritati, quoniam ex hoc nostro Aquilone, tu quoq; vel aliquid intulisti lucis, lætatus profectò hoc nomine magnopere sum, omniaq; opum & honoris insignia & ornamenta dignitatis deberi tibi agnosco, gratulorq; ex animo, cum dubium fuerit nemini, quantum in splendidis scienterq; obitis legationibus regnis et prouincijs positum sit semperq; fuerit: et quanta nō adumbrata, sed expressa vestigia Romæ reliqueris virtutis, pietatis, prudentiæ, &

Hb y

humani-

humanitatis tuæ singularis, digna tali tantoq; viro mihi fuisse ut videatur legatio, & vir ipse legatione memoranda. Quo ipso ornatus reuerteris summa ad nos gloria, & à duobus Pontificibus Max: Innocentio et Clemente, vtriusq; octauæ nomen sortientibus, ea refers munera, qualia maiorum tuorum præstantium ossa, & imprimis matris tuæ optimæ & spectatissimæ fœminæ pietas, & reliqua ornamenta requirunt. Quibus omnibus, utinam quàm diutius: perfruare. Hanc ego quidem non solum verã, sed vnam dixero nobilitatem atq; gloriam, quæ & maiorum imaginibus clara, & luculentis: hæreditatibus aucta, & obitu honorificis legationibus insignita, & omni deniq; ornamentorum genere est illustrata; sic ut tu tuq; similes legationibus quærendi, et non tã ambientibus, quàm refugientibus ille dandæ, nec tam pompa, quàm rebus instructi legati ad externos dimittendi potius videantur. Bene vale, decus & ornamentum patriæ. Varsaviæ Calendis Decemb. 1595.

D. Vestræ Illustris:

Addictis: seruator.

C. Varsenicus.

CHRIS: VARSEVICII,
DE LEGATO ET
Legatione Liber.



MILTAS EGO MAGNASQ. RES, SED
vel has potissimum duas, desiderari ani-
maduerto, gentibus nationibusque gu-
bernandis, vnam quidem legum maxime
verò municipalium scientiam, populorū
alteram quibus aliquis præfuerit, morū &
ingeniorum cognitionem exactissimā, vt
demum necessaria illa tam nostris aliò di-
mittendis, quàm exteris ad nos legatis admittēdis perspicax seque-
tur prudentia, qua belli pacisque negotia tractantur & continen-
tur. Ac legum quidem statutorumq; ratio, literis & codicibus com-
prehensa, longè fuerit facilior, quàm vt de ea multa verba fieri de-
bere videantur. Secus est ingeniis moribusque hominum cogno-
scendis. Nihil enim natura hominis est reconditius, nec quic-
quam aliud abstrusos magis habet recessus. Qua tamen ipsa in re,
& seu quadam ancipiti deliberatione, fide, consilio, & auctoritate
bonorum multum subleuātur reges, & certis quibusdam observa-
tionibus, veluti radijs illustrantur solis; vt aut rarò, aut nunquam,
aut saltem modicè aberrant à scopo, si præsertim consiliarij fuerint,
ij, qui odij & gratiæ, metus & cupiditatis expertes sint, & aut negli-
gentiæ habuerint nihil, aut temeritatis. Quod haud scio an rectius
vlli quàm quos vocamus muti, videntur mihi cōsiliarij affecuti. Ete-
nim perturbationibus animi cœcis, & ipse oportet rex cœcutiat, &
(vt plerumq; fit) in diuersas partes distrahatur. Quo ipso pauco-
rum causa, odio futurus est infinitis, & in eo cui præerit regno, ve-
luti in corpore sano, multos morbos pariet insanabiles; qui nescio
si non augebuntur quotidie, cum magna infamia & exitio Reipub-
licæ. Semel enim ortæ rarò mansuescunt ægritudines, & facilius
reprehenduntur quàm corriguntur errores. Vna autem omni-
um legationum & legatorum, siue admittendorum, siue dimit-
tendorum ratio, magis nodosam habet viam publicæ expediun-
dæ dignitatis. Cùm enim legatus dici is soleat, qui alicuius po-
testatis, aut personam sustinet magistratus: aut verò ille, qui able-
gantis

gantis nutu, mittitur aliquid tractaturus: multum profectò in eo positum fuerit; ut ubi, quâue ratione, & tempore, legatos ad te venientes excipias: & quæ eis responsa des, non ignores: & quos rursus, ac quales, quo, & quomodo dimittas, & quando. Sunt namq; & debent esse legatorum corpora sancta: & legati, tam eius in quo nati sunt, populi, quàm ipsiusmet, à quo mittuntur magistratus simulachra. Qui variis licet vocabulis, nunc Oratores, nunc Interpretes, nunc Nuntij appellentur: vnam tamen, & eandem propemodum omnes, explicandarum & denunciandarum rerum fortiuntur facultatem; tantum quod legandi & ablegandi verbum, hoc priuata, illud negotia respiciat publica, principum aut magistratuum aliquorum. Multum proinde in humanitate regum & principum externis legatis excipiendis, situm esse, semperq; fuisse, nemo dubitauerit. Nec tamen continuò, aut peræquè omnia. Male quippè se habet, cum externis apud nos legatis, cuncta licuerint: nostris verò, apud eos, nec adeò vel tantillum: & cum nostri apud aliquos aliqua de causa punientur, illorum verò, eo nomine apud nos ne appellabuntur quidem. Quod feras & barbaras gentes, aliquando fecisse legimus, & audimus: & si denique aliorum legatos, nos facile admiserimus audiendos; ancipiti contentione nostri tenebuntur diu suspensi, & minus quàm par fuerit videbuntur honorati, ut taceam, adhibitis etiam custodibus, in hospitio teneri legatos alicubi: quod speciem, nescio cuius præsefert feruitutis. Quod tamen minimè mirum videri debet, præsertim si belli, aut tumultuum acciderit tempore, aut legati illi in aliena Reipub. nimium fuerint curiosi: inertes enim domi, & curiosi foris ægrè feruntur. Quanquam enim christianæ Reipub. ciues omnes simus, & ad salutem dignitatemque publicam nostras actiones referre debeamus; tutius tamen semper in illam peccabitur partè, ut passim & ubiq; præsertim verò in alieno solo, moderatè & scienter versemur, quàm dissoluti ineptiq; habeamur: Alienum enim homines solum cõpescit & salum. Quantum verò ad principem qui admittendarum & dimittendarum legationum, habiturus est potestatem, pertinebit, vel in primis curet, ut eum honorem habeat externis, què cupiet apud externos haberi suis, citra tamen omnem vel minimam reprehensionem leuitatis. Nam & in hac quidem ipsa re delectus esto atque discrimen, & ut vitia & vitiosa imitanda non fuerint: saltem quo modo alibi tractabuntur nostri, aliorum quoque legatos similem humanitatem, eiusque vicissitudinem par fuerit experiri: secus si fuerit factum, quidam non iudicio, aut magnanimitati, sed nunc metui, nunc desperatis rebus, nunc imbecilli-

becillibus viribus, nunc intellectus nostri adscribent id infirmitati. Omnia enim ferè in deteriore, quàm in meliorem partem, vulgus hominum interpretatur: cuius, ut minoris faciendum sit iudicium, approbatio non est negligenda. Ac princeps quidè dispiciat omnia per se primùm ipse necessaria, demùm non nisi prudentissimorū & fidelissimorum consilio, & autoritate nitatur. Nam si non suo sed alieno cōsilio semper utetur, hoc sicuti nihil meliùs, ita neq; periculosiùs est aliquādo, propterea quòd multa sunt, quæ percipiendis consiliariorū sententijs nobis imponunt, summa probabilitate dicendi. Nunquā enim aliquem re ipsa sapientē ære, corrūpas verò non neminē persuasione. Curā mittendorum & excipiendorū legatorū, senatui olim Romę datam fuisse, gravissimus author testis est Polybius: quod & ipsius Liuij tota testatur historia. Nec obstat, quod alicubi dixerit Tacitus: Magnam agitatam in senatu controuersiam fuisse, si electione, aut sortitione sumi legati debuissent. Certum enim fuerit, nec in T. Liuiio copiosissimo rerum Romanarum scriptore, neque adeò in ipso Tacito, alio aliquo loco, & vel in aliquibus alijs id authoribus deprehendi. Ex aduersus autem, maiores natu viros nobilissimos esse missos, decretos, lectos, aptos præ cæteris rei gerendæ, proditum est memoriæ. Quemadmodum & illud alterum, satis superque ex eodem constiterit Liuiio, quo loco, quo tempore, quo modo excepti, aut verò dimissi fuerint legati externi; & legationes, nempe in Comitio, & Græcostasio, vbi sedere solitos legatos externos, & Varro, & alij literis consignarunt. Excipere quidem hostium legatos, intra vrbis mœnia non erat in more positum, & consuetudine Romanorum: ac nec adeò ipsos legatos gentium & nationum exterarum, tametsi illa de re varient iureconsulti inter se, nec non & alij rerum vel annalium scriptores. De tempore illud liquet, quòd non nisi mense Februario, modo & more penè, qui & nostris est, audiebatur legationes, initis statim magistratibus, & rebus omnibus, pro vsu communi, dignitateq; cōstitutis. In quibus quidem alijs, quoniā nō perque tantum, quantū in electione ipsorum legatorum est sitū, accedemus vel ad illam alteram paulatim partem, & pro nostra tenuitate opportuna his rebus, & obeundis legationibus adiumenta disquiremus. Factu est incredibile, nisi prius multa sciantur, legantur, & videantur, omnes omnium rerum cū dimittuntur, posse legatos admoneri. Quorum, quàm rarum & difficile sit munus, vel inde est cognoscere, quòd Cyrus, inter primos legatum sibi educandum, instruendumque proposuerit. Magna namque & magnifica aggressurum, inde à teneris (quod aiunt) vnguiculis diligentissimè expedit erudi;

neq;

diri; neque tamen & immensa illa fuerint, aut prorsus factu incredibilia, quæ in legato requiruntur. Etenim, quod quidam omnium linguarum, nec scio, si non & scientiarum, peritum esse legatum existimant oportere, nã haud intelligunt, quid hac in parte sibi velle videantur: immensæ enim cupiditates sunt nostræ, ætates verò angustissimis terminis circumscriptæ. Illius quidem gentis, aut etiam principis linguam legato esse sciendam, non dubitanter dixerim, apud quem legatione defungetur. Hoc amouet incòmoda legato grauiæ & magna, affert verò summa & plurima contraria: nemo enim communicandis alicui secretis, adhibet plures, cùm præstare id possit ipse, aut per pauciores. Barbarus denique videtur semper is, qui eum, apud quem verba facit, sermonis sui non habuerit intelligentem, & omnes surdi, M. Tullio teste, sumus, cùm eas linguas, quas non intelligimus, quasi occultum aliquid, arrigendo aures, taciti vestigamus. Historiarum certè, quàm linguarum plurium cognitionem, multò magis dixerim legato necessariam, quanquam & illarum non omninò posthabendam. Est enim historia dux actionum, consiliorum inuentrix, comes itineris, pronuba instituti salutaris; quam quò magis variam, & exactius aliquis legerit, & legendo rebus & temporibus præsentibus adaptauerit; eò & plures legationes obiisse, & in portum quem quærit, facilius inuehere videbitur didicisse. Sed ad eius historiæ cognitionem, diuinarum humanarumque rerum, accedat oportet scientia. Parum namque vtilis librorum est lectio, nisi humano ingenio vires, aut cælitus infundantur, aut longo vsu acuantur. Quam ad rem Deo Opt. Max. inprimis duce & authore, & perillustri natura legatus opus habet, ac demùm studio & exercitatione assidua & peculiari. Est enim per se quisque nedum videtur tardior, celeri illo animi motu, & sagacitate destitutus. Sed idem ille se cognouerit, frenaueritque semper, non minus alacri animo, quàm etiam studioso. Sicut enim cultri, ita & acuta ingenia vt faciliè findunt, sic & hebescent. Iam & naturæ ornamenta, idem legatus habeat, & aliquando fortunarum: festiuum enim est, quod de secretario naturæ, & ingenij magistro fertur Aristotele, quòd cū aliquando, quamobrem illa quæ pulchra sunt, in amorem sui homines raperent interrogaretur, cœci esse hãc interrogationē responderit: Pulchra enim omnia suapte ad se nos alliciunt, & magna per se tacita licèt, cõmendatio pulchræ est faciei. Duplex tamen vulgò, virilis & muliebris habetur pulchritudo: quarum altera in venustate: altera quæ legatorum est propria, in oris & totius corporis po-

ris ponitur dignitate : gibbosi (vt mox plura ijs de rebus infrà dicemus) claudi item , & vel aliquibus membris distorti , aut mutilati legati , magis cōmouent risum , quàm aliquam tàm sibi , quàm principi suo , vel minimam conciliauerint authoritatem ; nisi fortè aliqua re aut arte sint excellentissimi . Quod etiam ipsum apud incultas , & barbaras gentes parum valuerit vel nonnunquam : barbari enim ad irridendos , morati verò homines ad honorificè tractandos exteros , sunt promptiores . Sic olim à regina Amazonum , Macedo contemptui est habitus Alexander , quòd non perinde pulcher , quàm rerum gestarum fama celebrer ei videbatur . Sic Agesilaus Magnus , ab Ægyptiis , minori fuit in veneratione , quòd staturæ esset breuioris : sic alij alijs quidem minus ; sed fuerunt tamen omnes despicatui semper , qui aut naturæ , aut fortunarum adiumenta , non habuissent . Quot enim , & quanti legati , in medio seu quodam cursu , sæpè subsistunt , nec aliorum erga se humanitati , & officijs respondent , nec nisi ære alieno obruti , ab aula proficiscuntur : partim ob profusionem aliquando nimiam : partim ob æris & facultatum inopiam . Quid ? quàm multi , petenda identidem pecunia , principibus suis molesti sunt , & tandem iuuandi necessariò veniunt ; quod non fieret , si aut opibus per se semel instructi prius essent , aut obeundis legationibus , idoneos iudicatos , quàm ineptos alios , rerum gerendarum instrumentis , principes ipsi potius augerēt . Melius enim ad negotia apti pauperes licèt , subleuantur ære , quàm ceu quædam mutæ personæ opulenti , sed inertes in rerum versantur tractatione . Quo magis viderint reges , quibus faciem suam dandam potissimùm arbitrentur : si enim musico inepto , quantò minus legato vtendum est inconsiderato . Virum certè ignobilem , rudem & egentem , principis personam decore præstare minus posse , nemo dubitauerit . Verùm nec in diuitijs adeò etiam posita sunt , aut erunt omnia . Ac multò minus in pompa , & ostentatione diuitiarum : sapienter namque sensisse , & pulchrè mihi videtur dixisse , qui non tam pompa , quàm rebus instructum legatum aiebat dimitti oportere : neque tam eum , qui ipsum se vltro & curiosè ingereret , quàm qui refugeret quodammodo legationem obeundam . Etenim turpius nihil ambitur , nihil inuidiosius suscipitur , nihil difficilius peragitur , nihil variè & multipliciter magis interpretatur , quàm legatio . Vnus vel minimus commissus aliquando error turpat legationis omnia : & propter pauca legati vitia , sæpè euanuerunt plurima & maxima , quæ erāt vel inprimis dilaudanda . Est enim legatus persona publi-

ca, & vel nonnunquam noua, proposita omnibus ad spectandum, paucissimis peculiariter commendata ad predicandum. Qui tantò quidem maiorem etiam sapius fortitur inuidiam, quanto quod sibi visum fuerit agere, datur tandem sibi à principe plus potestatis. Nam non vsque eò raro, res temporaque, ne quid certi legato præscribatur, requirunt; sed facultas conceditur, quod è re, & dignitate principis magis fuerit, liberè quandoque, de omnibus legato statuendi. Sæpè enim occurrunt, de quibus nihil in mandato præstitui potest, & rursus multa præcisè, & diligenter legatis committantur necesse est, in quibus præsens rerum tractatio, subiicit consilia certiora. In his autem omnibus, perspicaci maximè opus est prudentia, longo rerum vsu, & tractatione comparata: non enim semel & iterum, sed vix etiam infinitis modis, & vicibus, sufferit aliquid tractauisse: nec tam prosperis successibus partis, quàm naufragijs factis, res rerumque euentus meminisse: premunt enim graui, læta verò & leuia exolescunt. Quo etiam pauciores idoneos, his & tantis legationibus reperias: nihil enim facilius fungi volenti, & nihil difficilius videtur experienti legationem; nisi quod continuò imploraueris, numen affulgeat diuinitatis. Itaque eos potissimum ad hæc, similiaque munera obeunda, deligant sibi principes, in quibus catholicæ religionis, & boni publici, maximè spectetur studium: cum pietatis concepta de aliquibus opinio, venerabiles faciat, etiam expertes aliquando pietatis. Quanquam ego non modò cum Deo, sed nec cum hominibus quidem, fallaciter aliquid agere, author alicui fuero: multi enim simulantes pietatem, vel ipsam reddiderunt suspectam in alijs probitatem; & Deus ipse Opt. Max. cum diu multumque tulerit, eò tandem seuerius castigat fallitatem. Religionis porro Catholicæ sincerum vbicunque studium, sequatur necessariò in legato fides, sequatur prudentia, sequatur temperantia, & ipsa denique, quæ murus adamantini est instar, nunquam satis laudata sequatur fortitudo: reliqua enim in legato omnia, videntur esse ceu cuiusdam vrbauitatis. Hæ certè quas enumeravi virtutes, soliditatis sunt singularis: nam sicuti ad pulchritudinem corpus, ad fortitudinem veluti ad robur, ad temperantiam perinde ac ad sanitatem, ad prudentiam quasi ad subtilitatem sensuum, legatus est conformandus: fide in eo nihil est præclarior, & commendatius memoriæ hominum sempiternæ. Etenim vt illud taceam, quod habita veteri prouerbio fides, obligat ipsam fidem, & erit qui prodicionis crimine scèdus aliquid dicat, vel sentiat, & cuius vitium virtuti oppositum, à virtute magis declinauerit?

clinauerit? Ferunt Borbonium illum, qui ad Romam occubuit, vel tam præclarè de Hispanis meritum, cum in Hispaniam appulisset, ne hospitio quidem exceptum à quodam fuisse, quòd domo sua indignus diceretur, nescio ob quam suspicionem peruersæ in principem suum fidei, aut commutationem voluntatis. Quo tamen loco, nunquam ego proditorem appellauero eum, qui quòd à virtute discedere noluiisset, proditoris insimulatur alicuius. Est enim constans & perpetuum quid, quod iustitia appellatur, & quod peruersis, & deprauatis hominum moribus, & consuetudinibus, nec potest, nec debet vnquam mutari. Ac vt plurimum ijs, quorum beneficijs affecti sumus debeamus; multò tamē plus nobis ipsis, & honestati debemus, quæ moribus licet, temporibusq; præsentibus, nō quadrauerit ratio aut oratio, nec & ego eum legatum oratione finxero, qui certo aliquo loco, & tempore, seu persona definitur; sed qui rectæ rationis normæ iustitiæque, quàm maximè fuerit proximus & accommodatus. Quare, quid præter fidem in legato præterea requiratur, & quàm necessaria ipsi fortitudo prudentiaque fuerit, videamus. Summa quidē certè habeat oportet omnia. Etenim, vt à fortitudine ordiar, cum timidus aliquando habitus sit Cicero, & Pompeius ei dixerit: Transi, inquit, M. Tulli in castra Cæsaris, & me timebis: prudenter videtur fecisse, cum seipsum nosset, quòd ad Antonium legationem fuerit deprecatus. Vt ex aduersus, malè audiuit Demosthenes, quòd in legatione, nescio ad quem, publico nomine destinatus, & vsque in aliquam viæ partem progressus, dum subinde impotentiam animi, & iracundiam illius, ad quem mittebatur, secum ipse cogitasset, missam fecit legationem; quo nomine non apud suos peræquè omnes, vt dixi, fuit laudatus: declinanda enim sunt maturè, quorum nos aliquando deberet poenitere. Quo loco recentius adhuc, & facetum proferam exemplum, cuiusdam principis Italici legati, qui ad Sigismundum Augustum Poloniae regem, pro nuptijs eum inuitaturus Grodnam profectus, cum in quandam paulò longiorem syluam apud Knischinum incidisset, & num multum eius superesset fortè quæsiuisset, responso quod dimidio adhuc maior pars eius restabat accepto, per familiarem suum, ad regem principis literis missis, nescio quid causatus, & ipse quidem mox reuertit. Itaq; prudentia, fortitudoque pariter legato est necessaria; vt suscepta demùm legatione dispiciat, quatenus progredi possit & debeat, & quibus in rebus, ac quomodo fortitudine uti, & quando. Nonnunquam enim cauta consilia, quàm elata sequi præstiterit: & parere potius ne-

cessitati, quàm indulgere appetitui, aut peruerſę voluntati. Ac breuiter, multa ac penè infinita sunt, quę præceptionibus circumſcribi non poſſunt, & in quibus ad nouas res noua conſilia adaptantur. Pulchrè ergo quidam, non tantùm inquit verborum nunciij crediti ſunt legati; ſed iudices rerum adeò etiam appellati, & oculi ac aures imperiorum; quos ego non tantùm in magnis magnum, ſed in omni denique re, volo gerere animum, nec de ſua concedere dignitate, vel tantillum. Nam memorabile ſemper fuerit, quod alicubi refert Tacitus, quòd cùm quidam Germanorum legati, Romam venientes, in ſedibus ſenatorum ſedere externos legatos animaduertiſſent, & quibus id honoris datum percuntati fuiſſent, & fide in populum Romanum magnis, reſponſum accepiſſent, deos hominesque teſtari, nullos hac in parte germanis præferendos, inter patres conſederunt. Eſt enim dignum, digniorem locum ſe cōcedere legatorũ nemini; ſed & in ea ipſa re, vt infrà dicemus, eate nus progrediendum, quatenus ſuaſerit ratio, aut ſummi alicuius principis interpoſita autoritas, & perſuaſio. Nam ſuperbum agere legatum, Deo hominibusque eſt odioſum, cum quodam non obſcuro contemptu, & irriſione totius gentis atque nationis. Hinc illis Luſitanorum legatis, in Hiſpanienſem aulam venientibus, & hoſpitiſſimorum cauſa neſcio quem præmittentibus, palatii præfectus ridiculum dederat reſponſum, cùm quot eſſent interrogaret, & ille mille quidem omnes, ſed quingentos prorſus, Deo, alios alijs hominibus ſimiles reſpondiſſet: Benè habet, inquit, iſti quos tu Deo dicis eſſe ſimiles in templa, reliqui eant in hoſpitia. Quo non obſcurè animi perſtrinxit eorum leuitatem: omnis enim iactatio, & verborũ vanitas eſt moleſta; ſed illa veſtium, ſupellectilis, aut equorum, aut hiſ ſimiliũ rerum moleſtiſſima. Fugiendis tamen hiſ in ſermone & colloctione ineptijs, ſuę nunquã obliuiſcatur legatus grauitatis, amicũ omnibus, familiarem præſtet ſe nemini: licet nec multos, neque nullos amãdos eſſe cenſeant alij: in priuatis rebus humanitatẽ, in publicis retineat dignitatem. Frequens cōmeſſatio, parit nobis non rarò deſpicatũ: & indignum eſt, cùm ſobrius non audeas loqui, inter pocula velle garrire: iuuenes denique plura, ſenes verba facere cōſueſcunt meliora. Proinde vel hac in parte debet eſſe legatus cautus, & in publicis cōuiuijs, in ſermone parcus, & quodammodo etiã taciturnus. Sicuti enim occultata virtus parũ à ſtulticia differt; ſic ad opinionẽ ſapiẽtię ſilentium loco ſeruatum, ſtultis ſuffragatur: vaſcula inania maximè tinniunt, & quo minus mentis, eo aliquibus plus eſt loquacitatis: denique quo citro vtroque, ſerendis temerè

ſermoni.

sermonibus, lingua nihil est nocētius, eò is qui illam arte frenaue-
rit, magis in sapientibus numeratur. Sæpè vel amplissimus campus,
restat iterato cuius dicendi; non peræquè autem semper ea, quæ
protuleris, reticendi: nam verba & aues semel emissæ, postliminio
non reuertuntur: & suspicandum est semper, ea, quæ vni vel alteri
dixerimus, breui conscios fore etiam quàm plurimos. Mors ergo &
vita in manibus linguæ est, dixit ille non insipiens. Multi postre-
mò multa dicunt, vt plura eliciant ipsi non à nemine, & aut in pub-
lico liberiùs loquentes, quò plures sermonis habeant testes, a-
cutè alios obseruant; aut quem aliquis verbis vlcisci vellet oc-
cultato, altero verò paulatim ad libertatem obloquendi, seu in
arenam eduçto, incautum circumscribunt. Non sint tamen ta-
libus aut faciles ad credendum Reges, aut ad castigandos pro-
ni sermones; leuitatem enim loquendi irridendam, insaniæ com-
miserendum, dolori ex iniuria accepto indulgendum aliquid,
semper est iudicatum: & Imperatorum extat sanctio in hæc ver-
ba trium. Si quis modestiæ nescius, & pudoris ignarus, improbo,
petulantiq̃ue maledictio, nomina nostra crediderit lacessenda, ac
temulentia turbulentus obtrectator temporum nostrorum fuerit;
eum poenæ nolumus subiugari, neq; durum aliquid, neq; asperum
volumus sustinere; quoniam si id ex leuitate processerit, contem-
nendum est; si ex insania, miseratione dignum; si ab iniuria, re-
mittendum. Vnde integris omnibus, hoc ad nostram scientiam
referatur; vt ex personis hominum dicta pensemus, & vtrum præ-
termitti an exequi debeant, censeamus. Atq; hæc quidem verba
sunt sanctionis. De conuitijs autem in absentem principem iacta-
tis, vel contumeliis absenti dictis, tantum statuendum est, quan-
tum statui volebat in eum Aristoteles, qui absentem pulsauisset:
etenim verborum superbiam, qui faciliè excandescunt, plerumque
vlciscuntur, prudentes irrident, leues sequuntur. Vnde & Veneti
regis Galliarum Fœciale bellum Reipub. denunciantem, iniu-
stitiamq̃; & alia ijs exprobrantē, religiosè dimiserunt. Et Partho-
rum olim legatos Romæ, quod Armeniam peterent, quam ere-
ptam tenebant, irritos quidem dimissos, sed legimus tamen mu-
neratos: non enim is, qui mandata tulerit incusandus; sed qui de-
derit, magis est redarguendus; vterque tamen hanc mandatorum
libertatem non vsq; eò amplectatur; vt vel alijs sit ea molestus. Ete-
nim etiã illam animi sensuum proferendi, prudentiam habere lega-
tus debet commendatissimam, nec à cōsiderata ratione differendi,
vel in priuata colloctione auelli cū principe se, & in altum dispu-

tationum trahi, temerè patiatur: & postquam ad externos venerit, potius laudatorem se eorum præstet, quam temerarium censorem vel æstimatorem: omnes enim nobis ipsis plus quàm par est placeamus & alios irridemus, vt vel maximè nobis præstantiores esse, tacitè agnoscamus, & quod plerumque fit, verbis præ nobis extenuemus. Iam & ipsum, quem semel adierit principem, obseruet, & reuereatur legatus perpetuò: nec illius titulis, aut iuribus, tam dicto quàm facto detrahat vel tantillum: quòd si vel aliquid sibi ab eo displicuerit, non queratur vel euulget euestigio, memor dicti illius Romani sapientis: Potentiorum iniurias non solum patienter, sed hilari etiam fronte semper esse perferendas. Sæpè accidit, vt potens iniuriã iniuria cumulet: & si patienter feratur, non omnium optimè facti compunctus conscientia, eam beneficio obliterandam potius arbitretur, & vnum aliud beneficium tandem sequatur: rarò enim gratis datur aliquid, quominus is, qui semel gratis dederit, ad dandum non denuò inuitetur. Quanquam nullius rei minus quàm beneficiorum, ab externo principe venandorum, insit legato cupiditas, imò euitari omnis debet suspicio cupiditatis; vt nimirum principis, à quo missus est facta testatq; cõseruetur dignitas; quæ vt medico salus, imperatori victoria, legato sit proposita: merces enim ratione mercatorum, & principes domesticorum nonnùmquã æstimantur. Quæ quoniam magna & principum, & legatorum pars nõ intelligit, aut saltem intelligere nõ cupit; propterea principes, huc & illuc illis mittendis, sibi nõ peræquè semper satisfaciunt, & eorum culpa aut in odiũ aliorum contemptumue incurrunt, aut ad aperta bella, bellorumq; incendia cū vicinis veniunt, aut aliquid eiusmodi committunt, quod ex ipsorum non est re, neq; dignitate. Cordati enim & prudẽtes legati, omnis honestatis & pacis, publicæq; tranquillitatis, non dissidiorum vel bellorum præstare se debent authores. Sed nec interim etiam, vel maxima proposita commodi, aut quietis spe, indignum se suoq; domino cõmittant aliquid, neq; in principem comitatumq; suum, impunè perbacchari alios patiantur. Maior namq; quàm vel vitæ ipsius ratio habenda est dignitatis: & qui fert temerè vnam, facilè alterã inuitat in se contumeliam: unde postea exoritur despicatus: quo etiam solers, & prouidus magis, sui suorumq; legatus sit indagator, non eos, quæ in buccã veniunt garrere, non dissolutè viuere, non assuefaciat huc & illuc discurrere, non subito noua sibi latibula querere extra domũ ludendi, bibendi aut dormiendi, non deniq; temerè euagari per urbem & compita semper, nõ suspecta infamiaq; inuisere loca, vt rixarum & cædium occasiones,

casiones suis perimât, facillè patiat; nam vt nescio cui seruituti id simile fuerit; præstat quidem certè comitatu suo, ad bene beateq; viuendum exemplo, & authoritate præire, & demere semper aliquid, quàm adiungere potiùs libertatis. Id autem potissimùm fiat in principio, ac ceu quodam vestibulo, & ingressu rerum & legationum: prima namque in oculos incurrunt maximè, & ab exordio de progressu rerum, vt plerumq; fit iudicatur, nec ea quæ de nobis in animis hominum semel inhæserit opinio, facillè eradicatur. Meminerimus quàm & nos etiam curiosi domi nostræ sumus, cum legatum, aut externum aliquem dominum, ad nos contigerit aduenisse, die noctuque, vt ita dicam, res ipsius rimamur, statum & conditiones omnes scrutamur, familiares intuemur; hoc idem, ne apud alios nobis quoque eueniat, videamus, demusque sedulo operam, ne fortè aliquis, tam à nobis ipsis, quàm à domesticis nostris, priusquàm necesse sit, res & mandata nobis data expiscetur: nihil enim est turpiùs, quàm fumum priusquàm flammam (dixit ille) in legatione alicuius apparere, quod non aliunde quàm à legati, aut eius familiarium proficiscitur vanitate; cum aut suos suorumque res, immoderatis plerumque efferunt laudibus, aut minas miscent precibus, aut aliorum vires, & reliqua, verbis vt fit, extenuant, non sine stomacho & indignatione tam ipsorum principum, quàm eius etiam senatorum. Omnes enim vbique contemni nos non libenter patimur; sed hanc impotentiam externorum in loquendo animi, domi nostræ potissimùm auersamur. Quanquàm nec illud quidem expedierit, fictis aut etiam nimis laudationibus principum venari gratiam; & aliud (quod aiunt) stantem, aliud sedentem loqui, & nunc hoc hodiè, nunc illud postridiè, cum non obscura quadam suspicione vanitatis. Quod (vt plerumque fit) accidit, cum aut lippis tonsoribusque nota, longa oratione tractamus, aut quod antea extenuauimus, ornamus & amplificamus dicendo: nihil enim magis virum decuerit, quàm nunquam sui, suæque obliuisci firmitatis. Memorant Carolum Quintum; at qualem & quantum cæsarem? post initam cum Francisco Galliarum rege, ad Cameracum pacificationem, cuidam legato summis encomijs in os eum laudanti, in orationis fine dixisse: Vtinam, inquit, & nunc laudasses, & biennio antè in Anglia vituperasses me parciùs, ægrè vtroque nunc caruissem. Modus in laudando iuxta ac vituperando fuerit optimus; & cum viuis, tum verò præsentibus efferendis, conuenit esse moderatum: dies enim ante occasum, & homo ante diem mutatur supremum. Dare præterea alicui nimium in os laudis

laudis, habet speciem nescio quam assentationis; neque tam virtuti tribuere, quàm in aures principum influere velle iudicamur. Vnde ille Carolus Burgundiæ Dux, crebris vsurpabat sermonibus, neque laudari acriter, neque vituperari viuos principes oportere, quod vnum periculo, alterum suspicione non caret adulatoriæ artis valdè inertis. Iam & illud legatus meminisse debet, si vel illo statim momento, rebus sui principis nomine postulandis, minimè potiatur; nō despondendum esse animum, & si vel repulsam ferat, ad minas & expostulationes non veniendum: non semper sunt bonæ, quæ citò dantur responsiones, nec multum à repulsa, proficiunt contentiones. Quare, si vel meliorem causam habuerimus; declinanda semper est inuidia; impotenter causa tuenda; cùm non rarò accidat, vt contrariæ parti, vel aliquid de nostro iure concedendo, rursus in nostram pertrahamus eam sententiam, quod nimirum opinionem prudentiæ, attulerit nobis singularem. Vt enim equi fessoribus, sic principum plurimi, durioribus resistunt oratoribus, moratis & moderatis multa concedunt. Quod cum semper & ubiq; valuerit; tùm potissimum tractandis rebus cū iisdem regibus, quos nō secus quàm Cetos marinos, in littus deducas paulatim, repellas vehementius impellendo: volunt enim, quod dixit ille, hæc idola coli, & vix faciunt aliquid moniti, tantum abest vt coacti. Quare si impugnanda regis, aut alicuius magistratus fuerit sententia, excusabit se legatus primum, demum verò in verbis, gestu, & oratione, omnem necessariam adhibebit modestiam, & suam propensissimam erga principem testabitur voluntatem: & denique, si duriora fuerint postulata, non à se sed principe à suo id ostendet proficisci: vt enim sol, si hominis vertici immineat, aut prorsus tollit umbram, aut reddit quàm minimam; sic maximi alicuius principis conditio aut gloria, minuit inuidiam. Minor deniq; supremi, quàm minoris liuor est magistratus, nec tantus absentis regis, quàm præsentis ipsius oratoris: qui quo etiam sibi aliquando negata dolenter tulerit minus; eo illius qui negauerat, experietur vicissim erga se commutationem celerius voluntatis: ægrè enim omnes iniustitiam nobis obijci ab aliquo patimur; alius verò alio facilius amplectitur æquitatem. Ferunt eundem illum Carolum Quintum, Romanorum Imperatorem (libenter enim in magnis, magnorum principum perstamus exemplis) Ioanni Dantisco Episcopo Varmienti, Sigismundi Primi Regis Poloniae legato, petenda pro Regina Bona eius coniuge, ab Isabellæ Arragoniæ ipsius matris morte, Barensi hæreditate, duriolem se initio præstitisse. Quod cū

Dantisus

Dantiscus paulò tulisset immoderatus, & vim suum principem pati cœnatus alicubi exclamasset, hæsit in illa aula opinione sua diutius, nec vel aliquid aliquādiu visus est impetrasse: demum verò modestior in sermone factus, vel è medio quod apparauerat cōuiuio, ad cæsarem venire repentè est iussus, qui in venationes iturus, & per multos dies ab aula dicebatur abfuturus; sed tum nimirum vel maximè Dantiscus, licèt vino incaluerat, moderationis & eloquentiæ laudem, apud cæsarem promeruit singularem, & quod diu non poterat, illa die impetrauit; neque enim peræquè vrgendis principibus quàm eorum obseruandis nutubus compotes reddimur nostræ voluntatis. Quo faciliùs intelligas, quanti momenti in prudentia legati sit positum, & quàm verè ille quondam rerum dominam sapientiam appellârit. Etenim sapiens legatus, quæ impetrari vel secus possunt animo cernit, & in posterum rei quoque tentandæ vires non incidit, nec spe concordiæ alios excludit. Multa enim & grauiâ feruntur, quæ omni prorsus adempta spe, ægrè possent tollerari. Quo etiam magis, cum obtentu aliqua res videbitur difficilis, imperfecta potiùs relinquatur, quàm vt prorsus abiiciatur. Dies posterior magistra est prioris, & semel amissa de negotijs publicis conferendi fide, aut etiam potestate, non tam aliquis efficitur citò eiusdem compos facultatis. At verò, cuius rei gratia legatus petitum est missus, si fortè obtinuerit, ad imponendum vniuersæ rei & tractationi finem, nihil moræ interponat; sed quæ promissa ei fuerint consignet literis, & quoad eius melius fieri poterit, acta conuenta efficiat firmiora: neque ijs rebus vlllo pacto indormiat, cum nox interposita, siue auditio vna, & vel nonnunquam falsa, perrumpat omnia, & desideriorum viri, vt regalis ille Propheta alicubi eos appellauit, hac tempestate reperiantur quamplurimi, apud quos opinionum & variarum cogitationum perpetua quædam regnat vicissitudo. Semel autem de controuersa & decisa re, rursus controuersia orta, non secus se habet, ac corporis aliqua ægritudo, quæ si semel curata recrudescit, plus in curatione habet difficultatis. Nocuit ergo, quod dicitur differre paratis, & manus afferre immaturis. Atque hæc quidem omnia vsu & tractatione constant rerum, & quadam veluti mensura, quæ non magis medico, quàm politico obseruatu est necessaria: illi ne ægrotantem perimat, huic ne quæ immortalis esse debet, euertat Rempub. Præstat tamen conficiendis negotijs, matura quadam celeritate, quàm supina vt tarditate: præpropere enim celeritas inimica est consilio; sed procrastinatio om-

nium & consiliorum & actionum perturbatrix. Sed age progrediamur: nam eidem illi legato curæ sit, vt scribendis tam ad populares, quàm ad externos literis, ab ijs vel diuersorum argumentorum epistolas sæpius vicissim fortiatur: quas cum amicis quidem communicabit liberiùs; sed neq; suspectos in amicitia expertes earum faciet, demptis præsertim ijs, quæ minus communicanda videbuntur. Qua de re eos ad quos scribit, & à quibus sibi scribi volet, tempestiuè admonebit, & id vel maximè propterea, quòd nulla res prudentiæ opinionè magis nobis conciliauerit, quàm rerū vel exactissima cognitio, tam quæ ante fuerant, quàm quæ & nunc passim geruntur. Vnde etiam quidā solos reges, eorumq; consiliarios atq; legatos, curiosos esse ex instituto debere testabatur, ceteros non itè, quibus non per què incumberet cura publicorum cōmodorum, siue dignitatis: suo enim quisq; debet se metiri pede, & cōtentus esse sua tantūmodo functione. Iam verò, non solū ostendendis literis, sed crebris etiam, & officiosis visitationibus, tempestiuisq; conuiujs, tam aliorum legatorū, quàm quorumcunq; aulæ procerum conciliatur legato beneuolentia, & quasi imponitur necessitas quædam, alijs quoque, quod tamen ille minimè spectare debet, eiusdem voluntatis & humanitatis erga legatum declarandæ. Pulchrè enim Romanus ille nescio quis: Aliena, inquit, pocula siccas, nemo tua, aut redde vices, aut desine velle vocari. Et fit profectò magna magnis inter se viris differendi, siue facultas, siue cupiditas vbicunque, sed vbi incaluerint ad mensam maxima. Etenim multa multi, vel vtrò ipsi confitentur in mensa, quæ vix aliquando confiterentur in tortura. Quid, quod non ad nostrorum tantū principum, ad quorum redundauerit id gloriam, sed ad aliorum proculdubiò gratiam, hac ratione struitur nobis via, maximè compendiaria; adeò vt quorundam principum legatos, tractandis hoc modo eorum consiliarijs, & aulæ familiaribus, primum gratiæ locum, apud exteros reges & principes tenuisse audiamus & legamus: non enim homines tantū, sed & simiam aliquando suam in honore haberi non illibenter videre se, nescio quis ille dixerat Imperator. Qua ipsa de causa, principum in gratiam se, vt legati magis insinuent; non tantū aulæ proceres, sed adeò etiam regios domesticos quosque mensæ suæ adhibebunt: cum illis familiariter, vt fit, confabulabuntur: cum illis nunc hos, nunc illos miscebunt sermones: illis hinc & inde sibi allatas ostendent literas: cum his principis tam sui, quàm ipsorum perhonorificam facient mentionem: cum his statis temporibus, cum aut strenæ, aut
similia

similia dantur munuscula, hilarè versabuntur, & dona dilargientur. Omnia enim ferè quæ aut fiunt, aut dicuntur in aula, principem non effugiunt, & pari rursus modo rationeque pensantur: nam fama est malum, quo non aliud velocius ullum, dixit verè Pöeta: & qua principū nostrorum ad aures, siue bona, siue mala illa fuerint, quæ de nobis circumferuntur peruolant derepentè, vnde aut dolent, aut lætantur. Itaque & habitare commodè, & multò quàm si priuatus esset se gerere splendidius, legati expedierit dignitati, & hac in parte nullis parcere sumptibus; si fortè odio, aut incuria eorum, quibus hospitiorum distribuendorum munus incumbit, id non allequatur: splendore enim & magnificentia capitur multitudo; & siue vt nos contemnat, siue suspiciat facillimè incitatur. Deniq; qui commodè habitando & alios ad se inuitando, munerādoq; gratificatur pluribus, vix est credibile; vt ei vel ab vno non referatur gratia, & principes ad ornandum & remunerandum non commoueantur: fidelis enim seruus fit benigno domino, & hic beatus fido & taciturno. Absit tamen semper inanis profusio à legato, & legati domo: & quæ debet esse officina pudoris & continentiae, non sit libidinis & diurnæ nocturnæque comestationis: debemus enim vti, & non abuti nostris regijsque opibus & muneribus, cumque domi, tum foris esse continentes, & cum id probare cunctis, tum nostris vel inprimis regibus, qui dissolutis & profusis haud ita libenter beneficia largiuntur: dolium enim perforatum, & hominem sui oblitum vix impleueris. Quanquam hac in parte semper animi præualuerit magnitudo, pudetque ijs nostra denegare bona, qui pro nobis præstiterint vel pertulerint grauiora: refugiunt enim omnes, quem nulla remuneratio sequitur famulatum. Ac memorabile inprimis fuerit, quod de Ferdinando Consaluo proditum est memoriæ: qui cū Ferdinando Hispaniarum Regi Catholico, regno Neapolitano sub Gallis recuperando, per multos annos egregiam nauasset operam; tandem quarundam rerum insimulatus cōegit ipsum regem, ex Hispanijs Neapolim nauigare; & administrati illius regni, ac tam perceptorum, quàm expensorum rationem ab eo postulare: tum ille modico sibi eam ad rem sumpto tempore, parua quadam scheda postridiè ostensa, omnia expensa ea contineri fidenter confirmauit, facileque obtinuit, vt & rei benè gestæ, & pecuniæ non malè locatæ memoria nihil ab eo magis exigeretur: vt enim magno constet, videtur constare modico publica quies, & regni possessio restituta: hoc eodem modo, & summi alicuius legati excusabitur interdum profusio, si constiterit omnibus eius profusionis ratio, vtpote ad scienda quæque re-

gum regnorumq; secretiora, ad indaganda, & aliquando corrup-
 pendos eorum consiliarios & consilia, ad fomites bellorum impe-
 diendos, ad oppressos subleuandos, ad rebelles propter exemplum
 pecunia emptos, & ad supplicium rapiendos, & id genus alia. Et
 si deniq; à legato & eius principe, ad vnam illam Christi Opt. Max.
 gloriam, & publicam pacem & tranquillitatem, tanquam ad cer-
 tum scopum fuerit perpetuò collineatum, multa quippè etiam su-
 specta & odiosa, plana feceris, atque grata, vno illo prætenso, &
 præ oculis semper habito fine & studio, diuinæ gloriæ & Reipub.
 vtilitatis. Neq; tamen vel his etiam rebus, & actionibus omnibus
 lubricæ & præcipitis cuiusdam ambitionis & curiositatis, legatus
 notari se temerè patiatur. Relinquenda Deo Opt. Max. sunt quàm
 plurima, & tempori ipsi, quod ratio sanare non potest, aliquando
 committendum. Et deniq; nec ijs qui nunc huic, nunc alteri par-
 ti operam venditant suam, multum adhibendum fidei, & conce-
 dendum authoritati, qui vna manu porrigunt panem, & altera in-
 gerunt scorpionem: cū qui non fuerit fidus suis, qui fiat longinquis
 & alienigenis. Postremò vsu etiam venit, vt sciscitandis veris, infi-
 nita mendacia domum referamus nostris, & pudeat poeniteatque
 nos sumptuum factorum, laborumque obitorum, vt interim liuo-
 rem inuidiamq; taceam, qua curiosi isti flagrant, & periculum, quod
 ardeliones, qui vno ore fiāt & sorbent, manet: & præterea quod de-
 niq; semel amissa fides, talibus nulla cōstiterit, ad omnē perpetuita-
 tem: certissimum enim est, passim & vbiq; leues haberi malignos,
 percunctatores garrulos, curiosos, mēdaces, & omnes deniq; acres
 impetus in perfidiam plerumque commutari, qui non tam citò e-
 munt, quàm subito diuendunt, nec tam facile metunt, quàm disse-
 minant falsitatem; quo nomine multi, in bene constituta Repub.
 puniti sunt & fuerunt: quod vt principum legati impunè aliquan-
 do tulerint, tantò quidem subierunt inuidiæ magis, quantò ad va-
 nitatem ipsorum maior accesserat authoritas, & auxerat vulgò o-
 dium impunitas, perpetua quædam illecebra delinquendi. Sit po-
 stremò legatus, quoad eius fieri maximè potest, vt suprà etiam di-
 ximus, sanctimonix & castitatis speculum: non inuentor & artifex
 libidinis, aut inhonestæ alicuius voluptatis. Etenim quò Deo Opt.
 Max. addictus & deuotus aliquis magis fuerit, eò etiam reueren-
 tur omnes eum libentius: & quò sibi plura licere legatus arbitra-
 tur, eò vt sit diuturnior, moderatius vtatur illa eadem libertate. Fa-
 ma vulgatum est, barbarorum quendam legatum, ob nefaria cri-
 mina, ostensa ex ipsius lege necessitate moriēdi, Lusitanos exulsisse.
 Nec scio si iniuria: Nam legatorum licet corpora habeantur sacro-
 sancta;

sancta; legatio tamen ipsa innocentia debet esse tecta, & non stupris, ac maleficio publico cooperta. Quo loco magnus quidā campus mihi oboritur de iure legationum differendi: antiquissimum enim habetur prouerbium: Legatus neque cæditur, neque violatur. Et de caduceatoribus Eustachius meminit: Diuinum eos genus existimatos, aut certè inter Deos & homines medium, nec nisi à Læstrigonibus, Cyclopibus, alijsque qui fas non norunt, de ijs aliter cogitatum: eosdem etiam Iouis atque hominum nuncios ipse poëtarum deus nominat Homerus, & Xenophon de Pædia Cyri, honorandos ait oratores, itemque Cato: Nemo, inquit, homo nocet caduceatori. Secus tamen se habet de mentitis legationibus: qui aut legati sunt ad neminem, aut legationem suo tempore non proferunt: aut denique si legati fuerint, non tamen ad eum ad quem se missos testantur, quos tamen crebrius impunitos dimissos, quam seueritate aliqua animaduersionis legimus violatos. Nam pulchrè alicubi de Affricano Valerius, voluisse eum potius, ut Romani Imperatoris decepta fides, quam frustra implorata iudicaretur. Iam & illud in quæstionem venit: an tuti legati etiam cum ijs sint, ad quos non mittatur? Sed facilè ea dissoluitur quæstio. Cum legati ad hostes missi, hostilia molientes, si paria patiuntur, non habent quod iuste doleant, non secus quam milites, qui quod non pro se, sed pro principe suo se dimicare profiterentur, & propterea sibi vellent parsum. Vnde Liuius de Macedonum legatis verba faciens, in hanc loquitur sententiam: Felici, inquit, primùm euasere mendacio, mox verò cogniti capti sunt, Romamque deducti. Etenim legati ex ipso nomine, ad alios non sunt, nisi ad quos legantur, nec iura legationis obtinent, nisi quibus debent ob consilia communicanda. Sed hoc quidem de stricto, quod aiunt, iure multi esse autumant: secus expedierit rebus & dignitati regū & principū maximorum. Nam & Alexander Magnus legatis Carthagenensium percerat, qui ad Tyrios in eum animandos erant profecti. Quo nomine Carolus Q. Cæsar rursus à Gallis reprehensus, quod eorum legatos ad Turcam euntes iussisset interficiendos. Sed hæc quidem differunt: non enim Christianorum cum Mahometanis communio, nec illorum qui quærebant sua, cum his qui diuinam tuentur gloriam, vlla est similitudo. Sed ad propositum reuertamur. Sunt enim legati homines pacis, & principis aut Reipub. personam gerentes, Rempub. pacificè tractantes, propterea vel apud hostes ipsos debent esse inuiolabiles: nec solum in amicorum tectis, sed etiam in inimicorum telis tutò versari. Nam qui alterius legatos læserit, non speret stare ius legationis suis. Est tamen exemplum Maioris Affricani, qui teste Appiano rogatus, quid fieri Carthaginensium

nenſium legatis deberet, nihil tale reſpondit quale Carthaginenſes: multi enim ſpectant, non quid alijs fieri poſſit, aut debeat, ſed quid inſtitutis patriæ moribusq; eorum conueniat. Nam in interdita legatione ſupplicum miſereri, vel ipſo Cicerone de Inuentione teſte vulgò omnibus probari, & adeo legatos ſpeculatores & perfidos, impunè dimiſſos legimus vel nonnunquam. Polthumiusq; Dictator Romanus, legatos quosdam Vollicos conuictos ſpeculatores ſeruauit: quia vt Dyonifiſius prodidit memoriæ, legationis nomini, quod præſeferebant, plus dandum cenſuerit, quàm certo facinori rependendum. Quibus tamen rebus minimè legatus conſilius, vita & moribus ſeipſum oſtendat honorandum: nam magnus quidam, magnique vir conſilij, cùm multas & varias legationes obuiſſet, domum tandem rediens, quid potiſſimùm legato ineſſe oporteret quæſitus, manum primùm ori, demùm membriſ admouit genitalibus; quo innuere volebat, legatū vtraq; re debere eſſe continentem: ſed eadem illa tandem etiā exporrecta manu teſtabatur, oportere eſſe magnanimum & liberalem. Quæ quidem magnanimitas, non ſolūm continetur dando, verūm etiam munerum aliorum reſpuendo: nihil enim eſt inquinatius, quàm eum, quem non modò factò, ſed nec violare fas eſt verbo, muneribus poſſe corrumpere. Nam qui ſemel acceperit munera, & largitionibus ſepatitur violari & corrumpi; is (vt olim in Æſchinem quidam dixerat) non iam conſtans manere poteſt iudex publicorum commodorum; imò vt & legationem rectè obierit, credi id non oporteret, nec fieri poſſe omnino. Quandoquidem is, qui pecuniam recipit, ſui ipſius dominum illum conſtituit à quo acceperit; vt ex Socrate libro primo de eius dictis factisq; refert nobilis ille Græciæ hiſtoricus Tucidides, & Demotheſenes in aduerſarium inuectus: Non concio, inquit Æſchines, manu in ſinu condita habenda, ſed legatio eadem manu in ſinu retenta potiùs eſt obeunda. Proinde & alicubi teſtatur Valerius, legatos quidem aliquando Romanos accepiffe munera, ſed detuliſſe in ærarium, idque prius quàm ad ſenatum referrent legationem: neq; ſanè id iniuria: de publico enim miniſterio nihil vnquam priuatis accedat, quàm rectè adminiſtrati officij cōmendatio. Quod neſcio, ſi & in Venetorū Repub. domicilio veteri libertatis, & virtutū omnium armamentario nō obleruatur. Pulcherrimū enim de Xenocrate Athenienſium legato, Philippi illud fuit teſtimonium, quod ſolus Athenas muneribus incorruptus rediſſet: ſecus tamen eſt de eſculentis & poculentis muneribus, & parui momenti aliquibus, quæ aut legato principio, aut intermedio tempore, aut etiam mittuntur à principe tandem poſtremo

stremo, tantum abest ut ambita, quod nec sperata quidem, quæ licet essent etiam opinione maiora, cum quodam veluti contemptu aspernari, & remittere principi, si non esset, saltem diceretur rusticitatis. Cuius rei reprehensionem legatus ut effugiat, pro re & tempore munera accipiet quidem, sed tum & dona ferentes, tum & principes ipsos, si tanti fuerit rursus alacriter munerabit: ita nimirum in ore versabitur omnium, & ad ea munera crebrius sibi offerenda, vicissitudine humanitatis inuitatum excitabit nō neminem: dat enim aliquis, ut illi detur; & officia præstat, ut referat vicissim. Quanquam hæc mercatura videtur potius, qua nihil est sordidius: officia enim & beneficia si non sunt, volunt saltem videri gratuita. Etenim non hominum est amicitia ea, sed pecudum, qua spectatur emolumentum. Age, an & illud legato non magnopere utile necessariumque fuerit, ut cum ijs, qui in eadem legatione antè fuerunt, sæpè multumque colloquatur: ingenium eius ad quem mittitur principis, & aulæ procerum mores, regionum situs, instituta & cōsuetudines nosse prius discat, quàm eò venerit: & omnia vel minutatim ab ijs, qui ibi prius versati sunt, peruestiget, quæ ad tantum tamque arduum munus feliciter obeundum pertinebunt. Sicut enim ij, qui difficultates maris superauerint, monent alios fidentius: sic & ij, qui magnos legationum exantlarunt labores, præstant consilia saniora: vna enim alteraue dies tractandis negotijs data, ad rerum usum comparandum, multorum mensium præstiterit lectioni, præsertim si tales legati illi fuerint, qui minimè obtuso ingenio fuisse, & cum summis in aula viris amicitiam habuisse videantur: & qui denique nominis sui memoriā in discessu reliquerint gratam, sublimiores honorando, inferiores munerando, & omnes humanitate & officio sibi deuinciendo, & cunctis denique aut per se, aut per suos valedicendo: hæc namque officia cōstant paruo, & magno interdū æstimantur. Qui idem, ut in aulam alicuius regis venerit, nihil habeat prius aut antiquius, quàm sine mora velle adire regē, demùm & perpetuò & in omnibus eius veluti quoddam numen obseruare: honorare item eius consiliarios, & non contemnere vel inferiores alios: à sui autem consulo cauere similibus: hoc autem est ab externis legatis alijs, eorūque ministris omnibus, qui huc & illuc cursitant, & minutatim quæque explorant; non quòd eos honorare par non sit, sed quòd semper inter æquales perpetua in aula est æmulatio, parum fida mutui amoris conciliatrix. Quo etiam nescio quis vnus legati errorē alijs ornamento, aut saltē alleuamento dixit esse, propterea quòd non tam ille qui errorem cōmiserit citò reprehēdatur, quàm alij quodāmodo tacito collaudantur, & adducuntur

cuntur in exemplū: minus enim habet anxietatis, & turpitudinis error per multos latè fusus, neq; ijs quæ exēplis defendas tantopere euadis odiosus; postremò plena vt dixi omnia in aula sunt inuidentiæ, vt simulandi & dissimulādi testā sint artificio. & vt ij qui talibus vtuntur artibus, paruis sepè periculis expositi, & excellētes ceu quidā magistri populi sibi videantur: inter namq; animantia multa, vulpes sunt astutissimæ; & tamen vulpium, quā aliorum pelles circumferuntur plures. Nunciet interim legatus alijs latiora quæ inaudierit primus; sed ad significanda aduersa & ærumnosa sit postremus: & si interrogatus de ijs fuerit, nec peruulgata sciuerit, occultet ea fronte & sermone, ne in aliena calamitate exultare videatur. Et obseruandum illud est semper, vt lippis & tonsoribus (quod vetus habet verbum) prius innotescant omnia. Demum à palatio regio, & legatorum domo exeant nuntij rerum, præsertim aduersarum: vbi enim plurimum authoritatis, ibi minimum sit vanitatis. Nitide porrò & magnificæ legatorum sint mensæ: personent acutè dictis, & excellentium scriptorum legendis monumentis: absit verò intemperans aut procax locutio, & quæ aliorum existimationem rodāt, calumniandi libido: vbique enim maledici dissimulanter ferri vix debent; sed in summorum principum legatorumque domibus omnium minimè tollerātur, ne falsis adstipulari auditio- nibus, & patrocinari maledicendi videamur libertati. Absint etiam gnathonum parasytorumque greges, cauponantium item mo- res & clamores, obscœnæque omnes exulent voces, ne quæ vna, maximè regibus eorumque legatis odio esse debet, participes velimus esse leuitatis. Seria iocositas in domibus præsertim regum, eorūq; legatorū præposterè miscetur. Vnde aliquando Romanorū Imperatorum nescio quis, tribus onerarijs nauibus, plenis histrionibus in pontum missis, tres tantum sapientes pro ijs sibi remitti à præfecto postulauit: modicum enim auri magno ponderi plumbi antefertur: & deniq; tam à legato ipso, quā ab eius domo, blasphemādi, garriendi, insaniendi, aut deniq; quæ collibuerit agendi semper absit consuetudo. Multa namq; in multis notantur alijs, sed potissimum aut in legatorum comitibus, aut in ipsis demum legatis. Domi item maiori ex parte legatus se cōtineat & dormiat, neq; in turbam se frequēter det; in oculis enim hominū quotidie versari quādam veluti satietate, homines quantumuis magnos, minus fecit verendos: & deniq; voluptatibus, aut nimijs, aut etiā illicitis, nec priuatim neq; publicè indulgeat, & ad illius exemplum se totus componat, qui vitream domum sibi optauerat, in qua quid interdiu, noctuq; ageret perpetuò conspiceretur. Moribus verò & grauitati legati

ti legati familiares item respondeant, neque quod omnibus collibuerit agendi temerè sibi vsurpauerint potestatem. Regna multos non capiunt simul: & sicuti quidem plena sunt in aulis inuidiæ & obtrektionum omnia, qui vel aliquādo sibi plusculum sumpserit libertatis, in immensum arrogare dicitur voluisse. Non possum nō meminisse, quid Ioanni Przerembio, Gnesnēsi Archiepiscopo, summo illis temporibus viro, sed paulò in suos indulgentiori, Sigismundi Regis Poloniæ apud Ferdinandum Cæsarem legato, Viennæ acciderit, cum eius quidam aurigæ prægrandi currui, octo equis iunctis, ad secanda ligna extra urbem discessissent, & aut alterius syluæ ignari, aut longius iter veriti, in proximiorē & Viennæ magis vicinam syluam diuertissent, quæ Imperatoris ipsius, non tam vsibus, quàm delitijs seruabatur. Ex hac igitur sylua, cum prægrandem illum lignis onustum currum Viennam traherent, Ferdinandus, ut eos est conspiciatus, ira subitò exarsit, & aurigas cuiusnam essent quæsitum mittere, & ipse demùm interrogare ipsos non dubitauit. Tum quidem aurigas illos barba paucis illis latinis voculis (si Deo placebant) sapientes, Archiepiscopi Gnesnensis, legati nati, & Regni Poloniæ primatis, ac apud Cæsaream Maiestatem Poloniæ Regis oratoris esse se testati sunt, & adeò latino sermone Cæsari respondere non dubitauerunt: Quo magis, re ut fit in risum versa, & quod vel ipsi etiā aurigæ apud Polonos latinè loquerentur, omnibus inter se iocantibus, iussi tandem impunè sunt proficisci, non sine tamen tacita quadam reprehensione, quòd vel aurigæ tantum sibi sumpsisissent in alieno solo libertatis: insolentiæ enim ferè semper, pudoris & moderationis nunquā aiunt aliquē pœnituisse. Etenim licentiosi & insolentes, non modò ipsi; sed etiam eorum causa innocentes multi plectuntur. Itaq; nemo quidem legati familiarium autoritate sui domini, si vel maxima fuerit, spiritu augeatur, & quod liberè, hoc & licere passim & vbique sibi existimet: Sale enim fercula condita, & facta dictaque, modestia distincta, nihil habent vilitatis. Quocirca & legatus ipse non tantùm viuendi, sed & immoderatè expers sit garriendi: quantò enim aliquis continentiùs vixerit, tantò (ut plerumque fit) & à loquendi licentia magis se seiungit, nec vngendi & pungendi (quod vetus habet verbum) vitur consuetudine verbis alicubi faciundis. Quæ quidem consuetudo, cum semper & ubiq; fugienda fuerit, tùm vel in primis in confessu regum & principum maximorum. Multi enim teneram, sed potissimùm principes habent cuticulam, qui aculeatum legati sermonem & facillimè sentiunt, & ægerrimè patiuntur.

Exarsit aliquando inter Crucigeros & Polonos bellum, vel vna Archiepiscopi Gnesnens. ad Magistrum Ordinis liberiori voce in tractatione pacis prolata. Et notatus Caroli Q. Caesaris legatus, Didacus Mendocius est Venetijs, qui cum eo venisset, ad hunc modum apud prudentem illum senatum quasi ex abrupto verba fecit. Audio inquit, inter Caesarem meum, & inter Galliarum Regem, vos velle sequi partes, & alere bellorum incensiones; non est quod eiusmodi consilia molitionesue agitetis. Vidi ego hodie ante hoc vestrum proximè palatium, alborum lapillorum acre certamen, quibus oua inuidia ducta, confestim se immiscuerunt, & minutissima in frustra cōcisa sunt, cum illud, quod lapides facere viderant, præstare se posse iudicassent. Molestissimè tulerunt id Veneti, adeoque legatum monere & adhortari, ne ea libertate loquendi apud eos vteretur, & eam Rempub. quæ mille annis stetisset, factorum suorum rationes optimè nosse non dubitaret. Fortuna quippe rationem & potentes non libenter patiuntur monitorem; sed ut quidem intemperans alicui visa illa exponendorum mandatorum sit ratio, libertas oris differt à cōtumelijs, & pro re, & tempore aliquando etiā est necessaria. Zbigneus Cardinalis Polonorum legatus, Sigismundo Caesari, eidemque Hungariæ Regi Budæ exprobrauit ea, quorum parum abfuit, quin poenā capitis periculo exoluisset. Sed tamē & euasit salu⁹, & vel hoc ipso nomine à dignitate patriæ intrepide tuēda inprimis est dilaudatus. Ac memorabile vel illud quoque fuerat, quibus verbis Heluetiorum confœderatorum legati, Cameræ Spirensis præsidem, & cōsiliarios semel dicuntur fuisse allocuti. Euocabantur hi ad Tribunal illud, præter morem maiorum frequentius; sed quantum in illis fuerat, eo proficisci identidē recusabant. Postremò verò tandem cum literis & citationibus crebris vrgerentur, miserunt Spiram legatos viros inter se primarios, qui in publicum confessum admissi, ad eummodum suo illo Heluetico idiomate dicuntur perorasse. Domini inquit confœderati Heluetij, vos vicinos suos saluere iubent. Mirantur verò quod, tam crebris citationibus vestris, placuerit vobis diu eos vexauisse: orant & hortantur, ne amplius eos exagitetis. Sed vsi sunt vocabulo quodam, quod nec dici quidem honestè videbatur potuisse. Obstupuerunt ad illa verba omnes, nec reperiēbatur qui facilè respondisset. Sed re demum maturius examinata, ne ferox illa & indomita gens, grauius aliquid in eos rursus tentaret, missos fecerunt, nec citationibus illos amplius euocârunt: ut enim modestia grata, sic & libertas loquendi alicubi est necessaria. Qua tamen ipsa, nec
peræquē

peræquè singulis, nec omni loco atque tempore, nec sine delectu & freno expedierit vti omninò. Etenim legationes liberæ vocis aliquando feruntur; sed cõtumeliosæ linguæ temper & vbiq; coercentur. Cuius rei exēpla passim extant quàm plurima, adeò vt Spartanorum, Atheniensium, & Iuliani, & aliorum exemplis doceri posset, vel liberæ tantùm vocis legationes punitas extitisse. Quod tamē probauerit nemo: verùm si daretur optio, tutius in vnam, quàm in alteram partem vtiq; peccaretur. Omnes enim reges regere, sed domi suæ adeò etiam aliqui cupiunt imperare. Quo ipso honorandi sunt magis, si quis vicissim ab ijs voluerit honorari. Rarò item & modestè exponendorum mandatorum tempus ab ijs est postulandum: nolunt namque cogi, sed rogari principes: & ab eorum nutu & autoritate, non à nostro arbitratu & cupiditate, nos pendere; sic demùm vel præter expectationem nostris assentiuntur facilius postulatis. Semel verò concessum, strictè & accuratè obseruandum legato est tempus, illis ipsis mandatis, quæ habuerit exponendis. Fit enim, vt vna aliqua opportuna occasione, apud principes, qui se ludificari non patiuntur amissa, quàm diutissimè alteram & tertiam expectemus. Sed & exponendorum mandatorum, cùm obtinebitur tempus, non eo est abutendum. Sermones cum principibus ferere, expedit semper parcè: verba ab ijs liberè, aut adeò etiam inconsideratè prolata non carpere; & vel longissimas verborum circuitiones audire patienter, & si vel expectationi nō responderint nostræ, omnia dissimulare. Etenim de garrulis legatis dici id solet, quod non tam sortiri, quàm concedere vulgò soleant audientiã. Ac reperiuntur profectò vel nonnulli, qui tam sui, tamq; conditionis oblitii sunt suæ; vt ad exponenda mandata hora sibi impetrata, totam illam consumant, vel nonnunquam, nunc his nunc illis sermonibus cum principe, ac si priuatus esset, serendis, & protrahendis; sic vt ne vnus quidem verbi proferendi principi ipsi reliquerint facultatem: quod cùm principibus, tacuerint licèt, fuerit molestissimum, tum nec ipsorum legatorum rebus, aut expedierit necessitati. Index enim animi semper habetur oratio, quo penitus cognoscendo, principis responsionibus audiendis, legatum patientem & moderatũ esse necesse est; aliàs nihil horum, quæ in rem ipsius essent, intelliget, tantùm sibi ipsi sapiet, & denique animum principis illa loquendi, & omnia sibi arrogandi quadam licentia, facilè abalienabit. Arces enim & possessiones, quàm rerum intelligentiæ laudem præripi sibi principes facilius patiuntur. Quo magis eorum vituperanda animi est impotentia, qui, tantùm abest, vt

quæ principes verba faciunt, patienter audiant, vt vel adeò etiam eorum sermones (vt dictum est) interrumpant, & prolata verba, aut sententias reprehendant, quasi ipsi perfectissimi omnium magistri sint atq; doctores. Nam si hoc vel illo idiomate profertur parum emendatè aliquid à principe, mox in quæstionem vocant, & adeò etiam solitò carpunt liberius; quasi in vna aut altera tantum positum sit vocula, & omnium linguarum exactè discendarum principibus necessitas incumbat absoluta, & singulis eorum dictis aut factis ponenda sit tendicula, cum ipsi nihilo sciant aut didicerint meliora. Sed ingenioli nescio cuius ostentandi ergò, hæc & similia loquuntur. Multi enim non tam sunt, quàm videri acuti cupiunt, & vel eo facilius ipsi tandem hebescent. Quo quidem nomine quendam legatum, apud Ferdinandum Cæsarem memorant esse notatum, quo cum Cæsar, semotis arbitris, sermones miscens, cum nescio quod verbulum contra præceptiones Grammaticas latinè protulisset; euestigio quòd non latinum esset, à legato est acclamatum. Tum verò subridens Cæsar, oblitum se esse, quod cū pædagogo, & nō cum legato loqueretur, argutè respondit. Et rectè quidē: quorsum enim fuerat in eū principem sumpsisse sibi legatū tantum adeò libertatis? Est legati munus, nō nisi iussum adesse: non nisi pro re & occasione verba facere: non nisi responsa sibi data patienter audire: non nisi acceptis pauca loqui: non nisi de re & materia tempori, loco, & personæ suæ accommodata, in publico perorare. Turpiter se dedit aliquando Phormio, qui non iussus neque interrogatus, neque suo loco, & coram summo bellatore, de militari re differendi sumpserat sibi libertatem: omnium autem fuerat turpissimum, legatum cum Cæsare de Grammaticis loqui, aut illum nescio quem alterum obscœnum protulisse verbū, cum Cæsar tale aliquid, quod ipsi admirationem mouerat, fortè dixisset Debet certè legatus homo esse prudens, & multò antè, quàm fungatur legatione, in agendis rebus, & cum principibus esse versatus, nec tam loquens quàm eloquens, nec tam dicax quàm perspicax, cui etiam ipsi in omni vita & actione, verbis & sermone, habitu deniq; & vestibus ipsis commendata semper sit modestia: non enim peræquè omnia, quæ licuerint, decuerint derepentè: & quæ conuenient priuato, non conuenient fortasse legato: & secus iuueni, secus prouectioris ætatis viro, aut seni: secus huius, secus illius nationis homini: secus externo, secus indigenitali. Erat quidam rex, qui mirabatur vno eodemque ferè tempore, sed tamen disiunctos, & separatim aliquanto missos ad se fuisse legatos duos, Italum Polonicè,

Ionice, & Polonum Italicè. Quanquam enim (quod dici solet) monachum habitus non faciat: tamen vel in eo etiam ipso, certa quædam condecencia maximè nos condecorat. Non enim cuiquam vestè, sed ei qua usus est in die vesti, egisse non neminem gratias audimus vesperi. Aditurus ergo legatus principem, primo illo audientiæ publicæ tempore, utatur ipse vestibus, quoad eius fieri minus potest splendidioribus. De reliquo ipsius nihil disputauero comitatu: illa enim in primo seu aditu & vestibulo exponendæ legationis, diuitiarum & vestium ostentatio, habet non obscuræ quid vanitatis, cum non deesset locus & occasio illarum ostendendarum, vel modico aliquo tempore interiecto, & quidè cum maiori legati ipsius prudentiæ laude, aut saltè leuitatis excusatione: progrediendum enim potius, quàm regrediendum est semper, opibus & diuitijs ostentandis. Et haud scio, si expedierit illa prima qua legatus audietur die, vestibus indui nouis, quod primus nouarum vestium usus iniiciat nescio quid languoris, & aliquando vestium illarum crepitus, qui pro crepitu alio foediori interpretari solet, audiatur. Omnes autem graues personas, mouere non conuenit risum; sed vnum illum minimè externum legatum, à summo aliquo principe ad alium allegatum: & ut denique aurea frena equum, sic vel maxima vestium ornamenta, non fecerint meliorem vnquam legatum. Licebit tamen vel nonnunquam etiam vestibus uti legato splendidioribus, præsertim si iuuenis aut vir fuerit militaris: habet enim iuuentus nescio quid delectabilis semper viriditatis, & militia plus libertatis. Obseruetur tamen illud vel potissimum vnum ut quod ad alicuius diei, vel principis honorem fuerit factum, præterlapso illo modico tempore non fiat amplius, & ad suam in vestibus & ornamentis pristinam reuertatur legatus frugalitatem. Ut enim voluptatum, sic & pompæ rarior usus, habet plus non modo festiuitatis, sed etiam grauitatis: quippè per externa crebrius interna deprehendas, & ut ex verborum ampullis, sic ex vestium coloribus & modis, mores & ingenia plurium metiare. Auarus interim, & tam in victu, quàm etiam in vestitu, sordidus fuerit legatorum nemo: sordes enim vestium respuit aula, & non iam modestiæ & grauitati, quàm partim id tenacitati, partim verò adscribit egestati. Victus verò & splendore epularum, si aliorum erga se humanitati legatus non responderit, arguitur protinus tenacitatis, cum non obscuro legationis suæ despicatu: nihil enim minus, quàm parcitas, & avaritia decuerit oratorem, si non aratorem dicendum potius; qui suis perpetuò innixus moribus, sanè agrestibus, nec alieno solo, nec

elegantia, inter quos versatur, hominum, neque humanitate collegarum cōdoce facere se patiatur. Locupletes namque & nihili legati, tanquam quidam arietis aurea lana dotati æstimantur. Neque tamen hoc vno, licet fœdo, vitio deuitando, legatus spectetur prodigus. Nusquā es alienum cōtractum & non dissolutū, quā in legato turpius apparet. Aliqui enim legationes idcō dicūtur ambire, ne debitorum cōpellentur nomine, aut verò perfugiū suæ sortiantur egestatis. Age verò, quanta vel in reliquis rebus legato prudētia fuerit opus videamus: summa quidē certē. Etenim cū nihil difficilius videatur, quā grauitati, facilitatem morum, res longissimē à se distantes adiungere; tamen illa ipsa re legato nihil magis fuerit necessariū. Est enim legatus homo ad principem aliquem missus, referens personā alterius, propter amicitiam, & publicam populorum tranquillitatē. Nam illi, qui à principibus ad priuatos, & à priuatis ad principes mittuntur; haud scio, si in legatorū numerum, iurē & meritō referentur. Duplex quippē est legati species, quemadmodū & duplex materia eiusdem functionis. Alij legati tractandorum negotiorum ergō mittuntur, siue pacis, siue belli, siue induciarum illa fuerint, siue verò ineundæ aliorum societatis. Ablegantur alij propter simplicem beneuolentiæ testificationem, vt videlicet pateat, quanti æstimamus socios, quanto odio prosequimur nostros & eorum hostes: congratulamur amicorum nuptijs, aut natis liberis, aut partis victorijs; aut verò condolemus morti & infortunio alicui. Et denique alij sunt legati, qui perpetuò in aula principum manent: & alij extraordinarij, & qui ad modicum excurrunt tempus breui domum reuersuri. Omnes tamen in vniuersum legationes, vnum illum eundemque finem habent propositum, conciliandi animos principum, & publicæ omnium tuendæ tranquillitatis. Vnde & legati partium fuerit, primū quidem à sui principis nutu & voluntate pendere, & nihil non agere, quod ipsius expedire cōmodis & ornamentis inprimis iudicabit. Proximum, & alteri pariter ad quem missus fuerit principi, omni officio satisfecisse. Si enim hominum legatos, cælestium legatorum exempla sequi non indignum fuerit; quis nescit, quòd officium angelorum primum & præcipuum est, exequi diuinam voluntatem: tamen eosdem illos angelos commisereri nostræ humanitati, & condonare multa videmus infirmitati, sic vt sæpius pro homine, quæ voluerint, impetrauerint. Vnde etiam sacris proditum est literis: Regnum cælorum vim pati: quæ sanè non alia fuerit, quā amoris & beneuolentiæ cuiusdam singularis. Si igitur angelus, non solū illi qui eum mittit, verūm-

tit, verum etiam & ei, ad quem mittitur, satisfacere desiderat: quid idem non faciat legatus, ab uno ad alterum principem ablegatus, quod non solum in maioribus, sed vel in minoribus quibusque rebus etiam observabit. Nam & illud quidem etiam est necessarium; ut semel & iterum, aut ad summum tertio à principe consiliariisue eius monitus fuerit, imperata legatus faciat, caput tegat, in loco qui illi ostensus fuerit sedeat, liberè mandata quæ habuerit proferat, & qua meliori poterit utatur actionis dignitate. Multa enim in oratore sunt admirabilia, sed una illa dignitas actionis maximè est admiranda, si illis, murmurationibus & colloctionibus aliorum, si quæ fortè inciderint, turbari se non patiat: fiunt hæc sæpè casu, fiunt etiam meditato, apud barbaros præsertim, cum verba legati facturi versus obscuriora ponuntur lumina; ut de sole atque splendore in obscuriora ingressi titubent & turbentur, & vel aliorum sermocinationibus distracti hæreant, vel alicuius seu metus, imprudentiæue notentur. Ex qua nimirum re, capit non nemo, ridiculam licet nescio quam, in aula voluptatem. Multi enim luminibus suis putant obstructum, si ab externis legatis ad admirationem publicè fuerit aliquid gestum, vel peroratum. Posteaquam verò principis alicuius legato responsum datum fuerit eo, ad quem venerit potissimum venerato, salutatisque perhumaniter omnibus, & prætermisissis quibuscunque confabulationibus, domum se recipiat, & demum externos alios legatos, & aulae præcipuos, domi eorum visitet & alloquatur. Quod si prius visitatus ab aliquo fuerit, videat ut vicissim pari humanitate respondeat, nec se officio in illo seu primo quodam vestibulo, & ingressu rerum superari patiat. Omnia enim quæ in primordiis rerum fiunt, mentibus hominum facilius inhærent, ægrius tolluntur, & futuri eiusdem legati mores, & omnes quodammodo testificantur actiones. Attamen vel hac etiam ipsa in re, delectus esto atque discrimen: ne, qui nobis multis gradibus inferiores fuerint visitando, nobismet ipsi principibusque nostris detrahere aliquid videamur. Dmittere namque summi principis legato se nimis, valde fuerit inconcinnum: & quia parum consideratè facturos se nonnulli existimant, si venerato ipso rege, alios quoque eius consiliarios ibidem non salutauerint; propterea quid moris consuetudinisue aulae illius sit, ad quam venerit, maturè prius exploret, antequam vel in ea re, quantumvis non magna, hallucinetur. Est in more & consuetudine aliquorum regum positum; ut adeo etiam subterfugiant, in eorum præsentia id honoris quidam, publicè ab alijs salutari, propter illam vnam, quæ cum alijs communicari & diuidi non debet supremam regalem

regalem maiestatem. Infimis enim cum medijs, & medijs cum supremis, semper odiosa & inæqualis est æqualitas, & differunt priuatorum inter se officia, à publicis legationibus regum: principes ipsi à consiliarijs principum: alia denique ratio regij est palatij, alia priuatarum ædium: alius splendor solis, alius lichnorum. Quæ omnia exactissimè debet legatus considerasse: & si in his rebus publicisque muneribus aut inconsideratior, aut paulo fuerit timidior, & quod à principe iubebitur tempestiuè non fecerit; videat ne quod aliquando omiserit, iterum tandem facere tentet, & id quod sequetur non assequatur; ac non modò sibi, sed & suo principi, alijsq; eius legatis post se venientibus præiudicet. Pulchre enim nescio quis de hoc hominum genere aliquando pronunciauit: Accidit inquit ijs, quod plerumque hominibus nimia pertinacia & arrogantia accidere solet, vt eo recurrant, idq; cupidissimè petant, quod paulò antè contempserint: & obseruatum deniq; est eiusdem principis aut nationis legatis, id quod semel & iterum moniti non fecissent, etià petentibus his vel alijs facilè postea denegari. Multa quippe in aula non semper optima; sed legatorum maximè errata in exemplū rapiuntur. Quod aliquando Caroli Q. Cæsaris legatus apud Turcicum Imperatorem veritus, cum ad exponenda mandata accitus aliquandiu stetit, neq; confidere iussus fuisset, veste quam habebat subtrata, humi ipse sedit, & mandata sui principis nomine intrepidè exposuit. Mox consurgens, cum illud quod subtraherat forte reliquisset, quamobrem id faceret interrogatus, Cæsaris legatum, sellam sibi portare non solere falsè respondit: ipsis enim principibus non legatis, si qui par est honos negatus fuerit, derogatur. Quod idem & de Sorantio quodam Veneto in Turcia legato vulgò fertur. Secus tamen est in diuersarum barbarumq; gentium & nationum legationibus: quæ quoniam nihil commune cum alijs habent, nihil etiam præter maiorum morem illis excipiendis innouetur. Nam perridiculum illud fuerat, quòd quidam antiqui moris & consuetudinis ignarus, Tartarorum legatis ad Regem Poloniæ accedentibus, scamnum curauerat ferri, vt consedisent, cum illi (vt plerumque fit) venerati Regem, genibus flexis, mandata suorum soleant exponere, nec secus vnquam fecisse memorentur. Quo magis curandum est, vt pro se quisque suo principe dignam humanitatē experiatur legatorum: sed nihil tamen (vt dixi) aut in moribus innouetur antiquis, aut in legato ipso, moris vel aliquid deprehendatur inciuiilis. Etenim non solū dicta, aut facta, sed adeò etià ipsi gestus, vultus, & oculi notantur legatorum: & si his obseruandis nō occupantur,

occupantur prudentes, hominum vulgus, qui bellua multorum capitum dicitur, vult cæteris hac in parte plus dispexisse. Quin adeò eo tumore & animi est arrogantia, ut cum ingredientem legatum caput tardius nudare, aut nudatum mox cooperire animaduuerterit, multitudo illa, non amplius caput discooperiat, etiam ipso nudante vicissim Oratore. Scitè igitur quidam dixerat, ad conciliandam vulgò beneuolentiam, non tantum procerum fauore, aut mediocrium officio, sed infimorum etiam approbatione, interdum nos indigere: procerum ut iuuent, mediorum ne impediant, infimorum ne irrideant, cum hæc omnia soleant vel nonnunquam usu venire. Impedimur nanque facilius, quam adiuuamur; irridemur, quam miserationem fortimur; si veluti quadam velificatione mutata, contrarium non assequamur. Quid? an & legatorum ipsorum domos violari alicubi non videas? cum aut fontes, non tam legibus, quam parietibus suis regunt, aut publicis magistratuū edictis aliqua in parte aliquando aduersantur. Ibi quidem, quantum in multitudinis erga legatum positum sit beneuolentia, facile est cognoscere. Non enim tam citò ad arma conclamatur, quam quis furor populi & in legatum offensus sit animus facileprehendas; præsertim si veluti impunitate quadam, & vel dissimulato ad tempus facto, multitudinis in legatum armetur audacia. Non enim ius legatorum temerè violandum est: sed & legati, quantum in ijs fuerit illa ipsa de re cum multitudine experiri subterfugiant certamè. Quo loco multa sunt, quæ de iure admissæ, & contemptæ legationis dicerentur, sed haud scio, si omnibus suffecero. Durat quidem officium legati, quam diu ipse in itinere durat, quam diu in loco manet, & quam diu eò non redit unde est allegatus. Idque eò fit vel potissimum, quòd legati nuncij pacis habentur, & nunquam aut à nemine tanquam homines pacifici iure violantur. Vnde ille poëta de Oratoribus Æneæ verba faciens sic alicubi cecinit:

Tum satus Anchisæ delectos ordine ab omni
Centum Oratores, augusta ad mœnia Regis
Ire iubet, ramis vellatos Palladis omnes.

Nam Oliua est arbor Palladis, & signum pacis: & Æneas optimū quemq; legatorū ex ordinibus omnibus delegerat; nemini tamen dederat prouinciā belli denunciandi. Quin adeò ex omnibus ordinibus eos ideò secreuerat, quòd vniuersalem pacem requirebat. Non decent enim legatum alia, quam pacis omnia. Et nusquam, nisi me opinio fallit, legati admitterentur, nec pro hospitibus sed

pro hostibus haberentur, si aut hostilem animum apertè gererent, aut arma tractare, & expedire in eos ad quos veniunt viderentur. Modestissimi igitur legati, eorumque familiares sunt: nam si teste Aristotele Pontici Fibri sibi ipsi amputant genitalia, cum in venatu vel maximè peti se suspicantur; legati prudentes ea non abijciant, ob quæ potissimum venirent in discrimen? Par tamen est incolumes non solum inter amicorum tecta, sed etiam inter hostium tela legatos versari. Nam principis propriæ sunt partes, non modò curare, ne à se, suoque consilio legatus lædatur; sed neque ab alio quovis iniuriam ullam patiatur. Alias ut Collosi foris insignes propius si accesserit luto fuerint pleni; sic & principes, si tantum equis, comitatu, auro, gemitibusque nitentur, & in animo magni habuerint nihil, minimè videbuntur venerandi. Est Iureconsultorum quorundam opinio, Legatis, qui apud ipsum sunt læsis, principis ipsius offendi maiestatem, quod ad legatos, inquit lex, oratores comitesque attinet, si quem eorum quis pulsasse, & iniuriam fecisse arguetur, lege Iulia de vi publica tenetur. Et quidem, quod contra ius gentium peccatum est, tradi solitum fuisse delinquentem, ac domino legatorum violatorem quis ignorat? Qui legatos Apolinarium pulsarunt Apolinaribus, qui Carthagenensium Carthagenensibus, constat fuisse deditos, & ad supplicium condemnatos. Quanquam & delinquentis principem constituere poenam, qua iniuriæ legatorum vindicentur, si id postulauerint certissimum est: sic enim Saturninum, quod legatos Mitridatis gravissima iniuria affecisset, à legatis in iudicium vocatum Senatus mortis damnavit. Hoc enim est ius sanctissimum legatorum, quod qui aliquando contempserunt, gravia ubique mala experti sunt, & infinitas calamitates pertulerunt. Vnde alicubi Cicero: Legati, inquit, quod erant appellati superbius, Corintum patres nostri totius Græciæ lumen extinctum esse voluerunt; ut Hammonitas ob violatos legatos à Dauide perditos; ut Arabes ab Herode cæsos non commemorem: neque Athenienses referam, qui malè habito Darii legato, totam Atticam depopulari, & felicissimam regionem viderunt deuastari. Nam & Ammianus alicubi in hanc loquitur sententiam: Vigilat, inquit, oculus iustitiæ sempiternus, ultricesque diræ sunt legatorum. Non sine causa tamen monui, omnes legato deuitandas esse occasiones, ut aut nunquam, ad rarissimè ad rixas & dissidia veniatur. Quod si vna aliqua de re à principe aut eius populis requisitus fuerit, & eam sibi necessariò faciendam esse cognouerit, dicat quidem licet non sibi factu id esse facile; sed faciat nihilominus & non cunctanter & propense.

propense. Duo enim per id assequetur: Vnum primum, quòd hæc natura est beneficij; vt nisi citò & alacriter collato, magna habeatur gratia: Alterum, quòd res, quæ à nobis petitur sine aliorum ope & consilio concessa, maiorem nobis opinionem vulgò parit prudentiæ, & auctoritatem: nescias enim cui interdum plus debeas, an auctori beneficij, an verò consultori. Et pulchre quidam dixit: Beneficia à nobismet ipsis dari; minas verò nostras, per alios debere nunciari: molestis enim homines fugantur, & suauibus inescantur. Itaq; idem etiam legatus totius aulæ, eiusq; tam procerū, quàm familiariū inuestigabit mores, statū, rationes, conditionesq; vniuersas: linguam deniq; & alia intelligere discet: & tam munera, quàm munerum ipsorum explicabitur momenta, & omnem adeò magistratuum potestatem; vt quantum cuiq;tribuendum, qua re & ratione gratificandū, quid deniq; ab vnoquoq; expectandū sit, intelligat. Et num illa ipsius functio bello an pace, domi an foris, re an opinione magis constet. Sæpè enim harum rerum ignoratione quidam, qui se progredi putāt regrediuntur, & pedibus (quod aiunt) manibusq; capiuntur. Ac vt quidem in alto sine ventorum syderumque ratione, sic absque exacta aulæ, & eius ministrorum ac magistratuum cognitione, non peræquè legato omnia facilia sunt superatu. Est enim in rerum agendarum prudentia multò plus positum, quàm doctrina: & plus refert vnius linguæ exactam, cuius in aula est vsus, quàm plurium cognitionem habuisse. Pulchrè aliquādo in aula Hispanica Ruigomes ille, cū quidam à cognitione linguarū ei commendaretur, num etiam Castellæ regni linguam nosset, cuius in aula Hispanica præcipuus vsus esset interrogauit: quam cū scire dicetur: faus, respondit. Verū & hæc quidem ipsa, de qua diximus rerum agendarum prudentia, tam rara, & variè varijs explicanda occurrit; vt verendum magnopere sit, ne aulæ moribus, magistratibus, magistratuumque functionibus, de quibus paulò antè habitus est sermo resciscendis, temerè sibi imponi legatus patiatur. Quod eo vitabit maximè, si vnus ille, à quo id scire voluerit, communicauerit eadem pluribus: vel si ei etiam dixerint plures & magis veraces: dixisse enim aliquem, vnum & idem fidenter pluribus, certissimum argumentū est veritatis. Quantum verò ad mores & ingenia hominum cognoscenda spectat; varium sanè & multiplex semper aliorum ea de re est iudicium: & ille vir iudicandus optimus, qui minimis vrgetur vitijs: & à rectè & incorruptè iudicantibus pluribus commendatur. Nam non temerè Paulus ille III. Pontifex Max. crebris vsurpabat sermonibus:

Non cum perfectis hîc nos vivere, sed vnumquemque hominem in quinque diuidendum esse partes; quarum si duas in se bonitatis haberet, tolerandum; si tres, debere æstimari probatissimum, cum difficile sit hominem exuere totum, & quoad hanc sarcinam portauerimus corporis, omnem molem deponere peccatorum. Nec verò ut gubernator, cui maius aut pulchrius est nauigium, habetur statim melior; sic & vir, cui fortuna est splendidior. Dies succedit diei, & nihil horum conceditur vni, aut perfectum, aut adeo etiam admodum diuturnum. Quo magis, ut illa ipsa indagatio apprimè utilis & necessaria sit futura, non tam quidem alienos, quam nostros mores inquiramus libentius; & illam non dicam summam, sed vnam esse semperque fuisse, cognoscere nosmetipsos, sapientiam perpetuò arbitremur. Hoc si non omnibus, at certè nostris probabitur principibus, quibus colendis, eorumque commodis & ornamentis procurandis, nunquam defatigemur; & oblatos quidem eorum causa, nobis honores in externi principis aula non refugiamus; sed non vsq; etiam auidè & perpetuò consecremur. Qui nimis suspici volunt, ridentur crebrius; & qui vltro sibi delatos modestè refugiunt honores, ij alijs atque alijs certatim cumulantur. Narratum est mihi, & quidem à fide dignissimis, Legatum quendā Polonicum, magnum illum & Catholicum virum, sed vno aut altero hæretico, præsertim verò Fricio virulento contra Orthodoxo scriptore comitatum, ad Carolum V. Cæsarem allegatum, à Duce Albano Cæsarei Palatii primo Præfecto, secretò postulasse; ut inter ipsum & alios Principis Legatos discrimen sciret, & venienti obuiam longius progredi non dubitaret. Quod tantum abest ut fecisset, ut ne ex penetralibus quidem ædium egredi voluerit: negatur enim ambitiosè petita: vltro dantur pro se quoque digna: & nihil minus conuenit, quàm Catholicum virum, diuersi ritus & dogmatis, domesticos apud externos habuisse. Hinc Granuelanus ille senior, ad Ioannem Comitem Tarnouium, Senatus Polonici tum facilè Principem, dederat literas; quibus ut Oratores non tam quidem pompa, quàm rebus instructos ad eos mitteret hortabatur. Ridicula enim profectò, cum quorundam aliorum populorum, tum maximè Moscouitarum spectatur arrogantia: qui si aliquando (quod rarò fit) domo efferunt pedem, vel vna illa perpetua rerum suarum iactatione molesti sunt audientibus, & alias gentes atque nationes, præ se ipsi non obscurè aspernantur. Romæ cum stupenda illa ædificia eis monstrarentur, & num simile aliquid alicubi vidissent interrogarentur; multò se in

Moscouia

Moscouia habere profitebantur rariora, vt & aliquando quid conscientia esset quæsitum, in principis sui Gaza eam reperiri responderunt. Iam & in Ratisponensibus Imperij Comitibus, quas Maximilianus Romanorum Imperator hoc nomine alter celebrauerat postremis, ab Alberto Duce Bauariæ pro prandio inuitati, cùm eius hora aduenisset, & Dux præcipuos auctoritatis viros in legatorum hospitia misisset; responderant se non aliter intellexisse, quàm quòd Dux ipse prandere apud ipsos debuisset. Qui enim liceret, tanti Imperatoris quantus esset Moscus legatis, prandij ergo huc & illuc euagari? Quid verò de eorum moribus & ingenio alibi quoque notato & deriso loquar? an in Polonia etiam non maximè vituperata eorum est barbaries, cùm ante se nudare alios prius capita, desilire equo, cedere sibi via, & id genus alia imperarent? Vt igitur quondam nescio quis Imperator eos, qui fumos venditare, & ventosi esse consueuerant, fumo ex arida materia excitato perimebat; sic haud scio, si Stephano Rege Poloniæ auctore, non iustas Mosci poenas dederunt: & cùm à verbis ad arma est ventum, ab illa ferocia loquendi, ad vilitatem animi protinus reciderunt. Metus enim Tyrannis, & dicacitas indicium est vilitatis. Canes enim qui in mensa mordent, in venatu non respondent. Quæ cùm ita sint, & cùm legatus, totius quasi gentis Principisq; à quo mittitur sui, apud externos versetur; danda est opera, vt si summa doctrinæ & variarum linguarum cognitionis non habuerit præsidia, vir bonus, & eius linguæ qua Princeps, ad quem mittitur vti solet non sit imperitus, & tum in moribus, tum in sermone moderatus; ne vel sua nimis dilaudet, vel vituperet aliena. Principium enim amicitiae est laudatio, vituperium odij & simultatis. Ita certè naturà comparatum est; vt suum cuique maximè videatur pulchrū; & ægrè nobis anteponi nostris aliena patiamur. Quòd si Principi, à quo missus est suo, plusculum legatus tribuerit; quis hoc ei verterit vitio? debentur enim obsequia amico, laudes Regi & Principi nostro. Sed & in his quidem laudationibus, locus, tempus, modusq; certus esto: ne in eorum incurramus suspicionē atq; odium, qui domi suæ alienas laudes prædicari ægerrimè patiuntur. Dictu profectò vix credibile fuerit, quàm apud vicinos, industriæ potentiaue Principis alicuius fama, animo parum audiatur æquo: & quantum exteris datum, tantum per id detractum nonnulli sibi arbitrantur: & quàm deniq; sibi rebusque suis tum metuant, tum diffidant, hæc taliaque audiendo: cùm varijs modis & artibus, tanquam aliud quid agendo, concitetur sæpè in eos expers rationis &

quietis multitudo. Itaque ne vel minimam eius rei suspicionem legatus de se præbeat, non se alienis temerè immisceat: non præter modum aut consuetudinem gentis nunc hæc laudibus, nunc illa prosequatur reprehensionibus: & antè omnia, tam in dictis quàm in factis, nullum relinquat vestigium falsitatis. Nullum enim est turpius, quàm à Principe, aut eius legato profectum mendaciū, cuius gratia, ne vera quidem dicentibus fides habetur. Quo loco quæritur: Vtrum nunquam, aut verò aliquando etiam pro re & tempore licuerit legato aliquid confinxisse. Sunt enim quædam mendacia, quæ dicuntur officiosa, quibus nonnunquam Imperatores exercituū inter milites vtentes, & falsum aliquid in medium afferentes, salutē dedērunt exercitibus, Magistratus populis, Consiliarij Principum indigenitalibus, & conciuibus suis: sed tamen mendacium inferioris erga superiorem, non modò temerarium, sed adeò etiam fuerit periculosum, propterea quòd is, qui dicit falsitatem, plus scire se, & illo cui dicit meliorem esse tacitus quodam modo profitetur. Et quoniam Principes sunt omnibus maiores, & haud dubiè volunt videri aliquanto etiam meliores; multum legati amittunt apud eos fidei, si vel minimum deprehendatur in ijs falsitatis: silere quidem tutior videtur modus veritatis occultandæ: nam nunc ignorantia, nunc negligentia prætendi potest excusatio. Si tamen anxie de veritate quæramur; non vique quaque expedit eam celasse: vt enim orator, quo nomine legati appellantur, si vir bonus esse & appellari cupit, opprimendo innocentem, velare faciem non volet opinor veritatis; sed salutem tantum afferre periclitantibus; sic & legatus, dum datur occasio, non ad aliorum exitium, sed ad principis salutem, si tamen hæc disiungi poterunt, vera loquendi commendatam habeat libertatem. In primis autem incerta pro compertis, falsa pro veris, seminota pro exploratis, nunquam aut tuebitur obstinatè, aut in apertum proferet præfidenter. Hæc enim (vt plerumque fit) aut intellectus tribuuntur imbecillitati, aut malignitati. Multa enim alia, sed vel hæc potissimùm tria, nostræ imprudentia fuerint semper argumenta: incognita pro cognitis apud nos habere: in res non necessarias & exiguo tempore duraturas, sumptus nimios facere: & denique nouarum rerum & auditionum temerè se constituere authorem. Iam enim & illud legatus obseruandum sibi perpetuò meminerit, ne eos, qui sub legibus silentij se ei concrediderint, temerè seu adeò etiam perfidiosè aliquando prodat & periculis obijciat: cùm enim, præter quod indignissimum fuerit, de nobis bene mereri cupientibus, ma-

bis, malam referre gratiam, nemo vnquam fedit amplius ei, quem secreta sibi communicata scit facilè effutire. Postremò nec sperabit, nec desperabit legatus subitò de toto euentu & consecutione rei, tam ordiendis negotijs, quàm etiam terminandis: paruis enim momentis, magnæ rerum & temporum inclinationes fiunt, & vel optimè cœpta tandem non procedunt. Principem suum nulla vnquam de re, cuius certa & euidencia signa, vel non habuerit legatus testimonia, faciat certiore; secus quidem si non fidei, prudentiæ certè suæ imminuet vulgo opinionem. Nocuit semper vanas spes & cogitationes secutum, tempus quo nihil est carius amisisse. Scribendis literis probè distinguat omnia, & quæ constant coniectura, decisa & in vulgus emanata secus iudicabit. Differunt & illa, quæ ab ipsomet principe prius vel posterius, & quæ rursus ab illius audientur Consiliarijs. Multa quippè ad terrorem, multa ad faciendam inanem spem, multa ad expiscandam alterius dicuntur voluntatem. Quæ omnia quidem necesse est notare: sed non expedit peræque æstimare, aut literis subitò committere, cùm aut nullum, aut quàm modestissimum suum de ijs interponendum sit iudicium: propterea quòd suam de rebus sententiam, non libenter velint Principes præoccupari. Quid tamen non modò prudentiores, sed & vulgus hominum, vel de Principe loquatur ipso, potest aliquando commodè legatus innuere: siquidem communicandis Principi suo consilijs, induit quasi personam, in quo libertas sententiæ imprimis est laudabilis ipsius Senatoris; & cùm negligere quid de nobis vel multitudo ipsa interdum dicat, aut sentiat, non modò superbi, verùm etiam sit omninò dissoluti. Ac ne multa, nihil non rimabitur, nihil non vestigabit, nihil non dicet & perscribet legatus, quæ ad principis sui non modò dignitatem, verùm etiam pertinuerit animi voluptatem. Nam vel minutiora & inutiliora quæq; Epistolæ pro tempore inserta sæpè delectant. A Francisci I. Galliarum Regis funere, ad Paulum III. Pont. Max: quidam eius legatus, quandiu candelæ funeri prælucentes arsisent, inter alia, quæ fortè scripserat commemorauit, & illud prætereà addidit, ad neminem alium, quàm ad suum Principem talia scribere eum voluisse, cuius auctoritas summa, ne quid fortè vel minutissimorum prætermitteret, officij eum admonebat. Priuati enim paruis industriæ voluntatisque erga eos nostræ significationibus conquiescunt, principes vix aliquando contenti esse vel maximis solent, & iure non debent. His igitur similibusque rebus, & industriæ, ac indefessi nostri studij testificationibus, legatus suo principi velit reddi com-

di commendatissimus; sed neque eius principis apud quem versatur conciliet sibi aliquod hoc nomine odium, aut malevolentiam, vix ullis officijs postea abolendam. Debemus enim ita gratificari vni, ne iniurijs simus alteri: & ita scienter inter homines versari, ne alicuius temeritatis meritò inculpemur: mundani enim omnes sumus, & in hunc orbem nos immisos, vt mutuam nobis præstamus operam, non inuiti profitemur. Vnde olim coquis, lenonibus, & id genus alijs vilioribus ministris, non dissimiles esse legatos, scio dixisse non neminem, & haud scio an immeritò. Neque enim interdum earum rerum magna est dissimilitudo: & quemadmodum coqui fercula condiendo, aut lenones amantium inter se iras & dissidia mitigando; ita & legati principum conciliauerint animos, rectè & scienter res, quæ ad eorum concordiam facerent proponendo, & nunc hanc, nunc illam partem ratione & argumentis conuincendo; præstiterit tamen benignos, quàm malignos affectus, quos odium & inimicitia comitatur semper magis commouisse, & apud quemlibet principem ita se gerere; vt non modò prudentem, sed & sibi rebusque suis fauentem, cum qui ad se missus est legatum, certò sibi polliceatur: dimidium enim vel prima legationis die deposuerit oneris, qui principem sibi beneuolum fecerit causa eius qui expectatur honoris, quod sine magnis ingenij & eloquentiæ viribus præstari non solet, ac proinde, multum in ijs studiis collocari operæ & diligentia debet. Vnde infortunia sua apud Latinum decantantes, & loca ad habitandum petentes, pulchrè alicubi Troianos induxit Poëta oratores:

Quanta per Ideos sæuis effusa Mycænis
 Tempestas ierit campos, quibus actus vterque
 Europæ atque Asiæ fatis concurrerit orbis,
 Audijs, & si quem tellus extrema refuso
 Submouet Oceano, & si quem extenta plagarum,
 Quatuor in medio dirimit plaga solis iniqui
 Diluuiο ex illo tot vasta per æquora vecti
 Dijs sedem exiguan, patrijs littusque rogamus
 Innocuum, & cunctis vndamq; auramq; patentem.

Nec fatis est dicere, sed expedit etià facere, cum mica salis, graui-
 terq; omnia, & tã sua quàm principis sui maxima cū dignitate. Multi enim reperiuntur, qui quantumvis apud se, bonum licet propositum finem sæpius habuerint; in rebus tamen ipsis tractioneque illarum, aberrant à scopo: & aut in suspicionem non recte fidei, aut leuitatis incurrunt. Venerat olim pro imperij comitijs Ratisponam Mo-

nam Moronus, at qualis & quantus Cardinalis? Gregorij XIII. Pont. Max. ad Maximilianum Cæsarem, eius nominis secundum, legatus: & quia Stephani Bathorei, Cæsaris æmuli, eodem illo tempore in Regem Poloniae inaugurati, ibi quoque legati, quos medicus quidam eiusdem Cardinalis visitabat spectabantur, suspicari illico non temerè illud fieri est coeptum, & de omnibus ijs, quæ inter Cæsarem & legatum tractarentur, reddi eos proculdubiò certiores. Quo adeò nomine ipso, exposculauit cum Morono Cæsar vehementius, & cum eius suspensionis causa, tum quòd suum quoque legatum ad Gedanenses profectum violatum in Polonia audierat, Stephani Regis legatos Ratispona discedentes, iusserat in itinere detineri: qui tamen, Cæsare vita functo, statim sunt dimissi. Quod ideò commemorò, ut legati omnes memoria teneant, nullam vel minimam ei apud quem versantur principi occasionem præbendam, de se esse sinistrè aliquomodo suspicandi. Non enim rectè facti tantum legato suffecerit conscientia, sed adeò etiam summa necessaria est prudentia, animis principum inter se conciliandis. Quo etià magis omnes apertas vitabit legatus inimicitias, & nec falli quidem, sed neque volet fallere, aut verba dare alicui personæ, & auctoritati suæ confidenti. Polliceri enim quod seruare non possis, aut minus velis, falsitatis; digladiari quibus cum non debeas, imprudentiæ est singularis. A Sigismundi Augusti Regis Poloniae morte, Ioannes Monlucius, Caroli IX. Galliarum Regis legatus, in Poloniam fortè venerat, & ut Henricum regis sui fratrem creare potuisset regem, aureos quod dicitur montes non modò ordinibus, sed & hominibus penè promiserat vniuersis. Tandem verò cum pro inauguratione regis ventum esset Cracouiam, inter tot atque tantos qui in regio comitatu aduenerant procures, vnus ille, qui maximè expectatus adfuisset, desiderabatur Mōlucius, & ideò Cœnobij præfectus, per iocum & ludibrium non à nemine fuerat appellatus. Ferunt enim peregrè quibusdam discedentibus, monasterij præfectis suas antiquitus res tradere non dubitauisse. quas recuperare volentibus, præfectos cœnobij nondum reuertisse solitum erat responderi. Quo eodem modo Gallos secum agere nonnulli affirmabant, cum à quo promissa sibi facta peterent, Monlucium desiderarent. Vna igitur illa falsa pro veris dicendi, fugienda legato est consuetudo, & ne ad iurgia, rixas, vel certamina aliqua vllò modo ab eo veniatur. Etenim ut vnus quidē altero susceptarū inimicitiarum minorem causam legatus habuerit; nō omnium tamen optima fertur pro vtroque sententia, aut saltem quod hic &

N n

ille egisset

ille egisset dicuntur nō habuisse : diu enim arcus tendendus : & antequam aliquid quod nolis excidat tibi , animus est cōprimendus ; nisi fortè aut noster , aut nostri principis agatur honos , qui imposuerit onus , vel morte ipsa turpitudinis , & seruitutis , à nobis nostroque principe repellendæ , quod vt vitari omni ratione & occasione queat , ferantur multa dissimulanter necesse est , antequam sanguinis effusio , cædes , & laniatus nostra causa subsequantur. Omnibus enim , sed senibus & publicis personis maximè , foedum est cruentari. Quod vt adeò contentione & exemplorum varietate planum fiat , quæ paulò etiam acciderunt antè , breuiter repetamus. Risit Sigismundus I. Rex Poloniæ , Ioannem Dantiscum , primum quidem Culmensensem , postea Varmiensensem Episcopum apud Carolum Q. Cæsarem diutius commoratum , eo die festo , quo sibi ab Imperatore ad frequentandum cum eo templum , alternatis cum Lusitaniæ Regis Legato vicibus , vitandæ contentionis ergò fuerat assignatus , tanquam aliud agendo Lusitanum legatum loco mouisse , & per speciem colloctionis , quam porrigenti manum cum eo habiturum se ille crediderat , è loco sic mouisse , vt ne conquerendi aut altercandi , cum eo causa restare legato videretur. Sed non riserunt Italiæ principes , qui internuncios apud Imperatorem Rudolphum suos , in ponte Pragensi , obuiam sibi factos , quod vnus nolebat celsisse alteri , tota die intellexerunt stetisse , cum irrisione prætereuntium. Volunt enim principes legationes suas gloriæ & amplitudinis eorum testificandæ esse campum , non ineptiarum & fannionum vllum theatrum. Quo etiam hæc & similia , quæ ipsis dedecori essent futura legati magis declinabunt , & circa principes amicos habere enitentur , qui omnia dicta & facta ipsorum recta & felicia augeant sermone , paulò aduersa extenuent , quacunque poterunt maximè ratione : multum enim apud principes , in domesticorum illorum positum est patrociniū , & prima quasi narratione factorum ; sed vtrique viderint , ne vllam vel minimam eius rei , quod hæc videlicet ex composito fiant , veram de se suspicionem inueniantur præbuisse. Emendicati quippè fauores tamdiu iuuant , quàm diu quod emendicati sint intellectum non fuerit : semel cognita falsitate , etiam illa , quæ verè antea fuerant dicta , instar habentur figmentorum. Proinde danda erit opera , vt eorum , quod scitu imprimis necessarium fuerit , effugiat nos nihil ; sed vt etiam in narrationibus rerum vel euentuum nullum vel minimum vestigium , nostræ in credendo deprehendatur leuitatis. Scire enim plurima , eademque secreta , summæ argumentum est prudentiæ : facile credere,

dere, & falsa pro veris admittere, rursus illius regulis & expectationi aduersatur. Magno honori cuidam Cardinali, qui vulgò Granuellanus dicebatur, fuerat, cùm nescio quo loco aut tempore variè varijs de fœdere inter Venetos & Turcam icto (vt fit) disceptantibus, certa eius rei documenta proferre potuerit, & qualis ac quantus vir esset, cùm alijs multis, tùm vel illa etiam ipsa re procul dubiò ostenderit. Sed è contrario risu exagitabatur Saxonix Ducis, & Philippi Landgrauij Hessiæ, bello Saxonico in Gallijs legatus, qui de Caroli Q. Cæsaris in Germania progressibus, Franciscum Regem debebat facere indies certiores, & non prius quàm ab ipso rege didicit, dominos suos à Cæsare detineri. Libenter quidem communicari auent principes sibi multa, sed fastidiunt inepta, aut omninò etiam antea peruulgata. Quo magis tam serijs quàm iocosis rebus, patet legato locus principis gratiæ aucupandæ; sed vtatur non abutatur eadem legatus facultate. Tribuerat tantum Dantisco, Sigismundi Regis Poloniæ apud se legato Carolus Q. Imperator; vt cùm aliquando omnibus externis legatis, ne in Hispanias nauigantem ex Belgio sequerentur dici fecisset, soli Dantisco contrarium curauerit postridie nuntiari. Tum ille vt lepidus fuerat: Bene est, inquit, proficiscamur; sed sicuti quidem voce præconis ea generatim omnibus profectio inhibita fuerat, sic rursus eiusdem voce necessitas mihi quoq; speciatim imponatur. Assensus est Cæsar, & ille non solùm in Hispanias eum comitatus, sed & maximis honoribus in iisdem Hispanijs fuerat ab eo auctus, cùm in numerum illius nobilitatis, cum toto suo genere & agnatione referretur: amant enim ingenia principes, sed cupiunt vicissim candidè redamari. Ebriosus, scortator, aleator, atque alijs eius generis vitijs deditus legatus, nunquam putetur, nec faciundis itineribus suscepta profectio lentus, neq; voluptatibus blandissimis dominis aut delicijs quærendis occupatus. Notabatur eo nomine legatus quidam, quòd cùm aliquam viæ partem fortè cōfecisset, subsistebatur euestigio, & vel non necessarijs faciundis sumptibus iterum & iterum immorabatur. Mox mittebat rursus domum pro pecunia, quam antequam accepisset, tantum interdum alieni contrahebat æris, vt ne pecunia quidem allata illud dissolvere potuerit, parumque abfuerit, quin à principe suo, qui illam ipsius itineris ægerrimè ferebat tarditatem, reuocaretur: seria enim seriò tractanda & suscepta publico nomine itinera, nullis adhibitis voluptatum lenocinijs sunt conficienda. Meminisse pro se quisque debet, Annibalem armis inuictum, voluptatibus & luxu-

riæ Capuæ manus dedisse, & Prosperum Columnam, qui foris tot tant, sꝛue hostibus iuuenis sæpè resistit, muliercularum amoribus domi senem resistere non potuisse. Turpe namque omnibus, sed turpissimum est repuascere senibus, legatis & militibus. Peragrandis porrò regionibus, omnia & singula notet, & notata item ab alijs ad manum habeat semper, vt facilius intelligat locorum rerumque momenta omnia, tam præsentis temporis, quàm ipsius etiam antiquitatis. Scire quidem & videre semper aliquid noui desiderant ferè vniuersi; sed cum ratione ac delectu peregrinari didicerunt paucissimi, Quo etiam coelū non animum dicuntur mutare, qui aut vertunt solum, aut traijciunt salum, & non secus ac alij veredarij, vel tabelliones videri, qui vel magna vna die terrarum percurrunt spatia, sed nullum inde profectum fortiuntur. Quidam enim non secus, ac aliquid mercium plena, sed malè dispositarum dicuntur testudo, quòd multa viderunt, & audierunt, sed non peræquè scienter visis auditisque vtantur. quo magis expedierit notare indies singula, & loca ac personas quæ occurrerint, & quæ opportunè aliquid nobis nunciauerint obseruare: nulla denique non occasione vel ex itinere ipso dare ad principem aliquid perpetuò literarum: multa enim multos delectant, sed nihil magis quàm sapientes reges literæ, seu quidam nuncij & interpretes mentis ipsorum legatorum. Nam si laudatum in pictore illo fuerat, quod nullam ferè diem sibi excidere, in qua vel vnā non duxisset lineam permittebat: quantò erit legati scribendis crebrò ad suum principem epistolis diligentia commendatior? & cū non vno aut altero, sed tribus atque adeò pluribus itineribus, & tam mari, quàm terra susceptis, transmittet literas, vt pari modo si ita necessitas postulauerit, vicissim ei respondeatur, maximè si & itinera longiora, & suspecta fuerint loca, quæ terra marique sunt superanda. Accedit, quòd per errorem alteri alicui inscriptæ literæ, moram afferunt rebus, & multifariæ viæ sint erroris, vna illa & certa veritatis: quapropter vel antè illud etiam tempus ipsum, quo commoda transmittendæ epistolæ expectatur occasio, tempestiuè exarētur literæ; ne si secus acciderit, tandem transmittendarum facultas elaboratur. Scribendum quidem esse satis constat necessariò, & illud ignoratur, quo argumento, per quem, quomodo, & quando. Anticipare igitur tempus, non abs re interdū fuerit: & si videbuntur suspecti tabellarij, aut cuipiā alteri inscribere epistolam, erit necesse, à quo vt principi eius reddatur, legatus postulabit, aut verò ignotis notis separatim ab alijs literis eam prorsus exarare; vt ille, cui interpretandæ

interpretandæ epistolæ, & notarum indicandarum incubuerit cura, minus illorum sit conscius, quæ vſitatis characteribus scripta constabunt, quo magis & linea in epistola, quæ ignotis exaratur notis cuilibet folio sit circumducta, ne præterea aliquid additum videatur: prius tamen ille, ad quem tales scribentur literæ, omnium harum rerum exactè admoneatur. Nam licet vel eiusmodi diligentia tandem etiam eludatur, tutius in hanc semper peccabitur partem, ut cauti & solliciti, quàm indiligentes & ignaui habeamur. Cura namque & cogitatio acris, malleus est omnis difficultatis. Interim his similibusque agendis, nec occasionem aliquam de se ipso alijs suspicandi legatus dabit, nec friuolis suspicionibus, nunc de hoc nunc de illo laborabit. Friuola suspicio consilij argumentum est inopiæ, & maligni qui criminis expertes ipsi non sunt, ingenio suo alios metiri plerumque consueuerunt. Diem, & ipsam deniq; horam, qua se in viam tabellarius dabit, suo legatus perscribet principi, & ijs, qui se vltro transportandis, offerunt literis fidem haud ita magnam peræquè semper habebit. Quod tamen ipsum, ut quam maximè occultare possit, scribet nihilominus aliquid, quod parui momenti fuerit, & maioris cautionis in posterum ergo, si illa fortè reddita, vel secus epistola fuerat, semper inquireret: bis enim ab vno decipi, & geminatis vicibus coctum sumere prandium, est submolestum. Postremò, cum hinc & inde varia & multiplicia occurrerint negotia legato in aula expedienda, dabit operam, ut quæ prius, quæque posterius tractata sunt, suum principem faciat certiores: & adeò vel verba inserat ipsa, quæ, & à quo, & quo loco, quo vultu, gestu, tempore ad eum prolata sunt & fuerunt, & num à principe ipso, num ab eius consilio, num verbis, num scripto, num ex tempore, num verò etiam ineditato. A prudentibus enim non modò ipsæ res, sed rerum etiam momenta omnium, circumstantiæq; adeò vniuersæ, ad certam rationis normam, quam vulgus hominū facere consuevit acrius expenduntur. Quo etiam legatus ea, quæ notatu erunt digniora, in calce literarum non inuitus repetierit, & omnem vel minimā notam vitauerit falsitatis: labilis est memoria, & aliquibus tantum abest, ut necessaria sint frena, ut ne quidem suffecerint calcaria, præter morem. Quo consultius etiam crebrius, ij in quorum nobis commodis positum aliquid est, occurrūt admonendi, suppressis authorum nominibus, à quibus quid in rem nostram principisque nostri facit, auditione aliquid acceperimus. Scribendis autem ad principem raptim (quod aliquando contingit) rarò autem contingat epistolis, si alicubi erratum fuerit, ex-

pungantur, quam eradantur potiùs characteres; ne doceamus alios artem & peruersum vltum eradendi: facilius enim vitiosa sequi, quàm bona imitari homines videas, & raptim scribendis literis nō nemo suspicatur, quod contemnas. Priuatarum suarum rerum in epistola ad principem inferet legatus nihil, præsertim si alio modo ad notitiam ipsius posse eas deducere videatur. Peræquè imo & maiori curæ sua, quàm vel principis sui inde plerumque dicitur habuisse: & ita reuera natura comparatum est, vt alienis spectandis, omnia nobis instar pyramidum, nostra verò appareant humi repositorum quasi nidorum. Vnde scribendis literis arripimus faciliè occasionem, quas principes rebus cum suis misceri ægerrimè ferunt, nostra de infelicitate querelarum. Accuratissimè porrò omnes scribet epistolas, & earum sibi exempla multis & magnis vsibus seruitura reseruabit: nec verò vno eodemque signo eas communiet, nec vnis iisdemque scribet characteribus semper; vt eorum audacię viam obsepiat, qui nunc manum, nunc signa aliorum adulterare consueuerunt. Multi qui veritatis non potuerunt, aut potiùs noluerunt via, sumptus cupiditatum inuia quæsierunt sibi falsitatis. Si epistola plura habere contigerit folia, non ea consuât, sed quod aut prius, aut fuerit posterius, vnicuique inscribat foliorum. Si quid secreti alicubi amiserit, cogitet in cuius manus venire illud potuerit, & nullum laborem aut sumptum refugiat; vt recuperare illud possit: quòd si minus poterit, nunquam temerè ei se credat, contra cuius salutem machinatus est aliquid, aut verò dignitatem; & nec sit sollicitus, cui hæc vel illa vsui seruiert præceptio: sat sit recta monenti paruiffe. Multa sunt quorum & iureconsulti in suis libris rationem non reddunt; & tamen sapientissimè esse scripta & constituta, quis ignorat? Me quidem, ne his de rebus plura differam, legati ipsius, quem non temerè iam vel antè in rebus versatum, & non tyronem futurum crediderim, retrahit prudentia, tum & rerum, quæ vna ex alia gignitur hac in parte magnitudo. Quò enim alicuius dicendo de hac materia inuehor, eò mihi minor spes affulget portus aliquando capiendi. Quapropter, cum de legato, eiusque adiumentis, & exercitiis dixerim, de ipsa quoque quæ propriè in manu est principis dimittenda subiungam aliquid legatione. Negant, ludicra enim miscere serijs aliquando libet, in Turciam alios quàm ablegari animo debere fortes & liberales: quia, vt plerumque fit, Turcæ partim minaces, partim verò sunt petaces. Vt ergo minus minas vereantur, & pro re & necessitate, munera & pecunias largiantur; nec timidos neque parcos dimittendos. Cautos in Moscouiam, quod ibi græca viuatur fide,

tur fide, & rarò quid concedatur sine longa licitatione. Romam mittantur pij, & religionis obseruantia noti, & potiùs politici, quàm ecclesiastici ordinis viri; vt eorum petita, qui Pont. Max. minus obnoxij sunt, maiorem habeant auctoritatem. In Hispanias moribus & ingenio ablegentur sedati, & quàm minimè nouarum rerum dogmatumue appetentes: quia ibi velint nolint facilè in officio continentur. Per totam Italiam proficiscantur humani & officiosi, cum ibi earum rerum quasi quoddam perpetuum sit certamen. In Gallias ingenio celeri, aut potiùs versatili, vt ex re consilium capiant & scœnæ quod aiunt seruire sciant, aut verò discant. In Angliam dimittantur formosi & proceres, cum talibus visis statim Angli in admirationem rapiantur, & quod Angli non sint, dolendum crebrò loquantur. In Germaniam promissorum tenaces, cum antiquitus dictorum factorumq; constantia Germani fuerint celebres. Vbicunque autem locorum legati sint continentes & abstinentes: nam non temerè duæ illæ voculæ multorum semper fuerunt in ore, sustine & abstine, nisi quod in his veluti duobus quibusdam vitæ præsidij multum videbatur positum, tum vtilitatis, tum verò etiam dignitatis. Et denique quàm patresfamilias Hispani peregrè discessuris filijs, modico viatico dato, eandem principes legatis suis, sed pro dignitate sumptu suppeditato, commendent grauitatem. Concurrant enim in legato oportet plurima; sed vna illa maximè spectetur grauitas, quæ tamen experts occulti in legatum sit odij & habeat plus amoris quàm alicuius formidinis, plus integritatis quàm assemblatæ bonitatis, & quæ priuatam cum publica persona sic legati commisceat, vt & illius principis à quo mittitur odiosam maiestatem, & eius ad quem venit minimè à se abalienatam reddat voluntatem. Cuius etiam personæ insit vel aliqua ex parte claritas, & nobilitas generis, pulchritudo & concinnitas corporis, liberalitatis exercendæ facultas, peragratio exterarum gentium, lustratio regiarum, intelligentia rerum, vsus & tractatio negotiorum, multarum & variarum historiarum lectio, & eius denique philosophiæ partis cognitio, quæ ad formandos mores, administrationēq; iustitiæ, & scientiam pertinet gubernandi: huic demùm etiam fides in principem esto, amor in suos, comitas erga externos, viuacitas ingenij, ars & copia in utrāq; partem de rebus differendi, & doctrinæ literarum studium propriū ac peculiare: humanitas postremò in cōuiuictu & colloquio familiari, constantia in colendis amicitijs, prudentia in cognoscendis, & tarditas in dissuendis potiùs quàm dirumpendis. Quæ vt aliàs etiam dicta fuerint, placuit vel denuò de
legato

legato attulisse. Iam verò dandorum legatis mandatorum duplex est ratio : libera vna , literis & seu quibusdam cancellis circumscripta altera. Nihil autem minus quàm certum de legato ferri potest iudicium, cuius quod sibi videbitur agere conceditur potestati ; & tamen antiquitus etiam id vñ receptum fuisse ambigat nemo , qui modò in historiarũ lectione paulò est versatus. Quid enim ? an Carthaginenses olim , an Achæi , non miserunt suos legatos Romam , quibus liberè quod vellent agendi dederant facultatem ? Quid ? an rursus ijdem illi Romam ad Coriolanum , & ad eam , quæ secesserat plebem , cum tali eademq; potestate legatos non dimiserunt ? Nam vt hæc res periculo quandoque non careat , pro re tamen & occasione est necessaria : multa enim nec opinantibus eueniunt , de quibus nihil prorsus constitui in mandato poterit , & haud scio an debeat. Exempli gratia. A morte Ferdinandi Cæsaris , Maximilianus Cæsar eius filius , tardius paulò legationem Constantinopolim misit , pactis & foederibus pacis , cum Solymano Turcæ confirmandis. Misit ergo Solymanus ad eum suam , vt multi crediderant , pacem postulatam ; sed ita , vt si fortè in itinere fieret ei Cæsaris legatus obuiam , statim Constantinopolim reuerteretur imperaret , & reuersus est , resque ad illud bellum , in quo Giula & Seget est captũ , tandem deuenit. Quid hic poterat aut debebat legatus Cæsaris præstitisse ? aut quomodo contra illã barbari molitionẽ poterat aliquid legato committi , quo eludi potuisset ? Multa ergo vt dixi præter opinionem eueniunt , & multa legati credi debent prudentiæ , ac necessariò committi potestati ; sed & ille non obliuiscatur eius , à quo missus fuerit , authoritatis : expedit enim semper Menenij , aut Manlij illius Romani imitari exemplum , qui , licèt summa donatus fuerat à senatu potestate , non tamen vñs ea est impotenter , cùm quædam ab eo præter expectationem peterentur , & nimirum Menenij consilium siue factum , non tam per se quod rectum fuerat commendatur , quàm ipsi contrarijs Cassij actionibus , cuius , Dyonisius meminit , illustratur : qui accepto à patribus honore , non eum quem par fuerat vicissim honorem habuit , nec vnquam consilium cum ijs communicauit : par enim est ei qui dat totum , particulam vel aliquam referuari. Porro variari hæc locis & temporibus non nego , & multa incidere quæ moram non patiantur liberè affirmabo ; Sed tamen in perspicaci multum positum legati est prudentia , qui , quæ fides & in principẽ obseruantia eius sit esseque debeat , consideret , & tam à quibusdam quæ illi permittentur consultò abstineat , & principem suum requirat , quàm & ijs rursus liberè

sus liberè faciat finem, quibus nulla videbitur mora debere inter-
 poni, sed vno illo candore & sinceritate in omnibus singulisq; vta-
 tur. Nam quemadmodum personati, sic & simulatores, nec peræ-
 què omnes & semper, nec diu delectant. Ac vt dubitandum non
 sit, illos qui futura prædicunt, multò plus quàm veri habere falsita-
 tis; tamen mirum est, quantum inter hos & alios mentientes habe-
 atur discrimen: his vt semel deprehensi in mendacio fuerint nul-
 la, illis qui futura denunciant vel aliqua semper adhibetur fides,
 vt sint fuerintque falsissimi. Quod non aliunde prouenit, nisi quòd
 sicuti medicis salutem promittentibus, sic & ariolis aut Astro-
 logis futura prædicentibus vulgò multum est authoritatis: semper
 enim dominantibus infesta, præteritorum obliuiosa, & futurorum
 sciendorù cupida est multitudo. Iam verò obseruatù est inineundis
 prælijs, multa ea in acie periculosè mutari, quæ domi non fuerant
 præuisa & considerata. Quod idem & in legatione multis euenit,
 si de quibusdam opportunè moniti, & ab ijs à quibus mittuntur
 plenè instructi non fuerint: educendę enim è portu in altum nauis,
 sed non semper quò velit dirigendę potis est gubernator. Quo ma-
 gis multa legati commiseris prudentiæ, sed & nihilominus expedi-
 erit eundem de nonnullis admoneri: nemo enim suæ tantùm præ-
 fidat prudentiæ, vt nihil habere se opus arbitretur hortatore. Quid,
 quod & legato & principi ipsi est vtilius, discipulum quàm magi-
 strum videri potius mandatorum. Cùm enim variè admodum ac-
 cipi & interpretari soleat legatio, & vel bene in ea meritis vix vlla
 aliquando referatur gratia, an non præstiterit obsecundare nutui
 in ea domini, quàm suæ nescio cui hac in parte seruire cupiditati?
 qui enim inseruit summis, imperat haud dubiè alijs: subit verò sæ-
 pius iugum, qui appetit dominatum. Itaque inoleuit adeò etiam
 noua quædam apud nonnullos consuetudo; vt quæ vel antea lega-
 ti iudicio permittebatur haberi oratio, nunc habenda exhibeatur
 scripto; vt nec vel transuersum quidem vnguem à præscripta formu-
 la discedatur dicendi, & siue memoriæ mandetur, siue scripto re-
 citetur. Non tam enim eloquentiæ laus legato quærenda, quàm
 ex sententia sui domini omnia sunt conficienda. Ac multum licèt in
 differendi vsu atque copia, & in actionis ipsius positum sit dignita-
 te; maluit tamen non nemo vel his aliquando caruisse, & principis
 sui à quo mittebatur commendationem retulisse. Quidam enim
 contenti sunt paruo, & vix acquiescunt alij, vel immenso. Consul-
 tius tamen mittere est legatos his omnibus adiumentis instructos,
 & qui tum dicendi grauitate atque copia, tum excellant pruden-

tia, & sine vlla vulnerum & signorum quæ faciem turpem foeditate,
 regalem quandam præ se ferant maiestatem. Nam vt ad eadem il-
 la in legato turpia aut vitiosa repetenda recurramus, veteremque
 Persarum in eligendis regibus consuetudinem taceamus, an vt mu-
 tilatis naribus principem in Valachia fas non est eligere? Sic & in
 Turcia atq; etiam alibi perridiculum non accidit, intueri legatum,
 cui vulnus in facie aliquod sit inflictum, & ipse aut distortus, aut
 membris appareat mutilatis. Vnde purpuratus ille Turcicus ad le-
 gatum Hispaniensem: Deceantne tuo domino, inquit, quos sine
 vulnere in faciem inflicto ad nos misisset? Tum verò legatus: Non
 deceat, nait, sed hoc videlicet vulnus antè non retrò acceptum, no-
 stræ de vobis ad Naupactum testis est victoriæ, in qua & tu debe-
 bas interfici, nisi aufugisses. Atque hæc quidem de adiumentis le-
 gati corporis dicta sufficiant: quæ si in magno sunt fueruntq; sem-
 per pretio; quantò animi habebuntur gratiora, cùm semel sibi di-
 cendi concessa, non temerè abutetur potestate; nec subitò & ex
 tempore, sed meditato potiùs verba faciet, & ijs neminem carpet,
 inueheturq; prorsus in neminem; sed si fortè dicendum esset libe-
 rius aliquid, vitia non homines notabit: vulnera enim cicatrice ob-
 ducuntur, verba in alicuius famam prolata frequenti memoria re-
 crudeſcunt. Quo fiebat, vt & Pericles ille, in cuius ore Suada sesitaſ-
 se dicta est, ad dicendum accessurus, ne vel verbulum aliquod ei
 excideret, quo populi aures læderentur diuinitùs precaretur. Lu-
 cerna enim & flore ignis opus habet, quod olere debet: cuius qui-
 dem lucernæ, tantùm abest vt Demostenem puduerit, vt adeò illi
 qui orationem eius olere fortè affirmauerat, dixerit: Bene habet,
 inquit, tua quidem furtis, mea meis seruit lucerna lucubrationi-
 bus. Quid enim, cùm in omnibus rebus alijs, tùm verò diligenti
 studio, non opus sit in literis, & longa cura, cogitationeque man-
 datis principis exponendis, adeò vt scripta multò antè prius, &
 ab alijs item lecta ac examinata, quàm subita & extemporanea
 placuerit semper magis oratio. Plus quippe oculi, quàm videt o-
 culus, & suo vno illo orbatus bonam in perpetuum noctem preca-
 tur monocus. Postremò, quod genitoribus liberi, libri hoc no-
 bis sunt nostri; vt oculis capiamur ijs amandis, & vita done-
 mur diutius elucubrandis: Vina enim & scripta reddit tempus
 preciosa. Quid? legato, cui in summa summorum virorum corona
 verba facienda fuerint, curæ non sit, vt non tam à pigmentis verbo-
 rum, quàm à pondere & grauitate sententiarum laus sit eloquen-
 tiæ? si modò eloquentiam dixeris, quæ ad salutem hominum & de-
 lectionem

lectionem data, non secus ac plumbea framea ex aurea vagina producta risum moueat circumstantium. Omnes enim eloquentia decet, sed legatos maximè condecorat: cùm vt hominis ornamentum oratio, sic rursus orationis, veluti quoddam illustre theatrum sit legatio. Quæ nisi iustum sibi sumpserit tempus ad meditando, quomodo, quid, & quo quidque loco, & qua dicat ratione poterit circumspicere, & tractanda re sagaciter discussa, venire tandem ad argumentis rationibusque muniendam? quomodo item inuentam ordinatè distincteque disponet: dispositam omni ornatu & elegantiæ verborum vestiet: vestitam actione & pronuntiatione cum dignitate profectetur? Omnia quidem, vt mea fert opinio, minus elaborata hodie aures respuunt: & nec diligentiores quique immensis penè hominum cupiditatibus satisfaciunt dicendo; tantùm verò abest, vt inepta & ridicula quæque in legato laudentur. Quo ipso loco, non possum non recordari magni cuiusdam dicti, Principis Holsaciæ, Danorum Regis fratris, aratoris magis quàm oratoris ad Stephanum Regē ablegati. Qui vt distortus ipse fuerat, sic & legatū quasi aliquod monstrū gestu & oratione ferè habebat. Hic cùm Stephanum Poloniæ regem miris in os decantatis laudibus extulisset, vel illud quoque addidit: Scire ex astris se, quod Ioannes Magnus Moscouiæ Dux, proximo futuro anno regijs armis esset cessurus, & vitam cum imperio amissurus, vtpotè qui hoc & illud cœleste signum in ascendente haberet: & præterea obscurum nemini esset, quo, quando, & quàm periculoso morbo laboraret. Ita ille (si Deo placebat) & legatum, & mathematicum, & medicum, & denique egit stultum coram Rege & Senatu, verbis sine delectu faciundis. Vt enim furiosus educto gladio aërem verberandi, sic logodedalus, cùm verba fundere cœperit, nec rationem incipiendi, nec modum scit desinendi. Quod quàm non ferendum sit, vel ex illo Laconum responso, nescio quorum legatis dato facilè est elicere. Priora, inquit, obliti sumus, media fuere obscura, & non intelleximus tandem postrema. Auet animus seria potius quàm iocosa, grauiam quàm leuiam audire semper; & brevis ac erudita, quàm longa & inepta satisfacit magis oratio. Anfractu & quasi quadam longa circuituone nec licet, nec decet vti verborum: nec verò aut precibus misceat minas, aut priuatas publicis res legatus interponat: nec tam in penetralibus ædium minacibus verbis tonandum, quàm cùm ad bellum ventum fuerit, scienter exercitum cum suis ordinibus & vexillis explicandum esse potius recordetur. Vt plerumque fit, canes qui vehementiùs

latrant, & hostes qui multum hostilitatis denunciant, habentur vi-
liores. Quin ut eo etiam maiorem auctoritatem fortiatur legatio,
rarò, & cum dignitate dimittatur; potiusque senibus quàm iue-
nibus, indigenis quàm externis semper mandetur: qui enim iue-
nem quàm legatum senem magis mihi laudauerit; hic spem quàm
rem laudare videbitur potius voluisse; quanquam interim virtutis
quàm ætatis cursum videre etiam quandoque sit celeriore. Non
enim barba & pallium, sed eximia natura, externum, solum, ac con-
tinuum studium, in numerum referunt te sapientum. Veruntamen
cùm veteri illo proverbio, non nisi à seris veniat prudentia annis,
consultissimum quidem fuerit, non nisi in magnis magnorum uti
consilio, & præsertim senum, qui illud dicere non iniuria posse vi-
deantur: Audite iuvenes senem, quem iuvenem senes audierunt:
iuvenes enim nondum senes, at hi fuerunt pueri & adolescentes.
Iam verò nobiles quàm plebeios, indigenitales quàm externos, ido-
neos quàm ineptos, rectius propterea miseris; ne principes, quibus-
cum futura tibi est res, ludificari se abs te quodammodo suspicen-
tur. Ita enim pro se quisque magnus, magni vel secus fieri se ab
altero putat, prout cùm alijs rebus, tum maximè legationibus ob-
servatur. Vnde Gallorum regum ingens quondam fertur fuisse o-
dium, quod primogenitos ecclesiæ, & omnium regum antiquissi-
mos se professi, his, similibusque legationibus, quæ minorum gen-
tium fuerant, nunc hos, nunc illos, & vel dicis causa tantum sa-
lutabant. Quis enim non ægerrimè tulerit, in tanto nobilium vi-
rorum regni vnus numero, in tanta copia lectissimorum senator-
um, ad se mitti nunc obscuros, nunc alienigenas, nunc ineptos?
Equidem nullum maius inertiae gentis fuerit argumentum, quàm
hominum turbam, in hunc legationum orbem produci nihili, &
præstantiores quasi contemni, à quibus & mandata rectius expo-
nuntur, & petita obtinentur, & gentes nationesque illustrantur.
Dici enim vix potest, quæ, & quanta etiam dum tacet, loquatur il-
le, ad quem nescio quis regum, durum legationis imponendæ o-
nus nactus, hæc verba principio epistolæ exarauerat: Si stas, iter
ingredere, si ingressus es, curre, si curris aduola. Et Pœnorū ille cal-
lidissimus persuadenda à legationis dignitate Romanis pace, hæc
aliquando facere verba minimè dubitavit: Vestrum, inquit, ut au-
dio patres, non nihil etiam ob hoc, quia parum dignitatis in lega-
tione erat negauerunt pacem, Annibal peto pacem. Ex quo ipso
intelligi potest, quanto consilio, ratione, delectu & discrimine prin-
cipibus sit opus ad externos legationibus dimittendis. Neque enim
mihi pro-

mihi probatur, probabiturque vnquam Pauli IIII. Pont. Max. & eius similium consuetudo, qui cùm nescio quem amicorum veterum, in Cardinalium collegium cooptare apud se secretò statuisset, acciuit illum Roma, Neapoli primùm, deinde vt sacros susciperet ordines seriò imperauit: mox longius progressus, missurum se & in Galliam legatum, est pollicitus. At ille, cùm se imparem vtrique, vt fit, rei respondisset, Apage cum hac excusatione, inquit: ecquis duobus, nobis exceptis, nihili esse sciuerit te, nisi ipse fateare? Sed multò quidem habent se ista secus: nam cùm ad rem ventum est, non vt vestium, aut equorum, ingenij atque animi ornamenta mutuo semper accipias; & quid in diligentia ac studio vel inde à teneris annis positum sit, semperq; fuerit, tecum ipse seriò licet recognoscas. Talis autem magna ex parte opinione hominum princeps pro se quisq; fuit, qualis eius nomine legatus publicum illud apud externos munus rectè vel secus obiuit. Nam vt ferè vel à minimis legatorum exordiar vitijs, quot, & quanti legati verba facturi, in primo illo aditu allocutioneque regis obmutuerunt? Quæ res in postremo, vt dixi, errorum numerari licet possit aut debeat, tamen non à nemine pro maximo sæpè est æstimata. Multi enim aut contemni per id se duxerunt; aut non omnium rectissimè sibi conscios, id diuinitus pœnæ sortitos dixerunt; aut verò nescio, quid aliud sinistri de ijs suspicari minimè dubitarunt: errorem enim committit vnus, variè hunc varij interpretantur infiniti. Ac vidi ego summum quendam, summisque de rebus missum virum in collegium Cardinalium post cooptatum, cùm clarissimum regem ex longinqua profectioe redeuntem alloqui debuisset, nulla de causa obmutuisse, & nec vnum tantum verbum proferre potuisse. Et vidi Cardinalem alterum, qui vt semel & iterum interpellatus fuisset, animosè recolligentem se, & vsque ad finem summa cum libertate vocis & orationis perorantem. Quod nescio vnde euenit. Sed vt mihi quidem videtur, duplex eius rei est remedium. Primum, vt id nobis etiam amicissimis euenire posse in animum nostrum inducamus, ac proinde contra eius rei aut exitus periculum, nos fortiter muniamus. Alterum, ne ad ipsa verba, eorumque contextum prorsus nos alligemus, aut si meminerimus, memoriæ sic ea mandemus, vt nequaquam hallucinemur. Sed omnium remedium fuerit illud maximum, ne princeps in legatione vtatur tyrone, sed homine iam maturo, & diu multumque exercitato: ingloriè enim discit, qui faciundis erroribus vult videri didicisse. Sæpè sapius accidit, vt eiusmodi legati, muti repente facti, aut domum vt

edormiant crapulam remittantur, aut non omnium optimam, quod dixi, habere putentur conscientiam; unde postea multarum rerum in aula insimulentur, & aliquando captiui teneantur. Sigismundus I Poloniæ Rex Turcicum legatum, tanta illa Regis & senatus, qui verè à senibus est dictus, maiestate in stuporem quendam adductum, & nec vnum verbum proferentem in hospitium remisit, & ut postridiè ad se reuerteretur postulauit. Maximilianus Cæsar, à exposita legatione modicis temporis spatijs Stephanum Bathoreum, post Regem Poloniæ creatum, captiuum fecit, quod pacificationis loco, cuius tractandæ causa ille fortè à Principe Transylvaniæ venerat, res ad arma interim recidisset. Quod quidem sui æmuli Gaspari Bekeschij arte, magni illius & ingeniosi in Transylvaniæ Satrapæ dicebat Bathoreus euenisse. Multi enim creantur legati, ligati ut videantur. Nam cum nihil magis variam & multiplicem quam legatio in se recipiat interpretationem, considerandum est, quo modo, & animo illa nobis demandetur. Harum rerum artificio Catharina Medicia Regina Franciæ, præcipitem in aula dedit non neminem: ac in primis memorabile illud est, quod Bellegardio Marsallo, & Pibrachio, regij Sacrationis consilij consiliario, ea authore dicitur euenisse. Occupare illa filios omnes, totumque eorum discupiebat semper dominatum. Quare, si qui fortè reperiiebantur, qui primum gratiæ apud eos locum assecuti dicerentur, hos euestigio curabat aliò ablegari: & aut ductandorum exercituum, aut legationum munera ijs mandabat. Erant autem in alijs Henrico Regi, cum ex Polonia reuertisset Bellegardus & Pibrachius charissimi, hic quidem pacis, belli ille artibus satis insignis. Quem cum Liuronium oppugnatum misisset, subtraxit ei ante bello gerendo necessaria; ut hominem nihili, & bello administrando minus aptum, quod & effecit, vulgo ostendisset. Mox ad Pibrachium conuersa, & hunc in legatione ad Regni Poloniæ Ordines voluit mitti; sed ita ut in finibus Germaniæ & Lotaringiæ excuteretur, irritaque prorsus omnis illa fieret ipsius profectio, qua & Polonicas res, ex intricatis intricatissimas fecit, & tum publica, tum & priuata nonnullorum negotia impediuit. Sic nimirum ludunt rebus, vel in rebus ijs, qui plus aliquid alijs habent in aula potestatis. Quàm rectè illi viderint, ego, & principum artes, & inferiorum partes, cum ea que eruditionis & prudentiæ sit differentia, tacitus mecum ipse recognoui. Pulchrum quidem est, sequi & assequi munera; sed tutissimum caruisse. Ac quemadmodum pro argillæ gleba nihil prorsus datur, vas verò ex ea confectum suo pretio æstimatur; sic sine usu & tracta-

& tractatione rerum habet se doctrina, parum aut nihil valitura: asini enim libris cooperti, & docti inepti, quid à se distabunt? Quocirca, si qui fortè legati minus intelligentes & experientes fuerint rerum, & aut in itinere tardauerint, aut alias quasque occupationes ineptas habuerint, ineptiùe ipsi sint, non omnino videantur tutò in legatione dimittendi: præstat enim domi retinere inertem, quàm ipsius indignitatis habere non neminem foris spectatorem. Paruo enim momento huc atque illuc impelluntur, sententiam facilè mutant, nec interrogati cum dignitate eam explicant, nec imperare sibi familiæque suæ sciunt, & debita facile contrahunt, quæ denique multis mensibus sufficere potuissent, paucis abliguriunt. Iam quas nec ipsi quidem habent, in alijs virtutes desiderant: aliorum studia & mores carpunt: in alienam vitam inquirunt, & assimulatæ cuiusdam probitatis specie, non tam esse boni, quàm videri volunt; & nec tamen vel aliquando sibi, vel alijs, hoc nomine satisfaciunt. Vt enim muli ex equo & asina conflati; sic nunc boni nunc peruersi neutrum dicuntur. Qui si sapiunt (sapere autem alieno, quàm suo danno potius debent) munera publica & legationes per se ipsi refugiant: quid sibi desit videant, suos quàm alienos nãuos potius introspiciant: & si cum perfectis semper viuere volunt, quærant sibi urbem sponte sua, Non vinclo, nec legibus æquam, vt ait Poëta. Nam aliud est in Licæo Platonis, & aliud in fece Romuli viuere: & aliud in ore, aliud in pectore gerere bonitatem. Principes etiam ipsi, non tam ambientibus, quàm refugientibus munera publica & legationes mandent: quatenus progredi vel regredi in ijs debeant, præscribant: simias, quò altius ascēderint, pudenda magis ostentare sua moneant: nihil gratiæ & fauori, omnia virtuti & industriæ tribuant: dandis legato mandatis, quoàd eius fieri paucioribus potest, se concredant, & humani ingenij morem esse perpetuò licitari, & iniqua interdum petere, vt æqua obtineantur, recordentur. Multas denique tendi insidias multis, sed inprimis publica negotia tractantibus atque legatis. Vnde videmus quosdam & maximè barbaros principes, cùm externi legati in eorum sententiam non statim descendere voluissent, mandatis eorum scriptis ostensis, facere imperata coëgisse, & vel hoc ipso nomine, legatorum quas vocant instructionibus disquirendis, quàm curiosissimi fuerint, non obscurè ostendisse. Fecit id huius nominis alter, & tertius Turcarum dominus Baiazetes Venetis: fecit & olim Galeacius Dux Mediolani Florentinis: fecerunt alij alijs: quàm rectè non disputo, sed tantùm ipsum factum profero in
apertum

apertum. Valdè quippè sunt solliciti principes sciendis penitus omnibus mandatis legatorum. Itaque & Maximilianus Cæsar, admirabili princeps ingenio, secretam instructionem, quam Regni Poloniæ proceres, ad Stephanum Regem, legatis in Transylvaniam dederant suis, magno studio quæsitam habuit, & nobis Ratissponæ ostendit. Quo magis legationem expedit esse secretissimam, & habere mandata, quæ contineant obscuritatis modicū, & quàm minimum amphibologiarum: vt enim mysticè vel amphibologicè loqui, videatur nescio cuius sapientiæ; tamen regius quidam candor præstat artificijs omnibus simulandi & dissimulandi, vt ille nescio quis, qui nesciret simulare, nescire eum & regnare, dixerit Imperator. Sed multum simulare & dissimulare differunt, ac primum quidem malitiæ, posterius fuerit necessitatis. Vnum verò maximè indubitatum illud est, eum qui ambularet simpliciter, ambulare & confidenter. Est quidem aliquid esse tectum, sed multò plus re-ctum suis in consilijs, cū malè sibi consciij oculos deiiciant, & latera vulneribus aperiant, recta verò conscientia muri instar habeatur. Interest autem & legati, & principis, ea quæ semel data fuerint mandata, habere perpetua rata; ne si fortè immutata fuerint, in ea pericula legatus incurrat, quæ antè monuimus, siue id legati culpa, siue principis acciderit voluntate. Ac nec quidem est regium, vna manu ostentare panem, & altera ingerere velle scorpionem. Et plerumque vsu venit, vt qui verborum aucupijs, aut literarum tendiculis alios circumueniunt, posteaquam ad apertum venit bellum, cadant eorundem armis, & publico risu exagitentur. Non vult Deus, eos qui impiè & fallaciter agunt, diu successibus augeri. Nec verò & ego soleo insultare cuiusquam vulneribus, nec præceptis esse æstimandis aliarum gentium nationumque moribus, quos scio variè varios interpretari, & nihil non esse plenum in vtramque partem exemplorum; sed vt tamen ad supremum illud offensum numen, reuocentur omnia, quis non legit, quæ fuerit Græcorum aut Græca cum Latinis fides, & quæ nunc sit etiam Moscouitarum. De quibus nihilominus sæpius triumphauit, non nemo barbarorum. Et non temerè id quidem. Nam vbi plurimū caliditatis, ibi minimum sæpè est felicitatis. Quo loco multa equidē possem afferre, quæ de huius gentis versutia etiam citra vllam suspicionem falsi producerentur. Sed vnum illud sufficiat, quando Ioannis Magni Moscouiæ Ducis legati, in tractatione ad Zapolsciū cum rege Stephano pacis, legatos regios, quibusdam arcibus quas in Liuania semel concesserant, ante ipsum edendum iusiurandum,

supposito

supposito falso diplomate, fraudare visi sunt voluisse: sunt enim multa fraudationū genera memorabilia, at in publica tractatione inter reges pacis, memorabilissima. Verū alteri loco & tempori hæc reſeruetur potiùs narratio. Vnum autem illud hæreat memoria, quæ iuſtitia contraria, ea nec futura quidem felicia: & Anglos tractanda pace imprudentiores, Gallis armis superiores ſe profiteri, quod olim idem de Crucigeris & maioribus noſtris vulgò ſermonibus uſurpabatur. Sed non ſemper ut apparet facilia nodosa, & clara turbida expedit reddidiſſe: recto enim propoſito fine, ut conſilium defuerit, numen pro ſe cuique bono aderit diuinitatis. Quare (quod Apollo Pythius) monuit, quodq; ego paulò antè obſeruandum cenſui, legatus cognoſcat ſemet ipſum; & tam petenda, quàm aſſumenda legatione, quid iuris iuſtitiaue fuerit, & quid tam per ſe præſtare poſſit, quàm aliunde ſubſidij expectare debeat, ipſe ſecum maturè recognoſcat. Vaſtæ cogitationes ſunt noſtræ, & quò minus aliquis ſapit, eò opinione ſapientia ditare ſe magis cōſueuit. Cui morbo occurrendū ſanè eſt tum ſcienter, tum verò etiā ſtudioſè: multos enim vinū in prælia inermes, & ineptos ambitio in legationes protrudit inſipientes. At verò cū ad tractandas venit res, tuis te pedibus oportet ſuſtineas; & quod antè nō didiciſti fortè priuatus, egrè diſcas factus legatus. Ut enim conſiliū tibi aliqui dederint, hic rursus conſultore opus, quod & quale conſilium fuerit amplectendum: non minus enim errat, qui nullo conſilio facit aliquid malè, quàm qui peruerſo utitur conſultore. Quem ad cognoſcendū, non ſemihoræ ſpatio, ſed multo quòd cū eo comedas indigebis ſale, & in conſeſſu regū, non vna aut altera occasione & cauſa verbis (ut fit) faciūdis: auget enim animum publicum & frequens theatrū, & ardor ille dicēdi, teſte ipſo M. Tullio, anguſto debilitatur loco. Qui deniq; non moueat riſum, interruptis vocibus, & veluti cum quadam titubatione & hæſitantia habita oratio. Qualem cū nescio quis in purpuratorum apud Turcas conſeſſu fortè habuiſſet, & interpretari alter verba ipſius debuifſet, curſim omnia ea, quæ legatus dixerat expoſuit, & quodammodo legato ipſo orationem viſus eſt habuiſſe pulchriorem. Tum verò purpuratorum quendam ridere, & Deos hominesque cœpiſſe teſtari; nunquam ſe qui magis legato abuteretur vidifſe tempore, & qui adeò ſeruo vteretur ipſo ſe prudentiore. Et niſi me animus fallit, haud ita iniuria: Semper enim non quàm multa, ſed quàm multum quis dixerit ſpectatur: nec quàm nobili, ſed quàm idoneo legatio demandetur. Humilitas enim generis, neq; offenſio adimit ſcientiā popularis. Sed nimi-

rùm, cùm ad præclarũ ipsum genus, maiorumq; imagines, accesserit eruditio, nã haud legatus & legatio facile exolebit. Habet enim non obscurum obscuritas generis despicatũ, cùm, vt antè dixi, & principes ipsi despicatui se haberi putant, cùm aut obscuri, aut externi, aut patre notato, vel notati ipsi ad eos legati dimittuntur. Etenim, si diuinus ille & morum magister Plato, notato patre filios, ad Rempub. non censuit admittendos; qui publicas legationes obierint ij, qui alicuius criminis notati ipsi sunt vel fuerunt, nisi fortè flexu ætatis commissum aliquid sit, quod firmata stirpe virtutis, egregiæ compensatum videatur? Tum quidem tantum abesset, vt recordari ea debeant, vt quasi quædam etiam testimonia virtutis sint refulgentis. Rarò enim sunt visi, qui vberes ingenij edituri fruges, vitiorũ prius semina non aliqua iecerint, quod nihil minus quàm vituperio eis vertebatur. Melior quippè culpata est virtus, quàm torpore quodam languẽs continuo innocentia. Quid quod nec æquum aliàs fuerit, exprobrare ea vitia mortali, quæ credibile est in obliuionẽ venisse Deo ipsi immortalis. Laurus vel media hyeme viret, & virtutis ingenijq; fama etiã si vel aliquos habueris nõ uos nõquam arefcit. Sed age progrediamur, & certissimũ quidem esto, nec obscuros, neq; sceleribus infames, neq; ab infamibus legatos venire oportere. Verũ adhuc illud certius, dimittendis illis parẽ imò maiorem semper habendam esse rationẽ virtutis, quàm generis, probitatis quàm nobilitatis; & si adeò proficiscantur plures, animi & consilij spectetur potissimũ in ijs magnitudo. Paruo nãq; est vsui, nautæ nasci & appellari filios, si demũ illos omnes videas remiges non naucleros: & sicuti surdo soni, cœco perspicilli, aratrum nauiganti, clauus nauticus ambulanti; sic nobilitas quæ virtute caret, thrasoni fuerit non nemini. Nõ etenim aliena dicas tua, quorũ ipse ostendere non possis te authorẽ. Hinc postea & inter collegas legationis vnus, morum & animorũ nascitur dissimilitudo; cùm hi maiorum imaginibus tument, & alios præ se asperrantur, & rursus illi contemnunt contemnentem. Quæ omnia apud externos præsertim & citò notantur, & subito vulgantur, & rebus eorum principis dignitatiq; aduersantur: quidquid enim legati intriuerint, id exedendum est eos mittenti. Dixit mihi aliquando Cromerus, vir non quidem genere, sed doctrina & eruditione clarissimus, cùm apud Ferdinandum, Romanorum, Hungariæ, Bohemiæq; Regem, cum perillustri quodam procere Sigismundi Augusti Poloniæ regis fuisset legatus, sic ante regem in scamno, quod capiebat duos, collegam sedisse, vt ille excludi non ob-

DE LEGATO ET LEGATIONE.

299

non obscure videretur. Tum Ferdinandum dixisse : Sedeat inquit vterque, cùm & in legatione vterque contineatur : quod non euenisset, si inter se legati ipsi differentiam non quærent, & quadam veluti rivalitate animo opinioneque non variarent: persuasio enim de seipso magna, alterius contemnendi fax est certa. Quo etiam restringendum semper quàm augendum dicerem numerum legatorum, & vix ipsum ternarium excedendum, ipsis mittendis. Fit enim, vt cùm plures pluribus stipati comitibus veniunt, bellandi causa venisse pauci, tractandorum negotiorum ergò legationis comitatû dicantur excessisse : non tam enim numerus aut comitatus, quàm ipsum pondus & concordia mutua legatorum spectatur : quæ si omninò desideretur (desideratur autem in pluribus sæpissimè) statim omnes laborant infamia leuitatis. Factiones enim inter se excitant & alunt, & varijs ac multiplicibus nunc harum nunc illarum rerum narrationibus principi causam & occasionem præbent de eorum fide, aut saltem prudentia dubitandi. Non temerè igitur veteres, aut inter discessuros legatos concordiam faciebant, aut verò vltro ipsi per se legati peregrè profecturi inimicitias deponebant. Pulchrû est Græcorum illud : Relinquamus his in motibus inquit inimicitias inter nos veteres ; resumemus si placuerit cum à legatione reuertemur. Qui enim amicitia cum alijs alicui sit fida, si nulla cum collega fuerit ? aut quis bonum testimonium ei dederit, cui itineris comes negauerit ? Et tamen hoc vitio cùm inter alios, tum inter christianorum principum legatos, maxime laboratur, quibus Christus Opt. Max. sui amoris symbolum concordiam dedit, & non adumbrata, sed expressa vestigia reliquit lenitatis. Quod non aliunde prouenit, quàm ab animi quodam tumore & impotentia, & quòd nonnulli partim debitorum quæ soluenda essent, nisi legatio obstaret gratia ; partim compendij alicuius, & vt semper quod prætendant habeant causa, ambiunt temerè legationes ; & eorum sibi comparant ad eam rem patrocina, à quibus principû dignitatis ergò deberent potiùs remoueri. Quo magis ipsi principes viderint, quibus faciem suam ad externos permiserint deportandâ : & si non præstiterit, cõciliare inter se & domi retinere profecturos, quàm demùm audire digladiari à se missos factuos vel ambitiosos. Sumptibus quidē legati prouidēdi sunt necessarijs, ne in medio veluti quodam rerû cursu gradum fistant, & cum vel à portu parû abfuerint, contrarijs ventis subitò trahantur. Difficile dictu est, quātus hostis paupertas sit fueritq; semper virtutis, & quàm Reipub. insigni detrimēto naui & industrijs viris, eius fa-

cultates denegantur. Eorum autem loco augentur ij, qui poterant, & haud scio an debebant, facultatibus caruisse: tantum enim abest, ut ijs sint usus, aut decori alicui, ut quasi quædam etiam instrumenta libidinum videantur, quibus apud externos abutentes, & non iniuria dicti ventosi, passim proculdubio irridentur. Quod ne fiat, senes & maturos, ut antea etiam monui, in legationibus mittere præstiterit, in quibus multa semper dies leniuit, ætas mitigauit; & quos experiundo cõtempnissse, satietate abiecisse, quædam etiam præter opinionem aliquando deprehendas; sed ita, ut & hi nullum usquam relinquunt vestigium auaritiæ, & cupiditatis suæ: senectus enim affert secum morositatem, & habendi sitim. Quæ cum omnibus fuerit turpis, tum legato turpissima: munera enim legati accipere possunt; sed qui quæstus gratia legationes obeunt, his principes nihil debebunt. Sunt enim quædam gratuita, & quæstus gratia aliæ susceptæ legationes. Hæc nullum, illæ habent duplex beneficium: unum à lege, alterum ab homine. Unum ergo illud tam foedum auaritiæ vitium, quam longissimè absit à legato eiusque animo, qui maior ferè habetur imperatore ipso. Etenim hic multa officia, quorum ipse imperitus est opera aliorum administrat vicaria: legatum verò propria non aliena, vera non fucata ornamenta commendant. Vnde etiam bellatorum nescio quis ille, unius sui legati ore quam maxima quaque militum cohorte, arces cepisse se plures gloriabatur. Quo etiam legati ipsius functio, & amatur vehementius, & colitur numinis instar impensius, & illustris ac magnifica semper habetur. Quis enim eò sit charior, qui arma verbis dirimit, gentes & nationes in hostes confociat, aduersarios voce opprimit, socios perpetuò otio atque quiete lætari facit, cum omnium non dicam laude sed plane etiam admiratione? quis illo sanctior, qui Christi & Apostolorum, & ipsius denique anunciantis refert personam Gabrielis? & non tam armis aut satellitibus septus, quam iure gentium vallatus, quo, & quando, & quomodo vult semper peruadit? quis denique legato habeatur illustrior, qui tot honorificètissimis legationibus cum dignitate obitis, tot regijs visis, tot colloquijs & responsibus regum auditis, quam ullis lauri folijs citò arcescentibus rectius gloriatur? Quo nomine, cum multi nostra ætate alij, tum nimirum Cardinalis Moronus, nescio quid plusculum laudis sibi tribui modestè licet cupiebat: nam Pardi instar, qui ut tertio assultu feram capere, sic & ille negotia conficere consueuisse vulgò dicebatur; cum reuera prudenti legato, nihil sit maius, nec magis necessarium, neque adeò commendabile hominum memoriæ sempiternæ.

Ac memo-

Ac memoria inprimis fuerit dignissimum, quod de Ludouico nescio quo Galliarum rege vulgò circumfertur, qui cùm per legatum suum hominem industrium, Caroli Burgundiæ Ducis animum, à se nonnihil abalienatum, & spe cuiusdam ab eo defectionis subiectorum belli cupidum fortè cognouisset, certa quadam vti arte, & per eundem illum legatum de omnibus pacatè cum eo voluit transegisse: præstat enim legatione, quàm armis omnia terminari. Hoc facto ad suos conuersus, nunc hos capitali affecit supplicio, nunc illos in exilium egit, nunc alios graui ære multauit; Quod non fecisset, si & prudentem legatum, & minimè præcipientem ad vindictam animum non habuisset: non enim nisi lento & bene firmato pede rebellionem aggrediare castigandam: & tantum quidem in mittendis ad externos nuncijs positum est discriminis; vt pax & bellum, felicitas & infelicitas, contemptus & maiestas principis inde haud dubiè proficisci videatur. Sed meminerimus non omnes peræquè esse qui videri cupiunt, & alios opinione vulgi, alios incorruptè iudicantium iudicio censerī sapientes, aliam denique verbosam, aliam rerum omnium dominam esse sapientiam. Quam vt hic perfectè non discamus, proximè quidem ad eius perfectionem accedere conniti debemus, & opinionem semel de nobis excitatam virtute & constantia tueamur: neque perperam & malitiosè facta, latere diu posse, aut ex latebra impunitatem sperare nos debere arbitremur. Pulchrè enim alicubi Sophocles:

Nihil occulto quando cuncta tuens,

Et cuncta audiens, omnia reuelabit dies.

Quo etiā magis turpia quæq; & ignominiosa mandata studiosissimè sunt vitanda, & tam occulta omnia, quàm quæ in aliorum vergunt exitium, nobis non inuitis, nec inuidentibus cuius potius quàm nobis mandentur. Habent enim nescio quam speciem prodicionis quæcunq; aguntur simulatè: non enim illi solùm, qui scelere & maleficio pascuntur, sed qui adeò etiam in aliorum necem cōsiliū præstant, habentur interfectores. Vnde vt varia legationum & mandatorum sunt genera; sic maximè desideranda sunt magis pacata & tranquilla, ne aut malitiosi, aut ingrati, aut etiam leues & temerarij habeamur. Quis enim legatorum futurus est gratus, quem mandata fecerint odiosum? & quem paulò curiosius in Re-pub. versantem, non reddiderint tandem suspectum, præsertim tot sectis tam inter se disiectis, & non tantùm animis, verùm etiam castris regibus inter se dissidentibus, quorum aliqui ideo se, legatosque suos, maiorem authoritatem habere putant, quòd superi-

ores non agnoscant, quasi & Deo Opt. Max. non liceat rebellasse, quod tantum abest, ut probari debeat, ut quò grauiori animaduersione dignius sit, tēpori & occasione eò magis reseruetur. Nō enim impunitas authoramentū errorum, nec cōspiratio bonis nocuerit improborū. Sed relinquamus querelas, ac vnū illud sequamur, & vtinā quidem assequamur omnes, ut sicuti capitis vnus mēbra Christi, ita & doctrinę consensione vnū in ipso simus, & non tam otiosis syllogismis dogmata, quàm fortibus factis imperium proferendum iudicemus, Legatis, qui & maiorū nostrorum suus honos cōstaret, & eorum autoritate, quibus olim paruerunt omnes, facta testāq; cōseruata, haud scio si quis ita fidenter alienis etiā inhiaret; sed vnus contemptus, generat alterius despiciatū. Quanquam & Maximiliani Primi Cæsaris tempore, iam illud etiam moris fuerat, exteros legatos longius ab aula tenuisse, & non facile aditum ad eos patuisse. Quod & Comineus in Hispanijs sub Ferdinando Catholico rege accidisse sibi testificatur. Vix enim alia aliqua re explorator ab oratore, quàm vna illa differt impunitate. Qui tantò etiam in suspicionē citius incurrit, quantò non modò regionis, sed illius etiā apud quos versabitur, experserit religionis: inter enim alia multa vincula, hominū animi, à qua & dicitur maximè religione religantur. Neq; tamē in omnes alios legatos fraudis, & iniurię subito cadat suspicio, neque vita & dogmatibus legati inquirendis opus est properato. Multi non tam iudicio, quàm errore & contagione quadam seculi, eò ut diuersum à nobis sentiant delati sunt: & multi non tam voluntate, quàm necessitate quadam superiorum iussu in curiositatis suspicionem tandem venerunt, cū ea disquirerent, quæ non videbantur debuisse. Sed & natura ingenita nobis cupiditas est quædam, noui semper aliquid sciendi & sciscitandi: & ut hominis finis non sit scientia, sine tamen ea, in cognitionem rei creatæ & creatoris venire factu est incredibile, quæ nimirum summa nec scio, an vna appellatur sapientia, quam non humanitus datam, sed cælitus fusam antiqui putauerunt. Sed sicuti quidem in omnibus rebus, quæ laudari debent ars occultanda, sic & hæc curiositas, comitate, affabilitate, & omni generis erga indigenitales officio, necessariò est tegenda & regenda. Malū enim est in suspicionē venire curiosi, sed multo adhuc deterius sortiri nomen pariter & morosi: ægrè enim vbiq; tumidos, sed domi nimirum nostrę omnium ægerrimè tolleramus. Quamobrem sit illius dicti legatus vel in primis memor, tales nos debere esse in inferiores, quales velle-
mus erga nos inuenire superiores. Arroganter compellandi, scom-
mata in

mata in aliquem iaciendi, temerè res aliorum æstimandi, & nunc huius nunc illius ferendi de hominibus iudicij, absit à legato quàm longissimè consuetudo. Accidit nescio in qua aula, quòd legatorum dictum est non nemini: Dominus inquit legatus perpetuò malè; ego contrà loquor de illo benè: viderit, ne nostrum alteruter mentiatur. Sed & sibi quàm alteri magis nocet, qui absenti obtrektatur: vulgo enim ostentat animi sui impotentiam, & minorem se illo cui fortè invidet testificatur. Deniq; obseruatum est, quod quando aliquis creatum periculum alteri voluit, quod bonus voluerit nemo; creditum est magis rem quasi aliam agenti, quàm ex instituto accusanti. Memorabile est Prosperi illius Columnæ exemplum, qui cum Ferdinando Consaluo, susceptis paruis quibusdam offensionibus, in Hispanias nauigasset, cumque ab Isabella Ferdinandi Catholici Hispaniarum Regis coniuge, de eo, deque rebus ab eo gestis interrogaretur, quo loco Neapoli esset, & quomodo in vulgus eius actiones probarentur: Perbellè, ac vnum illud deesse illi diadema acutè respondit. Quæ demum responsio causa fuit, quæ ab hinc centum annis ex Hispanijs Neapolim profectionis extitit Ferdinandi, qua Consalui administratio & autoritas fuit paulò diminuta: semper enim suspecta regnantibus procerum est virtus & amplitudo; quanquam viderint, ne dum suspicionibus indulgent, erga bene meritos ingrati habeantur: sed ad curriculum reuertamur. Legatis quidem illud vel potissimùm curæ sit, vt quæ nocere grauius eis possint, omni ratione fugiant, amplectantur quibus iuuantur: Vnde & rarò quod dixi conuiuari, non indulgere aleæ, non commensationibus, non alijs id genus voluptatibus multum dare temporis, legati expediet dignitati. Nec verò & primos illos in mensa petere accubitus, non interrompere aliorum in sermone exorsus, in suo non habere morsus; sed & consideratè, & paulatim, & pauca loqui, quod sæpè dictum est, summæ prudentiæ iudicatur. Etenim vel ex minimis de summis aliquando capitur coniectura. Itaq; vt vel ad minutiora etiam descendamus, rarò nisi prorsus habuerit neminem domi suæ, loco se posuerit legatus primo, ac nec secundo; sed præferat sibi pares, præmittat superiores, ac nec eo vsque inferiores demittat; vt cum mensæ suæ hospites adhibuerit, conturbatos quàm recreatos potius dimisisse, & sibi non alijs honorem & auctoritatem ijs quæfuisse videatur. Vt enim musci leui cordarum tactu, quàm graui aliquo pulsu, demulcent magis aures; sic ciuili ratione cum comiter aliquem excipimus, placideque & suauiter tractamus, quàm con-

tractione

tractione aliqua frontis, & supercilio graui, omnium nobis conciliamus magis voluntates. Et habet quidem vnusquisque in se legatus naturas, vt ita dicam, duas: Propriam siue naturalem vnā: Principis quæ illi est imposita alteram. Quapropter, sicuti quidem in Comædijs aut Tragoedijs, qui aut Cæsarem aut Pompeiū representant, eorum videri quā simillimi cupiunt, finita autem scæna, relictaque chlamide ad gestus & vestitus proprios reuertuntur: sic quidem & legatos in publicis theatris aut congressibus, sui principis cuius personam referunt par fuerit meminisse; sed reuerti haud ita grauati ad suam in conuictu familiari. Est enim publicum cum priuato decoro ita miscendum; vt & supra conditionem nostram nunquam nos efferamus, nec nimium demittentes, grauitatis nostræ & principis à quo missi sumus dignitatis, penitus obliuiscamur. Alterum quidem agrestium, alterum superbiorum nomen & inuidiam facile nobis conflabit: & si aliquibus admirationi, pluribus erimus contemptui: noui quippè mores & numismata respuuntur, & differt vnus gentis ab altera natura, & nunc huius nunc illius aulæ consuetudo. Nam vt illud etiam denuo ipsum quod paulò antè attigeram, breuiter succincteque commemorem; & quisquam dubitabit, quod quibusdam in regnis capiendi pro se cuique loci facultas in mensa datur, alibi verò non nisi arbitrato hospitis hospes collocatur. Quid igitur? An & hoc ei, qui in aulam legatus venit, scitu non fuerit necessarium, tum vt alios apud se discubituos collocare sciat, aut eorum voluntati & iudicio id permittat, tum verò vt & ipse locum sibi eligat, personæ & dignitati suæ congruentem. Minuta hæc sunt fateor, sed turpius est ignorasse illa, quā discere noluisse. Vnum autem quod toties dixi, quodque ipse gentium Doctor alicubi monet, Piè, castè, sobrièque viuere, in legationibus sciamus, & alios ad exhaurienda pocula non tātò opere vrgeamus. Enimverò nescias, cū aliquando potū volueris effutire vim apud te omnem quā habet secretorum, quod tu ipse in eandem illam, quam alteri struxeris foueam, facile etiam illaberis. Vna illa ebrietas omnis licentiæ est mater, & infida custos taciturnitatis. Quid quod & refugiunt talē legatum homines, vt cōtra sobrietatis, & taciturnitatis fama inuitātur ad eū quāmplurimi, & legatus quod non scit hodie ab vno, resciscit postridiè ab altero, atq; item tertio humanitate & taciturnitate nostra victis, & quodammodo in legati sententiam & familiaritatem sensim perductis: compedes enim iniicit, qui credenti se alicui fidem seruauerit: & qui maior existens, facit sibi inferiorem, vel nonnunquam cum grauitate pa-

uitate parem. Omnes enim ferè homines contrarium licèt præseferant, æstimant se magno, & æstimari cupiunt, præsertim ab æstimato: Ac vt nihil magis sit lubricum & incertum, quàm verborum pompa, & externa ista denunciatio voluntatis; tamen mirum est, quot & quanti his rebus etiam capiantur. Non sit tamen taciturnitatis quærenda laude legatus, ligatus celare aliorum crimina, in principem aut suum, aut eum apud quē versabitur commissa, si præcipuè ea de re fuerit requisitus. Quo minus & facilis alijs, præsertim quos aut non diu, aut minus probè nouit regibus commendandis. Nam præter quòd suos sibi ab exteris cōmendari egrè ferunt reges, nō multū in recessu gloriæ & emolumentum subita aliqua habet cōmendatio, cū quos cōmendauerimus, cōmendationi non respondentibus, cū quodā veluti rubore quotidie in aula intuemur, & aliquādo imponimus nobis necessitatē pro sceleribus, si quæ fortè eorū inciderint, respōdendi. Et quoniam memoria plerūq; est labilis, cōsignet quotidie legatus literis, quæ vel ipse loquitur, vel audit ab alijs, notatu præsertim digniora. Fuerunt vsui multa, quæ delituerūt in scrinio diu secreta. Sed hac in parte & princeps & legatus ipsius sint cautissimi, nec illa temerè velint literis cōmittere, quæ aliquādo possent vulgari. Etenim sicuti nulla alia magis re, quàm epistolis cōmunicantur plurima, ita volunt & debent esse secretissimæ illæ, ne in manus aliorum deuolutæ damnum, aut ignominiā pariant nobis sempiternam: omnia enim secreta anxie quærentur, & occulta inueniūtur. Seuerus olim Imperator Clodio Albinio occiso, statim inquiri ipsius literas iussit, & quæ ad alios scripserat, & quæ responsa habuerat, tandem inuenit, quo erat factum, vt multi hostes patriæ à senatu pronunciarentur. Cuius rei vt occurrere quidam potuissent, tabellis ligneis, scriptura desuper cera obducta, hostium consilia suis prodiderunt: & aliqui loris circa baculum complicatis, quæ sciebant secreta perscripserunt: alij è castris & munitionibus bullas plumbeas, certis notis consignatas è funda miserunt, & denique etiam nonnulli literas sagittis interpositas, sunt eiaculati. Vt epistolas quæ lacte, aut succo cæpis scribi possunt, non commemorem, quarum characteres ad ignem admoti exeunt, & in apertum veluti ex nihilo proferuntur: & vt literarum notas, quas vulgò vocant ignotas, taceam, quibus secretissima quæque inter se cōmunicantur. Quæ omnia ad legati & legationis munus pertinent, scienter & cum dignitate obeundum: quo haud scio si quid fuerit illustrius, vtpotè cū vna illa rectè obita legatione, legatus passim & vbique laudetur, suorum & hostium in ore versetur, præsens &

Qq absens,

absens, viuens & moriens commendetur; maximè si non tantùm ea, quæ propriè ad legationem, & tam negata quàm obtenta postulata spectant, sed etiam quæ ad regem regnumque, siue prouinciam in qua fuerat pertinent, fideliter explicabit: vt enim singulis ferè decennijs ea mutètur, & perpetuò floreat nihil, tamen his cognoscendis homines imprimis delectantur, & haud scio an iuuatur. Cuius rei vt maiorem lucem legatus exponendæ & obeundæ legationis habeat, breuem quandã seu formam & lineamenta quasi extrema annotabo. Primùm quidem legatus describet situm illius in quo fuerat regni aut prouinciæ, & tam antiquas, quàm recentiores appellationes regionum, urbium, & oppidorum apponet. Deinde habebit semper ad manum aliorum quoque; tam veteres quàm posteriores descriptiones, quibus collatis, de vnaquaque re facilius eliciat veritatẽ, nimirum quæ sit illius regni siue prouinciæ eleuatio poli, quæ orientis & obeutis solis, quæ Austri & Aquilonis partes, quæ longitudo atque latitudo, quæ circumferentia, quot porro minores alias prouincias seu municipia, quot Archiepiscopatus & episcopatus, quot nauigabilia flumina, quot excelsos & superatu difficiles montes, quot munitiones, & quæ adhuc extrui possent sortiatur. Demùm veniet ad eiusdem regni siue prouinciæ vicinitates, confinia, confiniorumque; rationes, aeris temperiẽ, bonitatem soli, vbertatem agrorum, riuulos auri, argenti, & aliorum metallorum, commoditatem venationum, genera & multitudinẽ ferarum, magnitudinem sylvarum, & similia. Ab his transibit ad mores & ingenia hominum, ad rationẽ & cultum viuendi indigenitalium, ad habitum & habitudinem corporis, ad speciem & quandam veluti proprietatem coloris, & oris denique ipsius ac faciei dignitatem. Nec verò non describet publicas etiam leges atque sanctiones, pietatem vel superstitionem nationis, peculiare consuetudines omnium, modum & qualitates cæremoniarum, terra marique; militandi usum, militem domesticum, & quo aliquando utitur etiam externum, ducum munia, prærogatiuas, præmia, inferioris verò militiæ ordinem, stipendia, procerum vires & magnificentiam, nobilitatis vigorem, frequentiam & facultatem plebis, mores & consuetudines gentis, & omnium tam politicorum quàm ecclesiasticorum statum & conditiones. Postremò verò accedet ad ipsum ad quem mittetur principem, suis (quod aiunt) coloribus depingendum, ordieturque; primùm à genere, maiorumque incunabulis ipsius, demùm progressu temporum, quibus artibus & occasionibus creuerint, quas domi forisque res gesserint, quale nomen in morte, quale & quantum imperium reliquerint suis demonstrabit.

Ac nimi-

Ac nimirum ad ipsius principis apud quem legatione fungebatur, mores, ingenium, & tam ocij, quàm negotij illius rationes veniet explicandas, & quàm odio habeatur vel ametur à suis, suspiciatur vel contemnatur ab exteris, quantum vectigalium ei sit, quot rursus & quantos sumptus faciat, quantum militiæ foris, quantum domi stipatorum alat, qualem & quantam aulam, quales consiliarios, quales domesticos, quot & quales corporis custodes, quibus cum amicitiae aliquid & hostilitatis habeat, & quæ deniq; tã subsidia pacis, quàm præsidia belli, pro re & occasione nancisceretur. His enim sciendis & resciscendis legati ditescit animus, & lucem haurit principum non nemo, & tota deniq; eiuscemodi legatis condecoratur regio atque religio: sunt enim idonei legati, tanquam quidem flores populi, quibus constat honos omnium, & pax, & tranquillitas, in qua cultus Dei & religio viget regionum. Sua deniq; scire & ignorare aliena, diuinitas est scientiæ Repub. gubernanda, & vna sunt illa ad documentum posteritatis obitæ legationes, scripta relicta, & in archium regium, tanquam in quoddam sacrarium importata, quæ seriem & vicissitudinem testantur temporum, memoriam conseruant præteritorum, & industriam ac opera locupletant scriptorum. Sciendum tamen est, non peræquè omnibus scriptis & scriptoribus habendam esse fidem: nam multa dicuntur partim odio, partim inscientia, partim vanitate. Sed vnū illud omnium maximam dat auctoritatem eorum monumentis, cum non modò interfuerint, sed & præfuerint ipsi aliquando rebus, & placuerint si non cunctis, saltem sanioribus, & perfuncti postremò legatione, eius rei testimonium ad suos retulerint luculentum: nefas enim est, sine eius ad quæ veneris, & sine illius à quo missus fueris, scitu & volutate ab aula discessisse, ac multo minus decuerit non deposita legatione, apud exteros remansisse. Quod olim Philippum Callimachum Italum à Florétinis, ad Cazimirum III, & Andreā Dudicium Sbardellatum Hungarum, à Maximiliano Cæsare, ad Sigismundum Augustum, & Andreā Lorchium Germanum, à Ioanne III. Sueciæ Rege, ad Stephanum Poloniæ Reges constat fecisse, & in Polonia remansisse. Quod ipsum & Polonici cæli non omnium inclementissimi, & nationis haud ita inciuilis est argumentum. Vix enim aliquis paulò cultior mores suorum, nedum aliorum barbaros, & regionem patitur horridiorem. Quid quod multorum & saniorum est opinio, præstare eius principis apud quem fungere legatione, retulisse literas parum moratas, quàm sine obitæ legationis aliqua saltem nota, ad suos reuertisse. Illud enim principis qui scribit animi tribuitur impotentia, posterius aut legati metui, aut verò leuitati. Cum ta-

mē eiusmodi legatis, qui pro patria aliquid experti difficultatis sint, aut mortem obierint, statuas & trophea erecta antiquitus mementur. Curet tamen quantum in ipso fuerit, ut ne tales quidem, quales odio & contemptui essent, legatus domum referat literas, & legatum non tabellarium se esse recordetur. Aut si apud morosum aliquem principem, obtentu id erit incredibile, exemplum literarū earum quę sibi dabuntur petat, eoq; viso dehortetur eum ab instituto: est enim magna loquendi, sed multo in principe scribendi maior licentię turpitudine. Proditionis verò alicuius, simul ac conuictus legatus fuerit, & sine retardatione & grauissimè puniatur, ne qui non modo factō, sed etiam peccare videtur & exemplo, propter authoritatem, & eius cuius personam in se sustinuerit maiestatem principis, impunitus dimissus dicatur. Facilius enim impunita imitamur vitia, quàm quę in alijs præmijs affici cernimus virtutum exprimimus simulachra. Iam verò nec illud quoq; quod quibusdam placuit, vnquam probauero, principi alicui verbis dandis, prius legato qui ad eum mittitur dari oportere, quo acrius persuadeat, nihil simulationis in mandatis latere suspicatus. Quorsum enim hæc fuerit simulatio, cū aut bono aut secus viro mandanda sit legatio? & fido quidem verba non expediat dari, infido se committere planè sit fatuitatis. Nec item alterius laudauero sententiam, qui verbis planè ijs vult exponi mandata, quibus ab ipso rege aut principe fuerint pronunciata. Cui enim bono daretur diuinitus eloquentia? si pro re & occasione ea non vteremur? & quasi omnes & singuli principes sint ad persuadendum faciles & uniformes, cū concitatus vnus & vehemens sit, sedatus & temperatus alter: ille fundat multa ex tempore verba, hic proferat etiam meditato pauca: ille det ambigua, hic clara responsa: ille propositas sibi res in disquisitionem ponat, hic sine cunctatione respondeat: ac vnus non immoretur, alter deliberet diu. Ut enim facies, sic diuersa sunt ingenia hominum, & non nostris principes, sed nos expedit accommodare se nutibus regum, & principum maximorum. Atq; ut medicus cibi & chirurgus balnei, nō nisi eius qui consilium petit, cognita prius necessitate, tempus & rationem præscripserit: sic & legatus non nisi in arena (quod aiunt) quid illi faciendum, obmittendumue fuerit, consilium capere poterit & debet. Deniq; ut corpora nostra, sine alterna quiete & exercitio; sic nec rerū tractatio potest esse tā aliquando felix, quàm etiā diuturna. Nam si is qui negotia tractare debeat, celeritate tantum rationi inimica utitur, quę ipsius est anima expers erit dignitatis; sed oportet ut
hoc cum

hoc cum illo misceat, & moram festinationi cupiditatique suæ interponat. Cum enim volumus esse diligentes, sæpè aut leues, aut importuni habemur: & tantum quidem abest, ut re quam tam anxie quærimus potiamur, ut vel eò etiam magis eos quibus cum nobis negotia fuerint, principiò erga nos arrogantes, mox obstinatos, postremò etiam cognoscamus furiosos. Itaq; ut vel aliquando paulò tardius detur nobis responsio, nò subito præcipitata omnia velimus, aut etiam interpretemur iniquius. Multi magni morbi (inquit Cornelius Celsus) curantur abstinètia & quiete. Hoc item modo magna quæq; negotia, magna rerum humanarum tolerantia ad exitum optatum prouehuntur. Facilis quidè procrastinationis & tarditatis cuiusvis inuenitur explicatus: nam aut alicuius rei, successu temporis veritas disquiritur, aut postulata habentur iniusta, aut despicabiles ij, qui eorum sunt authores. Si non extrahendi temerè temporis causa, sed inuestigandi veri aliquid interponitur moræ; tolerandum est patienter: si iniusta legati videbuntur postulata, ut dissimulanter aliquandiu id feratur, nec illud quidem latuerit diu, si contemnimur, ne adeò plus etiam & periculi & difficultatis sortiamur, seriò & sollicitè prouideamus. Importuna petitio despicatum, iniusta odium, difficilis aliorum animum reddit erga nos alienum. Nos verò contra hæc omnia minimè præcipientes sumus, ne si fortè negatum nobis aliquid fuerit, ad arma necessitatem recurrendi, non tam habuisse, quàm ipsi quæsisse videamur: in multis enim bonis, imprimis nominis & famæ, & bonum amemus publicum. Quid quod sæpè sæpius usu venit, ut nec in ipsa quidem desperatione omninò sit desperandum, præsertim cum ratio præest & appetitus ancillatur; & tam is qui petit, quàm & ille à quo petitur, sui non obliuiscitur decoris, status & conditionis. Sic olim & Carthaginenses à Romanis petebant interdum aliqua, quæ nec peti, nedum obtineri videbantur potuisse: & nihilominus tamen postremò facta sunt tandem etiam & facilia ipso obtètu. Nò tam enim petentis, quàm à quo petitur cōsideratur sæpè conditio: nec tam propter alios, quàm propter nos ipsos multa multis elargimur. Vnde illud sermonibus vulgò crebrò usurpatur prouèrbium, quòd iuuat audaces fortuna. Nam quantumvis licèt actum immoderatum fateamur esse audaciam; tamen iuuari, ut plerumque fit, audaces videmus, & contra omnem rationem & consilium fieri quamplurima, quæ nihilominus sequi quàm secus præstiterit, & in consilium non admittere casum, nec velle videri temerarium.

merarium. Semel enim & iterum fortunam, quam rationem magis secuti, & repulsam passi, simul imprudentes impudentesque habemur, & in eorum quibus cum negotia tractauerimus odium & suspicionem incurrimus, quorum alterum periculi, alterum nostri causa est despiciendus. Nemo enim iis quæ petuntur negatis, facile sibi promittat largiora, & duplex ferè accepti & negati beneficii est ratio, dato ad danda inuitamur plura, negato nos ipsos priuamus voluntate dandi etiam minutiora. Antequam igitur aliquid postules consultò, postquam postulaueris animo opus est magno, postulatis quæ negantur obliuiscendis: ridiculum enim est, ut pomis pueris negatis, sic cruciari prudentiores irritis eorum postulatis. Quo magis in legati cognitione & intelligentia rerum, multum est positum, qui ne quid in eo resideat culpæ, consignabit mea quidem sententia tutius omnia literis, & adeo familiaribus & domesticis suis, cunctorum in legatione, vel minutorum author erit notandorum: ut enim in urbium irruptionibus, præliisquæ maioribus, nunc hoc iste, nunc videt ille, nec persequere in narratione rerum concordant vniuersi: sic se habet & in legationibus, quod plus aliquando quam legatus ipse obseruant eius familiares, præsertim si sagaces fuerint, & in pænitiore ædium intromittantur regiarum, ubi is qui veluti in proscænium prodit, in rem ipsam intentus, parum aut nihil circumstantiarum videt, comites facilius omnia per se ipsi intuentur. Ad eum modum legatus legatione functus, domumque suam reuersus, principi amabilis, omnibus admirabilis, & æmulis suis, qui ut umbra corpus legati comitantur industriam, reddetur formidabilis. Qui tanto etiam alijs comunicabit hæc libentius, quanto inde suæ gentis omnes & singulos maior manet honos, & secunda recordatio naufragiorum, affert in tranquillo plus voluptatis. Ut enim ij qui ex magna aliqua portum capiunt tempestate, illis qui portu soluunt præstant se commodè monitores: sic quidem & legationes publicas obituri, aliorum admonitiones nunquam respuunt salutes. Quæ cum ita sint, præclarum sanè legationis censendum est munus, siue sanctitatem, siue utilitatem eius spectes, & siue publica siue priuata commoda intueare. Ac proinde probè nauata Reipub. à legato opera, ornabit princeps eum & munerabit semper, ut alij etiam eius exemplo ad virtutem accendantur: ut enim humana corpora cibo, sic virtus suo alitur præmio, nec libenter feruntur labores, qui nullo prorsus emolumento alleuantur. Quis enim nescit magnos magno semper viuere, & aulam splendorem & magnificentiam postulare? Sic

ut æquissi-

vt æquissimum sit præter illas quæ profecturis dantur pecuniæ, opibus Reipub. legatos præterea augeri: magis enim Respub. idoneis indiget viris, quàm vel illi ipsi Reipub. diuitijs. Ac tantum quidem abest, laudi vt fuerit ineptis idoneorum loco dare, vt solem è mundo tollat, qui virtutem inedia & contemptu labefactat: nemo enim honoratus ipse, habitantem adit sordidè, nemo æstimat viuente parcè, nemo obseruat cum vno aut altero inambulanti comite, nemo miratur absque currubus, equis, & phaleris, in quodam quasi hærentem pistrino, perpetuaque egestate, & denique non solum hominum vulgus ipsum, qui hoc maximè capitur, sed & prudentiores requirunt in nobis splendorem vitæ externum, in primis autem vel internum. Iam verò vt semel & iterum legatus expectationi non responderit, abstineat princeps vti ipsius opera, nec velit committendis erroribus videre aut reddere solidiorem: legatio enim requirit maturum hominem, non tyronem, grauem non histrionem. Nam quantulum idcunque fuerit, in quo legatus pedem impegit, augetur verbis vehementius, & hæret memoriæ diu, nec vel vnus lapsus, plurium qui eum subsequuntur emendatur firmitate. Quo etiam eorundem legatorum, qui benè se gesserunt opera, quoad eius fieri potest diutius, apud eosdem illos principes magis expediet vti, ne noui & non peræquè experientes, in errorem aliquem crassum prius illabantur, quàm erudiantur: scopas enim & ministros novos initio laudaueris, sed paulò post plura ferè in ijs quàm veteribus requiras. Sed nec ita princeps, vt vnum & eundem semper mittat, veluti cuidam necessitati alligatum se arbitretur: nā qui identidem & perpetuò operam nauant, deberi sibi omnia existimant, & facilius sibi præfidunt, & denique corrumpuntur. Ac ne multa, tam princeps dimittendis legatis, quàm legatus ipse his rursus rebus negotijsque tractandis, magno delectu, consilio, & rerum vsu ipso opus habet: turpius enim cum mandatis reuocatur, quàm ea negantur legato, & quàm rectè factis suum honorem tribuamus, minus alterius commiseremur infirmitati. Interim tamen meminisse pro se quisque principum etiam debet, quòd in hoc mundo immundo, seu vitiorum quorundam versamur omnes Oceano, & montes atque colles stare, homines hominibus obuiam fieri, & tanquam lepores leporibus simillimos nasci. Iudicia quidem sua ferre de nobis vulgò varios varia, sed (vt plerumque fit) sæpius etiam nihili & temeraria. Victus ergo ratione tantum valetudini consulendum, & medicorum turbam negligendam. Obseruatum est, non peræquè tribui laudem & præmium virtuti, quàm

præstari patrociniū sceleri, nec tam suspici doctum & diligentem, quàm cum hoc commisceri rudem & insipientem. Regium verò esse beneficijs obligare sibi multos, fideles licet experiatur quàm paucissimos: audire vulgo malè, & facere nihilominus benè, vitijs etiam quàm hominibus plus succensere, ingrato aliorū animo non offendi, & quantum Deo Opt. Max. pro tot ac tantis acceptis beneficijs ipse debeas, & quid gratiæ exolvas, tecū ipse reminiscendo recordari, ac tum nimirū futurū te, alijs quoq; quos ingratos dicis æquiores. Vnum autē pro multis relaturū semel beneficio vicem, & Deum Opt. Max. tam esse semperq; fuisse locupletem, vt aliorum inopiam possit & velit supplere. Postremò Ioannis Sepusij Hungariæ Regis dictum illud esse memorabile: Si vel mille quotidie nos fraudarent homines, non admittendos in consuetudinem postridie quadrupedes; verū cum illis ipsis hominibus viuendum & moriendum. Vnus Deus Opt. Max. est perfectissimus, homo homine imbecillior & imperfectior paulò plus vel minus. Vnā interim normā illam vitæ potissimū obseruandā, vt arcana celemus, pauca loquamur, nihil inconsultò aggrediamur: nec modo ordiendæ rei principia, sed finem adeò ac exitum cogitatione collustremus: falsitatem quantum in nobis est habeamus odio: parum aliquid aut nihil temporis otio, plus semper tribuamus negotio: virtutem honore, scelus dignum arbitremur supplicio: cohibeamus iram, seruemus moderationem animi & iustitiam: loco superioribus sine retardatione cedamus: inferioribus de eorum iure nihil prorsus detrahimus: fide & taciturnitate maximè commendari, pauperum misereri, vt & ipsi misericordiam aliquando forciamur velimus: & ante vltima funera, tempestiuè discamus mori, ne illa suprema die, qua multa incommoda simul concurrent, tanto quantus futurus est oneri atque angori, succumbamus. Nostrum istud quidquid est scire & viuere vmbra est simillimum. Nos igitur ipsos quàm alios potius noscamus, ne falsa persuasionē de nobis inebriati, cum portum cepisse nos, tum maximè portu soluisse videamur. Deus Opt. Max. bonorum author est omnium, qui dat & illuminat intellectū, & qui facit omnia sine errore, & nihil vult fieri vt hic tantū laudemur a simulata probitate. Facile alioqui pedem impingit mortalis, sed qui lapsus non surrexerit, ad interitum ruet ipse voluntarium, quem pro se quisque tum maximè timeat, cum præfidere sibi ipsi cœperit; & morbum, casum, senectutem, quasi quosdam prænuncios mortis, ipsumque adeò se creatam rem, & creatorem noluerit agnouisse. Qui cum vnigenam suum filium, apud nos legatione

gatione fungi, & ipse Apostolos suos quasi quosdam interpretes,
 & nuncios rerum vitæq; nostræ magistros per orbem terrarum pas-
 sim voluerit mitti, nos quoque ad vnam illam æternam ipsius glo-
 riam, legatos & legationes, nostraque dirigamus vniuersa, & non
 magis dici, quàm esse in occasionibus idonei legati, & qui eorum
 mittendorum potestatem habuerint inprimis considerati, ac
 quod denique summum est, eritq; perpetuò, om-
 nes omnibus in rebus & actionibus nostris
 non magis nomine, quàm ipsa
 re christiani esse, & haberi
 cupiamus.

Finis ad gloriam vnius Dei Opt. Max.

STANISLAVS MINSCIVS

PALATINVS LENCICIAE,

Christophoro Varseuicio. S.

LEgi epistolam tuam, pronubam libri de legato & legatione tui, &
 quidem ita legi, mihi summæ ut fuerit voluptati: nam & amoris in
 me tui, & ingenij simul velis ita vectus es latissime, ut horum vtrumq;
 sibi vicissim adiumento fuerit. Quid enim breuius, vel de me honori-
 ficentius, vel de ipsa singulari materia grauius dici potuit? In quo cum
 omnia & doctissimi viri, & amicissimi coniunxisses officia, illud est quod
 vereare, ne dum me parem præceptis fingis, iudicio grauiissimo tuo non-
 nihil præiudicasse videaris. Amaui te semper mi Varseuici, ut debui,
 cum ob singulare animi tui in me studium, mihi antea iam pridem notum,
 et antiquam familiarum nostrarum in hac prouincia coniunctionem; tum
 ob eas animi dotes, quibus non solum te, sed & patriam exornare sem-
 per studuisti. Nunc verò te etiam atq; etiam diligo, & admiror me her-
 culè, quod inter tot tuas calamitates, & aduersæ fortunæ procellas, non
 modo animum te dignum non remisisti; sed & studia ac literas ita colui-
 sti, ut nunc plurima laborum & lucubrationum tuarum monumenta, ex-
 ternorum manibus summa cum laude tua passim conterantur. Ita senesce-
 re oportet

re oportet virum, qui tot Imperatoribus, tot regibus, tot principibus ser-
uierit, & charissimus fuerit, negotia domi forisq; tractauerit, multas gen-
tes, regiones, moresq; ipsarum viderit, ut & prima vitæ tuæ tempore,
et media, et extrema meliori præmio, non animo, à iudicibus haud inuidis
digna fuisse censeantur. Ad quorum certè consensum, vnus ego licet
paruus magnarum virtutum tuarum & doctrinæ testis, libenter accedo,
& dum ipse civili labore liberioris vitæ otium mereri studeo, faueo si
vnquam potero dignitati tuæ. Interim te valere percipio. Datæ ex
Minscio vij. Calen. Decembris. Año M. D. LXXXVIII.



Corrigenda.

Folij facie 5. pro seu, lege ceu. 6. vicina vicinia. 6. perfidiei perfidiæ. 8. seu ceu. 16. seu ceu. 16. iucumbet incumbet. 22. rationando ratiocinando. 25. euidantia euidencia. 27. Mahometa Mahometana. 28. Turca Turcam. 28. examinata exanimata. 29. deprædet depredeatur. 39. interitum interitu. 35. rufus rursus. 36. seu ceu. 37. captū capto. 37. bella, vel; bella, & quæ, vel. 37. Turcis ipsi Turcis ipsis. 38. Christianorum Christernorum. 38. spoliandorum ergo, spoliandorum fanorum ergo. 39. forzia Sforzia. 39. Gaudenum Gandauum. 41. iucuitus intuitus. 48. fluruerūt floruerunt. 49. quorum quarum. 55. quod quo. 76. incenidum incendium. 77. sui suæ. 81. ne non nec non. 103. gubernaculis gubernaculis. 104. testificandæ testificandi. 113. exaduersis exaduersus. 115. seu ceu. 120. religinem religionem. 123. altero alteri. 124. habueritis habueris. 124. iuuauerint iuuerint. 126. à quiescas acquiescas. 126. subeundem subeundum. 127. Tarnonius Tarnocius. 129. instruendæ instruendæ. 130. at omnibus ab omnibus. 132. seu ceu. 140. Christianis Christiani. 141. Christianam Christiana. 145. partem in partem. 149. seu ceu. 151. vi dixi vt dixi. 154. sequi millesimum sesquimillesimum. 157. ingulum iugulum. 157. Mahometana Mahometana. 157. reueremus reueremur. 157. eam mea. 158. seu ceu. 158. stipenda stipendia. 161. postlimio postliminio. 165. exinanimat exanimat. 167. publicum publicam. 173. hæreseos hæreseon. 174. Hinc ille illæ. 176. seu ceu. 178. stimulis stimulus. 179. seu ceu. 179. habere haberi. 181. virida viridia. 183. stesectus est effectus. 184. nimina minima. 184. exhauri exhauriri. 185. sequere sequare. 185. depingenbat depingebar. 185. pecunia pecuniam. 185. impetrata impetratam. 186. vno illo vni illi. 188. & qui denique vno, & quæ denique vni. 188. Pont. Pontifice. 189. Aquilonem ad Aquilonem. 190. de Arabis Arabibus. 192. concupisci concupiscit. 192. quæ iura libertas, si; quæ si. 192. quoque sedes; quoque iura, libertas, sedes.


Registrum.


A B C D E F G H I K L M N O P Q R S T V X Y Z.


Aa Bb Cc Dd Ee Ff Gg Hh Ii Kk Ll Mm Nn Oo Pp Qq.


Omnes sunt Duerniones, præter Qq Ternio.











Konserwację papieru i nową oprawę
wykonano w Oddziale Konserwacji
Biblioteki Jagiellońskiej.
Oprawę wykonała p, Anita Bogdanowicz.

Kraków, VII.1979

Biblioteka Jagiellońska



stdr0024899

